

891.54

9, 76

ԳՐԻԳՈՐ

ՉՈՏՐԱԾ



ԳՐԻԳՈՐ
ՕՈՆՏՐԱԿ

ԵՐԿԵՐԻ ԺՈՂՈՎԱԾՈՒ,

ԵՐԿՈՒ ՀԱՏՈՐՈՎ

Հ Ա Յ Պ Ե Տ Հ Ր Ա Ց

83154

976

ԳՐԻԳՈՐ
ՕՈՆՏՐԱԿ


1971

ԵՐԿԵՐԻ ԺՈՂՈՎԱԾՈՒ

ՀԱՏՈՐ ԵՐԿՐՈՐԷ

Կազմեց և ծանոթագրեց՝
ՄԻՆԱՍ ՀՅՈՒՍՅԱՆ

Եկամտիչ՝ Կ. ՏԻՐԱՏՈՒՐՅԱՆ



1488

ГРИГОР ЗОХРАБ
СОБРАНИЕ СОЧИНЕНИИ
в 2-х томах
Том II

(На армянском языке)
Армянское государственное издательство
(Айпетрат) Ереван, 1962





ԱՆՀԵՏԱՑԱԾ ՍԵՐՈՒՆԻ ՄԸ

ԳՈՒՍԱԿԱՆ ՎԵՊ

Մ Ա Ս Ն Ա.

Ս Ե Ղ Ի Ա Ք

Երեք ուսանող երիտասարդներ էին ասոնք, երեքն ալ զատ զատ գաղափարներու, զգացումներու և հատկութեանց ներկայացուցիչ. այսօր և ոչ մին մնաց անոնցմե, մին մահը տարավ, մյուսը պանդխտութիւնը տարագրեց և երրորդին ոչ ոք գիտե ուր ըլլալը:— Հետք ու հիշատակ չի թողուցին. ո՛ւսկից եկան և ո՛ւր գացին ասոնք. ոչ ոք կրցավ երբեք իմանալ. բայց անոնց տարօրինակ կյանքեն քանի մը հատվածներ դեռ բերնե բերան կը զրուցվին: Պարզ ու սրտահույզ է այս անհետացած երիտասարդաց վրայի ավանդութիւնը:

Երբ ուսանող կըսեմ, կերևակայեք անմիջապես քսակով թեթև, հույսով հարուստ, զվարթ, լքյալ, անտեր ու անհոգ էակ մը. ոչինչ ավելի հետաքրքիր է քան գոյութիւնն այս արարածին որ ուսման խստութիւնն իր անսպառ զվարթութեամբ կը թեթևցնե, ու շատ անգամ անողոք ճակատագրի դառնութեան դեմ կը մաքառի:

Ընկերական արդի դիրքին մեջ ուսանողի կյանքն հատուկ գոյութիւն մ'է խորին ուսումնասիրութեան արժանի. այս տարօրինակ կյանքն ընկերական պայքարին մեջ առաջին պատերազմի դաշտն է այսուհետև:

Ուսանողն՝ ամեն բանի փափագող ու ամին բանն զուրկ՝ հեզնող ու դժգոհ անձնավորութիւն մ'է:

Այն երեք պատանիներն՝ որոց պատմութիւնը կստանձնենք, Փերայի Համալսարանին ազատ ուսանողներն էին, ատեն մը երբ իրավաբանական ու երկրաչափական ճշուղերը կը դասախոսվին հոն:

Երեքն ալ առանց ընտանիքի ու առանց ստակի երիտասարդներ էին. ի՞նչպես գտեր էին զիրար. պարզապես Համալսարանին մեջ հանդիպելով. միատեղ ճամփորդութիւնը միշտ բարեկամութիւն հառաջ կը բերեւ ուսանողութիւնը ճամփորդութեանց լավագույնն է. ուստի շուտով մտերմացեր էին այս երիտասարդներն որք միասին ճամփա ելած էին դեպի անծանոթն:

Քսակնին սովորաբար պարապ, ու պարտավոր գոլով երբեմն ցերեկվան ճաշն առողջապահիկ կանոնաց հակառակ և հետևաբար ավելորդ դատելու, այս պարոններն երբեք չէին մտաբերած բախտին խստութեանը դեմ գանգատելու. բարձրագույն գիտութեանց հետևելով, քիչ շատ փիլիսոփա, այլ զվարթ փիլիսոփաներ էին ասոնք:

Դասախոսութեանց ժամը լրանալուն պես, այս երիտասարդներն՝ իբրև Փերայի փողոցներուն մշտաշրջիկ ոգիներն՝ վարձու սենյակ որոնելու պատրվակալ տուններու մեջ փակված գեղուհիներն երևան հանելը բան գործ ըրած էին իրենց:

Բայց այս ձրի ու հաճոյալի պարապումը երկար չի տևեց. բաղդատաբար շատ կարճ միջոցի մեջ, վարձու տուն կամ սենյակ ունեցողներուն ամենքն ալ այս երեք թափառիկ այցելուները ճանչցան և իրարու ճանչցուցին, այնպես որ օր մը բոլոր տուները փակ գտան իրենց առջև:

Այս կացութիւնը ծանր էր ու չէր կրնար շարունակել. երեք բարեկամներուն ամենէն հանճարեղին կիշնար ճար մը մտածել, գյուտ մը ընել, եթէ ոչ ուսմանց մեջ անուն ստանալու՝ գոնե ամենօրյա նոր զրոսանք մը հնարելու համար:

Հարկը մարդս հնարամիտ կընէ:

Փերայի տանուտյարք առավոտ մը տեսան երկրաչափա-

կան գործիքներով զինված մի քանի երիտասարդներ որք իրենց տանը հատակագիծը շինելու զբաղած էին:

Փողոցներուն նոր ուղղութիւն մը տալու խոսք կար. ասոնցմէ մին տուները երեքական մեթր ներս քաշելու հարկին վրա կը պնդեր... երե՞ք մեթր... տանուտյարք ահաբեկեցան. Քաղապետական վեցերորդ շրջանակը՝ փողոցի համար փլցուցած տուններուն արժեքը հատուցանելու կողմէն հռչակ հանած շէր, ու ասով երրորդը կըլլար որ երկրաշափները դարձյալ իրենց բնակութիւնը քանդել կորոշեին: Կալվածատերներեն մին մոտեցավ այն երիտասարդին որ խումբին մեծը կերևեր ու զայն տուն հրամցուց անոր սիրտը շահելու համար: Երիտասարդը դժվարութիւն չըրավ և իր ընկերներով այս հրավերին պատասխանեց:

Այս փոքրիկ քաղաքավարութիւնը բոլոր այն փողոցի տուները փրկեց, վասնզի երկրաշափներն իրենց գործիքները վերցնելով ուրիշ տեղ փոխադրեցին: Ավելորդ է ըսել որ այս սպառնալից կատակն ուսանողներուն նորահնար մեկ միջոցն էր:

Ահա այս և ասոր նման հազար խաղերով իրենց ցերեկվան ժամերը կանցունեին այս հովկուղ դատարկաշրջիկներն, ինչպե՞տ կըսեր բարեհիշատակ Ռուսինյան:

Գիշերները տարբեր խնդիր էր. զբոսանքի նեղութիւն չի կար. դժվարութիւնն ընտրութեան մեջ էր. Փերայի բոլոր Քաֆե շանքաններն հյուրամեծար կը գտնվեին այս տղոց համար, վասնզի ամեն մեկուն մեջ մեկ մեկ երգիչ աղջկան համակրութիւնը շահած էին:

Երբեմն ազգասիրական զգացում մը մուտք կը գտներ այս զվարճութեանց մեջ. օր մը տեսան որ Տիգրան՝ երեք մտերմաց կրտսերագույնը՝ Արևելյան Ալքազարի մեջ նորեկ ու գեղանի գերմանուհի մը բարեկամութիւնը շահեր էր. դիտեցին որ այս կապակցութիւնը սովորականնն ավելի ջերմ էր. Տիգրան ամեն օր մեկ երկու ժամ այս աղջկան տունը կանցուներ:

Ամիս մը վերջը գիշեր մը Տիգրան Համալսարանին բոլոր աստանդական ուսանողները ժողվեց ու Ալքազար տարավ: Ես եմ զձեզ հրավիրողը, պարոններ, ըսավ Տիգրան ասոնց առջև

իյնալով. երիտասարդներն հոժարակամ հետեւեցան իրենց դեռահաս ընկեցիին:

Թրամվեյի նոր գծին շինվելեն առաջ ամենուն ծանոթ էր այս հռչակավոր սրահն, ուր այսօր նոր թատրոնը կը բարձրանա իր շքեղ ճակատով:

Ամեն ոք գիտե կամ չգիտե թե ի՛նչ է Քաֆե շանքան մը.— չոս՝ տեղը չէ բարոյականի տեսակետով քննել այս զբոսանաց վայրերը. սա շափ հարկ է ըսել միայն որ այս սրահներուն մեջ ամբոխը երկու մասի կը բաժնվի, մին որ սրահին մեջ, պարզամիտ ու ապշած, կունկնդրե կիսամերկ ու հրապուրիչ աղջկան մը երգերուն. ասի հանդիսատեսներուն նորեկ, դեռավարժ ու աղքատ մասն է. մյուսն որ արհամարհելով պարզ ունկնդրո մը համեստ դերն, իր ժամերը կանցունե դերասանուհւոյաց հատուկ սրահներուն մեջ, այս դիցունոյաց մոտ ու ռուվեթի սեղանին քով, իր կյանքը բաժնելով ցոփության ու խաղամոլության մեջ:

Ալբազարի սրահն այս գիշեր կարծես սովորականնն ավելի փայլ մ'ունենր. երգիչներն իրարու կը հաջորդեին իրենց ճոխ ու շուայլ շրջազգեստներուն երկայն քղանցքովը ծածկելով տեսարանին կեսն. ընդհանուր զվարթություն մը կար սրահին մեջ:

Կարգը գերմանուհւոյն եկավ: Գեղանի երգիչն հառաջացավ տեսարանին առջև. սև ալբակե պարզ ու անդարդ շրջազգեստ մը հագած էր որ իր գեղեցիկ մարմինն ընդգրկելով անոր բոլոր հրապույրը երևան կը հաներ. մազերը ժողված չէր, այլ ցիրուցան թողած ուսին վրա. իր դեմքը խոժոռ ու տրտում արտահայտություն մ'ուներ: Աղջիկն սկսավ երգել...:

Եվրոպացիներն իզուր ջանացին բառ մը հասկնալ այս անսովոր արտասանութենն, մինչդեռ ահագնալուր ու որոտածայն ծափահարություն մը երգին առաջին տունը կողջուներ: Երգիչ մը չէր նա, այլ ներշնչյալ ու գերագույն ոգի մը որ կիշխներ բոլոր ներկայից վրա. սրահին մեջ գտնվող բոլոր հայերն ոտք ելեր էին միևնույն զսպանակեն մղջալ. դերասանուհին Մայր Արամսի առաջին տունը երգեր էր:

Առաջին անգամն էր որ հայերեն երգ մը կը լսվեր այս սրահին մեջ, ու այս հաճոյալից գաղափարը Տիգրանի երևակայության ծնունդն էր:

Տիրգրան իրավաբանության ուսանող մ'էր. ճպուռի մը պես շատախոս, թուչնո մը պես երգող ու անոր պես անհաստատ, աղջկան մը պես քնքուշ, ռատանայի շափ խելացի պատանյակ մ'էր. առաջինն էր Համալսարանին մեջ ուր ամենքը զինքը կը սիրեին, միշտ օգնող ու ձեռնտու գտնված էր իր դասակիցներուն որոց անբաժանելի ընկերն էր, մասնավորապես Սեդրաքի համար (երկրաչափության ուսանող մը) որու զավկե ավելի սիրելի էր:

Տասնևյոթը տարեկան կար այս պատանին, համեստ իր գիտության մեջ, պարզ, համարձակ, վիճող ու զայրացկոտ տղա մը: Բարձրագույն գիտությանց հետևելով՝ մայրենի լեզվի գրագիտությունը մեկ կողմ թողած չէր:

Քացե ի բաց կարհամարհեր անոնք որ հազիվ օտար լեզվի մը մեջ դեռավարժ, իրենց ազգությունն ամոթ ու նվաստություն կը համարին ու մայրենի լեզուն կը վճռեն անհամ, կոշտ ու տձև. նույնչափ կարհամարհեր գուցե անոնք որք գիտությանց նախնական ծանոթություններն ստանալով անմիջապես աշխարհաքաղաքացի կը դառնան:

Հետևապես ազգային կյանքի հմուտ ու հետամուտ, քննադատող ու դժգոհ ոգի, ի բնե ընդդիմադիր ամեն վարչության, քիչ շատ մատ ունեցած էր իր բարեկամներուն հետ այն զանազան ժողովրդական ցույցերու մեջ որմե ապիկար վարչություն մը ու նվաստացած երեսփոխանություն մը կը սարսափին: Քանիցս այս երկու ժողովները պաշարած էր Մատենադարանի սենեկին մեջ որ մեր ազգային փախստական իշխանության սովորական ապաստանն է:

Ղալաթիո եկեղեցվո բակին մեջ շատ անգամ լսված էր անոր ըմբոստ ու զրգոիչ ձայնն որ պանդուխտ մշեցիներն իր շուրջը կը հավաքեր, կը հրահրեր ու կարծակեր. ժողովրդյան պատանի ու սիրելի հոգևորն էր ասի՝ զոր ամենքը կը ճանչնային այն ատենները:

Այս վատթարացման դարուն մեջ ուր միտքն հոգին կը մոռցրնե, ուր մարդկությունն ազգությունը կանհետացնե, թերևս միակ այս երիտասարդն էր նյութապաշտ փիլիսոփա մը՝ առանց զուրկ լինելու այն բանաստեղծական ոգին զոր պատա-

նությունն ու դժբախտությունը կուտան և զոր չափահասությունն ու երջանկությունը ետ կանոնուն:

Տիգրանի ընտանիքը ծանոթ չէր ու ինքը բնավ չէր խոսեց անոր վրա. իր մանկությանը Պեշիքթաշ կը բնակեր, վերջին Օրթագյուղ անցավ ու հետո Փերայի մեջ հանդիպեցան անոր: Իր ընկերներն Համալսարանին մեջ ճանչցան զինքը. շիկնոտ ու մելամաղձոտ, սրտափակ ու գլխահակ տղա մ'էր. ժամանակով սրտի մոտ, հպարտ ու զվարթ պատանի մ'եղավ. քաշված ու առանձնացած էր առաջ. հիմա մոտեցող, թերևս հարձակող մեկն էր:

Այս տղան միջակ ու վայելուչ հասակով, մութ շագանակագույն մազերով պատանի մ'էր. գեղեցիկ դեմք ու գեղեցկագույն աչքեր ուներ զորս Համալսարանին շուրջը գտնվող տուներուն աղջիկները շուտով նշմարեցին:

Տիգրան սիրեց առաջին աղջիկն որ իրեն ժպտեցավ ու ինքն իսկ իր սիրո սաստկութենեն վախցավ: Դիցուհի մը պես գեղանի ու մանկամարդ հելլենուհի մ'էր այս որ Համալսարանին պարգևաբաշխության հանդիսին մեջ տեսեր էր պատանին առաջին ելլող այնքան տարիքոտ ընկերներու մեջեն. նա մանավանդ զարմացեր ու հավնեց էր անոր ձևերուն որոց շնորհը պարգևությանցը մեջ կը կայանար:

Կատա՛կ մը, պարզ կատա՛կ մ'ընել կարծեր էր ժպտելով անոր երեսին ու անոր սրտին հաղորդելով յուր աչքերուն ավերիչ կրակը. վերջեն Տիգրանի հափշտակությունը տեսնելով զբոսներ էր քիչ մը ու հետո ձանձրացեր էր անկից. այս քմահաճուլքը լուրջ բան մը չէր աղջկան համար, այլ մահացու կրքնար լինիլ պատանվույն սրտին:

Հելլենուհին ամուսնացավ. ահավոր ու սարսափելի հարված մը եղավ ասիկա Տիգրանին որ մազ մնաց պիտի մեռնէր. մեկու մը չի բացավ իր վիշտն ու մեկու մը չի գանգատեցավ. արժանապատվության զգացումն որ ամենն հզոր կը խոսեր յուր հոգվույն, զինքը փրկեց. չի մտածեց այլևս անոր, բայց չի ջնջեց անոր սերն իր սրտեն. ամուսնացող անխոհեմուհին իր սիրած աղջիկը չէր. իր սիրածը մեռած համարեց այլևս և երկյուղած բարեպաշտությամբ մը իր սրտին մեջ խոր

ու շատ խոր թաղեց առաջին սիրո հիշատակն ու ամրացավ ճակատագրին դեմ:

Ոչ ոք իշխեց իրեն սիրով անկից վերջը. ի փոխարեն ինքը բուռն ու կատաղի եռանդով մը նետվեցավ կանանց մեջ. սիրած էր ու խաբած էին զինքը. կարգն իրեն էր խաբելու. Տիգրան ձախորդության կը հավատար. ուստի ծանր շեկավ իրեն միույն վրեժը մյուսին լուծել. հատուցման մեջ կիները մեկզմեկու երաշխավոր կը ճանչնար:

Ուստի ամեն կնոջ միևնույն աշխուժով ու միևնույն համոզմամբ կրկնեց իր սերն ու դիմացինը համոզեց. իրեն համար բազդատություն ու տարբերություն չի կար կանանց մեջ. մանկամարդը կամ տարիքն առնողը, գեղանին կամ տգեղը, տիրուհին կամ սպասուհին, գործավորուհին կամ իշխանուհին, կրոնավորուհին կամ հասարակաց աղջիկը միևնույն բանն էին իրեն համար:

Սեղրաք երեք բարեկամներուն ամենին ծանրաբարոն էր ու քսաներեք տարեկան լինելով Տիգրանի համար գրեթե մեծ եղբայր մ'էր. տժգույն, նիհար ու խարտիշահեր երիտասարդ մ'որո սովորաբար դալուկ դեմքին վրա նեղ ու բարակ շրթունքն աչքի կը զարներ իր կարմիր գույնովը:

Գեղեցիկ կապույտ աչքեր, լայն ու ժամանակեն առաջ ալոսյալ ճակատ մը, սիրուն մորուք մը ու սև երիզով կախված ակնոց մը կը տեսնվեր այս երիտասարդին դեմքին. վրա որ միշտ լուրջ թերևս խոժոռ երևույթ մ'ունենր. կատարյալ հակապատկեր մը լինելով հանդերձ յուր կրտսերագույն բարեկամին, իր արտաքին ցուրտ ձևերուն ներքև փափուկ ու վեհանձն սիրտ մը կը կրեր:

Անձնվեր մինչ ի մահ առանց բառ մը արտասանելու, գաղտնապահ, խորհրդատու, մեկ բառով եզական ընկեր մ'էր:

Իր սկզբունքներն ու ճաշակը ծանոթ էին, որոց համար մաքրակրոն անգլիացվո մը պես անողոք էր. կառավարությանց միապետությունը, կանանց մեջ խարտյաշը, գույներուն մեջ սևը կը ճանչնար միայն:

Ծրաժշտության մեջ Մենտելսոնը կընտրեր իր համր, անորոշ ու տրտում շեշտերովը. նկարչության մեջ Այվազովսքին

իր անհուն ու անխուսափելի ծովին, իր ծփծփուն ալիքներուն, յուր կապարագուն ու ցիրուցան ամպերուն և այն անբացատրելի խորութեան հետ որ այս մեծ արհեստավորին հատուկ է:

Բանաստեղծութեանց մեջ արևելյան երգերը կը սիրեր: Երբեմն մեկամաղձոտ, հուսակտուր այլ համբերատար ոգի մը կա այս երգերուն մեջ, երբեմն արհամարհոտ շեշտ մը:

Անոնք որք անգետ են օսմանյան գրագիտութեան, պախարակելի ուրիշ կերպով չեն հիշատակեր զայն. է՛հ, տեր աստված, ո՞վ է սա մուրացիկ երգիչն որ սրճարանին մութ մեկ խորշին մեջ կը նվագե. հարգալից բազմութիւն մը խոր լուսութեան մեջ կունկնդրե նմա. Արևելքի ժողովրդեան շափ ոչ ոք մեծարած է բանաստեղծներն:

Ու Սեղրաք հոժարափուլթ կերթար Պոլսո ամենեն անծանոթ մեկ խորշին մեջ, տաճիկ թաղի մը մեկ անկյունը բարեմիտ ու ծերունի թուրքաց հետ ունկնդրել այս գնչու բանաստեղծներուն: Երբեմն հայ մ'է այս համեստ երգիչն՝ որ յուր մայրենի լեզվին անծանոթ՝ օսմանցի բանաստեղծներուն մեջ ստացած է փառահեղ անուն մը: Արդարև թուրք երգիչներն՝ որպես նախնի ժամանակի ասպետներ՝ հատուկ անուն մը ունին իրենց ասպարեզին մեջ որով կը հիշատակվին:

Սեղրաք անհազ հետաքրքրութեամբ կը հավաքեր մոռացյալ հայ բանաստեղծներու վրա այն ամեն ավանդութիւնները՝ զորս ժամանակը դեռ չէր անհետացուցած: Ու կը պատահեր որ անվանի Նամի մը ելներ ասոնց մեջեն, դեռահասակ ու վաղամեռիկ երգիչ, գրագետ ու փիլիսոփա մը, պարծանք հայ տաղանդին, բոլորովին մոռացյալ ու անծանոթ եսամուլ հայ գրագիտաց մեջ:

Ո՞ւր տեղացի էր և ո՞ր ընտանիքի կը վերաբերեր Սեղրաքահավասիկ հարցում մը զոր երբեք չէին մտաբերած անոր բարեկամներն. հռովե հռու լսած էին որ Վոսփորի ասիական եզերքեն լավագույն ընտանիքի մը անդրանիկ զավակն էր. իր անկախ դիրքն ու ազատ դաստիարակութիւնը չէր հարմարած հայրենի տան նահապետական ընթացքին ուր անառակ ու անդարձ որդի մը նկատված էր:

Մայրն, ո՞վ անհավատալի գաղտնիք կանացի սրտին, իր

ժպիտը մյուս զավակացը հատկացուցած էր ու խոժոռ ու ան-
ներող դեմք մը միայն կար Սեդրաքի դեմը: Հայրը խորխոր
հանդիմանութեամբ ու սպառնալոյք կը հլուրընկալեր այս ան-
շահ զավակն՝ որ իր հոր առևտրական տետրակները բռնել կը
մերժեր: Եղբարքն՝ ամենքն ալ իրմե փոքր՝ իր վրա կը ծիծա-
ղեին. կատարյալ լքում մը տեսա՛վ այս տղան նույնիսկ իր ըն-
տանյաց գրկին մեջ ու ալ առանձին կյանքը անհրաժեշտ դար-
ձա՛վ:

Սեդրաքի բաժանմամբ՝ կարծես բեռ մը վերցա՛վ ընտանյա-
ցը վրայեն. ամենքը գոհ ու երջանիկ կարծեցին իրենքզիրենք
այս տղուն հեռանալովը, իսկ ինքը չի կրցա՛վ բոլորովին ան-
տարբեր բաժն՛վիլ մայրենի ծոցեն. ահա՛վասիկ յուր խորհրդ-
դածութեաններեն մաս մը զոր թուղթի մը վրա նշանակած էր.

«1873 տարվո սեպտեմբերի 7-րդ օրը բաժնվեցա ընտա-
նիքես զատ ու ազատ ապրելու համար. բաժանումը միշտ աղեկ
ու տխուր բան մ'է. վերջավորութեան մ'է. հոն նախորդ կյանքը
կը դադրի ու ինչ որ ալ ըլլա նոր սկսելիքը, կարելի չէ անտար-
բեր սրտով առաջինը թողուլ. հետահայաց նայվածք մ'ունինք
ամեն բանի զոր կը թողունք կամ որ զմեզ կը թողու, — իսկ բա-
ժանումներու աղեկութեանը հոն է որ ունէ ուժ անջատմամբ չի
ջլատվիր այլ կը կրկնապատկվի. աշխարհիս մեջ կյանքը բա-
ժանումով կսկսի. որդին պետք է բաժնել մորն արզանդեն
որպեսզի ծնի ու ապրի, ո՛վ դժնդակ ու արդյունավոր ճակա-
տագիր մարդկութեան»:

Ուրիշ տեղ մը այսպես գրեր էր. «Գիշերները մինակ կը
դառնամ ամայի սենյակս որ համեստ կահ կարասիք մը միայն
կը պարունակե. ամեն ինչ կանոնավոր շտկված ու իր տեղն է.
ճրագս լուցկիին մոտ, փայտը վառարանին քով, զգեստներս
իրենց ծածկոցին ներքև. ժամացույցի պես լարված սենյակ մը
որու դեմ իզուր գանգատելու պատճառ կը փնտրեմ. ո՛չ, այս
երկրաչափական անխոտորութենեն չեմ նախորժիր. քիչ մը ան-
խնամութեան երևույթ պետք է ինձի. վարձկան ձեռքի մը ծա-
ռայութեանը չէ այլ սրտի մտոք անձի մը խնամքն որ կրնա շեն-
ցընել այս անարձագանք պատերը»:

Սեդրաքի ընտանեկան բաժանումն ուրիշ պատճառով մ'ալ

ծանր ու դժվարին եղավ. հայրենի տունեն մեկնելով հարկ եղավ նաև թողուլ մանկութեան ընկերուհի մը:

Քույր ու եղբայր ըսվելու շափ տղա հասակե ի վեր, Սեդրաքի հետ մեծցած գեղանի պարմանուհի մ'էր այս՝ որ բարեկամ ու դրացի ընտանիքի մը մեկ հատիկ զավակն էր:

Յուր տան մեջ լքալ՝ Սեդրաք անոր քով միայն գտեր էր առաջին գորովո զգացումը:

Պատանին սովորական տղա մը չէր. աղջիկն ամենն լավ գիտեր զայս. անոր ընտանեկան կացութիւնը մոտեն ճանչնալով՝ իր մեծարանքն ավելցեր էր այս դառնացյալ հոգւոյն նկատմամբ ու ինքնին հանձն առեր էր զայն սփոփել:

Ազգային վարժարանաց ուսումն ավարտելով Սուրբիկ—այս էր Սեդրաքի նորատի բարեկամուհւոյն անունն—ինքզինքը խիստ համբակ գտեր էր իր ուսյալ ընկերոջ քով որո հմտութիւնը, բարձր դատողութիւնն ու իմաստալից խոսակցութիւնը զինք կը հմայէին. երիտասարդին մտերմութիւնը խիստ նպաստած էր այս համակրելի հոգւոյն ու մտքին մշակման, և փրկարար ներգործութիւն մը ըրեր էր անոր վրա:

Ինչ որ ալ լինին մեր ազգային վարժարանաց վերագրված պակասութիւնք, նոքա՝ անհատական դպրոցներուն վրա ամենաբարձր առավելութիւն մ'ունին որ ճշմարիտ ազգային կրթութիւն մը տալու մեջ կը կայանա:

Ճրանսայի Գթութեան քերց կամ Բողոքական վարժարաններե միւսն մեջ ֆրանսերեն և մյուսին մեջ անգլիերենը կրնան լավագոյն կերպիւ ավանդլիլ. ազգային վարժարանք օտար լեզուներ ուսուցանելու մեջ հաջողութիւն ունեցած չեն երբեք և ճիշտ ասոր համար կը գովեմ զանոնք. ամեն աղջիկ ընկերութեան մեջ, ընտանյաց մեջ դիրք մ'ունենալի առաջ հայուհի մը պարտի լինիլ և Սուրբիկ ազգային կրթութիւն ստացող աղջրկան տիպար մ'էր:


Հայ-հոռմեական բարեկամուհի մ'ունեցեր էր որ Փանկալթիի մեջ ֆրանսական գիշերօթիկ վարժարան մը կը հաճախեր. տեսակցութիւն մ'ունեցան օր մը և երկու աշակերտուհիներք Ֆոխադարձաբար իրենց առած ուսմանց վրա խոսեցան. Փերայի օրիորդն արգահատող կարեկցութեամբ մը հարցուց Սուրբ

բիկին առած դասերն ու խրոխտ մեծամտությամբ մի առ մի
թվեց այն կարևոր գիտելիքները զորս ինքը կուսաներու Ֆրան-
սայի պատմութիւնն, Ֆրանսայի աշխարհագրութիւնն, Ֆրանսա-
յի գրականութիւնն ու Պապական եկեղեցւոյն սրբազան դավա-
նանքն, ահա՛ ինչ որ այս կանուխեն օտարացյալ աղջիկը թվեց
իր ապշյալ ընկերուհւոյն. նույն իսկ Ֆրանսացի օրիորդ մը
պիտի նախանձեր այս արեւելքցի ֆրանսուհւոյն վրա: Ֆրան-
սայի հետին գետակը, սարն ու ձորն, ամենեն աննշան ավանը
ծանոթ էին այս հայուհւոյն՝ որ իր հայրենյաց Արարատը չէր
գիտեր և չէր ուզեր գիտնալ:

88
14
Սուրբիկ ապշեցավ, ամչցավ ու զայրացավ, մինչդեռ ամ-
բարտավան պարմանուհին իր շգիտցած հայերեն բառերը
կոպիտ ու սխալ արտասանությամբ մը կրկնելով անոնց տգե-
ղությանը վրա կը ծիծաղեր ու հայերեն շգիտնալուն վրա կու-
րախանար: Արդեն ապագայի պատրաստութիւնները տեսեր
էր. պիտի ամուսնանար եվրոպացի երիտասարդի մը հետ որ
զինքը պիտի տաներ այն գեղեցիկ ու պաշտեցյալ երկիրն որուն
ամեն բան զոհելու պատրաստ էր. հայ երիտասարդաց հետ
ամուսնանալ, ազգային պարոններու հետ կենակցիլ, ահա
այն սարսափելի հավանականութիւնը՝ զոր բնավ չպիտի
ընդուներ:

Բայց ինչ որ անհանդուրժելի թվեցավ Սուրբիկի, այն նա-
խատալից անտարբերութիւնն էր որով իր հայրենյաց հիշա-
տակութիւնը լսեց այս խորթ ու անհարազատ զավկին բերնեն
և Սուրբիկ այլևս շտեսնվեցավ անոր հետ:

Ինք՝ մոտեն տեղյակ էր հայոց գրական գործունեութեան,
ամեն նոր երկ կամ պարբերական հրատարակութիւն իր հե-
տաքրքիր նայվածքեն չէր վրիպած և Սեդրաք հմուտ դատավոր
մը ու լավագույն առաջնորդն էր անոր գրական պարապմանց
մեջ. իրիկունները ճաշեն վերջը Սեդրաք Սուրբիկի տունը կեր-
թար. օրվան լուրերն աչքի կանցունեին, ու հետո ձմեռը, վառ
ու ճարճատուն վառարանին ջերմութեանը մոտ, նոր հրատա-
րակութիւններով ծածկված սեղանին շուրջը, կսկսեր այն ջերմ,
լուրջ ու հմտալից խոսակցութիւնն որ մինչև կես գիշեր կերկա-
րեր:— Ընդհանրապես կը գանգատեին որ բուն ազգային գրա-



Վանութենն մ'ավելի օտարամուտ ոգի մ'էր որ հայ հեղինակաց շարադրությանց մեջ երևան կելներ:

Երբեմն գիտությանց և ուսմանց վրա կը դառնար խոսակցությունը. պարմանուհին, իր սեռին հատուկ բարեպաշտությամբ, ըստ կարի կը դիմադրեր այն կտրուկ վճիռներուն՝ որով գիտությունն իր անխուսափելի ճշմարտությունները կը ծանուցանէ. երկրաբանութենն մինչև աստղաբանության վրա կը խոսեին և Սեդրաք իր բարձր կրթության շնորհիվ մի առ մի կը բացատրեր այն անողոք ու մշտնջենական օրենքներն՝ որով անհունապես փոքրիկ հյուլին ու անհունապես մեծ տիեզերքը միևնույն ներդաշնակությամբ կը կառավարվին:— Ընկերական կենաց մշտահույզ խնդիրներն ի կարգին վիճարանության նյութ կը լինեին. ազգաց ճակատագիրն, անհատներու ազատությունը, լեզվի ու կրոնքի տարբերությունն հետզհետե կը քննվեին:— Սուրբիկ հուզյալ ձայնիվ կը պաշտպաներ աշխատավորներու տառապյալ դասն ու հարստության ի գործ դրած բռնության դեմ կորոտար, մինչդեռ երիտասարդն հանդարտ ձայնով կը բացատրեր տնտեսական գիտության այն ամենանվիրական սկզբունքն որ ամեն առուտուրի ազատությունն հարգելու մեջն է և տրտմությամբ կը թվեր այն տարբեր տարբեր պատճառներն որոց մեջ փնտրել պետք է թշվառությանց գաղտնիքը:

Այսպեսով և եվրոպացի հեղինակներու ընթերցանությամբ ստացավ ծաղկահասակ աղջիկն հիմնավոր ու առողջ կրթության մը բոլոր տարերքը:

Սուրբիկ միանգամայն վարպետ գրչի տեր ու մանավանդ տաղանդավոր դաշնակահար մ'էր: Դաշնակը փոթորկյալ կամ հանդարտ ծովու մը պես կը պատկերացներ անոր մորկոտ կամ անդորր ոգին. անզգա գործիքի մը ձայնը շէր որ կը բարձրանար, այլ անոր ճարտար ու փափուկ մատներեն դղրդված անբացատրելի ու հմայիչ ներդաշնակություն մ'էր հնչուն, պայծառ ու ազատ որ կը սավառներ ունկնդրին զմայլած հոգվուն վրա: Իր ամենեն սիրած վարպետը Մենտելսոնն էր, վասնզի Սեդրաքի սիրածն էր այն. ճաշեն վերջն երբ խոսակցությանց նյութն սպառեր ու կամենային հանգիստ առնուլ, այն ատեն

կը զարնե՛ր այն սոճաքնե՛րեն մին՝ որոց տրտմութ՛յունն ու վսե-
մութ՛յունը միշտ գաղտնիք մը պիտի մնա ամենուն համար:

Հազվագյուտ բացառութ՛յամբ մը պատանուհին զերժ էր
այն ողբալի ազատամտութե՛նն՝ որով նորատի աղջիկներն ու
պառավ կիներն իգական սեռին անհավասարութ՛յան դեմ կը-
բողոքեն շարունակ:

Աշխարհիս վրա աղջիկը՝ պահանջող, պառավը՝ գանգատող
պիտի մնա հավիտյան:

Ոչ մեկ դար, ոչ մեկ լուսավորութ՛յուն պիտի կարենա եր-
բեք գոհացնել այս երկու անձնավորութ՛յունները զորս բնու-
թյունը միևնույն դժգոհութ՛յան շրջանակին մեջ միացուցած է:

Աղջիկն՝ հույս ունենալուն վրա կը զայրանա, պառավը՝
չունենալուն համար, ու այս երկու հակառակ պահանջումները
միևնույն բողոքով երևան կելնեն:

Դիտեցե՛ք որ երբեք մանկամարդ ու ամուսնացյալ կին մը
իգական սեռին գերութ՛յան վրա չի խոսիր. երիտասարդութ՛յունն
ու ամուսնութ՛յունը կնոջ ամենագորութ՛յան միջոցն է. բայց ա-
մեն իշխանութ՛յունն իր անկումն ունի ու զարմանալի չէ որ
տարիքնին առնող կիները, զուրկ ամեն թեկնածութե՛նե, ան-
համ ու անկարգ գտնեն այն ընկերական կյանքը՝ զոր իրենց
երիտասարդութ՛յան ժամանակ այնչափ հրապուրիչ կը գտնեին:

Սիրող հոգիները միշտ անձնվիրութ՛յան պատրաստ են ու
Սուրբիկ այս անձնվեր էակներեն էր. բնութ՛յամբ խրոխտ, այլ
վեհանձն հոժարութ՛յամբ երիտասարդին գաղափարաց բարձ-
րութ՛յունը ճանչցեր ու մեծարեր էր, առանց սնտոի հպարտու-
թյուն մը ցույց տալու: Սակայն այս խորին մտերմութ՛յունն
առանց վտանգի չէր: Այս փոխադարձ հարգանքն ու համա-
կրանքն, երկու ծավալման կարոտ հոգիներու ամենօրյա միու-
թյունը, տարիքնին, գաղափարաց ու զգացմանց ներդաշնա-
կութ՛յունն՝ անքակտելի կապ մը հառաջ բերին:

Պատանուհիույն հրաշալի գեղեցկութ՛յունը Սեդրաքի
խելքը գլխեն շառավ, բայց անոր գորովալից մտերմութ՛յունը
զայն շղթայեց ու աշխարհ այս աղջկան վրա միայն հիմնված
երևցավ անոր աչքին:

Սեդրաք ու Սուրբիկ գիրար սիրեցին. բայց այս սերը չէք

այն վաղանցիկ ու խաբեբա ավյունն՝ որ հովի պես կուգա ու կանցնի, այլ խորին, սուրբ ու հոգեկան միավորություն մը:

Ահա այս պատճառով Սեդրաքի բաժանումը դժնդակ զըրկում մը դարձավ. ընտանեկան գորովե արդեն զուրկ, կարոտ մնաց նաև այն միակ երեսին որ իրեն կը ժպտեր: Անցյալ օրերու հիշատակն հեռավոր ու կորուսյալ երջանկության մը պատկերին պես անոր շփոթ մտքին մեջ կը նկարվեր: Հայտնի եղավ որ շի պիտի կարենար անկե զատված ապրիլ: Գաղտնի նամակագրություն մը ըստ կարելիության մեղմացուց այս անջատման ցավն: Երկար և անվերջանալի նամակներ էին ասոնք զորս ամեն գիշեր կը գրեր, իր հոգվույն ամեն տպավորությունները, սրտին դառնություններն, հուլյսերն, պատրանքն և ցնորքը ցրվելով թոթափելով անզգա թղթին վրա. սիրո բառ մը շի կար այս գրությանց մեջ, ո՛չ. սիրելը շատ շնչին, շատ տկար բառ մ'էր որ իր անհուն խանդաղատանքը չէր կարող բացատրել. և ոչ մեկ բառի մեջ, և ոչ մեկ նամակի մեջ կարելի էր ամփոփել իր փոթորկյալ հոգին:

Սուրբիկի նամակները միևնույն խոռվյալ արձագանքները, միևնույն անհուն անձնվիրությունն ու ապագայի մտահոգությունները կը պարունակեին.

«Սիրելիս, քու սիրովդ ու հմտությամբդ սնուցիր զիս. հիմար եռանդով մը նետվեցա ամեն զաղտնիք իմանալու. դուն քովս էիր ու ամեն ինչ ուսուցիր ինձ. խրոխտ, գիտուն ու սիրեցյալ առաջնորդ մ'էիր, ահավոր վարդապետություններ ունեիր լեզվիդ ծայրն որք քու բերնիդ մեջ իրենց սոսկումը կը կորսնցունեին. իզուր ուզեցի մաքառիլ անոնց դեմ, քու սերդ հաջողեցավ ընել ինչ որ հմտությունդ նախապաշարմանցս դեմ չէր կարող ընել. համոզվեցա քեզի: Կապված էի քեզի այն միակ սիրով զոր երիտասարդուհին երկու անգամ շունենար իր բոլոր կյանքին մեջ. մոտ թե հեռու միշտ պաշտեցյալ հիշատակ մ'ունիս սրտիս մեջ զոր երկյուղած բարեպաշտությամբ կը պահեմ»:

Ուրիշ նամակի մը մեջ այսպես կըսեր. «Ո՛ւր ես, Սեդրաք: Չմրան գիշեր է ցրտին, ձյուն ու բուք կը տեղա, ի՞նչ կընես առանձին ու մթին սենեկիդ մեջ. այս տունը բանտ մ'է նսեմ

քանի որ հոս շես. ծնողացս սերը շի լնուր այն պարապը զոր դուն թողուցիր: Չըլլա թե հուսահատ քաջությամբ, շափազանց աշխատությամբ առողջությունդ վտանգես: Անձիդ տըրված հարվածը միայն քեզի շպիտի զարնե»:

Եվ այլուր. «Լսեցի քննությանցդ հաջողությունը. մաթեմաթիքը միշտ կը սիրեիր, ու ճշմարտության գիտությունն է կըսեիր. կը տեսնես թե ինչպես կը հիշեմ բոլոր խոսքերդ. սակայն շըլլա թե այդ պարապմունքը Սուրբիկդ մոռցնել տա քեզ: Ես կուզեմ որ քու համբավդ այնչափ մեծ ըլլա որչափ մինչև հիմա տեսած զրկումդ: Քու անունդ պետք է, կուզեմ որ մեծարանոք հիշվի ու ես անով պարծենամ»:

«Դուն հարուստի աղջիկ ես, կը գրեք օր մը անոր երիտասարդը, ես ալ հարուստի որդի էի, բայց հիմա ոչինչ եմ. ատեն մը շէի և հիմա ալ շեմ տար կարևորություն հարստության, բայց թե որ միջոց մ'է այդ քեզ մոտենալու, Սուրբի'կ, հնդիկ իշխանի մը շափ հարուստ պիտի ըլլամ: Անվան ու փառքի հետամուտ շէի և շեմ, սակայն եթե քու ծնողացդ աշքին այդ է այն պատվանդանն որով մինչև քեզ բարձրանալ ներշալ է, լա'վ ուրեմն, պիտի մոռնամ, պիտի փակեմ սիրտս, ու միտքս միայն մաշեցնելով պիտի ստանամ այն դիրքը զոր ընկերությունը կը պահանջե նորեկներե»:

Այս հաստատ համոզմամբ ձեռք զարկավ իր երկրաշափական ուսմանց զորս քանի մը տարիեն աննման հաջողությամբ մը պիտի ավարտեր, և Համալսարանին մեջ ճանչցավ Տիգրանն ու սիրեց զայն եղբոր մը շափ: Այս երկու պատանիներն այնչափ ավելի զիրար կը սիրեին որքան մինչև ցայն վայր զլացված էր իրենց ամեն գորովանք: Իրարու համար գաղտնիք չունեցան և ոչ մեկ ժամանակ:

Տարիքի պատիկ տարբերություն մը պատճառ շեղավ իրենց սրտի կապերը միմյանց հաղորդելու. Սեդրաքի նոր բարեկամն անոր սփոփանք ու քաջալերության օրինակ մ'եղավ և անոր զվարթ ու խնդուն երեսը՝ մասամբ թեթևցուց ուսման տարիներու աշխատությունն ու տխրությունը:

Տիգրանի միջոցավ ծանոթացավ նաև ~~Խաբովին~~ հետ որ նույնպես զվարթ ու զվարճախոս ուսանող մ'էր, և այս ընկե-

րական կյանքով կարծես անզգալի կերպով վերջացուցին տարեշրջաններն ու վերջին քննությունները տվին:

Խոսքով դատավորական ճյուղն ընտրեց. Տիգրան ազատություն կը սիրեր միշտ, ու փաստաբանական ասպարեզը մտավ. պաշտոնեության փառքն, որ Խոսքովին բոլոր ակնկալությունն էր, իրեն համար նշանակություն չունեւր: Այս երեք մարդիկը՝ չորս տարի դասընկերություն ընելի վերջ՝ իրարմե կը բաժնվեին աշխարհի պայքարին մեջ մտնելու համար:

Բայց Խոսքով պարզ ու գոհ սրտով չի զատվեցավ իր ընկերեն. գավառացի՝ այսինքն ի բնե խորամանկ՝ բնավորությամբ խիստ հեռի էր Տիգրանեն: Սակայն իրավ է որ երեք միմյանց դեմ մեղադրելի վարմունքի մեջ գտնված չէին ու թե որ Տիգրանին ծանր եկած բան մը միայն կար, այն ալ սա էր թե իր ընկերը ջանացած էր ատեն մը իր հույն սիրուհին ձեռքեն կորզել. բայց աղջիկը՝ բաց ի բաց ծաղր ու ծանակ ըրած էր արդեն իր դժբախտ հակառակորդն ու զայն Համալսարանին բոլոր ուսանողաց կատակներուն ու հեգնությանց մատնած էր:

Խոսքով՝ ամեն բանն ավելի ընկերական դիրք մը ձեռք բերելու հետամուտ՝ հոժարակամ իր նպատակի հաջողության գոհած էր ամեն զգացում. կատարյալ տեր իր անձին, վարժված ծածկելու այն ամեն դառնությունը՝ զոր Համալսարանին մեջ Տիգրանին բարձր դիրքն իր նախանձոտ սրտին մեջ կը թափեր, բայց ամեն ատեն կարոտ անոր օգնության, վկայագիր մը ձեռք բերելու համար, վկայագիր՝ որ ամեն ասպարեզ պիտի բանար իր առջև, խոհեմություն համարած էր զգուշանալ ամեն ընդդիմության ու հակառակության փորձերն: Ընդհակառակն խոնարհ ու հաճելի ձևերով անոր պաշտպանության ապավինիլ կը ցուցունեն, որով հաջողեր էր Տիգրանի կատարյալ վստահությունը շահելու:

Անգամ մը միայն քիչ մնացեր էր վար առնու այս կեղծավորության դիմակը: Վայրենի ու վավաշոտ սերով մը սիրած էր այն գեղեցիկ հելլենուհին որ Տիգրանին կը ժպտեր շարունակ. ինքն երկու տարիե ի վեր մեկ ժպտին կարոտ, մեկ նայվածքին կապված, մաշեր ու սպառեր էր երբ իր երջանիկ ընկերն, ամեն բանի մեջ ճակատագրեն օգտված, անհուսալի հա-

չողութիւն մը ձեռք կը բերեր և որ ավելին է, ամեն օր համար կուտար իրեն՝ վայելած բոլոր շնորհներուն:

Ափսո՛ս, վայելչութեան կողմն չէր կարող մրցիլ իր գեղեցիկ ոսոխին հետ. իր կարճ հասակով, ցած ճակտով, գոուզ մազերով ու ծաղկավեր դեմքով, բարեձևութեան պահանջումներն չէր կարող ունենալ. բայց իր առավելութիւններն ալ կը կշռեր անոր փոխարեն. իր հայրենիքեն ոտքով եկած էր Պոլիս, յոթնտարեկան եղած ատենը, և Ղալաթիո վարժարանին մեջ տընտեսին քով ու անոր կերակուրներով ապրած էր մինչև տասներեք տարեկան հասակը երբ հաջողեր էր Շահնազարեան վարժարանը մտնել. ամեն բանի կարոտ, ամեն բան ձեռք բերեր էր աննման հաստատամտութեամբ. մանկութենէն դատապարտված ընկերական ամեն մահացումներու, մարդատյաց մեկը դարձած էր ու կիսկատար փիլիսոփայութեամբ մը զոր իր մուր սկզբմանցը կը համաձայնէր, շուտով համոզված էր թե չարն ու բարին գոյութիւն չունին, թե վատութիւնը տեղին համեմատ ազնվութիւնն է, թե մարդու գերագույն նպատակն իր ետութեան մեջ կը կայանա:

Հետեապես գեշ ոգով ու սխալ դաստիարակութեամբ զորացած, և ոչ մեկ բանի մեջ լավ կողմը կրցած էր նշմարել: Հելլենուհիույն սերն անգամ չէր այն բարձր ու ազնիվ զգացումն որ մարդն անասուններէն կը բաժնէ, այլ վայրագ ու հավոր իղձ մը ու տանջանք մ'էր:

Երբեք չէր ներած իր պատանի ընկերոջը դասի մեջ առաջնութիւնը. սիրո ասպարեզին մեջ անոր նախամեծար համարվիլն իր համբերութեան շափը լեցուց. մութին մեջ սպասող կատարյալ թշնամի դարձավ իր սրտեն, թեև անկարող անոր վնասելու: Աղջկան մոտ իր խնդիրքն ու հետեանքն հետեյալ օրը Տիգրանին միջոցով տարածվելով Համալսարանին մեջ, մին իր ծաղրանկարը շիներ էր որուն մեջ իր ծակոտյալ երեսը գեղուհիույն շրթանցը կը մոտեցնէր երբ սա զզվանք գլուխը կը դարձնէր. ուրիշ մը փոքրիկ ոտանավոր մ'էր շինէր անոր վրա որ բոլոր ուսանողներուն բերանն ինկավ:

Այն ատեն անհաշտ ու ոխակալ լութեամբ մը պաշտպանեց ինքզինքը. երկու տարի կար շրջանն ավարտելու. քիչ մը վերջը

Տիգրանի լքումն ալ տեսնելով անհուն գոհացում մը ունեցեր, կատարյալ վրեժխնդրութեան համ մ'առեր էր անկից: Բայց այդ քր նվաստութիւնը չէր փոխարինած. բախտն հարված մը տված էր Տիգրանին, ինք իր կողմեն բան չէր կրցեր ընել:

Ասոր հետ մեկտեղ մտերմութեան ու բարեկամութեան ցույցերը կրկնապատկել հարկ եղավ երբ ավարտման քննութիւնք մտտեցան:

Արդարև անօգուտ շեղավ այսքան կեղծավորութիւն. իր վկայագիրը Տիգրանի շնորհիվն ստացավ. ամեն դասի մեջ հետադեմ, իր բարեկամին դասատուաց քով ըրած բարեխոսութեամբ ձեռք բերավ այդ պաշտելի թուղթն որու վրա իրավամբ կը հիմներ իր բոլոր ապագան:

Ջատվեցան իրարմե փոխադարձ անձնվիրութեան խոստումներով. «Բատավոր եղած ատենդ չըլլա որ իմ իրավունքներս անտես ընես», ըսավ Տիգրան, Խոսրովին ձեռքը սեղմելով. — «Ոչ ոք զքեզ պաշտպանելու հավակնութիւնը կրնա ունենալ երբ դուն կեցած ես», պատասխանեց իր բարեկամը:

Իսկ Սեդրաքի ու Տիգրանի բաժանումն ավելի սրտահույզ եղավ. երկու եղբայր այնչափ չէին սիրած զիրար որչափ այս երկու ուսանողները. իրենց վիշտերն և ուրախութիւնը միասին բաժնած էին մինչև այն ատենը:

Սեդրաք իր երկրաշափական վկայագիրն ստանալի հետո Ատանայի երկրորդ երկրաշափ անվանվեցավ ու մեկնեցավ Պոլսեն. անտանելի թվեցավ այս բաժանումը Տիգրանին. ամենքն այս գավառին վատ ու մահաբեր օդին վրա կը խոսեին, իսկ Սեդրաք բնավ չի դեղևեցավ. իր բարձր արժանիքը գործով պիտի ապացուցաներ. իր սիրուհւոյն ճանշնալը չէր բավեր իրեն, անոր ընտանիքն ալ համոզել կուզեր: «Սուրբիկ, քեզի համար կը մեկնիմ», ըսավ նորատի աղջկան: Սուրբիկ այս զորավոր մարդուն միակ տկար կողմն, այս Աքոյուլլեսին միակ վիրավորելի կետն էր:

Տարի մը կա որ երիտասարդ երկրաշափն իր պաշտոնին գլուխն է, ուր հաջողած է իր պաշտոնակցաց և մեծերուն հարգանքն ու համակրանքը շահիլ: Ատանայի դաշտին մահաբեր օդը բարվոքելու համար եղած ջանքերն և ոչ մին հաջողած էր.

Սեդրաք այս մեծ ու մարդասիրական նպատակին նվիրեց ինք-
զինքն. իր պատրաստած հատակագիծն ու ծրագիրը բոլորովին
պիտի մաքրեին այդ տղմուտ դաշտին վատառողջ ժանտահո-
տություններն, ու երկրագործին պիտի տային ընդարձակ ու
բարեբեր հողեր. Սեդրաքի առաջարկությունը բոլոր գավառին
համար կենսատու խնդիր մ'էր և իր ծրագիրն ամբողջապես
ընդունվեցավ. գավառին կառավարիչը Մեծիտիեի շորորոզ աս-
տիճանը խնդրեց այս եռանդուն պաշտոնակալին համար, որ
անմիջապես շնորհվեցավ: Այլ գանգատելու տեղի չի կար. բախ-
տը կսկսեւր ժպտիլ: Իր առանձնության մեջ չէր հուսահատած
հրբեք. սիրուհվույն պատկերն հոն էր որ զինքը կը քաջալերեր:
Քայլ մ'նս և ահա առաջին երկրաչափ պիտի անվանվեր: Ո՛հ,
այն ատեն բաց ճակատով պիտի դառնար Պոլիս ամուսնության
խնդրելու իր սիրած աղջիկը. ընտանիքը չէր կրնար դժկամա-
կիլ այլևս: Երազե իրականության մեջ անցնելու համար այս
քայլը միայն մնացեր էր: Սեդրաք իր աշխատությունը կրկնա-
պատկեց. կառավարության պաշտոնեի մը հարմար հանդարտ
գործունեություն մը չէր, այլ հիվանդոտ տենդե մը վարակյալ
անձի մը նման կը վարեր իր անտանելի աշխատությունը: Չորս
մարդու գործ էր ստանձնեւր ու քսան մարդու գործ կը տեսներ.
անհիմանալի պատերազմ մ'էր զոր ժամանակը փութացնելու
համար կը մղեր ամեն օր. պաշտոնի բարձրացում խոստա-
ցեր էին իրեն, բայց վեց ամսն առաջ չէր կրնար կատարվիլ.
ապրիլի վերջն էին. վեց ամիս՝ վեց տարվան չափ երկար թվե-
ցավ իր անհամբեր սրտին: Եթե զաշխարհ բեռցնեին իր ուսին
վրա այս պայմանաժամը կարճցնելու համար, հոժարությամբ
պիտի ընդունեւր այս նոր Աթլասը:

Մեսաժրրիի Քամպոն երկկայմ շոգենավն, որ այն ատենը
Պոլսո և Աղեքսանդրիո միջև թղթատարություն կընէր, իր շա-
քաթական ուղևորությունը կատարելով մայիսի մեջ կիրակի
առավոտ մը Վոսփորի ջուրերը կը մտնեւր նոր հարսի մը պես
քծնելով: Նավուն կամրջին վրա երիտասարդ ուղևոր մը կը
տեսնվի գունաթափ ու դողդոջուն. մակույկներն անմիջապես
կը շրջապատեն նորեկ շոգենավն. ասոնց միւսյն մեջ Տիգրան

կը գտնվեր որ առանց սպասելու շոգենավին կենալուն, շվաններեն վեր ելնելով դեպի երիտասարդը վազեց ու զայն ողջագուրեց. Տիգրա՛ն, Սեդրա՛ք, այս երկու բառերը միասին լավեցան ու երկու բարեկամներն արտասվելով իրարու գիրկ նետվեցան. քիչ մ'ատեն հեծկլտանքե ուրիշ բան չի լավեցավ. արդարև սրտահույզ տեսարան մ'էր դիտել այս երկու երիտասարդները՝ զոր ճակատագիրն եղբայրութենե ավելի սերտ կապով մը միացուցած էր. «Արիացիր, Սեդրա՛ք», ըսավ վերջապես Տիգրան վեր առնելով ու համբուրելով իր բարեկամին դալկահար ճակատը. «Ճշմարի՛տ է ուրեմն», հարցուց տարաբախտն հազիվ լսելի ձայնով մը:

Տիգրան չի պատասխանեց, այլ տոմս մը միայն նետեց ու զևորին ոտքը:

Տիկին և Պ. Ք. պատիվ ունին խնդրել... որ հաճին ներկա գտնվիլ այս կիրակի առավոտ իրենց Սուրբիկ դասեր Վսեմ. Արամ էֆենտիի հետ պսակման արարողության որ պլնի կատարվի Քատրգյուղի ս. Թագավոր եկեղեցվույն մեջ:

Ահա ինչ որ ուղևորին շվարած ու նսեմացած ակնարկը կարդաց այս հեշտաբույր ու ոսկետառ տոմսակին վրա: Ստույգ էր ուրեմն այն անհավատալի գույժն. և ինքն երեսի վրա թողլով իր պաշտոնն, առանց վայրկյան մ'սպասելու վազեր և հասեր էր այն օրն հազիվ հորում Սուրբիկ պիտի պսակվեր:

Քատրգյուղի ս. Թագավոր եկեղեցին քառակուսի, պզտիկ ոսգեղեցիկ շենք մ'է և հոյակապ մարդու մը առատածեռնության արդյունք:— Խուռն բազմություն մը եկեղեցվույն ամեն կողմը կանուխեն գրաված է. բակը, բանկալը, խորհրդարանին մեջ անգամ կենալու տեղ չի կա. հետաքրքիր ամբոխն հրավիրելոց մուտք անգամ թողած չէ:

Ժամը վեցն է. հանդիսին տերերն հրավիրյալներուն հետ հասան ու անանցանելի մարդկային պատենշե մը թափանցելով հաջողեցան եկեղեցին մտնել. պսակի արարողություն կահանդիսականներուն մեջ կը նշմարվին Պոլսո առևտրական տանց գլխավոր ներկայացուցիչները, դատական իշխանության անդամներ և հայազգի բարձրաստիճան պաշտոնատարք. փե-

սան քառասնամյա պաշտոնակալ մ'է՝ որ վայելչապես կը կրճ մյուսթեմայիդի ոսկեճամուկ համազգեստը. հարսն հագած է սպիտակ կոռնե երկար շրջազգեստ՝ հարսանեկան թափանցիկ շղարշով ու իր կոհակածուսի մազերով ծածկված. դյուրին է նշմարել բարեձև հասակ մը, նեղ, նեղ, ափի մեջ ամփոփվելու ու ճգմվելու շափ նեղ մեջք մը որ թավալուն, հպարտ ու շլացուցիչ կուրծք մը կը կրե, ճակատ մը անամպ արշալույսի պես պայծառ, աչքեր սև ու խոշոր որոց վրա շուք կուտան իր երկար բիբերը, բերան մը գարնան վարդի պես թարմ ու կարմիր. քիթն ուղիղ, ռունգերն ուռած, թափանցիկ, դյուրահույզ ու հրապուրիչ. սպիտակ ձեռնոցներ մինչև թևերը կերկարին ու երևան կը հանեն անոր քնքուշ ու աննմանելի գիծերն, ու նույնպես ճերմակ սնդուսե կիսակոշիկներ կը սեղմեն անոր փոքրիկ ոտները:— Տասնևյոթը տարեկան կա այս աղջիկն, այս մեհյանին մեջ ճշմարիտ գիցուհին՝ որ կիշխե բոլոր հավատացելոց վրա:

Պսակի արարողութիւնն սկսավ, մահվան ողբերու նման տխուր երաժշտութեամբ մը. միշտ խորին տպավորութիւն մը հռոպ կը բերեն այս տխրանվագ աղոթքներն. ապստամբ միտքը պահ մը կընդարմանա ու հոգին հմայութեան մը ներքև կը վերանա ու անմատչելի երկնագավառներու մեջ կը սավառնի. բարեպաշտ լոութիւն մը կը տիրեր. պսակադիր քահանան ձայնը բարձրացուց ու փեսին դառնալով՝ «Տե՛ր ես այս օրիորդին», ըսավ հանդիսավոր հարցումը կրկնելով. «Այո՞», պատասխանեց փեսան գլուխը խոնարհեցնելով. «Եվ դու հնազա՞նդ ես, աղջիկս», ըսավ քահանան օրիորդին ուղղելով խոսքն. աղջիկը վեր առավ գլուխն... երկու սլաքներ, ո՛չ, երկու հրացայտ շանթեր պատահեցան իր մոլորյալ ակնարկին. բողոքող, սպառնացող, որոտացող ձայն մը կարծեց լսել, նենգավո՛ր բառը կարծես ականջին զարկավ, աչքերը մթազնեցան, խուլ բժժանքով ականջը լեցվեցավ ու դեմքը մահատիպ թալկութիւն մը գրավեց. Սեդրաք իր բարկացայտ նայվածքը աղջրկան վրա սեռեցր էր:

Սեդրա՞ք, անշուշտ իրական բան մը չէր կրնար ըլլալ ասի, այլ արհավրալից տեսիլ մը զոր իր խոռվյալ խղճմտանքը միայն արտագրած էր: Սեդրաքի ներկայութիւնն անբացա-

տրելի էր: Այն վայրկենին իսկ ուր նոր ուխտով մը ավելի հին, ավելի նվիրական ուխտ մը կը դրժեր, ճիշտ այդ վայրկենին երիտասարդին նայվածքը մահատու դաշույնի մը պես շողացեր էր աչքին. թե որ ապտակ մը ուտեր, հոժարակամ պատրաստ էր ներելու. այլ այս անխոս ներկայութունն այնչափ ավելի նախատալից թվեցավ որչափ լռին ու իրավացի էր:

Մարդս ամենեն ավելի անիրավ եղած ատենը կը բարկանա. նույն բանը պատահեցավ Սուրբիկին. կանացի սիրտն անհատակ ու անքննելի վիճ մ'է. ճշտիվ չէ կարելի անոր հոգվուն վիճակն հաստատել: Եվ սաշափն ստույգ է որ ուրիշի մը հետ ամուսնանալ որոշելով հանդերձ՝ Սուրբիկ իր վաղեմի բարեկամը հավիտյան կը սիրեր: Անոր հեռացումն ու տաժանելի վիճակն իր գթութունը շարժեր էր, և սերը տարօրինակ երևույթ մը կզգենու երբ գթության կը միանա. տեսակ մը շնորհ կը դառնա որ տվողին բարի կամեցողության ձգված է. սերը չի մուրացվիր այլ կը պահանջվի, ողորմութուն մը չէ այլ տուրք մը:

Երիտասարդին վիճակն աղջկան մոտ ավելի պաշտպանության զգացում մը հառաջ բերած ու այս կերպով իր սերը պարտականութուն մը լինելի դադրած էր առանց անհետանալու. մյուս կողմի իր ընտանյաց ճնշումն որ բռնության մոտեցած էր, իրեն խոստացված ամուսնուն բարձր դիրքն ու պըզտիկ փառասիրության զգացում մը՝ ամենքը միացեր էին հեռավոր անձի մը տված խոստումը մեկդի ընելու: Բայց այս հանկարծական վերադարձն հաշվի մեջ չէր. ինչպես ըսինք Սուրբիկ իր մանկության տարաբախտ ընկերը միշտ կը սիրեր. զայն տեսնելուն հիմար փափագ մը ունեցեր էր անոր գիրկը նետվելու արտասվելու. բայց առանց կանխավ իրմե ո՛րէ՛ բացատրութուն խնդրելու՝ անոր այս հանկարծական ներկայութունն, հրապարակավ զինքն ամոթահար ընելու անողոք փորձ մը ու թշնամանք մը նկատեց և իր բոլոր սիրուն հակառակ՝ զինքը նվաստացնելու այս ջանքը խիստ ծանր եկավ իրեն: Ինքնիրեն երիտասարդին համար մեծ զոհողութուններ ըրած ըլլալ կը կարծեր ու դիմացինն ապերախտ համարեց այս թըշնամության ցույցին համար ու այլևս ամեն բարեկամութուն

վերջացած, Հանցանքն իրը չէր եթե գացեր էր աշխարհիս մեկ ծայրն ու անպաշտպան թողեր էր զինքն անգութ հոթ մը բռնությանց ներքև ու հիմա եկեր էր իբրև թե համար պահանջելու իրմեն: Զինքը սիրել խոստանալով հավիտենական գերության դաշն կոած չէր ու Սեդրաք իրավունք շուներ այնչափ ատեն անտարբեր ու լուռ կենալի՝ վերջը ճիշտ պսակի արարողության ժամուն սպաննալից ստվերի մը պես երեսին զարնելու իր ընթացքը:— Նահանջի կարելի չէր այլևս. բոլոր գլուղին մեջ ծաղր ու ծանակ ու շաղակրատ ամբոխի մ'առջև ամոթահար ըլլալու վախը մեռնելի ավելի սարսափելի էր:

Ու Սեդրաք ճիշտ զինքն այս նվաստության մատնել եկեր էր անշուշտ: Այս մտածումները մեկ մանրերկրորդի մեջ Սուրբիկի մտքեն անցան, ու հիմարուհին՝ ինքնիրեն եթե ոչ պարկեշտություն գեթ արդարացում մը գտնել կարծեց իր վարմունրին մեջ. նամանավանդ աչքին զարկիք էր երիտասարդին ճամփորդության անճոռնի հագուստներն հրավիրելոց սև ու անքննադատելի զգեստներուն մեջ. անոր արևեն ու հողմեն սևցած հրեսը չգիտեմ ի՞նչ վայրենության երևույթ մը սվեր էր անոր սովորաբար տրտում երեսին ու անմիջապես մեծ տարբերություն մը նշմարեր էր երիտասարդին ու իր ամուսնույն մեջ:

Սեդրաք իրեն համաստիճան մեկը չէր. իրմե վար դասի մը պատկանող անձի մը կողմեն, նույնիսկ թե որ պաշտեցյալ մեկը լիներ այդ անձը, Սուրբիկ թշնամանքի մը հանդուրժողներեն չէր ու չի հանդուրժեց. ամբարտավան կերպով մը վեր առնելով իր գլուխն՝ «Այո՛, տեր հայր», ըսավ քահանային, «հնազանդ եմ»:

Այսպիսի հանդիսավոր վայրկյաններու մեջ բնական եղող հուզումն ի զատ ոչ ոք բան մը նշմարեց հարսին դեմքին վրա. այս անդարձ որոշումը կայծակի արագությամբ տրվեր էր անոր մտքին մեջ ու մեկ բառով ճակատագիր մը խորտակեր էր: Ահա այսպիսի խախուտ ու անիրավ պատճառաբանության մը կը հենուր այս անողոք որոշումն, որ մանկության ու պատանության ամենեն նվիրական կապերը դանակի մը պես մեկ հարվածով կը ջնջեր. ափսո՛ս. ու հարկ է ավելցնել որ այս աղջիկը թերևս լավագույն կիսն էր աշխարհիս վրա:

Սեդրաք իր պաշտոնատեղին շի վերադարձավ և ոչ իսկ հրաժարական մը կամ լուր մը ղրկեց. ի՛նչ օգուտ այլևս: Այս անլուր մատնությունն ահարկու հարված մ'եղավ գլխուն որ զինքն ընդարմացուց ու ապշեցուց. իր սերն, իր անձնվիրությունն, այս ուխտադրուժ աղջիկն, այս հարսանիքն, ուրիշ բան չէին կրնար լինիլ բայց անհաճո երազ մը ուսկից սթափիլ կուզեր: Ինչ որ հզորագույն հուզումներ չէին կարողացեր ընել այս ուժով մարդուն վրա, մատնված սերը կարողացավ ընել: Սեդրաք ընկճեցավ. իր սրտեն զարկեր էին զինքն. այս աղետը խորտակեր էր իր հոգվույն միակ զսպանակն, և ուղեղը շէր կրցած դիմադրել այս անակնունելի բաղխման. բժիշկները մոտալուտ խելագարության նշաններ նշմարեցին անոր վրա:

Ետի-Քուլեբեն Վելի-էֆենտի երթալու ճամփուն վրա ամայի և առանձնացյալ դաշտի մը մեջ երկհարկ, փայտաշեն ու քառակուսի շենք մը շի բարձրանար այլ կը տարածվի. հին, գրեթե խարխուլ ու ընդարձակ հարկ մ'է որուն հավիտենական դեղին գույնն առածի կարգ անցած է. դիմացը կա փոքրիկ պարտեզ մը որուն մեկ մասը բանջարեղինաց հատուկ է ու մյուս մասն հասարակաց զբոսավայր մը լինելու հավակնությունն ունի: Ադրիանուպոլսո շոգեկառքն անոր արևմտյան կողմը քերելով իր երկաթե ճամփուն վրա կը սրանա:

Այս պատմական շենքն Հայոց Ալլալային հիվանդանոցն է: Ես շեմ նայիր ո՛չ անոր փլատակ սպառնացող պատերուն և ո՛չ աղքատիկ անկողիններուն. անոր տխուր ճակատը զարդարող ազգային անունն իմ սիրտս կը գրավե ու անմիջապես կը սիրեմ այս քայքայուն շենքը:

Օրինավորություն, ճշտություն ու հայրական հոգածություն մը կը տիրեն այս ճշմարիտ ազգային հաստատության մեջ: Անոր հիմնադրին նվիրական ոսկերոտիքն Մայր-Ծկեղեցվո մեջ կը հանգչին, այլ անոր ազգանվեր ոգին հավիտյան կը հսկե այս սփոփանաց հարկին վրա:

Հիվանդանոցին մեջ մաս մը կա որ ամուր պատերով բաժնրված է ու երկաթե հաստատ ձողեր անոր պատուհանները կը զարդարեն. 40—50 հոգվո շափ բազմություն մը կապրի հոն

հզոր ու որոտածայն պահապանի մը ազդած սարսափին տակ հնազանդ: Գլուխինն պզտիկ գդակ մը, լայն ու հաստ բրդե շապիկ մը, նույնպես լայն ու միևնույն կտավե տափատ մը այս թշվառութեան զինվորներուն միօրինակ համազգեստն է: Մեծ մասը նստած է փայտե տախտակամածի մը վրա ու շրջանակ մը կազմած է: Գեմքերնին լուրջ ու խոժոռ, ակնարկնին շրջունն ու մոլորյալ, ձայներնին ցած ու հանդարտ, այս մարդիկը նորեկ այցելուին աչքին կարծես ծանր ու դժվարին խնդրո մը համար խորհրդակցութեան մեջ են. մաս առ մաս իրարու հետ կը խոսին, կը պատասխանեն, կը վիճին ու առանց մոտեն ականջ տալու անոնց խոսակցութեան անկարելի է դատել այս տարաբախտներուն վիճակը:

Հիմարներն են ասոնք:

Ահավոր Տէ կարեկցութեան արժանի տեսարան:

Այս միազգեստ տարաբախտներուն մեջ երիտասարդ մը կը նշմարվի իր զվարթ ու խնդուն երեսուլն ու համակրելի ձևերովը. արագ, գրեթե տենդային արտասանութեան մը ունի. հակառակելու չի գար անոր, անմիջապես կը զայրանա ու կը սպառնա. իր բախտակիցներեն միույն հետ կը խոսի շարունակ որ իրեն մտիկ չըներ. կը խոսի ու կը խոսի, կարծես պատմութեան մը կընն ու վճիռ մը կսպասե անկից.— Ի՞նչ կը շաղապարտե այս հիմարն. երբեմն կերգե ու գիշերն անխոս լռութեան մեջ ամենքը կը ճանչնան անոր սիրած երգերուն ողբալի շեշտը:

Այս հիմարը Սեդրաքն է:

Տարվան մը շափ ամեն բժշկական խնամք անօգուտ դառնալով, ընտանիքը պարտավորեցավ ազգային խնամոց հանձնել զայն:

Տիգրան ուրբաթ և կիրակի օրերն հատկացուցած է իր բարեկամին՝ որ զինքը չի ճանչնար:

Իզուր նոր կայծով մը բորբոքել կուզե այս մարած հրաբուխն, ու արձագանք մը արթնցնել անոր խորահատակ սրտին մեջ. ամեն հույս շատոնց վերջացած է ամենուն համար և Տիգրան միայն կը համառի բախտին ու գիտութեան դեմ. իր այցելութեաններն անպակաս են: Հիվանդանոցի մարդիկներն հի-

մարին եղբայրը կը կարծեն այս նորատի երիտասարդն՝ որ իր հանգստութեան ու զբոսանաց ժամերը նվիրական պարտականութեամբ կը լեցնեն ու ամեն անգամ արտասովորով կը վերադառնա:

Սեդրաքի այս մահացումը երկար չի տևեց: Երկինք գթաց կարծես այս թշվառին. օգոստոսի սկիզբները ծանր ժանտատենդե մը բռնվեցավ ու տասնևութ օրվան մեջ հալեցավ այս առյուծի պես տղան. ուրբաթ երեկո մ'էր, օրհասական ճգնաժամն սկսավ, վերջին պայքարը կենաց ու մահվան մեջ: Գոգցես բախտին անողոք հեգնութեամբ հիվանդը պահ մը սթափեցավ իր մահատիպ թմրութենէն. տրտում նայվածքը շորս կողմը սևեռեց, Տիգրանը միայն տեսավ քովը, նշան ըրավ անոր մոտենալու և իր սառ կտրած շրթունքով համբուրեց երիտասարդին դալուկ ճակատը. ու քիչ մ'ատեն կամաց, խիստ կամաց ձայնով մը խոսեցավ անոր հետ... կես ժամ վերջը Սեդրաքի աստղը շիջեր էր:

Սեդրաքի կրոնական համոզումները կարի սահմանափակ էին. քրիստոնեությունն հարգելով հանդերձ դերագույն էակի մը գոյութեան հավատալեն անդին անցած չէր երբեք: Մահվան ճգնաժամին մեջ անոր հուշաբերած վայրկենին ուզեր էին իր մոռցած պարտականութիւններն հիշեցնել ու բարեսիրտ պանդուխտ քահանա մը հանձն առեր էր այս դժվարին պաշտոնը. Սեդրաք բացարձակ կերպով մերժեց ամեն աղերս ու խրատ: «Ես խղճի և սկզբունքի տեր մարդ եմ, ըսավ քրիստոնեության այս համեստ ներկայացուցչին, ու կեզծիք չեմ ընդունիր մահվան անկողնույս մեջ»:

Քահանան չի պնդեց, Սեդրաքի անկեղծութիւնը զինքն համոզեց ու շուքեց բռնանալ անոր խղճմտանքին վրա. ասի այն բարի անձերեն մին էր որոնց մոտ պարզամտութիւնն ուղղութեան և առաքինութեան լավագույն առաջնորդն եղած է: Իրմե ավելի գիտուն կրոնավոր մը ինքզինքը թերացած պիտի նկատեր Սեդրաքի վրա բռնութիւնն ու ճնշում չի գործածելուն. այս պանդուխտ երեցն այնպես չի նկատեց և շատ կը վախնամ որ քիչ մ'ավելի խոսքով երեցն ինքն ալ չի համոզվեր Սեդրաքի գաղափարներուն:

Որոշվեցավ ուրեմն որ գաղտնի պիտի մնար հիվանդին հաղորդութիւն չառնելն: Քահանան մոլեռանդ ժողովրդյան գայթակղութենէն նախամեծար համարեց այս անհրաժեշտ ստախոսութիւնը:

Բայց շի գիտցվիր թե ի՞նչ կերպով այս ճգնաժամի գաղտնիքն հիվանդանոցին մեջ տարածվեցավ. քահանային թուլեւորանութիւնն էր թե ուրիշ պատճառ մը կար որով իմացվեցաւ Սեդրաքի լուսավորչական եկեղեցվո պարտականութիւնները մերժելն:

Հարազատ լուսավորչականներոս աչքին՝ այս երիտասարդ ազատամիտն պռոդ մը, բողոքական մ'էր և բողոքականն մ'ավելի քամահրելի արարած մը շի կա: Կրօնական խտրութիւններն՝ ազգութիւնի ոգիեն ավելի ուժով կազդեն մեր վրա: Ամենքը կը հիշին այն անավոր պատմութիւնն որ բողոքական հռչակավոր ննջեցյալի մը թաղման հանդեսին հետ կապված է: Հայոց պատմութիւնն սև ու սխուր մեկ երեսն է այդ մոլեռանդ անողորմութիւնն որ անկենդան դիակի մը դեմ կը մաքառեթ իր ազգային պարտականութիւնց մեջ եղջերուի մը շափ սիրտ: Լուսեցող խուժան մը իր քաջութիւնն փորձը գերեզմանատանց ապացուցանել կը ճգնել:

Երեսուն տարվան միջոցն վերջը միկնուլն աններող գաղափարները կը տիրեին, և Սեդրաքի թաղումը Սամաթիայեն, Յոսի-Քուլենն ու շրջականներեն ժողված ու հավաքած էր ստորին անկիրթ ամբոխ մը, որ հաստատ կերպով դիմադրել որոշած էր անոր Հայոց գերեզմանատան մեջ ամփոփվելուն:

Հայրենավանդ մոլեռանդութիւն մ'էր որ անեղծ պահված էր ու առաջին առթիվ երևան կելնելու: Տիգրան միայնակ էր այդ մրրկոտ բազմութիւնն դեմ: Հուղարկավորութիւն հանդեսն սկըսավ անշուք ու անձայն. լքյալ ու աղքատիկ հուղարկավորութիւն մ'էր. քահանա մը, ժամկոչ մը, հինցած ու պատառուն ծածկոց մը, ասոնք միայն կրնային առ առավելն ձրի տրվիլ Ուրիշ բան էր, եթե թավիշ ծածկուլթի, սնտուկի մը (այսպէս կանվանի եկեղեցվո լեզվով նոր դագաղն) և բազմաթիվ քահանաներու ծախքը վճարելու դյուրութիւնն ըլլար. Տիգրան ասոնք և ոչ մին ուզած էր. այդ ստորին խտրութիւնները զայն չէին

Վշտացնե՛ր և ավելի բարձր էր անոր ակնարկը: Հիվանդանոցի մատրան մեջ ննջեցելույն արարողութիւնն երկար չի տևեց ու դագաղը ճամփա հանեցին դեպի գերեզմանատուն...:

Գայթակղյալ ամբոխը կը հետևեր դագաղին ավելի թշնամ-վո քան թե հուղարկավորի մը դիրքով, ու խռովյալ տրտունջ ժը՝ որ քահանային աղոթքին կիշխեր, որոշ կերպով կրսեր,

— Զենք ընդունիր, շենք ընդունիր, շենք ընդունիր:

Դագաղը կը տանեին շորս հուժկու երիտասարդներ, Սիդ-բաքի այն թշվառ վիճակակիցներեն զորս ուժի կարոտ աշխատութեանց մեջ, հիվանդանոցի վարչութիւնն երբեմն կը գործածե զանոնք բոլորովին անզբաղ չի թողլու համար: Անշուշտ լավագույն է այս անզգա էակներուն հանձնել ննջեցյալ մը ի գերեզման առաջնորդելու տխուր պաշտոնը:

Նեղ ու գալարուն ճամփե մը կը հառաջանային համաքայլ: Բնութեան ամենեն ավելի զմայելի, պայծառ օրերեն մեկն էր, արևը կարծակեր իր ջերմ ու ոգևորիչ ճառագայթներն, երկինքը խաղաղ էր ու անամպ, ծառերը տերևներով կը ծածկվեին, նոր կյանք, նոր հոգի մը կը ծավայեր ամեն կողմ իբրև դառն հեգնութիւն մ'այս մահվան տեսարանին դեմ:

Այս թաղման ընդդիմացողներու ուրիշ խումբ մը կես ճամփան կսպասեր որ առաջնույն հետ միանալով կը ջանար անլսելի ընել թաղման արարողութիւնը: Ժամկոչն իր ձայնը բահանային աղոթից կը միացնէր արագ ու հապճեպ արտասանութեամբ, ինչպես որ վայելուչ է աղքատին գերեզմանին, մինչդեռ խուժանը գանգատող ու բողոքող ձայնիվ կը կրկնէր շարունակ.

— Զենք ընդունիր, շենք ընդունիր, շենք ընդունիր:

Տիգրան գլխիկոր կը հետևեր դագաղին. այս մորկահույզ հուղարկավորներուն աղաղակը չէր զոր կր լսեր, քահանային սրտահույզ աղոթքն էր՝ որու առջև կը խոնարհեր: Ի՞նչ, ա՛յս է եղեր յուր մտերմին վախճանն, այդ գիտութիւնն ու այդ սիրտն այս տխուր վերջավորութեան վիճակյալ են եղեր. ո՞վ պիտի հավատար մի քանի տարի առաջ երբ անփութ իր զվարթ ապագային վրա հանդուգն ապահովութեամբ կը խորհէին:

Բայց ամբոխին աղաղակն հետզհետե կը բարձրանար

սպառնալից շեշտով մը. գերեզմանատունն հասեր էին. պահ մը լուռթյուն տիրեց. գիտցողները շփտցողներուն կը պատմեին այն անյուր սրբապղծութիւնը. բողոքական մը ուղղափառ Հայոց գերեզմանին մեջ ընդունվի՛... Լուսավորչականներուն գերեզմանատունը մտնելն արքայութիւն մտնելն ավելի զժվարին էր:

Պայրահեղ միջոցներու դիմելի առաջ ամբոխը կը խորհրդակցեր, խռովութեան հողմը կը տարուբերեր զայն, մինչդեռ իր խուլ և մոլեգին բողոքն շրջակա արծազանքներն կրկնվելով ընդարձակ հովտին մեջ կը տարածվեր.

— Զենք ընդունիր, շենք ընդունիր, շենք ընդունիր:

Ո՞վ էր և ի՞նչ կուզեր այս հիմար ու կատաղի բազմութեանը: Տիգրան անոնց դարձավ: Իր պատանութենն կը ճանչնար զայրացյալ խուժանի մը բոլոր ուժն ու տկարութիւնը. ժամ էր վերջ տալու այս ամոթալից տեսարանին. դագաղը քարի մը վրա կսպասեր, և քահանան անօգուտ կերպով կը բանակցե՞ր այս անզգամներուն հետ խոսք հասկցնելու անոնց:— Իզուր ըսավ անոնց թե Քրիստոսի և ոչ մեկ վարդապետութեան մեջ կը տեսնվեր այս աններող մոլեռանդութիւնը, թե երիտասարդ նշնցյալը բողոքական մը չէր, իզուր գերեզմանին սրբութիւնն ու մահվան նվիրականութիւնն հիշեցուց այս շափազանց կրօնասիրութենն մոլորյալ հոգիներուն:

Իրկու հարցուր հոգվո շափ բազմութիւն մը կը շրջապատեր միին փոսն՝ ուր Սեդրաքի մարմինը պիտի ամփոփվեր, և քահանային տկար ձայնը շուտով կը կորսվեր ահավոր ու վայրենի մոնշման տակ որ երկու հարցուր բերնն արձակվելով, փոթորկաշունչ հողմի մը պես կը սավառներ.

— Զենք ընդունիր, շենք ընդունիր, շենք ընդունիր:

Իրբեք անկրթութիւնն այս աստիճան վայրենի երևույթ մը չէր ստացած. ափսո՛ս, միևնույն անաստ ու կամակոր խռովանն էր զոր ինքն այնքան անգամ բորբոքած ու արձակած էր ազգային իշխանութեանց դեմ, ինչպես թնդանոթաձիգ սպան կարձակե յուր հրատապ և ավերիչ ռումբը: Այժմ այդ մարդիկն իրեն դեմ կելնեին այնքան կոշտ ու անգութ որքան այլոց դեմ հանած էր:

Տիգրան ցասկոտ էր բնությամբ. ո՛չ թվույն անհավասարությունն, ո՛չ բարկալից բազմության զայրույթն ու անոր անհաշվելի հետեանքը զինքը չի կասեցուցին: Իր բարեկամին դիպին դեմ կռվող այս մարդոց տեղի չի պիտի տար, թե որ մեռնիլ անգամ հարկ ըլլար. արյունը եռաց. թերևս իր պերճախոս լեզուն հաջողե՞ր մեղմել այն մրրիկը՝ զոր այնքան վարժ էր հարուցանել. բայց բարկությունն ամեն խոհեմություն անոր մտքն վանեց:

— Նտ քաշվեցեք, ստահակնե՛ր, գոչեց անոնց, ես եմ այս ծնջեցելույն տերը, չըլլա որ մոտենաք անոր, ազգինն է այս քերեզմանատունն ու հայոց ազգին մեկ զավակն է այս մեռլալն որ հոս պիտի թաղվի:

Կռվո՛հրավեր մ'էր:

— Այդ ալ փոռթեսթան մ'է, աղաղակեցին ոմանք, տգի՞նջե՛ք այդ անհավատը:

Խուժանը՝ կատղած՝ ամենի ու բարբարոս մոնչմամբ կը պատեր երիտասարդն, որպես փոթորկահույզ կոհակներ կը շրջապատեն ընկղձիլու մոտ նավն. ամենեն քաջերն հառաջ նետվեցան. պահ մը վտանգն անխուսափելի և ահավոր դարձավ, մինչդեռ հեռու մնացողները զայրագին արձագանքի մը պես կը կրկնեին.— փոռթեսթան մ'է, փոռթեսթան մ'է, զարկե՛ք:

Անզգամ մը աչերն արյունով լեցված ձեռքը վերցուց...

Սարսափելի հայհոյություններով խառն որոտման պէս ձայն մը լսվեցավ հանկարծ. երկու մարդ, ոչ նվազ շարաշոթ ու ստորին երևույթով քան մյուսներն, անհավատալի ուժով մը այդ մարդկային պատնեշը ճեղքելով՝ երիտասարդին քով սրացան ու պոռացին.

— Մի՛ դպիք մեր էֆենտիին:

Պահ մը վարանում տիրեց:

Կերևեր թե այս երկու մարդիկն անծանոթ չէին. բաց գլուխներին՝ թեթև յազմալոյ մը պատած, կուրծքերնին մերկ՝ զոր չի կոճկված պզտի բաճկոնակ մը բաց կը թողուր շարունակ, ոտքերնին բոպիկ այն ծանոթ կոշիկներու մեջնն որք իրենց հատուկ անվամբ եմենի կը կոչվին, այս մարդիկը կը վերաբե-

բնին այն ստորին դասուն որ պարագային համեմատ ձկնորս, նավարար ու շրհանկիր կըլլա և որ սովորաբար քիչ կամ շատ ոճրագործ է:

Պարտեհին այս երկու անձինքը մեծ համբավի մը և իշխանութեան տեր լինիլ (համբավ՝ որ գովելի տեղ մը շէր կրնար ունենալ), ըստ որում ամբողջ իր հարձակման մեջ կանգ առավ: Հետո այս մարդիկն հետզհետե հեռացուցին երիտասարդը մոտեն շրջապատողներն ու կամաց ձայնով, տարօրինակ հեղութեամբ մը՝ որո ներքև դաշույնի հարվածի մ'սպառնալիքը դուրսութեամբ կը նշմարվեր, մի առ մի վանեցին այս սպառնալից բազմութիւնն:

Ի դեպ էր անշուշտ այս անհուսալի օգնութիւնն՝ որ համար երիտասարդը կը փրկեր:

Տիղրան գեշ երագե մը սթափիլ կարծեց երբ յուր շուրջն այս երկու ազատիչները միայն տեսավ՝ զորս շէր ճանչեր և որոց իր շնորհակալութիւնն հայտնեց:

— Դուք կրկին բարեգործութիւն մ'ըրիք, ըսավ անոնց, նախարգիւցիք որ ննջեցյալ մը անգերեզման թողուն և զիս սպաննեն, երկրորդ՝ թող չի տվիք որ այդքան մարդիկ սրբապիղծ ու ոճրագործ լինին:

— Ես ձկնորս կարապետին եղբայրն եմ, ըսավ անոնցմէ մին, դուն իմ եղբայրս մահվանն ու բանտարկութենն փրկեցիր առանց ստակ և վարձք պահանջելու: Դուն զիս շնաշունար, բայց մենք քեզ լավ կը հիշենք, երբ դատաստանին մեջ իմ եղբայրս կը պաշտպանեիր ու փրկեցիր. մենք աղքատ մարդիկ ենք, ապերախտ շենք, ըսավ խոնարհութեամբ ու հոռացած իր ընկերոջ հետ մինակ թողլով սզավոր երիտասարդն իր մըտերմին գերեզմանին քով:

Պալըքըլլի գերեզմանատունը Պոլսո Հայոց գերեզմանատանց երեցն ու հինավուրցն է. չի կա մեկն որ ազգական մը հանձնած չլինի այդ սև հողին. այս գերեզմանատունը սովորական բան մը չէ, այլ շարագուշակ քաղաք մը՝ որ իրեն տնակները, պալատներն, արվարձաններն, իր հարգի ու անհարգ թաղերն, իր սովորութիւններն, ավանդութիւններն ու նախապա-

շարունակներն ունի. երևակայեցեք ընդարձակ դաշտ մը երբեմն կոտորած, սեցած ու տձև քարերով, երբեմն հոյակապ շիրիմ-
ներով ծածկված, ոչ իսկ մատ մը տեղ ուր ոսկերոտիք գրաված
չլինին. նսեմաստվեր ու անխնամ վայրենի ծառեր որք աստ
անդ կը տարածեն ոչ թե շուք, այլ կարծես անթափանց մառա-
խուղ մը. ոչ ճամփա և ոչ ուղի առաջնորդվելու այս մեռելոց
լաբյուրինթոսին մեջ ուր գերեզման մը գտնել շատ անգամ դժ-
վարին ու երբեմն անհնարին է. ու հարկ է, եթե պետք ունիս
համբույր մը տալու սիրեցյալ հողակույտի մը, հարկ է դիմել
գերեզմանաց պահապանին, միակ իշխանն ու միակ հպատակն
այս ոսկերոտյաց աշխարհին մեջ:

Մյուս թաղերու գերեզմանատուններն ո՛չ այնքան սգա-
տխուր երևույթ մ'ունին. այդ նոր շիրմաստաններն հետզհետե
փոխվելու ու շտկվելու վրա են. անհարազատ զավակնե՛ր, ուք
լուսավորութեան անվան տակ ամեն ինչ կը նորոգի, մինչդեռ
անոնց ծերունի հավը, Պալքըլըյի գերեզմանոցն, անսասան կը
կենա ու ավանդապահ անզղի մը պես անշարժ կը հսկե իր մե-
ռելոց վրա:

Սեդրաքի մարմինն այս գերեզմանոցին մեջ թաղեցին.
այնպես փափագեր էր օրհասական երիտասարդը. քույր մը ու-
նի եղեր իրմե առաջ մեռած, անոր քով ամփոփեցին զինքը:
Տիգրան քար մը դնել տվեր էր անոր վրա ու փոքրիկ երկաթե
վանդակ մը այս կրկին գերեզմաններուն շուրջն:

Սեդրաքը ծածկող քարին վրա ո՛չ անուն կա և ո՛չ թվա-
կան, այլ երեք բառ միայն կը կարդացվի որ մինչև այսօր բոլոր
այցելուներուն հետաքրքրութունը կը շարժե: «Հանգիստ թո-
ղուցեք զինքը» գրված է այս մարմարին վրա. որո՞ւ կուղովի
այս տարօրինակ պատվերն, ո՞վ ննջեցելույն հանգիստը կրնա
խոռովել արդյոք:

Անոնք որ փափագած են իմանալ այս անանուն ննջեցելույն
գաղտնիքն, իզուր պահապանին դիմած են տեղեկութուն ուզե-
լու համար. պահապանն իր հսկողութեան հանձնված մեռելոց
եման լուռ էր այս մասին: Միայն դիտեր էին ոմանք որ սեւր
հագած մանկամարդ կին մը ամեն տարի Մայիսի առաջին կի-
թակի օրը պսակ մը կը բերեր այս լքյալ գերեզմանին: Պսակ

մը Պալլըբլըյի մեջ հազվագյուտ դեպք մ'է. հետաքրքիրները հուսո նշույլ մ'առին. կինը միշտ ճշտապահ կը գտնվեր. հետև-վեցան անոր ու երբ օր մը սևերով կինը գերեզմանեն կը վերա-գառնար, ետեեն գացին անոր ո'վ ըլլալն հասկնալու համար, բայց տեսան որ տան երկձի կառք մը իր վարագույրներն իջե-ցուցած սրարշավ կը տաներ սգավոր այցելուհին. այն ատեն դարձան գերեզմանին քով գոնե պսակին ձևեն, ծաղիկներուն կապվելուն ճաշակեն ո'ւսկից գալը գուշակելու համար: Պսակը ճերմակ քամելիաներով շինված էր, որուն վրա կապույտ մա-նիշակներով կազմված «Ձղջում» բառը կը կարդացվեր:

Մ Ո Ռ Ա Ց Ո Ւ Մ

Հունիս ամսո մեջ պայծառ ու անդորր գիշեր մը, Քանլըօ ճայի ծովեզրյա ապարանքներեն մին շքեղ կերպիվ լուսավորված էր. Պետական Խորհրդո հայազգի անդամներեն և Մատրիտի օսմանյան դեսպանատան նախկին առաջին քարտուղար վսեմ. Գևորգ էֆենտի երեկույթ մը կընծայեր իր ընտրյալ հրավիրելոց. դեսպանական մարմինը գրեթե ամբողջովին, Պետական Խորհրդո նախագահը, քարձրադիր իսլամ ու հայազգի պաշտոնատարք և սեղանավորք իրենց ընտանյաց հետ պատասխանած են հայ քաղաքագետին ընդունելության:

Սրահներեն մին՝ միայն լուրջ ու քաղաքական խոսակցությանց հատկացած է: Ռուսո-թուրք պատերազմին նախընթաց նդող Պալքանյան աղգաց խռովությունք մտատանջություն կը տարածեն դիվանագիտաց մեջ, խլրտում մը կա, հով մը՝ որ հոհակածուփ կը հուզե սլավյան ազգություններն ու սրատես անձինք դյուրավ կը ճանչնան հյուսիսի քամին որ փոթորիկ միայն կը ծնանի:

Ուրիշ ակումք մը երիտասարդաց, որոց մեջ կը նշմարվին գեսպանական փայլուն քարտուղարք, զինվորական կցորդներ, գատական պաշտոնատարներ, տիկնանց շուրջն հավաքված է: Անդին խաղի սրահը թափուր չէ ու պաճառան իր անխուսափելի տազնապովը կը վարակե իր բոլոր սիրահարները. մեծիտեներով սկսեր էին, շուտով գրավներն ոսկվո կը վերածին ու մեծ գումարներ կը շահվին ու կը կորսվին:

Տրկնանց քով ընդհանուր խոսակցութեան նյութը՝ մեծ ըն-
տանիքի վերաբերող հույն տիկնոջ մը իր ամուսինը թունավո-
թելու ոճրով ամբաստանութունն էր, որ նույն օրն իսկ անմե-
ղութեան վճռով մը վերջացեր էր:

Ամենքն ընդհանրապէս կը քննադատեին երիտասարդ
Քաստաբան մը որ ներկա էր հոն ու բառ մը չէր արտասաներ
այս հարձակմանց դեմ. իր տաղանդո շարաշար գործածելուն
մասին եղած դիտողութեանց դեմ ժպիտով մը կը բավականա-
նար, ու լուռ, ժպտուն ու տխուր կը կանգնէր անշարժ վառա-
բանին մարմարին կռթնած:

Այս երիտասարդ յուսկյացն, որո պերճախոսութիւնը կամ-
քաստանեին, Տիգրանն էր: Չորս տարի անցեր էր հորմե հետե
սիրով, գրեթե մոլութեամբ ընդգրկելով փաստաբանական աս-
պարեզն, հոն գտեր էր միայն այն մշտատե պայքարն որ իր
Պլուրահույզ ու մշտագրգիռ հոգվույն անհրաժեշտ էր: Իր խո-
թին ու լուրջ հմտութիւնը, խիստ ու անաշու դատողութիւնն,
հզոր ու հպարտ շեշտը, պերճ ու զարդարուն լեզուն շուտով
մեծ անուն ու մեծ համբավ տվեր էին անոր: Բաղդատաբար
քիչ միջոցի մեջ հաջողեր էր ձեռք բերել բարձր դիրք մը որ
այս դժնդակ ասպարեզին մեջ հազվագյուտ է:

Շատեր հուսահատ ետ քաշված են և այս մշտատե կովո
կյանքն ամեն արարածի ուժին շի համապատասխաներ: Տիգ-
րան ընդհակառակն իր մթնոլորտը գտեր էր հոն, այս էր այն
ասպարեզն զոր երևակայեր էր միայն հարմար իր անհանդարտ
ու դժգոհ ոգվույն ու հոն իշխող ու հզոր ձայն մը վաստակեր էր
մինչև իսկ այն բազմաթիվ թշնամյաց քով զորս ընկճելով ու
հաղթելով ստացեր էր:

Հարկ էր գոհանալ այս հաջողութենէն որ կույր բախտի մը
ջնորհը չէր և որ դատական հաղթանակներով ձեռք բերված էր:

Տիգրան՝ մասնավորապէս պատժական դատերու մեջ անվի-
ճելի իշխանութիւն մը ստացած էր. յուր հրաշքները մեկե աս-
վելի էին. կենտրոնական բանտին հյուրերեն ո՛ր մեկն իրենց
կյանքն, ո՛ր մեկն իրենց ազատութիւնը կը պարտեին անոր:
Իր անունը վերջին ապավենն էր որում ամբաստանյալն ան-
հավատալի վստահութեամբ կապաստաներ և այդ անունն բան-

տին մեջ նվիրական էր, անոր մասին ամենափոքրիկ շարա-
խոսություն ամենամեծ ոճիր մ'էր. երախտագիտությունն այն
միակ մնացորդն էր զոր շարվո ու բարվո զգացում կորսնցնող
այս մեծ ոճրագործները դեռ կը պահեն իրենց սրտին մեջ:

Օր մը նորատի կին մը բերին հոն որ իր էրիկը թունավորած
լինելու ամբաստանության ներքև կը գտնվեր:

Կանանց հատուկ բանտը փոխադրվելիս առաջ առժամյա
կերպիվ առաջնորդեցին զինքն ընդարձակ, խոնավ ու մթին
սրահի մը մեջ, տխուր ու մահազդեցիկ օթևան, ուր տարաբախտ
կիներ մազ մնաց վախեն պիտի մեռնեի: Իրեն բանտարկության
ընկեր ունեի ամբաստանյալներ ու դատապարտյալներ. ահա-
վոր տեսարան մ'էր այս երկաթներով ծանրաբեռնյալ ավազակ-
ներու խումբն որոց ամեն մեկ շարժումը շղթայից շառաչմամբ
կը կրկնվեր, որ մեկն անփուլթ, զվարթ ու կայտառ, որ մեկը
տոգույն, նիհար ու դողդոջուն այս մահվան կապանքներուն
տակ: Հոս պատանի ու գեղանի մարդասպան մը որ ութսունամ-
յա ծերունի մը սպաննած էր ու անոր ցույց տված տարօրինակ
դիմադրությունը զարմանոք կը հիշեր. հոն՝ երկար մորուքով,
վարդապետի դեմքով դրամանենզ մը, որ իրեն տրված պատ-
ժույն ծանրությանը դեմ կը բողբոքեր. անդին՝ աներկյուղ հրձիգ
մը որ ապահովագրության ընկերութենեն երկու հարյուր ոսկի
կորզելու համար ամբողջ թաղ մը կրակի տալու շէր վարանած.
Քիչ մը անդին երեք չորս անձինք՝ ծանոթներ ու մտերիմներ,
որք միատեղ ապրելով բարեկամացած են և որք ապագայի
պատրաստություններով ու արդարության ձեռքը շի մատնվելու
համար նորանոր միջոցներ մտածելով կզբաղին. ասոնց մտ
ծերունի մը՝ որ պատժական դատարաններն ստացած բազմա-
թիվ դատապարտությանց շնորհիվ անփորձ իրավագետն մա-
վելի պատժական օրենսդրությունը կը ճանչնա. զորօրինակ նա
կը բացատրե նորեկներուն թե դատարանին կողմն ձրի փաս-
տարան մը պիտի ունենան, թե ուրանայ լավագույն պաշտ-
պանության միջոց չունին, թե քննիչ դատավորին բռնութենեն
Քանգատիլ հարկ է դատարանին առջև:

Նորեկ կիներ սոսկմամբ զատվիլ ուզեց այս մեղապարտ րե-
կերութենեն, բայց ամենուն ծաղրն և հարձակումն իր վրա հրա-

վիրեց. ամենքը նախ և առաջ տեղեկանալ ուզեցին անոր ոճրին ի՛նչ ըլլալը:

— Թունավորո՞ւմ մը, այդ բան մ'ըսել չէ, կրսեր անդինն հուշակավոր ստահակ մը, ցկյանս շղթայակապ աշխատությամբ մը կազատիս:

— 174րդ հոդվածին վերջին պարբերությունը գիտե՞ս, գոչեց անդինն ժերունի խորհրդատուն, կարծես քու վրայիդ ձևված է:

— Մեղք այդչափ գեղեցկությանը, ավելցուց պատանի մարդասպանը,— մինչդեռ կինն ահաբեկ ու շվարած հիմարի մը պես իր շուրջը կը նայեր շարունակ, առանց բառ մը հասկրնալու եղած խոսակցութեննն:

Նույն միջոցին իմացվեցավ այն անհավատալի արագությամբ որ բանտերուն միայն հատուկ է և որով ամեն հաղորդակցության միջոցե զուրկ ամբոխի մը մեջ արտաքին բոլոր լուրերն անմիջապէս կը տարածվին, թե նորեկ ամբաստանյալը Տիգրանի պաշտպանության հանձնված էր դատարանին կողմե:

Տիգրանի պաշտպանյալ լինիլը կիսով մը փրկվիլ և բանտարկելոց երաշխավորության ներքև գտնվիլ կը նշանակեր:

Այն վայրկենն ամենքը բարեկամ դարձան նորատի կնոջ ու զինքն հուսադրեցին:

Ամենքը կը հիշեն այն տարօրինակ թունավորման դեպքն որով նոր ամուսնացած հույն վաճառական մը զոհ եղավ Առնավուտ գյուղի մեջ: Կասկածները կը ծանրանային անոր երիտասարդ կնոջ վրա, որո թեթև վարքն ու առանց մի քանի ամիս սպասելու կրկին ամուսնության փորձը նոր ապացույց բերել կը թվեին այս ոճրույն: Կալանավորման հրամանագիրը շուշացավ զգացնելու այս անպատշաճ փութաջանության բոլոր անխուճեմությունը:

Պոլսո ամեն ազգի ու կարգի մարդիկ, նամանավանդ կանայք հետաքրքրեցան. օրվան սովորական խոսակցության նյութ դարձավ այս ձերբակալումն: Ամբաստանելույն սեռը, տարիքը, գեղեցկությունը, բարձր դիրքը բացառիկ հանգամանք մը կուտային այս եղբրական արկածին: Լրագիրներն, որ այս տեսակ ոճրագործությանց երկտողե մ'ավելի չէին զոհեր:

հարկ դատեցին բոլոր դատաստանական քննութեան վրա օր ավուր տեղեկութիւն հաղորդել իրենց ընթերցողներուն:

Տիգրան, հետամուտ ամեն հռչակ հանող դատաստաններու մեջ պաշտպանութեան դերն ստանձնելու, ամբաստանելոյն փոխանորդութիւնը խնդրեք ու ստացեք էր. և ի՞նչ շեղավ իր պարմանքին աստիճանն երբ ձերբակալյալ կինը ճանչցավ. այն մանկամարդ հույն աղջիկն էր զոր 4—5 տարի առաջ այնքան հիմարութեամբ սիրած էր: Ամուսնանալով իր հրապույրը կորսրնցուցած չէր. միշտ միևնույն հրդեհող նայվածքը, միևնույն քնքուշ, նուրբ ու մատաղ հասակը, միևնույն ոսկեգույն խոսքուպիքն ու վարդաշուրթն բերանն էր զոր ուսանողն այնքան, ո՞հ, այնքան եռանդյամբ պաշտեք էր: Տիգրան զղջաց այս փոխանորդութիւնն ստանձնելուն. ոճրին ապացուցները բազմաթիւ և հազվագյուտ խնամօք իրարու կապված էին: Ընդհանուր դատախազն արտասովոր խստութեամբ մը հառաչ կը վարեք այս դատը. մի գուցե անլսելի ըլլար իր ձայնն և իր ձեռքք բուն իր ձեռքք կախաղանի մատներ այդ պաշտեցյալ գլուխք նախկին սիրո մը մնացորդ մոխիրը կարթննար ու կը բռնկեք. թերևս լավագույն էր ուրիշ պաշտոնակցի մը հանձնել այս դժուարին պաշտպանութիւնը. բայց որի՞ հավատալ և որի՞ վրաս տահիլ:

Հուսկ ուրեմն որոշեց խույս չի տալ վտանգի պահուն. այս գասալքութիւնն իրեն չէր վայել. պահ մը մոռցված սերն արթննալ կարծեք էր. բայց ո՞չ, անձնասիրութեան ու եսութեան զգացում մ'էր որ գինքը դղրդեք էր միայն:

Անշուշտ ամեն մարդկային ու գերմարդկային ջանք ի գործ պիտի դնեք փրկելու համար նորատի կինը, բայց ո՞չ զայն պաշտելուն համար, այլ միայն, ո՞վ մարդկային ունայնութիւն, ճանչնելու համար այդ կնոջ որ իր արհամարհած երիտասարդին կը պարտեք իր կյանքը:

Տիգրան քաջութեամբ գործի ձեռք զարկավ:

Դատաստանի օրը մոտ էր. Ոճրադատ ատենի սրահն հոն էր ուր կը գտնվի այժմ:— Դատավարութեան օրն հասավ. խուռն բազմութիւն մը անոր ամեն մուտքն ու ելքը գրաված էր, երբ Ոճրադատ ատյանն իր հրապարակային նիստն սկսավ:

Այն առեւնական լրագիրները գրեցին բոլոր այս դատին ճանրամասնութիւններն: Ամբաստանելույն հարցաքննութենէն ու վկայից տեղեկութիւններէն վերջն ոճրույն ապացուցման ճղանակը կը քննվեր: Տարօրինակ զուգահիստութեամբ ընդհ. դատախազի օգնականի պաշտօնը կը վարեր Խոսրով:

Պարզ դիպվածի մը բերմո՞ւնք էր թե կանխորոշ վրեժխընդ-
օթութեան մը փափագն որ Տիգրանի դասընկերն այդ աթոռին
ձեռք կը բազմեցնէր. ոչ ոք կրնար ստույգը գտնել:

Միայն թե դատաւարութիւնն երկար ու մանրախույզ և
ամբաստանութեան ու պաշտպանութեան կողմն հավասար
համառութեամբ նշանավոր եղավ:

Խավարային ու անծանոթ պայքար մ'էր որ տեղի կունենար
այս երկու մարդոց մեջ. ուսանողութեան կյանքի սիրային շըն-
չին դիպված մ'էր որ այս երկու բարեկամներն անհաշտ թըշ-
նամի դարձուցեր էր իրարու:

Մեկն իր սերը պիտի պաշտպաներ, մյուսն իր լքման ու
մերժման հատուցումը պիտի պահանջեր:

Ընդհանուր դատախազի օգնականն համառոտիվ թվելով
ոճրին ապացույցներն ու սպանելույն երիտասարդ ու բարի
ամուսին մը լինելն հիշեցնելով, մեծագույն խստութեան մը
շարիք կզգացնէր. ամենքն անհամբեր կսպասէին գիտնալ թե
Գ'նչ էր պահանջած պատիժն. և այս անհամբերութիւնն երկար
չի տևեց. Խոսրով իր խոսքը շուտով ամփոփեց. մեկ բառով
ձահվան պատիժ կը պահանջեր մեղապարտ կնոջ դէմ: Ամբաս-
տանելույն ո՛չ գեղն, ո՛չ երիտասարդութիւնը չէին ազդեր այս
մարմարե սրտին:

Արհավրալից լռութեամբ մը ընդունվեցավ այս անլուր խըս-
տութիւնը:

Խոսքը պաշտպանութեանն էր:

Իրիկվան ժամը 11ն էր, սրահը մթնոցեր ու գերեզմանի լռու-
թիւն ու ամփոփում կը տիրեր շորս կողմը:

Տիգրան իր շուրջը նայեցավ անգամ մը. թշնամի բազմու-
թիւն մ'էր որ զինքը կը շրջապատեր. ամբաստանելույն հան-
ցավորութեան կանխապես համոզյալ առջան մ'էր որ իրեն պի-
տի ունկնդրեր: Զըլլա՞ թե անկարող լինէր փրկելու այս թշվա-

ուսհին. այս վախն անոր միտքը խանգարեց: Մահու ու կենաց վայրկյանն էր. ոտք ելավ դողդոջուն ու ամբաստանյալին ավելի տժգունած:

Ամեն ոք իր շնչառությունը պահ մը կտրեց ավելի աղեկ լսելու համար. ճանճի բզզյունը պիտի լսվեր հինգ հարյուր հոգիե ավելի խոնված սրահի մը մեջ, երբ ծանր ու հաստառ ձայնով փաստաբանն իր պաշտպանության ճառն սկսավ:

Անոնք որ լսեցին, հավիտյան շախտի մոռնան այդ ձայնն, ի՞նչ ըսավ, ո՞ւր կից սկսավ և ի՞նչպես վերջացուց, ի՞նչ կերպով հաջողեցավ պատռել, թոթափել այն ծանր կասկածներու մթնոլորտն որու ներքև ամբաստանյալը կրնկճվեր, ի՞նչ ձևով վանեց այն ատելության ամպն որ բոլոր ունկնդիրները կը գրավեր. ոչ ոք պիտի կարենար ճշտիվ զրուցել:

Նախ իրողություններն ու հետո օրինական ապացույցները քննելով, աննման հաջողությամբ և ջախջախիչ կերպով հերքեց այն փաստերն, որոնք ճարտար կապակցությամբ մը ընդհ. դատախազին ատենաբանության մեջ՝ ոճրագործությունն ապացուցանելու կը հանգեին:

Բառերը, դաշույնի հարվածի պես սուր ու կտրուկ, մի աս մի կը զարնեին այն կասկածներուն որոց կշիռն կախումն ուներ դատին ելքն:

Ու երբ իր հետախույզ ակնարկը կրցավ համոզումը որոշել, պահ մ'առաջ խոժոռած դեմքերուն վրա, երբ ամեն ստվեր փարատած տեսավ դատավորներուն ճակատեն, այն ատեն հիշելով այն անհանդուրժելի տառապանքն ու մահացումն որոնց փափուկ ու սրտաբեկ արարած մը հուսահատ քաջությամբ մը դիմացեր էր, արթնցնելով բանտի ու կապանաց այն անջնջելի օրերու հիշատակը, փաստաբանին հպարտ շեշտը պաշտպանութենե ամբաստանության դարձավ: Երբեք սրտահույզ ոճն այդքան խորին ու ուժգին չէր դղրդած մարդկային սրտերն: Ամենքը, քիչ մը առաջ ամբաստանելույն հանցավորության համոզված, հիմա պատրաստ էին անոր անմեղությունը վկայելու:

Կես ժամ միայն տևեց այս զարմանալի պաշտպանությունն և կես ժամ, դատավոր ու ունկնդիր, փաստաբանին ձայնին անրացատրելի հմայության տակ մնացին:

Իատավարութիւնը վերջացավ, երկրայելի շէր տրվելիք վճիռն, և քառորդ մը վերջն ամենքն ակներև ուրախութեամբ ստացան անմեղութեան վճիռ մը որ միաձայնութեամբ տրվեր էր և որ ամբաստանելույն արձակումը կը հրամայեր, մինչդեռ տարաբախտ կիներ վախեն ու հուզումեն դողդոջուն սրահին մեջ կը նվաղեր:

Տիգրան շսպասեց շնորհակալութեան ցույցերու. ամեննն մաքուր ու ամեննն բարձր համբավն ունեցավ այս անուր հաջողութեամբն. ուրիշ բան մը չէր պահանջեր. ինչպես շորս տարի առաջ, հիմա ալ նույնչափ հաստատ էր այս գեղանի կիներ շի տեսնելու որոշման վրա. իր մոռացման վրեժը լուծեր էր. ուստի մեկնեցավ առանց ետին դառնալու: Եվ ահա այս կերպով վերջացեր էր այն եղերական արկածն որ ողջույն Պոլիսն հուզած էր և որ Գևորգ էֆենտիի սրահներուն մեջ, ինչպես այլուր, տիրող խոսակցութեան նյութն էր:

Սրահներն հետզհետե կոզկորեին, երեկույթն իր ամեննն մեծ փայլն ու զվարթութիւնն ստացեր էր. պարերն իրարու կը հաջորդեին, ու շի պարողները քարափին վրա կամ ծովահայաց սրահներուն մեջ կը շրջեին:

Տիգրան շուտով խույս տվեր էր զինքն հալածող հետաքրքիրներն. ամենքն անոր բերնն լսել կուզէին այս սրտահուզ տոամին մանրամասնութիւնները. Տիգրան սիրտ շուներ անոնց հազարումեկ հարցմանց պատասխանելու. առանձին ու կիսաստվեր սենեկի մը բաց պատուհանին մոտ երբուն թիկնաթոռի մը մեջ տարածվեր էր ու ծովը կը դիտեր:

Շիրավի զմայիլ տեսարան մ'էր որ իր տրտում ակնարկին առջև կը պարզվեր:

Կես գիշերը ժամ մը կանցներ, ու լուսինն իր լրման մեջ պայծառ ու կապույտ երկնից կամարին վրա կը շողար. ծովն հանդարտ էր, ուր կանդրադառնար երկինքն իր կապույտովն ու անհամար աստղերով. ամառվան այն անբացատրելի գիշերներն մին էր որով Վոսփորն այնչափ դուրսիչ է: Բնութեան այս անդորրութիւնն ու պարզութիւնը զինքն հափշտակեց, մոռցավ երեկույթը, սրահը, բազմութիւնն ու երածշտութեան

վրդովյալ ձայներն. առանձնությունն ու լռությունն կը տիրեր իք շուրջն. ամենքն աշխարհիս մեջ կգրոսնուն ու զվարթ էին. ինքը միայն մենիկ ու ապերջանիկ մնացեր էր:

Իր մանկությունն ու պատանեկությունն որբություն, աղքատության ու աշխատության մեջ անցուցեր էր. հազիվ երիտասարդ, ամենեն կանուխ թևակոխած հրապարակային կյանքի՞ մեջ ուր վաղաժամ այլ արդարացի համբավ մ'իրեն կը հետևեր, ափսո՛ս, մեկը չէր ունեցած հաղորդելու ու բաժնելու անոր հետ իր մշտահույզ հոգվույն վրդովմունքն: Իր հայրն ու մայրը գերեզմանեն միայն կրնային նայիլ իրենց միակ որդվույն փառալից կենացն և շի կար իր քով սիրեցյալ մեկն որու բանար իր հազար զգացումներով, հույսերով, խանդաղատանոք լեցված սիրտը: Սեդրաքի մահվրնն ի վեր մենակյաց, ծեր, դաժան ու վայրենի մեկը դարձեր էր. Սեդրա՛ք... շատոնց սև հողը կք ծածկեր զայն... ու ինքը մինակ, բոլորովին մինակ մնացեր էր աշխարհիս վրա...:

Այս տխուր մտածումներուն մեջ էր երբ մերձակա սրահնք դաշնակի մը վրա քաղցր ու տրտում եղանակ մը կը բարձրա՛նար, իբրև թե ծովուն ալյաց վրայեն ու գիշերվան խորին լռության մեջ, համր ու դանդաղ շեշտերով:

Ջարմա՛նք, այս եղանակն անծանոթ չէր Տիգրանին. անոք տրտմահնչուն նվագեն ճանչցավ թե Սեդրաքի սիրած մեկ կը՛տորն էր: Հուզյալ և անձկանոք ոտք ելավ, հասկնալու համաք թե ո՞վ էր այն անձն՝ որ պարահանդեսին թնդունեն ու աղմուկեն խուսափած, առանձին սրահի մը մեջ կը դաշնակեր այս տխուր եղանակն՝ որ այնքան մոտեն իր գաղափարաց տրտմությանը կը պատշաճեր:

Երիտասարդ ու վայելչագեղ կին մ'էր որ, առանց նոթայի, միայն իր հիշողության գորությունամբ, այս դժվարին կտորը դաշնակին վրա այնչափ կատարելությունամբ ու հոգվով կը զարներ Ամուսինը, Տիգրանի ծանոթ պաշտոնատար մը, անոր մոտն էր, որ զինքը տեսնելով ըսավ. «Մոտեցե՛ք, սիրելի փաստաբանս. կերևի թե դուք ալ ինձ պես ժխորե շեք ախորժիր, բայց իրավունք չունիք դուք, որովհետև դեռ երիտասարդ եք և զրոսնելու պետք ունիք: Տիկին, ալիլցուց, իր մանկամարդ կնոջ դառնա-

լով, ահավասիկ ձեզ կը ներկայացնեմ իմ ամենեն ավելի հարգած բարեկամներես մին, այն երիտասարդ փաստաբանն՝ որու անունը ամենուն բերանն է. տիկին Արամ էֆենտի, ավելցուց երիտասարդին դառնալով»։ Տիգրան դեղնեցավ, դեմքը խիստ խոժոռ երևույթ մը առավ ու կատարյալ բարեկրթությամբ խոնարհություն մը ըրավ իր բարեկամին կնոջ, բայց չի պատասխանեց։ Աննախատեսելի դիպվածով դեմ առ դեմ կը գտնվեբայն միակ կնոջ՝ զոր հավիտյան չի տեսնել ուխտած էր և Սուրբիկ կարգաց անոր խոժոռած դեմքին վրա իր դժկամությունը։

Երիտասարդ փաստաբանին համակիր մտերմաց մեջ շատոնց ի վեր առաջին տեղը կը բռնէր Սուրբիկի ամուսինն։ Անգետ այն աղետավոր պատմության որո իր կինն անողոք դոստոյանցազնուհին ու Տիգրանի բարեկամն անմեղ զոհն եղեր էին, և որ անշուք ու մոռացյալ հողակույտին մեջ ծածկված էր, Արամ էֆենտի առաջին տեսութենեն ի վեր անսահման համակրություն օժտեցեր էր Տիգրանի համար։ Գիտուն, ծանրաբարո, ինքնօգնությամբ ձեւք բերած իր բարձր պաշտոնն, որու համար պահանջված արժանիքն ավելին ուներ, ծերունի պաշտոնատարը մեծապես կը հարգեր անոնք որ իրեն պես միայնակ ու անօգնական հառաջացած էին ընկերության դժվարամատչելի դասերուն մեջ։

Անկողմնակալ ու ձեռնհաս դատավոր գոյով ամեն արժանյաց ու կարողությանց, մեկ նայվածքով գուշակեր, ճանչըգեր ու գնահատեր էր երիտասարդին մեծ տաղանդն ու մեծագույն ապագան։ Անոր ազատ ու հմտալից խոսվածքը սիրեր, կծու ու հեզնող բառախաղություններն ախորժեր ու վճռական ծայրահեղ դիտողություններն համաձայն գտեր էր իրեններուն։

Այսպեսով կազմվեր էր այն հաստատ բարեկամությունը զոր ամեն առթիվ ցույց տված էր երիտասարդին և որ քիչ քիչ նայրական գորովանաց փոխակերպեր էր։ Արդարև Սուրբիկի ամուսինն հիմա հիսունի մոտ պետք էր լինի։

Միայն կարծես երիտասարդը չէր ճանչցած լիովին անոց մտերմությունը. միշտ հարգալից այլ միշտ քաշված՝ չէր պատասխանած անոր համարձակ անկեղծությամբը։ Զորքին ահ

իր անթիվ թախանձանաց վրա բնավ չէր գացած անոր տունը
և չէր ճանչցեր անոր ընտանիքը:

Տիգրան այն գիշերն առաջին անգամ լինելով կը պատահեր
այս կնոջ: Ինքնիրեն երևակայեր էր երբեմն զայն գեղեցիկ,
չատ գեղեցիկ ու նույնքան վատ ու անմիտ: Այս տեսութեան
մեջ Տիգրան իր դատողութիւնը մասամբ միայն կրցավ հաս-
տատել. հիրավի գեղանի կին մ'էր երիտասարդութեան ու վա-
յելչութեան բոլոր հրապուրներովը, բայց չի կրցավ անոր խո-
սակցութիւնը սեթևեթ ու սնոտի վճռել. ընդհակառակն պար-
տավորեցավ ինքնիրեն խոստովանիլ թե լավագույն ընկերա-
կան դասուն մեջ հազիվ անոր մի քանի նմանյաց հանդիպեր էր:
Սակայն Տիգրան անձնատուր չեղավ այս նպաստավոր դատո-
ղութեան՝ զոր առանց կամենալու կազմեր էր. նրբամիտ, հրա-
պուրիչ և խելացի կին մ'էր թերևս, բայց երբեք Տիգրան չէր
կրնար մոռնալ այն տարաբախտ վերջավորութիւնն՝ որ իր
թշվառ բարեկամին վիճակեր էր: Ուստի կծու ու խորխտ կեր-
պով պատասխանեց անոր, և իր խոսքերով դաշույնի հարվածե-
աւելի խոր արյունեց անոր սիրտն, առանց սակայն բառ մ'ար-
տասանելու անցելույն վրա:

Մանկամարդ կինը խոռվեցավ, այլ շրնկճեցավ. Տիգրան
արցունքի կաթիլ մը նշմարել կարծեց անոր գեղեցիկ աչքերուն
մեջ երբ անհաստատ ու ուխտադրուժ աղջկանց ակնարկութիւն
մ'որրավ:

— Որչափ ալ խիստ ըլլա ձեր վճիռն. ըսավ Սուրբիկ տրտ-
մութեամբ, ես գայն անիրավ համարողներէն չեմ: Որչափ ալ
անփորձառու աղջիկ մը լինի ուխտադրուժ անձն, անոր հան-
ցանքն ո՛չ ոք ինձմե ավելի անքավելի կը դատե. ուրիշ մը իմ
տեղս կրնար ձեզ պատասխանելով ըսել թե դեպքերը կամեցո-
ղութենե զորավոր են, թե նորատի աղջիկ մը, ենթակա ամեն
տեսակ ճշմանց, գուցե ամենեն տկար էակն է պատահմանց
դիմագրավելու համար ու պետք չէ մեկ հանցանքով մ'ուրանալ
անոր ազնիվ զգացումներն. ո՛չ, ես ասոնց և ոչ մին կրսեմ.
ամեն հանցանք իր պատուհասն իր ծոցին մեջ կը կրե. ի՞նչ
հարկ անգութ ու անողորմ լինել հանցավորին դեմ երբ ճա-
կատագիրն ամենեն ավելի անողորմ է անոր: Պետք է մոռնալ,

այո՛, հավիտյան պետք է մոռնալ զայն, քան թե խոր քննեյ անոր ողորմելի կացութիւնը: Թերևս անգութ մնալու սիրտք շունենաք և կարեկցութեան արժանի դատեք թշվառուհին:

Տիգրան այս լեզվին չէր սպասեր. կարծեր էր թե Սուրբիկինքզինքը պիտի պաշտպաններ իր հարձակմանց դեմ. սխալեք էր. նա այնպիսի բարձր ու վսեմ մտածութիւններով պատասխանեց որ Տիգրան բառ մը չի գտալ ավելցնելու:

Հիրավի նշանավոր մեկն էր այս կինը, նորա զգացմանց բարձրութիւնը չի ճանչնալ կարելի չէր: Խոսք մը չի գտալ պատասխանելու. թերևս ուներ շատ ըսելիքներ. բայց ամուսնույն ներկայութիւնը կարգիւնը ավելի հառաչ երթայե. ուստի խոսակցութեան նյութը փոխեց:

Տիգրան իր պաշտոնին ու ասպարեզին բերմամբ մարդուհոգեբանական զգացումը, զորութիւնը, տկարութիւնն և բարեշրջումը ճանչցող և ուսումնասիրող մեկն էր:

Զարմանք դիտեց այս դեռատի ու գեղանի կինն՝ որո տաքին վայելչութեանը վրա կավելնար բարձր դաստիարակութիւն մը: Տարօրինակ գաղտնիք մ'էր անշուշտ, որ այսքան կատարելութեամբ օժտուալ կին մը թերանար ամենանվիրական խոստմունքի մը մեջ ու սովորական խաբեբա մը լիներ: Իզական սեռին հատուկ տկարութիւն մ'էր այս թե հրեշտակի կերպարանքին ու ձևերուն ներքև ծածկված վատթարագույն էակ մ'էր իր դեմինը:

Երեկուցթր վերջանալուն Տիգրան աճապարեց ամենեն առաջ խույս տալու, բայց այցելութեան խոստում մը չի տված՝ իր ծերունի բարեկամին ձեռքն շաղատեցալ:

Նուզլալ ու խոռվլալ գատվեցալ. իր համոզումը ծանր հարված մը կրեր էր այն գիշեր: Մինչև այն օր անարժան արարած մը նկատած անձը լավագույն և ազնվագույն զգացումներու տեր մեկն երևցալ իր աչքին. իզուր ջանաց մաքառիլ այս տպավորութեան դեմ, իզուր ջախջախիչ ապացույցներ որոնեց օւ գտնել կարծեց անոր դեմ, իզուր իր տարաբախտ բարեկամին սրտակտուր վախճանը հիշեց. սիրտն ու համոզումն ապրտամբ մնացին մինչև վերջը:

Թիրևս Սուրբիկ քոնութեան մը զոհն էր. թերևս հնազանդո-

Քյունը բարձրագույն ու գերագույն հարկ մ'էր անոր ամուսնու-
թյան միջոցին: Ո՞վ գիտե, ամեն ենթադրութիւն ներելի էր.
խոստովանեցավ ինքնիրեն թե առանց անգամ մը խոսեցուցած
լինելու այս կինն, արդարացի չէր վերջնական կերպով դա-
տապարտել զայն: Այցելութիւն մը խոստացած էր. կրկին տե-
տության պետքն ու հույսն զգաց. սակայն չի կրցավ քնանալ
այն գիշեր, խառն ի խուռն երազներ իր նիրհը վրդովեցին. իր
ցնորքներուն մեջ պահ մը կը տեսներ Սեդրաք ցուրտ ու խո-
նավ վարձու սենեկի մեջ առկայծ կանթեղի մը լուսով աշխա-
տող, պահ մը կը հիշեր զայն երբ իր պաշտոնատեղիին կը վե-
րադառնար առանց կարենալ հավատալու դեռ իր դժբախտու-
թյան մեծութիւնը, կը տեսներ զայն դժգույն ու դողդոջուն երբ
անոր սիրուհին իր նորապսակ ամուսնույն թեկն հենած խորխոս
ու հպարտ անոր առջևն կանցներ:

Շաբաթ մը տեւեց իր այս անհանգիստ կացութիւնն. ի վերջո
որոշեց այլևս չի մտածել այս մասին. ի՞նչ փուլթ իրեն թե այս
կինը բարի կամ շար արարած մ'էր. իր բարեկամը մեռած և այս
կինն ամուսնացած էր. լավագույն էր մոռնալ այս աղեկտուք
պատմութիւնն որ իր երիտասարդութեան տարիներուն հետ
այնքան սերտ կապակցութիւն մ'ունեցեր էր: Իրեն չէր իյնաք
քատաստան ընել ու վճիռ տալ:

Բայց այս առաջադրութիւնը չի կրցավ գործադրվիլ. հա՞րկ
էր արդյոք իր բարեկամին կենացը մեջ խաղացած տխուր դե-
քին վերագրել այս կնոջ հիշատակը մոռնալու անկարելիութիւն-
նը, չէր գիտեր. բայց սա ճշմարիտ էր որ անոր հետ ունեցած
տեսակցութիւնն անջնջելի կերպով արմատացած մնաց իբ
մտքին մեջ. անոր շարժումները, ձևը, խոսվածքը, ձայնն աչքին
առջևն էին շարունակ. «Թերևս դուք ալ անգութ լինելու սիրտը
չունենաք ու կարեկցութեան արժանի դատեք թշվառուհին».
Տասած էր Սուրբիկ իր անձին ակնարկութիւն մ'ընելով:

Հիրավի թշվառ էր արդյոք. և ինչո՞ւ համար: Բայց ինք
ի՞նչ կը հետազոտեր անոր ընտանեկան կյանքն, ի՞նչ կը վե-
րաբերեր իրեն. թշվառ կամ երջանիկ, անոր գիտնալիք բանն
էր. ո՛չ սակայն, պետք էր իմանալ թե այդ հանցավոր կինը
գոնե խղճի խայթ մը չուներ. այս հարցումները բոլորն ինքն-

իրենն ըրավ և իր անհանգիստ հետաքրքրությունը մեղադրեց թալս շի կրցավ մեկդի ընել: Կրկին տեսակցություն մը ակնկալությունը գամ զգամ զորացավ իր սրտին մեջ. ամեն օր կորուչեր այցելություն մ'ընել և ամեն օր կը հապաղեր. օր մը մինչև Յուրբիկին տան մոտերը գնաց ու շի համարձակեցավ դռուք զարնել, և ետ դարձավ:

Այն ատեն երկշոտ անձկություն մը իր սիրտը քննեց ու ճեկին խորին և հայտնի կարեկցություն մը, համակրություն մը նշմարեց այս կնոջ մասին. կարեկցություն... անշո՛ւշա, սրիշ ի՞նչ կրնար ըլլալ... ու վախցավ, ամչցավ թերևս ինքե՛րին իր հիմար սերը խոստովանելու...:

Ի՞նչ, սիրե՛լ այն կինք՝ որ իր միակ մտերմին ատեն մը սիրուհին էր ու հիմա իր ամեննն ավելի հարգած անձին ամուսինն էր: Տիգրան իր հանցանքին մեծութենեն սարսափեցավ. խըղճմըտանքն ու պարտականությունն իրենց խիստ և որոշ ձայնը լսեցուցին: Տիգրան ինքզինքեն խույս տալ ուզեց իբրև մեծագույն շարագործ մը, ինքզինքը հանդիմանեց, պարսավեց. ո՛չ ինքն այնչափ վատ մը չէր և չէր կրնար լինիլ, անտարակույս խաբված էր իր ճանաչողության մեջ. սիրե՛լ, ո՛ւսկից գտեր էր այս հոռի գաղափարը:

Ահավոր ու երկարատև պայքար մը տրվեցավ իր հոգվույն մեջ, քարսիրտ և օտարական բժիշկի մը պես ինք անձամբ քննել ուզեց իր վերջին ծանրությունն և պարզապես մահացու և անբժշկելի գտավ զայն: Ու երբ համոզվեցավ որ այս կինն իր ճակատագրին կիշխեր, երբ ճանչցավ թե իր սերն ուրանալն անօգուտ էր այլևս, այն ատեն իր ցնորած մտքին մեջ իր պարտականությունը փնտրեց ու շի գտավ:

Անշուշտ հանցավոր մ'էր, ուէ գթություն անարժան հանցավոր մը այս կինը սիրելուն՝ որ պետք էր իրեն համար կըրկանակի նվիրական ըլլալ:

Այս անակնկալ ու դժբախտ սիրո հետևանքը բոլոր իր արհավիրացից ու կսկծալից պարագաներովն երևցավ իր աչքին:

Ինքն՝ որ այնքան հաջողակ էր ուրիշները պաշտպանելու արվեստին մեջ, զարմացավ որ ինքզինքն արդարացնելու բան մը չէր գտներ. հանկարծ սպառնալից ստվեր մը տեսնել կար-

ժեց... Սեդրաքն էր որ իր բարեկամության համարը կր պահանջեր իրմե: Ո՛չ, փրկության ճամփա մը չի կար, և անգութ Քատավորի մը պես ինքն ամենեն ծանր պատիժը տնօրինեց իր անձին:

Անձնասպանության գաղափարը պահ մը անխուսափելի համառությամբ մը իր միտքը պաշարեր էր: Տիգրան ժան-ժաք Ռուսոյի աշակերտ մ'էր և ապրելու քաջությունն ունեցավ. մեռնելը վաղ կամ անագան միտքը դրած էր, հարկ չէր գայն փութացնել, որոշեց միայն այլևս չի հանդիպել այս կնոջ ու թե որ անկարելի էր անոր պատկերն իր հիշատակէն ջնջել, թե որ անհնար էր մոռնալ անոր ներդաշնակ ձայնը, լավ ուրեմն, ինքնիրեն միայն պիտի քաշեր անծանոթ ու մեկ սրտի մը մեջ միայն ամփոփված սիրո մը բոլոր դառնությունն և այլևս չպիտի տեսնար Սուրբիկը:

Անտարակույս տխուր ու գովելի քաջություն մ'էր այս հաստատ որոշումն որ միայն կրնար համաձայնիլ խստապահանջ պարտականության մը ձայնին:

Տիգրան Սուրբիկի բնակած գյուղին մեջ բայց հեռավոր արվարձանի մը մեջ կը բնակեր: Այս հեռավորությունը բավական չհամարեց. փողոցին մեջ, շրջագայության մեջ, այցելությանց մեջ կրնային իրարու հանդպիլ ու Տիգրան փախստական ոճրագործի մը շտապավ հեռացավ այդ տեղերէն ու Պյոյուք-Տերծ գնաց բնակելու:

Բայց տարաբախտը չէր հաշված այն դժնդակ փորձին բոլոր ծանրությունն՝ որու դատապարտած էր իր կյանքը: Սուրբիկը տեսնելու բոլոր հույս ու ակնկալություն վերջանալուն հետ ճանչցավ իր սիրույն ու տառապանքին մեծությունը:

Ամեն ինչ ի գործ դրավ մոռնալու համար եթե ոչ իր սերը, գոնե իր անձը. նոր եռանդով մ'ընդգրկեց իր մորկալից ասպարեզը, բայց զգվանք ու տաղտկություն գտավ հոն՝ ուր ատեն մը ամենեն մաքուր գոհունակությունը կը գտներ. աննպատակ երևցավ կյանքն ու մաքառելի ձանձրացավ: Մի քանի տարվան մեջ բավական հարստություն մը ձեռք բերեր էր, որոշեց գործե քաշվիլ և ա՛լ գայն խիստ քիչ անգամ տեսան դատավարությանց մեջ:

Ատեն մը ամեն մտային աշխատութիւն դադրեցուց, իր աշխատութեան սենյակը ոտք չի կոխեց, գրական ամեն պարագում վերջացուց. և ուզեց ձեռքի աշխատութիւններով իր անձը հոգնեցնել ու զբաղեցնել. իր ծովեզերյա տան պարտեզին մեջ օրն ի բուն կը տեսնեին զինքը՝ որ տոկուն գործավորի մը պէս կաշխատեր. ի՞նչ կը մտածեր արդո՞ք երբ խոնջած ու քրտնաթոր հանգիստ կառնուր ծառի մը տակ, ակնարկը սեռած ծովուն երերածուփ կոհակաց վերա: Իրիկվան դեմ շրջագայութիւն կրներ հետիոտն կամ ձիով, կերթար որչափ որ կարելի էր հեռուն երթալ, բայց նախամեծար կը համարեր ամայի ու խոպան վայրերը. բազմութիւնը զինքը կը զայրացնէր ու ամեն մարդկային ձայն իբր վնասակար ու շարագուշակ հնչուէն մը կը խուսափեր:

Անցան քսան ամիսներ այս տրտում և անսփոփ կյանքով. գարունը կը հաջորդեր ձմեռվան ցուրտ ու խոնավ օրերուն, օդերը պայծառացան, Վոսփորի ակունքը դալարեցան ու գեղեցկացան, և ամառվան սովորական հյուրերը Պոլսուք-Տերե վերադառնալով նոր ոգևորութիւն մը բերին այս պահ մը ամաչացած եզերքներուն:

Տիգրանի Պոլսուք-Տերեի մեջ բնակած տան կոնակը, քիչ ժըր ավելի վեր, ամառվան համար ուրիշ կոկիկ ու փոքրիկ քոշկ մը կար պարտեզներու մեջ առանձնացած: Այս քոշկը բավական ժամանակ ի վեր պարագայ՝ հինցած ու տխուր երևույթ մը ստացեր էր. անոր տերերը կենդանութեան նշան ցույց տված չէին և ոչ իսկ անգամ մ'այցելելու եկած այս սիրուն բնակութիւնն որ ճաշակի տեր մարդու մը ստացվածքն էր անշուշտ Տիգրանի տան ետին, ավելի բարձր ու բոլորովին ծովահայաց գիրքով, ընդարձակ ու զառիվեր պարտեզի մը մեջ, վայրի շագանակի ծառերի կազմված նեղ ու խորհրդաստվեր ուղիներով, առջևն հարթ ու ուղիղ, ուր 6—7 հատի շափ տերևախիտ ու հովասուն ծառեր շուք կուտային և որ կարծես ծովուն մեջն էր, այս մենակայաց բնակութիւնը մարդատյաց՝ բայց բնութեան գեղեցկութիւն ճանչցող մարդու կը վայլեր: Անոր զմայլելի տեսարանը նույնիսկ Վոսփորի մեջ չէր գտնվեր. մեկ կողմեն մինչև

Սե ծովու փոթորկյալ ալիքն, մյուս կողմեն Ասիական եզերքն իր դալարյալ բուրաստաններով, Պիլոսոսն մինչև Քանտիլի. ահա անոր հազվագյուտ ու աննման տեսարանը:

Ամառվան սկիզբները շարժում մը տեսնվեցավ այս լուին ու լքյալ բնակության մեջ: Նորոգություն մը կը կատարվեր հապահեպ ու փութաչան գործավորներով: Մեկ երկու շաբթվան մեջ, պարտեզը խնամով շտկվեցավ, բյուզը նորոգվեցավ, ներկվեցավ ու կահավորվեցավ: Տիգրան՝ դրացի մը ունենալու հավանականությունը գրեթե ուրախությամբ տեսավ: Երկու տարվան առանձնությունը զայն կերպարանափոխ ըրեր էր: Մշտատե ախրությունն ու անոթությունը կրնային ծանր հետևություններ ունենալ և Տիգրան առանց աղմկալից ընկերության մը մեջ նետվելու, իրեն պես առանձնասեր ծանոթի մը հետ տեսության պետքը կզգար:

Քանի մ'օր վերջը բյուզին նոր տերերը փոխադրվեցան, Տիգրան դեռ չէր տեսած զանոնք և գիշեր մը ճաշեն վերջը՝ ծովուծ վրա նայող սրահին մեջ բուսարանության գիրք մը կը թղթատեր որ Հարավային Ամերիկայի ճոխ ու հարուստ բուսոց ու ծառոց վրա կը խոսեր, երբ իր ծեր սպասավորը նոր դրացիներուն այցելության եկած լինիլն իմացուց. Տիգրան դիմավորեց զանոնք:

Արամ էֆենտին, իր տիկինը, երկու փոքրիկ հրեշտակներ, ասոնք նզան Տիգրանի դիմավորած անձինքն:

Ո՛ւսկից, ի՞նչ կերպով և ի՞նչ դիպվածով Պյոյուք-Տերն ու իրեն այնքան մոտ եկեր էին: Ամենամեծ հուզմանց մեջ անգամ երիտասարդն ինքնիրեն տերն էր. իր վրդովումն երկար շի տվեց ու կատարյալ ազնվությամբ իր հյուրերը մեծարեց:

Արամ էֆենտի միշտ միևնույն գորովալից ու մտերմասեր անձն էր. հոր մը խանդաղատանոք Տիգրանը տեսնելուն ու այնքան մոտ դրացի ունենալուն ուրախությունն հայտնեց: Իսկ ի՞նչ փոփոխություն իրեն վրա. երկու տարվան մեջ բուրդովին ծերացեր ու ինկեր էր. մազերը ճերմկցեր, ճակատը խորշոմեր ու տեսությունն և լսողությունը տկարացեր էին: միայն անոր հզոր միտքը մնացեր թերևս առաջվրեն ավելի զթրավոր: Պաշտոնե հաներ էին զինքը. նախանձարեկ հայ

պաշտոնյաներ՝ իրեն մեծ դիրքին հետամուտ՝ չէին վարաներ
մուր քսելու անոր մաքուր ու անբիծ պաշտոնավարութեան վրա
ու անխորհուրդ որոշում մը՝ առանց քննութեան՝ վտարեր էր
զայն քաղաքական ասպարեզեն:

Արամ էֆենտի պաշտոնի համար հոգի տվող մարդ չէր բը-
նավ. առանց բողոքելու, առանց գանգատելու, սակայն իր ան-
մեղութիւնն անվիճելի կերպիվ հաստատելի վերջը, գրեթէ գո-
հութեամբ ձգեր էր իր պաշտոնն որո համար իր տկարութիւնն
«ո հիվանդոտ վիճակն արգելք էին: Նախարարաց խորհուրդը
շուտով համոզվեր էր անոր անմեղութեանն և հարմար հան-
գրատեան թողակով մը վարձատրեր էր այս խելացի պաշտո-
նեին քսան տարվան ծառայութիւնը, մինչդեռ Փարիզի մեջ
գտնվող մեծանուն հայազգի հարուստ մը, վաղեմի բարեկամ
մը՝ որոն կը վերաբերեր այս քոշկն, անոր տրամադրութեան
կերքն դրած էր զայն:

Արամ էֆենտի անկեղծ հոգածութեամբ Տիգրանի վիճակն
հարցուց ու իր երկու փոքրիկ զավակները ներկայացուց որոնց
մեծը գրեթէ յոթը տարեկան կայտառ ու զվարթ մանչ մը և
մյուսը շորս տարեկան փափուկ ու գեղանի մանկուհի մ'էր:
Սուրբիկ միայն անփոփոխ մնացած էր. ոչ սակայն. ծանրու-
թեան հով մը կար անոր վրա. բայց իր հրաշալի գեղեցկու-
թեանն ավրված չէր. այն երեակայական կիսն էր միշտ գոր
երիտասարդն իր ցնորքներուն և երազներուն մեջ կը տեսներ
ու կը պաշտեր. բուրում մը կար անոր վրա կարծես հրապույրի,
հեշտութեան ու երջանկութեան որ իր շուրջը կը ծավալվեր:
Սուրբիկի գտնված տեղն հմայիչ ու անբացատրելի մթնոլորտ
մ'էր և անոր մոտն, այնքան մոտն ապրելու ստուգութիւնը
Տիգրանն հիմարեցնելու շափ անհավատալի երջանկութեան
մ'էր:

Սակայն Տիգրանի այս տպավորութիւնն՝ այն վրդովլալ
հուզումը չէր որ զինքն ալեկոծեր էր այս կիսն առաջին անգամ
տեսնելուն: Այս անգամ գոհունակութեան, անդորրութեան ոգի
մ'էր որ իր մտածութեան մեջ կարթննար: Վտանգալից ապա-
գա մը չի տեսավ որ զինքը վախցներ, այլ հեզ ու հանդարտ
տեսնութեան մը վայելքն որ իրեն պիտի բավեր: Այս գիտուն,

ժերունի ու բարի ամուսինն, այս նորատի ու գեղանի կինն, այս երկու պաշտելի հրեշտակներն, այս ամեն ինչ ընտանեկան կենաց դրախտն էր անշուշտ և ինքն, այո՛, ինչո՞ւ չըլլար, մտեբիմ, անձնվեր ու առաքինի բարեկամ մը պիտի լիներ հոն. որդվո մը պես կը սիրեր ու կը հարգեր այս ընտանյաց տերն ու եղբոր մը պես, միայն եղբոր մը պես, պիտի սիրեր անոր կիսնն։ Այն ատեն երևակայեց իր կյանքը՝ ցայնժամ դառնությամբ լցված՝ որ հանկարծ երանության հորիզոններով կը վերաքացվեր։

Վստահություն և ապահովություն զգաց իր անձին վրա ու այս տրամադրությամբ իր մտերմությունն ու գորովը կրցափցույց տալ այն ընտանյաց ուրկե մինչև այն օր խուսափած էր. անոր զավակներն անհուն համակրությամբ ընդունեց և փոքրիկ մանուկներն իրենց նոր բարեկամին կապվեցան այն անսխալ համոզմամբ որով տղայք անմիջապես կորոշեն զիրենք սիրողն ու շսիրողն։

Այսպեսով Տիգրանին կյանքը պատող մառախուղը փարատեցավ և զվարթության արևը նորեն փայլեցավ անոր խնդուն երեսին վրա։ Երիտասարդն ի բնե ուրախությունը սիրող էր. երջանկության հեռանկարն իր սիրտն անսահման բերկրությամբ լեցուց. բանի մը փափագող չէր այլևս ու գուցե աշխարհիս վրա միակ գոհ ու երջանիկ անձն էր։ Հավատքն ու համոզումն՝ աշխատության կարոտ չեն գոյանալու համար։ Տիգրան զգաց քան թե որոշեց այս բոլոր խորհուրդներն. ապագային տեսարանը մանրերկրորդի մը մեջ պարզեցավ իր աչքին առջև իր բոլոր պայծառ գույներովն ու իր ամբողջությամբ և Տիգրան աներկմիտ ու անկասկած հավատաց անոր։

Ի՞նչ է արդյոք մարդկային սրտին գաղտնիքը. ժամերով, շաբաթներով, ամիսներով քննած ու անթափանց համարած սովերները մեկ վայրկենի մեջ անհետացան ու Տիգրան զարմացավ որ այս գեղանկար երկինքը չէր նշմարած մինչև այն ժամը։

Առջի տեսութենեն՝ մտերմությունը կատարյալ եղավ ու խոսակցությունը՝ զոր Տիգրան այնքան քաջ գիտեր ախորժելի

զարձնել, մինչև գիշերվան վեց երկարեցաւ. բաժնվեցան ամեն օր տեսնվելու խոստամամբ:

Տիգրան մինակ մնաց. ի՞նչ զարմանալի ու անակնկալ դիպւած.— ո՛ւսկից ո՛ւր ճակատագիրն առաջնորդեր էր այս կինը՝ գոր շի տեսնելու համար ամեն ինչ ի գործ դրեր էր. բայց նախախնամութեան կամքն իր կամքեն վեր էր հարկաւ: Երկու տարվան մոտ ժամանակ մ'անցունելը մեծապէս օգտած էր իր յենդահույզ տազնապաց ամոքվելուն:

Տիգրան ինքզինքը բննեց ու առանց վարանման հայտարարեց թե բժշկված էր անդարմանելի կարծած հիվանդութենե մը: Սուրբիկի տեսքը նոր կյանք ու կենդանութիւն տվեր էր անոր. նոր մարդ մ'էր որ աշխարհ կուգար առողջ ու ազատ, առանց նախորդին տկարութեանց:

Ուստի անվախ ու անբույթ պիտի ապրեր այն կնոջ մոտ և հիմարական տենդեր չի պիտի կրնային գալ վրդովելու իր անգորր էութիւնը:

Այս երաշխավորութեամբ հաստատվեցաւ այն սերտ բաժնկամութիւնն որ երկու դրացիները գրեթե միացուց:

Այս ընտանութիւնն սկսաւ բարեբաստիկ գուլներով. Արամ էֆենտի, քիչ մը հիվանդոտ ու տկար, մեծ բարվոքում մը գտած էր այս օգափոխութեամբ. իր կինը միշտ ամուսնույն մոտ, անոր բոլոր հանգստութեան և իր որդվոց կրթութեան նվիրված, ու Տիգրան որ զվարթ ու խնդումբերս այս առանձնասեր ընտանեաց ղզկորութիւն կուտար ու անոնց միօրինակ կենցաղավարութեան տրտմութիւնն ու ձանձրույթը կը փարատեր:

Օրական զբաղումնին գրեթե միևնույնն էր. առավոտուն կահուիս, գրեթե արշալույսին հետ կելնեին. երբեմն Տիգրան էր որ այգուն այգուն քոշկին դուռը ձեռք կառնուր ու երբեմն իր զրացիներն՝ որ երիտասարդը կուգային արթնցնել ու անոր ծուլութիւնը մեղադրել. նախաճաշի ու ճաշի տեղերն որոշված էին անպատճառ առջի իրիկվընե. մերթ անտառուտ ու ստվերամած մեկ կողմն էր իրենց պարտիզին մեջ ուսկից կը դիտեին արևուն ծագումն հանդարտ Վոսփորի ջրերուն վրա, մերթ Պեյքոզի մեկ եզերքն ամայի ու անխռով ծառի թփի մը տակ. ցեքեկը՝ ճաշեն վերջն ընթերցանութիւն մը կրնեին նոր հեղի-

Յակի մը ու հետո ջուրերը կերթային, մասնավորապես Քեսա-
նէ-Սուլին որ խորհրդավոր ու նսեմաստվեր անտառի մը մեջ
պայծառ ու անուշ ջրի աղբյուր մ'է ու Ենի-Մահալլեցի բնակ-
չաց մի զբոսավայրը. գիշերն երբեմն Պլյուլը-Տերիի գեղեցիկ
բարափին վրա շրջագայութիւն մը կամ ծովուն վրա կոնտրոլֆ
պզտիկ պտույտ մը և երբեմն ծովեզերյա տան սրահին մեջ խո-
սակցութիւն մը պատուհանին քով լուսնի լուսով ահա այս
անձանց հաճույքն ու անցուցած կյանքն:

Ո՛չ իսկ բառ մը, խոսք մը կամ ակնարկութիւն մ'անցելույն-
այս ներդաշնակ երանութեան մեջ. Տիգրան ամեն բան մոռցած
էր. Սուրբիկի հետ իր գորովն՝ եղբայրական անկեղծութեամբ ու
համարձակութեամբ մը կը հայտնվեր և նորատի կինը միևնույն
անկեղծութեամբ ու համակրութեամբ կը տեսնվեր իրեն հետ:

Մտերմութիւնն այնչափ հառաջ գնաց որ օր մը Սուրբիկ
Տիգրանի անցյալ օրերը քննել ուզեց:

— Ոչ որ շե՛ս սիրած մինչև այս տարիքը, Տիգրան, հար-
ցուց անոր. քեզի պես անհանդարտ մեկը չեմ կրնար ենթադրել,
որ անտարբեր կամ անփութ մնացած ինի մինչև հիմա, ավել-
ցուց խնդալով. նեղանաս կամ չի նեղանաս հոգս չէ, տեսնենք
պատմե՛ մեզի քու հաջողութիւններդ ու սիրային արկածներդ:

— Ի՞նչ կը հասկնաս սիրային արկած ըսելով. թե որ այն
խաբերա զրախոսութիւնները կըմբռնես զորս երիտասարդ մը
ու երիտասարդուհի մը առանց զիրար սիրելու անամոթ հան-
դըզութեամբ մը իրարու կը կրկնեն. թե որ այդ տեսակ պատ-
մութիւններ կուզես, տիկին, ի՞նչ մեղքս պահեմ, շատ ունեցե՞ք
եմ մինչև ցարդ. իսկ թե որ ճշմարիտ, խորին ու սրտի կապ մը
ըսել կուզես, ատիկա ունեցեր եմ ու չեմ ունեցեր միանգամայն,
պատասխանեց երիտասարդը ցած ձայնով՝ որուն մեջ Սուրբիկ
իր կանացի փափկութեամբ տրտմութեան ու դառնութեան շեշտ
մը նշմարել կարծեց ու խոսակցութիւնն հառաջ չի տարավ:

Տիգրան փոխադարձաբար կրնար հարցնել թե Սուրբիկ ալ
այդ տեսակ սրտի կապ մը ունեցած չէ՞ր. բայց և ոչ մտաբե-
րեց զայս: Այս անքույթ երջանկութեան մեջ մոլորած երիտա-
սարդին ակնարկն ու հիշողութիւնը ներկայեն անդին չէին
անցներ:

Շիրավի երջանիկ էր Տիգրան:

Հորմեհեստե ինքզինքը տեր կարծեր էր իր սրտին, պատճառ մը չէր գտած իր անձը մշտնջենական զրկման դատապարտելու. բավ էր որ անպատիվ խորհուրդ մը շանցներ իր մտքեն և ուրիշ արգելք չի կար զուրկ մնալու այս կնոջ երեսնն որ իրեն համար արեգակն էր փայլուն ու կենսատու: Անոր շնչած օդը քնել, անոր պտրտած վայրերը տեսնել, անոր ձայնը լսել հեշտալուր, կարենալ առանց ունէ անպատվութեան ամեն ժամ տեսնել զայն, խոսիլ անոր հետ, մեկ բառով պաշտել զայն կրպես երբ վերացական աշխարհի մը մեջ անգամ այսչափ ճրանութեան չէր հավատար, Տիգրանի՝ ուրիշ պահանջելու բան մը չէր մնար: Ի՞նչպես սակայն իր խանդավառ սերն եղբայրական գորովանաց փոխակերպեր էր, ի՞նչպես կրցած էր գոհանալ պարզ մտերմութեան մը վայելքով. այս կնոջ անքննազատելի ծանրութիւնն էր արդոք, անոր լուրջ ու խոհուն վաճառքն էր որ զինքն հեղափոխեր էր, թե ոչ այս տեսութիւնն իսկ մեծագույն շնորհն էր զոր՝ իր սիրույն շփազանցութեան մեջ՝ երիտասարդը շատ և շատ իսկ դատած էր իրեն համար: Ինչ որ ալ ըլլար չի ջանաց ծածկել իր համակրութիւնն որ արդեն իր ամեն խոսվածքին ու վարմունքին մեջ երևան կեններ: Տարօրինակ ազդեցութիւն մ'էր այս կնոջ իշխանութիւնն երիտասարդին վրա. երբ որ խոսեր իրեն, ներդաշնակ նվագ մ'էր քրուն դադրելն վերջն սնգամ երիտասարդը դեռ կունկնդրեր ճրբ որ նայեր իրեն. փայփայիչ ու դզվալից ակնարկ մ'էր որ իրեն կը հետևեր ու զինքը կը շրջապատեր էլեկտրական հոսանքով մը:

Խոստովանեցավ օր մը Սուրբիկին իր բոլոր տկարութեանը. — «Զեմ գիտեր, ըսալ անոր, ի՞նչ հմայութիւն ունիս վրադ, կզգամ որ քույրս քեզ շփ շփտի սիրեի. անբացատրելի զգացում մ'է զոր իզուր կը ջանամ հասկնալ. հոր մը շփ կը սիրեմ քու ամուսինդ. հավատա որ ուրախ եմ այնպիսի բարի ու սիրեցյալ անձի մը կենակիցն լինելուդ. թերևս իրարու չի հանդիպելիք բնավ թե որ Արամ էֆենտի բարեկամը շինեի ես»:

Այս անգորութեան օրերու մեջ էր որ Արամ էֆենտի գլխի ծանր հիվանդութենն մը պառկեցավ. Սուրբիկ անձնվեր հոգա-

Թությամբ մը խնամեց իր ամուսինը, քսան օր հարկ եղավ ան-
բուն անցունել անոր անկողնույն մոտ. դեղերը տալ, զայն
սփոփել ու խնամել վարձկան ձեռքի գործ չէր և Սուրբիկ ան-
ձամբ իր պարտքը կատարեց. վտանգներն անցան բայց նախ-
կին առողջությունը չի վերադարձավ. հիվանդությունն հաղթ-
վեցավ մշտնջենական հետք մը թողլով սակայն հիվանդին
վրա զոր անկարելի եղավ բուժել: Արամ էֆենտի ականջի ծան-
րություն մ'ունեիր, այս հիվանդությունն անոր լսողությունը
խանգարեց. հիվանդն ոտքի վրա ելավ բոլորովին խուլցած,
ծանր հարված մ'եղավ ասի ծերունի մարդուն, հավիտենական
զրկում մ'էր ամեն հարաբերութենէ: Անփարատելի տրտմու-
թյուն մ'եկավ իր վրա և իզուր ջանացին զինքն սփոփել. ամեն
մարդ պարտավորեցավ զրով խոսիլ իրեն հետ: Ամեն ձայնն
զուրկ ու կարոտ մնացող այս մարդը չի կրցավ անտարբեր
քաջությամբ մը դիմադրել այս աղետին. յուր անզբաղ օրե-
րուն բոլոր հաճույքը խոսակցությունն էր զոր հարկ էր մեկ
կողմ թողուլ. իր խլության պատճառով պարտավոր էր մեկուսի
մնալ այլևս իբրև խելագար հիմար մը. այլևս ընկերության մեջ
չպիտի կարենար մտնել ծիծաղելի շրլլալու համար. երաժշտու-
թյունն և իր կնոջ դաշնակին ձայնը՝ զոր այնչափ կը սիրեր,
ա՛լ իրեն համար չէին: Նամանավանդ իր որդվոց ձայնը չի լսե-
լր զինքը խիստ վշտացուց:

«Ձավակներուս ձայնն կարոտ մնացի», պատասխանեց ան-
ոնց՝ որք զինքը մխիթարելու համար ամեն ցանք կրնեին:

Իսկ Սուրբիկ ի՞նչ կը մտածեր այս անակնկալ պատահա-
րին առջև: Իր ամուսնույն դժբախտ կացութեան վրա կատարյալ
ու խորին ցավակցությամբ մը հանդերձ չի կրցավ ակնարկ մը
չի դարձնել նույնիսկ իր գոյության վրա. հագիվ 25 տարեկան
էր դեռ, երբ իր ծերունի ամուսնույն հիվանդ վիճակը՝ նոր տկա-
րությամբ ծանրանալով, բնտանեկան կյանքը բոլորովին կը
վերջացներ: Ապաքեն քանի տարիներե ի վեր հիվանդոտ էրի-
կը դարմանելով անցուցած էր կենաց ու երիտասարդության
լավագույն օրերն. այսուհետև այրի ու ծերացած կնոջ մը տը-
խուր ու մռայլ ապագան վերապահված էր իրեն:

Հանկարծ անցյալ օրերը պատկերացան իր աչքին առջե

անողոք ճշտությամբ մը. ո՞ւր էր այն ցնորական երջանկությունը զոր Սեդրաքին սիրուլն մեջ կը վայելեր երբեմն, ո՞ւր էր այն հեշտության դրախտը զոր երիտասարդին ականջին կը փոստանար ու կը փսփսար: Ուխտագրուծ ու խարեբա՝ քարուքանդ կործաններ ու փշրեր էր այն երանության հուլսերն զորս իր ձեռքն էր իրականության վերածել. շարագուշակ հրեշտակի մը պես մահ և ավերում սփռեր էր իր շորսդին, և սև հողերն հափշտակեր տարեր էին այն մեկ հատիկ սիրեցյալն որուն միայն խոստացած էր պատկանիլ:

Ուորբիկ չար հոգի մեկը չէր. ոչ ոք իր հանցանքին մեծությունը թերևս իրեն չափ կը ճանչնար. ոչ ոք ապաշխարելու ու ներողության արժանանալու հարկն իրեն չափ կը խոստովաներ: Ամուսնական կյանքին մեջ իր պարտականությանց անթերի գործադրությամբն սփոփանք մը գտնել որոշեր էր, հավետ իր սրտին մեջ պաշտելով իր միակ սիրելվույն հիշատակը:

Տարիքի ահագին տարբերությունն, որ ի սկզբանե իր եամուսնույն մեջ կը գտնվեր, զինքը զուրկ թողած էր երջանկության այն ամեն հուլսերեն զոր երիտասարդուհին իրավունք ունի պահանջելու: Հայրական խնամք ու հոգածություն գտեր էր շատ անգամ հոն՝ ուր հրդեհող և սպառող հեշտություն մը գտնել կը հուսար: Քնքուչ ու հազվագյուտ ծաղկի մը պես ջրմոցի մը մեջ միայն պահվեր էր, մինչդեռ այնքան պետք ուներ ազատ օդին ու արևին ճառագայթներուն. չէր կրնար գանգատի, սակայն իր ամուսնույն դեմ՝ որո բարի, առաքինի ու ներողամիտ բնությունն ամեն մեծարանաց արժանի կը կացուցաներ զինքը:

Անշուշտ գիտեր թե որքան անդարմանելի սխալ մը գործած էր ամուսին ընտրելով իրեն այնպիսի մեկն՝ որ հոր մը տարիքն ունեւր իրեն քով և իր աչքը սևեռելով կը տեսներ իրեն տարեկից մանկության ընկերուհիներն որոնց ամեն մեկը հիմա իրեն պես երիտասարդ, առողջ ու զվարթ ամուսինով մը երջանիկ եղեր էր. անշուշտ իր ձեռքն էր օգուտ քաղել այն բոլոր թուլտույններն՝ զոր իր ամուսինը կատարյալ վստահությամբ մը տվեր էր իրեն. շեղելու ու մոլորելու համար պատվո ու պարտակա-

նության ճամփեն. երիտասարդներ չէին պակսած ականջն ի վար զմայլիչ ու ապահով նկարագրելու այն ուղին որ լի էր անհատակ անդունդներով: Սուրբիկ մերժած էր ցայն վայր և գոհ էր խոտորած շիինելուն ուղղության ճամփեն. բայց ահա անոք ու միայնակ՝ դատապարտյալ ծերունվո մը հետ ինքն ա, դատապարտված էր. անզգա մը չէր սակայն երբ երիտասարդական արյունն այնչափ ուժգին կը շարժեր իր սրտին մեջ. ծաղկահասակ ու գեղեցիկ՝ ինքն ալ միթե չէ՞ր գիտեր սիրելի՛ նրիտասարդ կիսն, առանց ուէ փորձառության տեր լինելու, խորին գիտակցություն մ'ունեի յուր տեսնված անձանց տրամադրությանց վրա ու իր կնային բնազդամամբ առաջին տեսութենեն ճանչցեր ու հասկցեր էր Տիգրանի համակրությունն, իսկ հիմա բոլորովին կը կարողար անոր սրտին խորն ուր խռովության հովեր կը փչեին:

Անփույթ ու շաղակրատ գվարթությամբ մը՝ սիրային լուրջ կապակցության մ'առաջքն առնել ջանացեր և հաջողեր էր ցայնվայր. Տիգրան անոր ընդունելության ձևերուն տակ չէր կրցած նշմարել երկյուղալի անձկություն մը. և հիմա որ ամուսնուն խուլնալովը գրեթե միայնակ ու առանձին կը մնար այս երիտասարդին հետ, վտանգը մեծ և ահավոր էր. ո՞վ պիտի պաշտպաներ զինքը տկարության, անխոհեմության վայրկենի մը մեջ. ճակատագիրը կարծես շար սատանայի մը պես ամեն ջանք ի գործ կը դնէր զինքը փորձելու. բայց գուցե իրեն շափ մեղքցվելու արժանի էր Տիգրանն ալ. Սուրբիկ երևակայնց գայն երբ լռիկ ու անձայն խուլս կուտար իրմե և երախտագետ սրտով կը մտածեր այն անձնվեր զոհողության՝ որոպ երիտասարդն ինքը միայն տանել ուզեր էր դժբախտ սիրո մը բոլոր տառապանքն. այնպես թվեցավ հանկարծ իրեն որ Տիգրան իրեն մոտը կը ծնրադրեր ու ձեռքերը միացուցած սիրո ոտառապանաց խոստովանություն մը կընէր իրեն, անոր հեշտալի շունչը կարծես թե կը գզվեր իր դեմքը... Սուրբիկ սթափեցավ, դուրս ելավ դողդոջուն և պարտիզին զով ու ցրտի՞ն հողմն ամոքեց անոր հրատապ ճակատը....:

Այսպես նոր նոր շփոթություններ կը պատրաստվեին մտաավոր ապագայի մը մեջ, ընտանեկան հորիզոնին վրա սև կե-

տեր կը տեսնվեին, նախակարապետ մեծ ու խոռվահույզ մըր-
րիկներու:

Արամ էֆենտիի ապաքինութենէն վերջն ապրելու եղանակ-
նին փոփոխություն կրեց: Այս բարեսիրտ մարդն՝ այնքան ծանր
հարվածի մը ներքև ընկնելով՝ գրական պարապմանց տված
ինքզինքն ու առանձնացավ. բայց անխիղճ ու եսասեր մեկը
չէր որ իր ճակատագրին բոլոր դառնությունն իր ամուսնույն
վրա ալ բեռնավորեր. ազատամիտ փիլիսոփա՝ որ իր ընկերա-
կան կենաց բոլոր անպատեհ կողմերը կը ճանչնար, գիտցեր
էր գեթ իր անուշ բնավորութեամբ ընուլ տարիքի հեռավորու-
թյունն՝ որ զինքն իր կնոջմէն կը բաժներ և հիմա բնավ չէր
ուզեր երիտասարդ ու անփորձ կնոջ մը քավել տալ անհեռա-
տես որոշման մը հետևանքը զոր ինքն իր բոլոր փորձառու-
թեամբը չէր գուշակած ատենով:

Ուստի կնոջը գրեթէ բռնութեամբ հրամայեց իրեն հետ շա-
ռանձնանալ:

«Ինձ համար որդի մը ու քեզ համար եղբայր մ'է Տիգրան,
ըսավ Սուրբիկին, կուզեմ որ առաջվան պես ուրախ ու ազատ
ապրիք. հարկ չէ որ ես ալ ընկերանամ ամեն ատեն ձեզի, ես
այսուհետև չեմ կրնար շարունակ դուրս ելնել և դուն ինձ հետ
բանտարկյալ մի՛ մնաք»:

Հիրավի, եղբայր մ'էր Տիգրան Սուրբիկին: Այս հեռադե-
մարդն անկեղծութեամբ կրսեր այս խոսքերն ու այս անխոր-
հուրդ առաջարկին վրա չէ՛ր խորհած երբեք:

Ո՛չ. այնքան պարզմիտ մեկը չէր որ առանց կշռելու հե-
տևանքն այս աստիճանի թուլլտվություն ու ազատություն շը-
նորհեր իր երիտասարդ կնոջը:

Սերունի պաշտոնատարը շատ և շատ անգամ խորհած իր
ընտանեկան կացութեան վրա և քանիցս զղջացած էր անտես
ըրած լինելուն այն առաջին պայմանն՝ առանց որո ամուսնու-
թյունն անհամ կատակերգություն մը կը լինի եթէ ողբերգու-
թեան չի դառնա:

Ձղջում մը կար այս մարդուն սրտին մեջ. ճշմարիտը խո-
սելով չէր կարող իրեն հետ հավասարապես պատասխանա-
տու համարել իր կինն ալ այս անպատշաճ միացման մեջ և

հանցանքն անդարմանելի ու մշտատև կը ծանրանար իր վրա միայն:

Մարդկային արդարութիւնը չէր կրնար դատապարտել զինքն և իր տագնապյալ խղճին ձայնն էր միայն զոր կը լսեր որոշ ու քացարձակ:

Այն վայրկենն, այս տարօրինակ մարդն որոշեր էր իր կնոջ վերադարձնել անոր ազատութիւնն և կերպով մը փեթեցնել եթե ոչ դարմանել իր գործած սխալը:

Արհամարհելով ընկերութեան բոլոր շարախոսութիւններն ու նախապաշարումներն, սփոփանք մը պիտի ունենար, եթե իր կինն առանց խոտորելու պատվո ճամփեն կարենար իրեն տարեկից ու առաքինի երիտասարդի մը բարեկամական գորովով մոռնալ և իր երեսին չի զարնել զինքն հավիտենական թշվառութեան մը մատնած լինելու հանցանքը:

Անշուշտ Սուրբիկ և ոչ մեկ ժամանակ առիթ տված էր իր ամուսնույն դժգոհութիւնն կամ հանդիմանութիւնն մը կարգաչու իր դեմքին վրա. բայց այս լռին համակերպութիւնը գանգատող ձայնն մ'ավելի ծանր եկած էր միշտ անոր սրտին:

Թե որ ամուսնաթողութիւնն ընդունելի լիներ մեր կրօնական օրենսդրութեան մեջ, Արամ էֆենտի բռնութեամբ պիտի բաժնվեր իր կնոջմէն. ու քանի որ օրենքը կաշկանդող ու բռնադատող էր, իրեն կիշնար կարելիութեան ու պատշաճութեան սահմանին մեջ անտանելի չի դարձնել ամուսնական լուծը:

— Որի՞ կսպասես ամուսնանալու համար, կրսեր օր մը Տիգրանին. չըլլա որ երիտասարդութիւնդ անցունելի վերջն ինձ նման հիվանդ ու կարոտ օրերուդ օգնական մը փնտրելու համար միայն ամուսնանալու ելնես: Տարիքն առնելն վերջն երիտասարդուհի մը հետ ամուսնացող մարդը կը նմանի ծովն ինկող անձի մը՝ ոտքեն կապված ծանր գնտակին որ իր երիտասարդ կիւնը միասին կը տանի թշվառութեան անդունդը:

Մինչև այն ատեն իր կնոջ և ոչ մեկ փափագին հակառակեր էր. Սուրբիկին ամենն շնչին հաճույքն իբրև պարտականութիւն մը ի գործ դրած էր միշտ և ասկից վերջը միևնույն բարեսրտութիւնն ու թուլտվութիւնը տալու հարկը ճանչցավ:

Այս ձևով Տիգրան ավելի մեծ ազատութիւն մը վայելեց

Սուրբիկին քով. իր բոլոր բարեկամության հակառակ, այս էր մարդկային սրտի տկարությունն, գրեթե գոհությամբ տեսա՞վ Արամ էֆենտիի մենավոր մնալը. բայց զայն առանձին չի թողուց. երբոր Արամ էֆենտի իր աշխատության սենեկեն դուրս ելնեք, Տիգրան անոր քով կը կենար միշտ ու մերթ գրավոր խոսակցությամբ և մերթ պեզիկի խաղով կանցունեին միասին քանի մը ժամեր:

Խոսքով շուտով հառաջացեր էր իր կանխորոշ ճամփուն մեջ. դատավորական ասպարեզն, օրինական ճշտությամբ սահմանափակ գտնվելով, առաջուց ի վեր անհարմար թված էր իրեն. ուստի շուտով թողուց իր ընդհանուր դատախազի օգնականի պաշտոնը վարչային բարձրագույն պաշտոնի մը փոխարեն:

Այս հրիտասարդը՝ դուրին ու արագ հառաջադիմության մը անհրաժեշտ եղող բոլոր պայմաններն իր անձին վրա կը բովանդակեր:

Նա ունեւր մեծերու դեմ հլու ու ստրուկ հնազանդություն, ազդեցիկ անձանց մերձավորություն և անոնց քով այն ողորջ ու շողոթորթ զվարճախոսությունն՝ որ երբեմն խեղկատակութուն կը կոչվի ու շատ անգամ ճշմարիտ արժանյաց տեղ կը բռնե: Այս միջոցավ ստացել էր նա զորավոր պաշտպաններ:

Միանգամայն հաջող ամուսնությամբ մը իր դրամական կացութունն ապահովեր էր, առանց վարանելու ամուսնանալով հարուստ ու գեղանի աղջկան մը հետ որո բոլոր պակասութունն՝ ատենով հայրենի տունեն փախուստ տված լինիլն էր երիտասարդ դասատուին հետ: Հազար ոսկի օժիտ պիտի տար անոր հայրը՝ մեծահամբավ դրամատեր մը որ կառավարութունն ու հասարակությունը կողոպտելով ձեռք բերած էր իր հարստությունն և զոր քրտինքով ու պատվով ձեռք բերված կանվաներ: Սակայն հակառակ իր մեծ դիրքին ոչ ոք իր ազդիկն ամուսնության ուզած էր և անոր աղմկալից անցյալն ատեն անցնելով մոռցված չէր:

Խոսքովի պես դրամի կարոտ ու պատվո մասին ներողամիտ անձ մը միայն անոր ամուսին կրնար լինիլ: Բարձրանալու մըշտատե տենչեն բռնվող այս մարդուն աչքին ամեն ինչ՝ բարե-

կամություն կամ ամուսնություն՝ միայն իր մեծության գաղափարներուն նպաստելուն համար գոյություն ունեցող բաներ էին:

Նորա կինը պետք էր նախ և առաջ դրամի տեր լինիլ, երկրորդ՝ սրահի մը մեջ խոսակցելու շափ կրթյալ միկն ըլլալ. և ետորով այս միության մեջ անկե անդին շի նայեցավ:

Շիտակն ըսելով իր կինը կատարելապես հարմարեր էր այս տարօրինակ մարդուն. Եվգինե վառ ու խոովյալ երևակայության տեր, համառ ու արտակարգ աղջիկ մ'էր:

Ճարտար դաշնակահար, լավ գծագրիչ, ինչպես որ կր տեսնուրվեր իր ներքնասենյակի պատերեն զորս իր մատիտին արտադրութեամբ միայն զարդարեր էր, այս կինն ամեն բանե առաջ իր անկախութեան սիրահար մեկն էր: Շարունակ ֆրանսական վեպեր կարդալով՝ անոր ըմբոստ բնավորութիւնը բոլորովին անզուսպ ու հիմարական բան մը դարձեր էր. թաքուն, անձայն ու անշշուկ սիրահարութիւն մը՝ անոր զգովանք պիտի ազդեր. բնդհակառակն առնանգութեան, բռնութեան, սպանութեան կամ թունավորման վախերով լեցուն ու գայթակղալի հռչակ ունենալիք ամեն տրիփ անոր պիտի հաղթեր:

Անոր ազատութեան ու անկախութեան փափազը՝ բռնավոր տարփափորի մը գերին լինելու տենչանքն էր միայն և ոչ ուրիշ բան: Այս կնոջ հետ հաշտ կենցաղի հույսն անկարելի էր. անոք կամ տերը կամ ստրուկը պետք էր լինիլ:

Իր արկածալից երիտասարդութիւնը միշտ շափազանց ներողութեան մը արժանացած էր հորը կողմեն որ անհավատալի տկարութեամբ կր սիրեր այս աղջիկն:

Եվգինեի ամուսին լինելիք մարդը պարտ էր առաջուց աչքն առնել անոր լուծին տոկալը, գոնե անոր բացարձակ անկախութիւնը ճանչնալը. ետորով այս վիճակն անընդունելի շի նկատեց. շենք շնորհք Եվգինեի երեսն անգամ նայած չէր. կապո՞ւյտ աչվի էր թե սև աչվի. անոր մագերը խարտայ՞չ էին թե շագանակագույն. բերանը փո՞քր էր թե մեծ, շիտակը շատ աղեկ չէր գիտեր. խիստ լավ գիտեր սակայն որ իրեն տրվելիք օժիտը նշանտվութեան օրեն իր տրամադրութեան ներքե պիտի գտնուեր ու այս բավ էր անոր:

Ամուսնութեան առաջին ամիսները փոխադարձ ու գերազանց անտարբերութեամբ հետևապես և անդորրութեամբ անցավ, մինչև որ խոսքով անգամ մը իր ամուսնական իշխանութունն ի փորձ դնել ուզեց:

Տիկնոջ երիտասարդ մեկ ազգականը՝ խոսքովի տան սովորական և ամենօրյա այցելուներեն մեկը դարձեր էր. այս տղան՝ վաճառականի մը քով գրագիր, որ իր շարաթուղանն իր զգեստներուն միայն կը հատկացներ, բավական վայելչադեմ ու խարտիշահեր մեկն էր զոր շար լեզուները կը պնդեին թե նվզինեի վաղեմի ու արդի մեկ մտերիմը լիներ: Այս լուրը շուտ հասեր էր խոսքովի ականջը, բայց չէր ուզած անորոշ ու տարտամ կասկածի մը վրա իր դուռը փակել անոր դեմ, նամանավանդ ամուսնութեան առջի օրերը: Տանը մեջ բնավ կարևորութիւն տված չէր անոր. առջի տեսութենեն մեկ երկու բառով հասկըցեր էր որ, զգեստներու գլխեն ի զատ, այս անձն ոչխարի մը պես անմիտ ու վայրենիի մը շափ տգետ արարած մ'էր: Այս տխմար էական նվզինեի պես կնոջ մը տարփավորը չէր կրնար ըլլալ:

Սակայն ի սկզբանե անվնաս նկատված այս արարածը՝ թիչ թիչ խոսքովի անտանելի թվեցավ. իր հակակրթութունն այնչափ ավելցավ որչափ իր կինն այս աստիճանի ապուշի մը վրա տարօրինակ գորով ու սքանչացում կը հայտնէր:

Խոսքի պզտի մենամարտով մը սկսավ այր ու կնոջ մեջ այս երիտասարդին վեճը:

Նվզինե անոր ճաշակն ու վայելչութիւնը կը գովեր:

— Կը զարմանամ, ըսավ անոր ամուսինն, այդ անհամ պարոնեն ախորժելուդ:

— Ինչո՞ւ ըլլա անհամ, միթե համով ըլլալու համար պետք է անպատճառ քաղաքական կամ ուսումնական նյութերու վրա՞ ճառել ձեզի պես. մենք՝ կանայքս՝ այդ տեսակ բաներե շինք հասկնար, ամեն մարդ իր ճաշակն ունի:

— Այդ խոսքը քու հմտութեանդ հարմար չէ. դու ուսյալ կին մ'ես և շարունակ քուրջի վրա խոսիլը դատարկ գլուխ կանանց հատուկ է:

Քանի մ'օր վերջը խոսքը նորին բացվեցավ բայց այս անգամ ավելի կծու կերպով:

— Չեմ կարծեր որ հատկապես ինձ հակառակելու համար այդ անպիտան անձն հոս հաճախել կուտաս. անցյալ օրվան գիտողութենես ի վեր այդ պարունն օրը երեք անգամ գալ սկսավ:

— Ամենևին. միայն կը խնդրեմ որ այդքան շնչին բանի մը համար խնդիր չի հանեք. որովհետև շատ կանուխ է դեռ, ավելցուց հեզնությամբ. վեց ամիս շեղավ ամուսնանալնիս և նախանձոտ Օթելլոյի դերը ծիծաղելի կըլլա:

Խոսրով բարկացավ բայց ինքզինքը զսպեց:

— Համբերությամբ մտիկ ընել պարտավոր եմ որովհետև քեզմ մեծ եմ. քեզ նկատմամբ մինչև հիմա ունեցած անտարբերությունս աննախանձ ըլլալս կը հաստատեմ, կը պահանջեմ միայն որ պատշաճությունը ճանչնաս, ըսավ ցուրտ կերպով ու գուրս ելավ սենյակեն:

Ի՞նչ տեսակ էին Եվգինի հարաբերություններն այս երիտասարդին հետ որ Արմենակ կը կոչվեր. արդարությունն հարգելու համար պարտավոր ենք հայտնել որ անպատշաճ կապակցութեան ամեն զրույց բոլորովին անհիմն էր:

Եվգինն շէր սիրեր ու շէր կրնար սիրել այս տխմարը բայց տխմարությունն ալ իր հաճելի կողմն ուներ:

Արմենակ Եվգինեն կարենալ սիրելու մեծամտությունը շուներ բայց անոր հետ տեսնվիլն, հասարակաց տեղ մը անոր հետ միասին ժուռ գալն իրեն շատ էր ու քիչ շէր:

Մինչև իր էրկանը դիտողութեան պահուն, Եվգինն այս տղուն հետ կզբոսնուր, անոր վրա կը ծիծաղեր, կը խնդար, բայց գեշ աչքով մը նայած շէր անոր. սակայն իր էրկանը ընդդիմությունն անոր ի բնե պատերազմասեր ոգին արթնցուց. նամանավանդ անոր խոսքին վերջին պարբերությունը խիստ վիրավորիչ դատեց. «Քեզ նկատմամբ ունեցած անտարբերությունս աննախանձ ըլլալս կը հաստատեմ» ըսեր էր. անտարբերություն... Եվգինն իր ամուսնույն համար ուրիշ զգացում ունեցած շէր. բայց ամուսինն իր մասին անտարբեր ըլլալու քրավունք շուներ և որոշեց այդ անտարբերությունը խորտակել:

Ի շնորհս Ծվգինեի բերած օժիտին և իր ամսականին Խոսրով Պոլսո առաջնակարգ էֆենտիններն մեկն էր հիմա. իր կնոջ բերած գումարը քոնսուլտեի խաղով ստացված մեկ երկու հաջողութեամբ կրկնապատկված ու եռապատկված էր և Խոսրով շահադիտութեան մեջ հանդուգն ու անվախ՝ Վերջին բախտով մը մեծ հարստութիւն մը շինել ու այնպես քաշվիլ կուզեր այգ վտանգավոր խաղեն:

Մեկ օրվան մեջ հարյուր ոսկի շահիլ կամ կորսնցնելու վարժվող մարդ մը խնայողութեան տեր չէր կրնար լինիլ ու Խոսրովի քոնսուլտեի ելեջին պատճառած շահերուն մեջ իր տանը համար ըրած մեծ ծախքը շնչին բան մ'էր:

Կարոտութեան մեջ նվաստ ու ստրուկ եղողն հարստութեան մեջ ամբարտաւան կրլա. Խոսրով հազարավոր ոսկիներուն հաշվոց հետ շուտով հինավուրց ազնվականի մը բոլոր ձեւերը սորված էր:

Այս էֆենտին մոռցած էր անշուշտ հայրենիքեն հետիտն Պոլիս գալը կամ տնտես ախպոր ավելցուկ հացի կտորներն, երբ իր հյուրերուն գանգատող ձայնով մը Հեռալին և Պյուռկիին կոշիկներն կամ կըպոնին կերակուրներն կը դժգոհեր:

Իր ազգային գաղափարաց գալով, իբրև նորահաս հարուստ մը՝ վարչութեան, Յողովոց և երեսփոխանաց վրա ծիծաղելու իրավունք ուներ. բայց Խոսրով խորամանկ փառասեր մ'էր որ այդ ժողովոց մեջ ձայն ու իշխանութիւն ունենալը շարժամարհեց:

Առաջին պաշտոնատարը չէր նա (և անտարակույս վերջինն ալ չի պիտի ըլլար) որ ազգին միջ ազդեցութիւն ունենալն՝ իր դիրքին օգտակար կերպով ծառայեցնելու գաղափարն հղացեր էր: Այս օրինավոր ակնկալութիւնն՝ ի վաղուց անտի շատ քիչ անգամ ի դերն ելած է որպեսզի նորեկներ ադոր ճշմարտութիւնը չըմբռնեն:

Մեկ նամակով Խոսրով իր հայրենիքեն երեսփոխան ընտրել տվալ ինքզինքն Ազգային ժողովին, իսկ հոն խոհեմութիւնը ձեռք չի թողուց ու խորագետ ճարտարութեամբ ձեռք բերաւ ազատամիտ ու ժողովրդական երեսփոխանի անունը զոր պաշտոնատար երեսփոխանները խիստ քիչ անգամ ստացած են:

Ժողովին ամեն նիստերուն ներկա, ներկա նախապատրաստական գումարումներու, ամեն վիճարանությանց մասնակից, իր դիվանին մեջ տեղեկարևր, հանգանակությանց մեջ կարգադիր մասնախմբի անդամ, Խոսրով էֆենտին Ազգային ժողովուրդին ամեն գործունյաք ու ազգեցիկ անդամներին մեկը դարձավ:

Ամենքը միաբերան կը գովենին այս մարդն որ ազգին վնասելու կարողությամբն հանդերձ այնքան անձնվեր կը ծառայեր անոր:

Այս համբավը՝ զոր անաղարտ կը կարծեր, ստանալի հետո սկսավ յուր շահատակություններն: Իր ձայնն հետզհետե խորոխտ և հպարտ՝ հակառակ կարծյաց տեր երեսփոխաններն արհամարհանոք ու սպառնալոք կը սաստերու Ո՛վ էին այն անպիտան մարդիկն որ կը համարձակելին իրեն դեմ խոսիլ. գիտեի՞ն որ կարող էր գիրենք մինչև հաքսոր մատնել:

Խոսրովի ծրագիրներն ի գործ դրվելու մտտ էին. միայն իր ընտանեկան կենաց խռովություններն աճեր ու բազմապատկեր էին երթալով:

Ինչպես ըսինք Եվգինե իր էրկանն անտարբերությանը հաղթելու համար անոր նախանձը շարժել որոշեր էր: Ոչինչ այնքան անխախտելի է որքան կանացի որոշումն: Այն վայրկենեն սկսելով Եվգինե չէր թերացեր, իր ամուսինը կատղեցնելու համար, ի գործ դնելու այն ամեն փոքրիկ կամ մեծ, անվնաս կամ վնասակար միջոցներն որ կանանց պատերազմի համբավը կը կազմեն:

Այն երիտասարդն ամեն օր հրավիրել, իր ոտքին քով նրատեցնել, գլխի վայր փսփսալ անոր ականջն ի վայր, թևը մտնել շրջագայության համար ու կոթնիլ անոր թևին ամենուն ուշադրությունը հրավիրելու շափ. ու երբ ասոնք անբավական դատվեցան, նամակագրություն մ'սկսիլ անվերջանալի, օրն իրիկուն տոժսակներու տարուբերին զբաղեցնել ծառաները, ծաղկանց փունջեր պատրաստել տալ, ղրկել և ընդունիլ ու վերջապես կողին կամ Պոյուք-Տերե կամ ուրիշ հեռու տեղեր ժամադրություններ կարգադրել, ահա Եվգինեի ռազմագիտական միջոցներն:

Խոսրովի՝ քիչ քիչ անհանդուրժելի երևցավ իր կնոջ ըն-

Թացքը: Կռիվներն անպակաս դառնալ սկսեցին. բայց Եվգինն պատերազմի փախուստ տվող չէր, ընդհակառակն. արդեն քոնսուլիտների մեջ մի քանի մեծ կորուստներն խոսրովի բնավորությունը բոլորովին դառնացուցեցր ու համբերության շափը լեցուցեցր էին: Տանն անկարգությունն ու անխնամությունն որ շուայլության ծայրագույն աստիճանի հասեր էր, իր կնոջ մասին ամեն մանրամասնություններով հեղհեղված ամոթալի պատմություններ, ընտանեկան հարկին կործանման ապահով նշաններն էին: Խոսրով թեև երբեք չէր սիրած, չէր ախորժած իր կնոջմեն, բայց քիչ մ'ալ սպասել որոշեց:

Դրամական կորուստներն ու ձախորդությունն որ քանի մ'ամսե ի վեր զինքը կը հալածեին, պաշտոնի հառաջդիմությամբ փոխարինել որոշեց. իր ամսականը ներկա վիճակին մեջ անբավական դարձեր էր նույնիսկ իր կնոջ զարդարանացն ու պարտքը դիզվեր էր շորս դին. ամսականի ու պաշտոնի բարձրացումը փրկության միակ ճամփան էր. դեռ ոչ ոք գիտեր անոր նեղության մեջ գտնվիլն. ամենքը զինքը հարուստ ու ազդեցիկ գիտեին. ժամ էր աղեկ ու արտաքո կարգի վարպետությամբ մը վերստին հաստատել իր կորսվելու մոտ եղող դիրքը. խոսրով ազգային գործոց դարձուց իր հետաքնին ակնարկն:

Որ մեկին խոստամամբ, որ մեկին սպառնալյոք, որ մեկին համոզմամբ խոսրով հաջողած էր արդեն կուսակցություն մը կազմել ժողովույն մեջ, որ իր գաղափարներն ի գլուխ պիտի հաներ:

Սահմանադրության վերաքննության վիճարանությունը տեղի կունենար: Խոսրով՝ պարզապես զայն ջնջելու համոզումը հայտնեց. իր կարծյոք, Քաղաքական ժողովը կը բավեր ամեն ինչ տնօրինելու. ի՞նչ պետք է այս վայրախոս երեսփոխանաց որոցմե օգուտ չի կար. տասնևվեց տարվան փորձը մեջ տեղն էր իր համոզումն հաստատելու: Մյուս կողմն ազգային վարժարաններու պետք չի կար որք ավելորդ ծախք մը ու հոգ մ'էին ազգին գլխուն:

Այն ատենվան մարդիկն հիմակվաններուն շափ անսիրտ ու անհոգի չէին:

Նախ ապշությամբ մտիկ ըրին այս նոր վարդապետութեան ու հետո որոտալից ընդմիջում մը ատենաբանին խոսքը կտրեց.

— Մի՛ մեղանշեք Սահմանադրութեան դեմ, կը պոռային ունկնդիրներն հազիվ զսպելով իրենց զայրույթը:

— Ի կարգ, ի կարգ, կը գոչեին երեսփոխաններն հետին կանգնած:

— Շարունակեցե՛ք, էֆե՛նտի, կը պատասխանեին մյուս կողմն խոսրովի կուսակիցները:

Խոսրով այս ընդհանուր խռովութեան մեջ շի տկարացավ. այլ թեքերը խաշաձև միացնելով իր կուրծքին վրա.

— Պիտի սպասեմ հոս որ Դիվանը գոնե խոսքի ազատութեան հարգել տա, ըսավ նա. շեմ կարծեր, ավելցուց սպառնալից ակնարկութեամբ ունկնդիր ամբոխին, որ խուժանին հարձակմանց դեմ մեր անձերը պաշտպանելու համար կառավարութեան միջամտութեան դիմելու հարկադրենք զմեզ, ատենապետ էֆենտի:

Ատենապետին զանգակին ձայնն աղմուկին հետ կը շարունակվեր ու անլսելի կը դառնար:

Ամենն կոշտ ածականներն, ամենն ծանր խոսքերն իրարու դեմ կը փոխանակվեին: Դիվանը շվարած իզուր լուծելուն կը պահանջեր:

Երեսփոխանները կզգային որ պատրաստված դավ մը կար, ամեն մարդ կացութեան ծանրութիւնը կըմբռներ, բայց ոչ ոք բացորոշ կերպով խոսրովն ամբաստանելու կը համարձակեր, այնքան ծանոթ էր անոր վտանգավոր անձ մը լինելը:

Սահմանադրութեան հիմնադիրներեն ծերունի երեսփոխան մը խոսք պահանջեց ու պահ մը հաջողեցավ ստանալ. ալեհեր բայց դեռ առույգ ու կայտաճ բժիշկ մ'էր տոբթոր Բ. պեյ, որո այսքան հուզյալ ձայնը լսված չէր դեռ. նա այն անձերն էր որոց միշտ պատկառանքով ունկնդրութիւն կը լիներ: Իր երիտասարդութեան ատեն Սահմանադրութիւնը տվեր էր ազգին իրեն պես մի քանի երիտասարդաց հետ խորհելով ազգին ապագային. բեղմնավոր ու ազատական խորհուրդ մ'էր գոր հրդացեր ու գործադրեր էին. իր երկն էր ազգային օրենքն և զաւ-

կի մը չափ կը սիրեր զայն: Այդ օրենքը ջնջելու պահանջումն իր աչքին ոճիր մ'էր:

Ամենքը պահ մը լռեցին այդ մեծարելի ժերունվուն ձայնին առջև:

— Կը հիշեցնեմ Դիվանին, աղաղակեց նա, որ Սահմանագրութեան դեմ խոսելու ազատութիւն չի կա այս ժողովին մեջ. խոսելու ազատութիւնն հոգ կանգ կառնու. Դիվանին պարտքն է ժողովին կամքն հարցնել իմանալու համար թե կը հաճի՞ն ատենաբանին մտիկ ընել: Ներեցեք որ ըսեմ նաև թե Դիվանին վեհերոտ ընթացքը ժողովին անարգանք մ'է:

Որոտընդոստ ծափահարութիւն մը մեկ կողմեն, գոռ ու գոռումը մյուսեն, վերսկսան մեծագուն սաստկութեամբ:

Նախատինք չի բավեցին. Խոսրովի հակառակորդք քաջալիրվեր էին ու ամենեն ծանր ամբաստանութիւններն ապտակի պես անոր երեսին կը զարնէին:

Վերջապես Դիվանին և քանի մ'ազդեցիկ երեսփոխանաց օգնութեամբ վայրկյան մը կարգը վերահաստատվեցավ ու քվեարկութեան արդյունքն, ատենաբանն ունկնդրելու մասին, բացարձակ առավելութեամբ «ոչ» մը երևան հանելով, Խոսրովի բոլոր հատակագիծներն հիմնահատակ կործանեց:

Վար իջավ բեմեն, կաս կապուտ կտրած ամոթեն ու բարկութենեն, բայց դեռ խրոխտ ու սպառնալից մեկնեցավ ժողովն, մեկտեղ տանելով իր կործանյալ հույսերուն հետ վրեժխնդրական պատրաստութիւններ:

Խոսրովի մեկնելովը բեռ մը կարծես վերցավ ժողովին սրտին վրայն. այն մարդուն վախեն ոչ ոք իր համոզումը կրօնար ազատութեամբ հայտնել, այդ մարդն օտարական մ'էր. անոր հեռանալն վերջն ամենքն իրենց լեզվին տվին. մին պարսավանաց քվե մը առաջարկելու չափ հառաջ գնաց. ժողովն ազգասիրական եռանդով մը հուզված էր. երեսփոխանները զիրար կը շնորհավորէին. ու այսպես վերջացավ այդ նշանավոր ու պատմական նիստը:

Խոսրով արդէն դարձավ: Եվգինե դուրս ելած ու վերադարձած չէր դեռ, թեև ժամը 12ի մոտ էր. Խոսրով՝ արդեն ցասամբ լեցված, իր կնոջ ընթացքն աննորելի դատեց. ընտանե-

կան հորիզոնին վրա մեծ փոթորիկ մը պատրաստված էր ու տիկնոջ վերադարձին կսպասեր պայթելու համար. ժամը կեսն էր ու ոչ ոք երևան ելած էր. ո՞ւր գացեր, ո՞ւր մնացեր էր. Խոսրով իր կատաղությունն սպասավորներուն դեմ դարձուցեր էր, շփտնալով որի՛ դեմ հագուրդ տալ իր բարկությանը:

Մեկին քառորդ մնալով, Եվգինն տուն դարձավ բաց կառքով մը. հայտնի էր թե զվարճութենն մը կը վերադառնար, կերևեր թե քիչ մը ոգելից ըմպելիք ալ խմած էր, որովհետև այտերը վարդագույն, աչերը կարմրած, զվարթ ու բարձրաձայն խոսելով խնդալով վար ցատկեց կառքեն:

Սև կորնատինն ճոխ ու գեղեցիկ շրջազգեստ մը հագած էր որ անոր գիրուկ ու բարեձև հասակն ու ուռուցիկ կուրծքը կը թեղմեր. մազերը սև, փայլուն ու երկայն, անգլիական ձևով ու վայելչությամբ հարդարված, հազիվհազ կամփոփվելին ատլասե ծոպերով զարդարված հարդե գլխարկի մը տակ՝ որո ձևն իտալացի ավազակներեն առնվելուն համար, պոփկան կը կոչվի:

Երեսը ներկած, դեմքը ճերմակ ու կարմիր, արտևանունքն ու հոնքերը սև, շրթունքը լայն ու հեշտավետ, ունգերը դողողջուն, աչքերը փայլուն, կուրծքն՝ աննման ու խոստմնալից՝ թափանցիկ տանթելներով ծածկված, որ իր գահավեժ ելեէջովը կը մատնվեր, ձեռնոցները մինչև ուսն երկարած ու ձեռքն հովանոցի տեղ մեծագին խարազան մը, ահա այս ձևով Եվգինն իր ամուսնունցն դեմն ելավ:

Խոսրով՝ առաջին անգամ ըլլալով՝ զարմացավ ու սքանչացավ այսքան վայելչության ու լրբության վրա:

Ի՞ր կինն էր այս գեղանի էակն որ զաշխարհ մոլորեցնելու կարող կը թվեր. Խոսրով ապշեցավ ու միանգամայն ներքին հպարտություն մը զգաց:

Ինչպե՞ս մինչև հիմա աչքին շէր զարկած այդ հրապուրիչ մարմինն, այդ պաշտելի կինն որ վեհերոտության օրենքներն անգիտանալուն համար թերևս այնքան գեղապանծ կերևեր:

Խոսրով հանկարծ վայրենի իղձ մը զգաց իր սրտին մեջ, հրաշեկ երկաթի մը այրվածքին նման. մոռցավ իր կացութեանը, քայքայումն, այն օրվան պարտությունը, բարկությունը:

վրեժն ու ամեն ինչ: Զարմանալի երևույթ մ'էր ասի մարդկային տկարութեան, երբ մինչև այն վայրկյանը միայն մեծութեան, փառացի ու հարստութեան խորհուրդներով համակված այս մարդն՝ ո՛չ թե օտարուհի մը հանդեպ, ո՛չ, այլ իր կնոջ համար, իր երկու տարվան կնոջ դեմը վավաշտ ու հիմարական սերով մը կը տագնապեր:

Սպառնական շեշտ մը պատրաստեւ էր, սակայն փայփայտող ու ողորջիչ ձայն մը միայն ելավ բերնեն:

— Ո՛ւր մնացիր մինչև հիմա:

— Ես ալ ադեկ մը չգիտեմ. ո՛ւր շմնացի որ. ցորեկվան ճաշեն վերջը ժամ մը միայն կորսնցուցի հարդարանացս համար. հետո տիկին Ա՛ին հետ Մասլաք գացինք. անցյալ օրվրեն որոշեք էինք. ո՛վ գտնանք հոն կը հավնիս. նախ և առաջ մեծ մարդերեն, էֆենտիներեն սկսինք, քանի որ այնպես հաճելի է ձեզի: Կարապետ և Ծրվանդ էֆենտիներն իրենց տիկիններով միասին, անկից վերջն, այն երիտասարդ պատկերահանն որ մեզի մեկ երկու անգամ եկավ. գիտես որ շատ պաշտելի տղա մ'է այդ տղան. հետո մեր Արմենակն իր եղբորորդույն հետ որ Փարիզեն նոր եկած է հոս արձակուրդի ամիսներն անցունելու համար. շատ զվարճախոս անձ մը. երգեցինք, պարեցինք ու զբոսնեցանք, նամանավանդ բավական գարեջուր խմեցինք և շիտակն ըսելով ինձմե զատ ամենքը գինովցան:

Եվ գինն ինքզինքը դուրս ձգելու իրավունք չուներ. զլորեց քան թե պատմեց այս ամենը մեկ շունչով:

Խոսքով պարզապես հմայվելը մնացեւ էր:

Կարելի՞ բան էր որ մինչև հիմա մեկուսացման մեջ թողած լիներ իր կինն ու ուրիշներ միայն ճանչցած ու պաշտած լինեին զայն. Խոսքով զգաց նախանձու որդն որ իր սիրտը կը կրծեր:

Այսչափ ատեն անփուլթ ու անտարբեր, գրեթե թշնամացած մնալի հետո, հաշտութեան ու համակրութեան ճամփան խիստ զժվարին երևցավ. ի՞նչ ձևով պիտի սկսեր հայտնել անոր իր հանկարծական փոփոխությունը:

Ճաշի ատեն էր. Եվ գինն զարմացավ որ այն իրիկունը նախատեսյալ կռիվը տեղի չունեցավ Խոսքովի կողմն, ընդհակա-

ուսկն գրեթե համակրական ձև մը նշմարեց անոր վարմունքին մեջ. Խոսրով ճաշին վրա սովորականեն ավելի գինի խմեց ու իր կնոջ կատակներ ըրավ: Եվգինե ասոր չէր սպասեր. հասկըցավ որ գաղտնիք մը կար ու իր կանացի բնագոյամբ շուշացավ իր ամուսնույն հաշտութեան փափագը գուշակելու:

Ինչպես ամեն անձնապաշտ կին, Եվգինե խիստ մեծ գաղափար ուներ իր անձին վրա. վաղ կամ անագան կսպասեր իր ամուսինն իր ոտից տակ տեսնել, ուստի Խոսրովի ընթացքը մեծ հաճութիւն պատճառեց, բայց անոր փաղաքուշ խոսքերը գերազանց կերպով անհամ թվեցան իրեն: Խոսրովի ո՛չ գգվանքին և ո՛չ անուշ լեզվին կարևորութիւն ընծայած էր երբեք, հետևապես անոր անձնատուր լինելը տեսնելով իր ցուրտ ու հակառակորդ բնավորութիւնը մեկդի շի ձգեց:

Խոսրով, գինվո շոգիներեն մոլորած, իր կինն համբուրելու լուրջ. Եվգինե խորին ու անդիմադրելի զղվանք մը զգաց այս մարդուն փայփայանքեն:

— Թո՛ղ գիտ, կը խնդրեմ, ըսավ սառն կերպով, այդչափ մոտութենէն չեմ ախորժիր:

Ու իր սենյակն առանձնացավ ու դուռը փակեց:

Ցնորքներով, իղձերով ու խրատներով լեցուն գիշեր մ'եղավ այն առաջին գիշերն հորում Խոսրով իր կնոջմեն հեռու մնալուն բոլոր կարոտն ու բոլոր դառնութիւնն զգաց:

Մտածեց որ ամուսնական կյանքը կարի ծանրակշիռ հանգամանք մը կզգենուր իր հիմարական տենչանքին պատճառով:

Ինչպես ըսինք, առանց Եվգինեի համակրող կամ համակրելի լինելն ստուգելու ամուսնացած էր հետն անոր ազատութիւնն հարգելու պայմանով. առևտրական գործ մ'էր գոր կատարեր էր թիվերու ու շահու վրա հիմնելով իր ամուսնութիւնն առանց սերն ի հաշիվ առնելու, ու հիմա որ անզուսպ ու անբացատրելի կիրք մը զինքն իր կնոջ ոտքը կը ձգեր, կը խորհեր, մեծ մտատանջութեամբ, թե ի՞նչ տեսակ ընդունելութիւն մը պիտի գտներ հոն:

Եվգինեի բնավորութեան նայելով, այդ ընդունելութիւնը քաջալերիչ լինելէ խիստ հեռի կը թվեր:

Անցան մի քանի օրեր, հաղթական կինն իր զբոսալից ընթացքը փոխելու կողմը շէր քնավ. Խոսրովի բոլոր ներողամտութիւնն ու բոլոր մտերմութեան փորձերն ի դերն ելան:

Եվ գինե կարծես զինքը ծայրահեղ միջոցներու դիմել տալու առիթ կորոններ:

Խոսրովի քաղցրութեան ու համակրութեան վերջին ջանքերը կատարելէն կես ժամ վերջն էր որ նորա կինը տիկնոջ մը հետ ժամագրութիւն մը պատճառ բռնելով դարձյալ մեկնելու կը պատրաստվեր:

Ամուսինն զգաց բարկութեան կրակն որ իր գլուխն ու միտքը կը հեղաշրջեր:

— Դուրս չպիտի' ելնես, գոչեց նա կիրքեն ու զայրույթեն կուրցած, երբ որ տեսավ որ Եվգինն դուրս ելնելու վրա էր:

— Ձեր կալանավորը շեմ կարծեմ ու դուք քանտապահ մը չեք:

— Ամուսինդ եմ ու ի'նձ պիտի հնազանդիս:

Երիտասարդ կինն այս ձևերուն վարժված շէր. ինքն ալ զայրանալ սկսավ:

— Հնազանդութիւն, ըսավ նա, հա՛, հա՛, շիտակը զիս խնդացնել սկսար, ես ո'չ քու աղախինդ և ո'չ ալ սպասավորդ եմ, քու ծառաներուդ հետ վարվե այդպես:

— Զպիտի' ելնես դուրս, կը հասկնա՞ս, գոչեց էրիկն ինքն-իրմեն բոլորովին դուրս ելած ու բռնութեամբ քաշելով կնոջը թևեն:

Եվգինն դեղնեցավ:

— Դուն ա'լ չափն անցուցիր, այստեղ Խարբերդի լեռը շէս ինձի նայե', ըսավ անոր, քու հայրենակիցներեդ շատերը մեր տունն իբրև սպասավոր պահած ենք, դուն ալ կրթութեամբ անոնցմե տարբերութիւն չունիս եղեր. վրաս ձե'ռք վերցնել, ալ ամեն ինչ վերջացավ, հիմա հորս տունը պիտի երթամ. շո'տ, ջուտ կառք մը բեր, Հակո'բ, պոռաց սպասավորին՝ որ էրիկ կնոջ մեջ տեղի ունեցած կոխվն հասկնալու համար դրան մոտ եկեր էր:

Կռիվը ծանր կերպարանք մ'ստացավ. Խոսրով իր կիրքեն շփոթած իր կնոջ վրա իշխանութիւն ունենալ կարծեր էր. անոր

պատասխանն իր դիրքին ինչ լինելն հասկցուց. Եվզինեի պատասխանը պաղ ջուրի տուրի մը պես անոր խելքը գլուխը բերավ. արդարև անկե հնազանդություն չէր կրնար պահանջել, իրենց ամուսնության առաջին պայմանն էր այդ. հորը տունը վերադառնալու սպառնալիքը մանավանդ զինքն ահարեկեց, անկից զատվիլն ուրիշներու, բացարձակապես ուրիշներու հանձնել էր զայն:

Խոսքով կացութիւնն ըմբռնեց. ինքն ամուսնական իրավունք ու իշխանութիւն չէր ունեցած բնավ ու հիմա որ իր կնոջ օժիտն սպառեր լմնցուցեր էր, հիմա որ նեղութիւնն հասնելու մոտ էր, կնոջմէն բաժանումն աշխարհ իր վրա ծիծաղեցնելու միայն պիտի ծառայեր:

Այս գործնական ու դրական մարդն ամենեւ մեծ վրդովմանց մեջ անգամ իր հաշիվը չէր մոռնար:

Հետևապես սպառնալիցայից ճամփան թողուց աղաչանաց թելը ձեռք առնելու համար. ո՛չ ոք խոսքովին չափ հաջողակ էր նվաճող արվեստին մեջ: Պահ մ'առաջ խրոխտ ու բիրտ լեզու գործածող այս մարդը չի վարանեցավ իր դեմքը փոխելու, աղաչելու, ու հեծկլոտյալ ձայնով, աչերն արտասովալից, իր կնոջ ոտքն ինկած, ներումն ուզելու անկից:

— Գիտեմ, կը մըմնչեր նա հեկեկանոք, խառնվելու իրավունք չունիմ քեզի, Եվզինե, դուն քու տերդ ես. մի՛ մեղադրեր զիս. միշտ կը լքանես էրիկդ ու ուրիշներու հետ կը զվարճանաս, անպատիվ բան մը շես ըներ բնավ, ադոր տարակույս չունիմ, բայց ես ալ ամուսինդ եմ ու քեզ կը սիրեմ...:

Եվ արդարև կը սիրեր հիմա կատաղի ու մոլեգին սիրով...: Ու այս աղերսարկու եղանակին վրա շարունակեց: Իր հեշտամոլ ու վայրենի իղձերը՝ կնոջը մոտ ըրած թախանձանոք ավելցան ու զայրացան, և այս հուզմունքով իր պերճախոսութիւնը կարծես թե համոզիչ դարձավ. Եվզինեի քով ծնրադրեր, անոր ձեռքերը կը բռնէր ու կը համբուրէր, կը հոտոտեր, կը գգվէր. մանկամարդ կիներ չէր պատասխաներ. այս աստիճանի անզուսպ կիրք մ'ազդած լինելն անոր անձնասիրութիւնը կը գգվէր:

Եվզինե գոռոզացավ ու սարսափեցավ միանգամայն: Այս

բուն սիրո արտահայտութիւնն այն մարդու կողմն որ իր էրիկն էր, վերջապես զինք վախով լեցուց:

— Տղա մի՛ ըլլար, ըսավ վերջապես իր էրիկն ոտքի վրա հանելով, անդին նստե, ծառաներն ի՞նչ կրսեն հիմա:

Եվզինեի ձայնն հանդարտ, գրեթե քաղցր էր. Խոսրով ուրախութենէ արբշիւ եղավ:

— Ես քու գերիդ, քու շունգ եմ, Եվզինե, ըսավ այս հիմար մարդը բոլորովին խելացնոր: Ինչպես կուզես այնպես վարվե հետս, բայց մի՛ սրդողիր ինծի հետ. գնա՛ զվարճացիր, դուն զվարճութիւնը կը սիրես, ես ալ քիչ մ՛աշխատութիւն ունիմօ քեն մի՛ պահեր ինծի դեմ. սիրույս շահագանցութիւնը զիս հուզեց. գիտես որ միշտ քու հաճոյիցդ համակերպած եմ:

Ու այն օրեն Խոսրով իր կնոջ ճշմարիտ գերին ու շունը դարձավ. մեծ պահանջումներ շուներ. իր կնոջ մեկ ժպիտը կամ հողմահարով երեսին զարկած մի փոքրիկ ապտակն իբրև գրգռանք կը բավեր. այն օրվան կոխվեն վերջն, ա՛յ Խոսրով բնավ չհամարձակեցավ կնոջն ո՞ւր երթալն, որի՞ երթալն հարցնել կամ փնտրել. կնոջը բարի կամեցողութիւնը ձգված էր այս կետն որ քիչ կարևոր չէր, քանի որ Խոսրովի ձեռքն հասած անստորագիր նամակներ իր կնոջ այցելութեանց վրա տարօրինակ մանրամասնութիւններ կը հաղորդեին:

Հանկարծ իր կինը տունեն ունեցած բացակայութիւնը վերջացուց. Խոսրովի անհավատալի թվեցավ առջի բերան ասիկա. իրեն հաճելի՞ ըլլալու համար արդոք Եվզինե տունը կը կենար:

Ամուսնույն այս քաղցր տարակույսը շուտով փարատեցավ: Դյուրութեամբ նշմարեց որ իր պրիշի ընկերներեն հարուստ վաճառական մը, որու հետ գիշերներն, ուրբաթ ու կիրակի օրերը կը միանային թուղթ խաղալու համար, իր կնոջ համակրութիւնը շահած կերևեր. հասկցվեցավ որ Եվզինե հակապես անոր թուղթի համար իրենց տունը գալիք օրերն այցելութեան չէր երթար:

Խոսրովի այս խաղի ընկերը՝ պարոն Մարեմյան՝ ամենեքէ զյուրավ հաղթվող ու ամենեքէ առատաձեռն թուղթ խաղացողներն մին էր. նամանավանդ Խոսրով քանիցս փոխառութիւն-

ներ ըրեր էր անկից և չէր կրցած դեռ վճարել: Մարեմյան առանց նախկին հաշիվները պահանջելու ի հարկին անոր ծառայութիւնը ընելու պատրաստ մեկն էր. այսպիսի մարդն մը անկարելի էր հարաբերութիւնը կտրել: Այր ու կնոջ սիրալիք ընդունելութեանը վրա հետզհետե այս վաճառականը տանը մեջ անպակաս հյուր մը կամ լավ ևս է ըսել տանուտեր մը եղավ: Խոսրով ցորեկվան ու իրիկվան ճաշի թող չէր տար զայն, վասնզի երկու հարյուր ոսկվո նոր փոխառութիւն մ'ընելու վրա էր. նեղութիւնը շատցեր ու պահանջատերները տան դուռը ձեռք առեր էին:

Քայց Եվզինն ի՞նչպէս զատվեր էր իր բազմաթիվ մտերիմներն:

Եվզինն քծնող ու հեզնող բնավորութիւն մ'ունէր. հարուստ վաճառականը մինչև ցայն վայր ծանոթ էր իրեն այս կամ այն դերասանուհիուհի համար ըրած շոյլ ու խելառ ծախքերովը:

Եվզինն իր ամուսնույն բերնեն անգամ քանիցս լսած էր անոր արտակարգ նվերները:

Կանանց համար ամեն զոհողութիւն ընելու պատրաստ երևցող այս մարդն իր հետաքրքրութիւնը շարժեց. մոտեն ճանչնալ կուզեր թէ ի՞նչ տեսակ անձ մ'էր այս Մարեմյանը. ուստի իր սովորութեան հակառակ ուրբաթ օր մը դուրս շելավ ու էրկանը պրիչի խաղին ներկա գտնվեցավ. անխելք մեկը կարծեր էր զայն, քայց տեսավ որ խոսակցութեան մեջ բավական հանճարեղ էր. իր համբավվոր ու մեծածախ արկածներուն վրայոք եղած կատակներու մասին՝ իշխանի մը վայելուչ համեստութեամբ ու փորձառու սիրահարի մը պատիվ բերելիք զաղտնապահութեամբ պատասխանեց նա:

Այս համեստութիւնն ու զաղտնապահութիւնը խիստ հաճելի երևցավ Եվզիննի. անոր վայելուչ շարժումնքն ու ձևերը, հագուստն ու խոսակցութիւնը լավագույն տպավորութիւն հառաջ բերին:

Մարեմյան ամուրի հետեապէս ազատ էր. երեսունհինգ տարեկան կար ու հետեապէս պատանի սիրահարի մը նման փոփոխամիտ չէր. իր էրկանը մտերիմն էր և հետեապէս անոր հետ տեսնվելու մեջ դժվարութիւն չկար. հարուստ էր և հետե-

վապես քիչ մը բան կրնար վրա առնուլ անկից: Հարկ է խոստովանիլ որ Եվգինեի այս տրամաբանութիւնը կատարելապես ուղիղ էր:

Մյուս կողմն Մարեմյան այն վարպետորդիներն էր որք խառնագնաց ու անառակութեամբ բեղմնավոր անցյալի մը պարզեած փորձառութեան շնորհիվ, մեկ նայվածքով պաշտելի կին մը՝ պարկեշտ կնոջմն մը կը զանազանեն: Եվգինե՝ անտարակույս՝ նետվելու որս մը չէր:

Երկու կողմն՝ այսպես պատրաստված՝ շուտով զիրար հասկըցեր էին: Մարեմյան չէր ուշացեր Եվգինեի մյուս տարփավորներն ի բաց վանելու, ու ինչպես ամեն հազթանակի իրավունքն է՝ պատերազմի դաշտն իրեն մնացեր էր միայն:

Ահա այս եղանակով Եվգինե իր բացակայութիւնները վերջացուցած էր. սակայն կամաց կամաց հիմար ու անբացատրելի տկարութեամբ մը կապված էր իր նոր տարփավորին. այս խորխտ ու ամբարտաձան կինն՝ որ իր հոմանշաց հետ իր էրիկեն լավագույն կերպով չէր վարվիր մինչև այն ատեն՝ Մարեմյանի քովը կատվի մը պես գգվալից ու համբերող դարձած էր:

Այս նոր կապակցութիւնն երկար շտուկ ամեն կողմ իմացվելու համար. Խոսրով լռելայայն ընդունած էր այս ծանր կացութիւնը. Մարեմյանի, Եվգինեի ու իր մեջ որոշված ու ճանշըցված տեսակ մը ամոթալի դաշնադրութիւն մ'էր որ երեք կողմերն հավասարապես գոհ պիտի ընէր:

Քիչ մ'ատեն վերջն էր որ ի լրումն դժբախտութեան Խոսրովի պաշտոնը խնայողութեան համար կը ջնջվեր, և նոր պաշտոնի մը կոչվելու հույսն ի զատ բան մը չէր մնար նմա:

Սակայն իր տան դրութիւնը փոփոխութեան չի կրեց. հասարակութիւնը զարմացավ ու ցավեցավ որ այս պաշտոնանկ մարդն իր առջի ճոխ ու բազմածախ ընթացքը կը պահէր: Փայլուն դիրքի հասնող մարդը միշտ ամենուն նախանձը կը շարժի իր շուրջն, ու ամեն անկում գոհացում մ'է զոր բախտն այդ շարհոգիներուն կը նետէ:

Իր տան մեջ միայն Խոսրովի կացութիւնն ստորնացեր էր. նա՝ ծախուց տնօրեն մ'էր ավելի քան թե այն տան մեծը:

Զի կա վիճակ մը որո մարդ չի կարենա սովորիլ ու հան-

գուրծելու Մարեմյանի շնորհիվ ու ստակով պահվող այդ տան մեջ խոսրովի վիճակն անտանելի էր անտարակույս արժանապատուիջան զգացումն ունեցող մարդու մը համար:

Շարաթին այն գիշերներն հորում Մարեմյան սովոր էր խոսրովի տունն անցունել, այս տանտեր-այցելուին ամեն հաճույքներն և ոչ մին կրնար մոռցվիլ. սպասավորներն ամենն լավ կը ճանչնային այս ազնվական հյուրին մեծ նշանակութիւնը:

Մարեմյան՝ իր քաղաքավար ձևերուն տակ՝ բիրտ ու լիրբ բնավորութիւն մը կը ծածկեր. Եվգինեան ամեն գոհացում ստանալիս հետո երևան ելավ անոր անհանդուրժելի վարմունքն որում չէր սպասվեր բնավ: Բարկութեան մը միջոցին, Մարեմյան՝ «Կորսվե, ա՛նպիտան» պոռացեր էր անոր երեսին:

Խեղճ կինը գիշերը մինչև լույս արտասովեց. առավոտուն Մարեմյան տեսավ անոր կարմրած աչքերը, բայց բառ մ'անգամ չգիշալ արտասանել իր առջի իրիկվան կոպտութիւնն արդարացնելու համար և հետևյալ իրիկունն ալ իր սովորութեան հակառակ տուն շեկալ:

Խոսրով այս անհամաձայնութեան վրայոք պզտիկ հով մը առեր էր քովի սենյակեն լսելով անոնց բարձրաձայն վեճն ու կռիվը:

Մարեմյանի շի գալն իր կասկածը հաստատեց. այս մարդուն հետ ավրժելու ատենը չէր բնավ ու անուղղակի կերպով Եվգինեան ստիպեց նամակ գրելու ու հաշտվելու անոր հետ:

Երիտասարդ կնոջ խրոխտ բնավորութիւնը քիչ մ'ատեն դիմադրեց այս նվաստութեան փորձին. ո՛չ ոք մինչև ցայն վայր, ամուսին կամ տարփավոր, անտես ըրած էր իրեն՝ դեմ այդ աստիճան կրթութեան պայմանները. բայց վախցալ որ Մարեմյան անձնասիրութիւնը վիրավորած նկատե եթե հաշտութեան առաջին խոսքն ինք չի բանա. ինքնիրեն ըսալ թե իրրե կին՝ իրեն կիսնար ինչ որ ալ ըլլար իրավունքն, առաջին դիմումը կատարելու և ինքնիրեն արդարացում մ'ալ գտնել աշխատեցալ անոր կոպիտ վարմունքին համար. թերևս անոր բարկացած, խիստ բարկացած մեկ վայրկեանին հանդիպած էր. քննու մինչև այն օրն այս կերպ ընթացք մը չէր ունեցած. էրիկ

մարդիկ շատ անգամ իրենց գործի մեջ ունեցած գայրույթը տան մեջ երևան կը հանեն. ու ասոնց պես հազար ու մեկ պատճառ որոնեց կամ գտաւ Մարեմյանի նամակ գրելու համար Մարեմյան հաշտվեցաւ. բայց նոր կոիվներ շուշացան ու այս անգամ ավելի հեռու գացին. Եվզինե նշմարեր էր որ Մարեմյան՝ իր հույն սպասուհւոյն պետք եղածն ավելի ուշադրութիւն դարձուցած էր. ճամփա տալ ուզեր էր ու Մարեմյան բացեիբաց դեմ էր կեցեր:

Օր մը կոիվն այն աստիճան հասաւ որ Մարեմյան ձեռք վերցուց Եվզինեին վրա և այս հիմար կինը շի կրցաւ ինքզինքը պաշտպանել: Ուրիշներու դեմ խորխտ ու հանդուգն եղող այս կինն իր նոր տարփաւորին դեմ արտասովելի ու աղաչելի ուրիշ բան չուներ և իր սերը՝ տեսած կոպտութիւններն նվազելու փոխարեն կավելնար: Մարեմյանն իր ձեռքն հափշտակել կուզէին ուրիշ կիներ: Ո՛չ, թույլ չպիտի տար: Իր տարփաւորն՝ հագեցած ու ձանձրացած՝ ցրտութիւն կը ցուցներ, ուտի չէր կարող իր սիրույն հենլով բան մը պահանջել անկից և անոր գթութեանը միայն կրնար ապաստանիլ: Ինչո՞ւ չէր կրնար Եվզինե զատվիլ այս մարդեն: Գրամի խնդիրն իր աչքին կարևոր չէր բնավ, բայց իրեն ամոթ պիտի համարեր թե որ իր տարփաւորն՝ որով այնքան պարծենցեր էր, զինքը լքանելով ուրիշներու հետ ապրեր բաց ի բաց: Հետևաբար ստիպված էր անոր կամքին համակերպիլ սպասելով որ հարմար առթիւ ձեռք բերել վերստին իր կորուսյալ ազգեցութիւնը:

Իր հույն սպասուհին սակայն տեսած քաջալերութեամբը տանը մեջ ոսոխուհի մը դարձեր էր. Եվզինե չէր կարող բան մը հրամայել անոր. քանիցս նա բացարձակ կերպիւմ դեմ դրեր ու պոռացեր էր իր տիրուհւոյն երեսին սպառնալով անմիջապէս մեկնիլ. Եվզինեի ուզածն էր այս բայց կը վախնար որ հետևյալ օրը Մարեմյան զինք պատասխանատու պիտի բռներ այդ աղախնույն հեռացմանը համար. հետևապէս հարկ էր լռել ու շի լսելու զարնել անոր հոխորտանքը: Նա քիչ քիչ ամեն ծառայութիւն վերջացուցած էր ու միայն Մարեմյան եկած ատեն կերևար ու անոր կը սպասաւորներ. իսկ անոր հոն չեղած ատենը իր զարդարանքը միայն կուտար տան տիրուհւո պես:

Եվզինն դեռ բացորոշ կերպիվ անոր հարաբերութունը չէր տեսած իր տարփավորին հետ քայց մեծապես կը կասկածեր որ համբուլրի ու գրկապնդման գլուխները շատոնց ի վեր կը կարգային նոքա առտունները Մարեմյանի սենյակին մեջ ուր սպասուհին հագուստները մաքրելու ու նախաճաշ տանելու համար կերթար, մինչդեռ ինքը՝ շնչհատ, գունաթափ ու դողդոջուն, թտփին ծայրերուն վրա կոխելով, փակ դրան ետևեն անոնց խոսակցութիւնն ըմբռնել կը ջանար:

Այո՛, պարտավոր էր դեռ քիչ մ'ալ համբերել. թե որ նոր կռիվ մ'ըլլար Եվզինն իր սպասուհւոյն քով պզտիկ պիտի մընար. ուստի օգուտ չի կար անտարբեր դարձող տարփավորի մը գլխու ցավ տալն. իր արցունքն՝ որ անպակաս դարձեր էր, մեկու մը շպիտի ցույց տար. գաղտնի, ամենեն գաղտնի պիտի պահեր իր ցավն ու վիրավորյալ անձնասիրութիւնն և գոհ ու զվարթ դեմք մը պիտի զգենուր առաջվան պես ամենուն դեմը:

Գարունն եկեր էր և Մարեմյան՝ Խոսրովի նոր պաշտոնի մը համար աշխատելով հանդերձ ծախուց մասին դժվարութիւն հարուցած չէր: Վերին Վոսփորի մեջ տուն բռնել որոշեր էին այն տարի և Եվզինն՝ որ Ենի-Մահալլեն կը սիրեր՝ առաջարկեց հոն անցունել ամառն:

Ենի-Մահալլե՝ ամառը մեծ մասամբ հայաբնակ՝ հայաբնակ վայրերու ամեն թերութիւններն կամ առավելութիւններն ունեներ. հեռավորագույն գյուղերու մեջ ամեն ընտանյաց մեջ անցած դարձածը հոն կը պատմվեր ու կը քննվեր: Հոն՝ Մարեմյան՝ քիչ ատենն վերջը տեղեկացավ ի մեջ այլոց, թե Տիգրան՝ որո մի քանի անգամ ջուրերը հանդիպեր էր նորատի կնոջ մ'ընկերացած, հարուստ փաստաբան մ'էր որ Պոյուք-Տերե կը բնակեր և ըստ երևույթին այդ ընկերացած կնոջ տարփավորն էր:

Մարեմյան՝ մեկ տեսնելովր Սուրբիկի հավներ էր. անոր վրա գտեր էր միայն այն պարզութեան շնորհն որ պարկեշտութեան հատուկ է, և որ անառակ մարդոց աչքին ամենն մեծ հրապույրն է: Իր մեծ ճանաչողութեամբ, հասարակաց տեղեկութեան հակառակ, անմիջապես հասկցեր էր որ անոր երիտաւարդ ընկերը տարփավորի մը ձևը շուններ բնավ:

Ավելին գիտնալու հարկ չի կար այս մարդուն. Տիգրանին քարեկամուհւոյն ետեւն իյնալու համար անմիջապէս անոր հետ տեսնվելու միջոցները փնտրեց բայց չի հաջողեցաւ. իր ծանոթ ընտանիքներեն հազիվ մի քանիին հետ Սուրբիկ գլխի բարև մը կը փոխանակեր. իսկ անոր այցելութիւնները չի կայի պես բան մ'էին: Մարեմյան այս կողմն հուսակտուր՝ Սուրբիկի ամեն տեղ հետեւելու ճամփան ձեռք առած էր, այնչափ որ իր պահանջող ու ամբարտաւան նայվածքը նորատի կնոջ ուշադրութիւնը գրավել ու զինքն անհանգիստ ընել սկսաւ:

Մարեմյան սխալած չէր Տիգրանի վրայոք ունեցած կարծյացը մեջ: Տիգրան՝ անշուշտ կը սիրեր, խանդակաթ համակրութեամբ կը պաշտեր Սուրբիկը, բայց դեռ սիրո բառ մը արտասանած չէր անոր երեսին:

Անցյալ օրերը, անոր ամուսնույն վիճակը, Սուրբիկի անպաշտպան կացութիւնն և այս տեսակ հազար նկատումներ՝ որք Մարեմյանի պես մարդոց համար կին մը նվաճելու նույնչափ պատճառներ են, Տիգրանի աչքին այնքան բացարձակ արգելքներ էին. իր սրտին խորը պատկեր մը կար զոր կը պաշտեր, ու այդ պատկերը թերևս Սուրբիկինն էր. բայց իր վարմունքն եղբայրական գորովո սահմանը չպիտի անցներ:

Սուրբիկ իր պաշտպանութեան հանձնված էր և Տիգրան որ քաջ գիտեր թե որքան մեծ է կանացի տկարութիւնը, նախանձոտ եղբոր մը պէս կը հսկեր անոր վրա:

Գյուղ տեղականքը իրարու ծանոթ եղողները շուտով կը տեսնուէին: Խոսքով Արամ էֆենտին ու Տիգրանը կը ճանչնար և կյուրակէ առավոտ մը, եկեղեցիեն վերադարձին այցելութիւն մը տվաւ քոշկը:

Տիգրան հոն էր:

Երկու տարիեն ավելի էր որ այս երկու հին դասընկերները զիրար տեսած չէին: Պաշտոնի մեջ Խոսքովի հպարտութիւնը Տիգրանը բոլորովին իրմէ հեռացուցած էր. բայց անոր անկումը, նեղութիւնը զորս երիտասարդ փաստաբանը քանիցս առիթ ունեցած էր իմանալու, իր բարկութիւնը մոռցնել տված էին: Դպրոցական այս միակ ընկերը մնացեր էր պատանութեան տարիներեն. և Տիգրան զայն տեսնելուն չի կրցաւ իր հուզ-

մունքն ու ուրախութիւնը զսպել: Խոսքով ալ անտարբեր չի կրցա՛վ մնալ. այո՛. միշտ այն անկեղծ բարեկամն էր այս երիտասարդն որո այնքան բարիքը վայելած էր:

Զիրար հարցուցին, իբրև թե ճամփորդութենե վերադարձած լինեին.

— Ենի-Մահալլե եկանք ձեզի մոտ ըլլալու համար, ըսա՛վ Խոսքով, հուսամ որ գոնե ասկե վերջը շես մոռնար զիս:

— Ո՛չ, ո՛չ, պատասխանեց Տիգրան, բայց դուն ալ մեզ մինակ մի թողուր. երեք հոգի եղանք հիմա, Արամ էֆենտին շատ դուրս շինեի, բայց դուն կրնաս գալ, գոնե պաւտ մը կըրնանք դարձնել և ժամանակը կանցնի:

Պրիչի փառթի՛ մը. ասիկա Խոսքովի համար հաճելագույն ճաշարկ մ'էր:

Այսպեսով հաստատվեցա՛վ նորեն տեսութիւնն այս երկու վաղեմի ընկերաց մեջ. Խոսքով քանիցս եկա՛վ Տիգրանի տունն և մի քանի անգամ Եվգինեին հետ միասին պատահեցան անոր Պյոյուք-Տերեյի մեջ. Տիգրան պարտավորեցա՛վ փոխադարձ այցելութիւն մը տալ, բարեբախտաբար Մարեմյան հոն չէր եռ երիտասարդը չէր գիտեր իր բարեկամին ընտանեկան կացութիւնը:

Տիգրան՝ Խոսքովի հետ կրկին տեսնվելովն իր առջի անձնը-վիրութիւն փորձը տվա՛վ: Բարեկամներ ունեի ազդեցիկ:

— Գատական պաշտոն մը կուզե՞ս, ըսա՛վ օր մը Խոսքովին. թերևս կրնամ առնուլ, բայց դուրս երթալ հարկ պիտի ըլլա:

— Ինչ ալ ըլլա կընդունիմ, պատասխանեց նա, պաշտոնանկ մնալը զիս կը հուսահատեցնե:

Ու շարաթ մը անցնելի վերջը Սերաստիո մեջ երեք հազար դրուշով պաշտոնի ավետիսը ստացա՛վ:

Խոսքով հիրավի հուսահատ վիճակի մը մեջ մնացեր էր. աչվըններն լեցվեցա՛վ երբ իր բարեկամն եղբայրութիւն այս վերջին ապացուցքը տվա՛վ: Անոր ձեռքը համբուրել ուզեց... Եվգինե ալ իր շնորհակալութիւնը հայտնեց: Եվ այս միջոցա՛վ իրենց կապակցութիւնն ավելցա՛վ:

Մարեմյանի փափագած բանն էր այս մտերմութիւն հաստատութիւնն. միայն այս հինավուրց անառակը կը վախնար

1
թե խիստ գեշ տպավորութիւն մ'ըրած կրնար ըլլալ Տիգրանին վրա ամեն կողմ Սուրբիկի հետեւած ըլլալովը ու երբ հասկցեք էր թե Արամ էֆենտիի կինն՝ անոր բացառիկ պաշտպանութեան ներքեւ էր, որոշեր էր Տիգրանի թե ոչ բարեկամութիւնը, գոնե շեղոթութիւնն ստանալ:

Մյուս կողմն Եվգինե խորամանկ ու բարկացոտ էր. ուստի իր այս նոր տարփանաց վրա ո՛րէ՛ կասկած գտնվելու չէր, վասնզի Եվգինե կարող էր ի դերն հանել իր բոլոր խորհուրդներն և գիտեր թե նա իր սերը պաշտպանելու համար ամեն միջոց ի գործ դնելու մասին վարանող կին մը չէր:

Ուստի ուշադրութիւն ըրավ Տիգրանի այցելութեան եկած ժամանակ Եվգինեի տունը չի գտնվելու, միանգամայն դադարեց այն ուշագրավ հետազոտութիւնը զոր Սուրբիկը դուրսը պատահած ժամանակ սկսեր էր: Կատարյալ, խաբվելու շաֆ կատարյալ անտարբերութիւն ցույց տվավ անկից վերջն ամեն ատեն որ հանդպեցավ անոր:

Արարատեան Ընկերութեան դաշտային պարահանդեսն ամենուն միտքն է դեռ. պոլսեցվոց այս տեսակ շքեղ երեկույթ մը թիչ անգամ պատրաստված է:

Շարաթ մ'առաջ ամեն ոք պատրաստութեան մեջ էր: Հայձորը շոայլութեան մեջ միշտ հառաջադիմութեամբ փայլած են: Հաշիվ եղավ որ այն շաբթուն Փերայի խանութներուն տարվոյն մեջ ամենեն շատ առևտուրն ըրած միջոցն էր:

Ամեն կողմ խոսակցութեան նյութն այս պարահանդեսն էր:

Արամ էֆենտիի տունն ալ՝ ուր պրիչի փառթի մը կը խաղցըվեր, նույն երեկույթին վրա էր խոսքը:

Սուրբիկ՝ իր բոլոր փափագին հակառակ երթալու կամք չէր հայտնեւր. Տիգրան բան մը չէր ըսեր ու խոսրով միայն կը պընդեր երիտասարդ կնոջ որ ներկա գտնվի:

— Իմ կինս ալ հոն պիտի ըլլա, կըսեր, տեսակցութեան առիթ մը կունենաք:

Իսկ Արամ էֆենտի բռնադատեց որ Սուրբիկ անպատճառ երթա պարահանդես. հարկ եղավ ուրեմն համակերպիլ. բայց կես գիշերեն ժամ մը վերջը պիտի դառնար:

Պարահանդեսի գիշերն է:

Արտակարգ ոգևորություն կա Պյոյուք-Տերեի ափունքը: Պարտեզն անհամար ջահերով ու լույսերով կը փայլի ընդարձակ ամփիթատրոնի մը նման. բազմությունն ամեն կողմն հետըզհետ կը հասնի ու երաժշտությունն իր եռանդուն ձայնը կը լսեցնե: Մեկ նայվածքով կրնաս հոն նշմարել ամենն բարձրագիտ հայերն իրենց ընտանյաց հետ միասին. պարի վայրն ամեն կողմ լեցուն է:

Ծառի մը տակ երիտասարդ մը ու մանկամարդ կին մը կը խոսակցին:

— Տիկին, կրսե երիտասարդը ձեռքերն աղաչավոր դիրքով մը միացուցած, գիտեք որ շատոնց ի վեր կարոտ ու զուրկ թողուցիք զիս ձեր տեսութենեն. ափսո՛ս, առջի օրվրնն գուշակեցի իմ բախտս, բայց չի կրցա մեկդի ընել զայն. տարիս մը ի վեր հոս, հոս միայն հանդիպեցա ձեզի:

— Թողեք զիս, կաղաչեմ, կը պատասխաներ կինն, այս տեղ առանձին մնալնիս վայելուչ չէ, ամուսինս կրնա գալ...

— Ատեն մը այդպես չէիր խոսեր ինձ հետ, Եվգինե՛, կը կրկներ երիտասարդն, ամուսի՞նդ չէ թե ուրիշ մը:

— Արմենա՛կ, գոչեց կինը բարկությամ:

— Թող շեմ տար զքեզ այս գիշեր, կուզե՞ս Վառճմյան գա, կուզե՞ս Մարճմյան: Իմ իրավունքս սպելի հին է:

— Ամուսնույս քովը տար զիս, ապա թե ոչ քաշվե:

— Ես այդ տեսակ բան չեմ գիտեր. ու այս ըսելով երիտասարդը նորատի կինը գրկելու ու համբուրելու կաշխատեր: Եվգինեի համբերությունն սպառեցավ:

— Անդին գնա, հիմա պիտի պոռամ:

— Համբույրով մը բերանդ կը գոցեմ:

Կինը ճիշ մ'արձակեց:

Երիտասարդ մը, որ այն կողմն կանցներ, մոտեցավ. Արմենակ մեկդի քաշվեցավ, մինչդեռ կինը շվարած ու զայրացած գոչեց.

— Աղատեցե՛ք զիս սա անպիտանին ձեռքեն:

Տիգրանն էր մոտեցողը. տեսավ ու ըմբռնեց տեղի ունեցած տեսարանն:

— Ուրիշ տեղ մը տարբեր կերպով պիտի վարվեի ձեզ հետ, հոս դձեգ վնտեւ տալով պիտի բավականանամ:

Եվ այն միջոցին անցնող հյուրամեծարի մը միջոցով դուրս ընել տվա՞վ և Եվգինեն թէն առնելով պարի դաշտը դարձա՞վ:

Մազուրբա մը կը զարնվեր. աչքով Սուրբիկը փնտրեց, տեսա՞վ որ Խոսրովի հետ էր: Ինքն ալ Եվգինեի հետ քիչ մը պարելու ուզեց:

Ոչ ոք Եվգինեի շափ քաջ պարող էր. Տիգրանի թէն վրաբան մը շի կար ծանրացող, այլ իր երեսին հեշտավետ բուրում մը ու իր քովն զմայլիչ հյուր մը որ պարողներու հորձանքին մեջեն իրեն հետ կը սրանար:

Տիգրան բնավ այնքան հաճույք զգացած չէր. շրջան մը միայն ընելու ուզեր էր ու այն ատեն միայն կեցա՞վ երբ երաժշտութիւնը դադրեցա՞վ. անկից վերջը բատրիլ ու հետո վալս մը պիտի լիներ ու այս վալսին համար խոսք տվին իրարու և պլուֆեն ուղևորեցան:

Սուրբիկ հոն էր Խոսրովի թէն մտած:

Տիգրան անշուշտ իրավամբ խորհեր էր թէ շարախոս բազմութեան մը մեջ, ուր արդեն տեսակ տեսակ տարածայնութիւններ կը դառնային իր մասին, որքան ալ մաքուր ու անկեղծ լինէր իր սիրտը, պատշաճագույն էր որ Արամ էֆենտիի կիներ մինչև վերջն իրեն հետ ի միասին շի տեսնվեր ու տեղի չի տար նորանոր բամբասանաց:

Ինչե՞ր չէին ըսեր մինչև այն ժամանակ. Տիգրան Սուրբիկի սիրահարն էր. ո՞վ կը տարակուսեր աղոր. և ահա նորատի կիներ, որ իր հիվանդ ու ծերունի ամուսինը լքանելով վարձկան ձեռքերու, ինք կուգար զրոսանաց վայրերն իր տարփավորին հետ զվարճանալու: Այս զրպարտութիւնները պիտի լինէին հետեւյալ օրն ամեն կողմ տարածվելիք արձագանքն ու Տիգրան մեծապես իրավունք ուներ իր զգուշավոր ընթացքին մեջ:

Սուրբիկ միայն Տիգրանի իր մոտը չի գալուն այս բացատրութիւնը չի տվա՞վ. լավագույն բացատրութիւնն անոր թէն գեղանի ու շնորհալի կիներ էր և ուրիշ պատճառ փնտրելու հարկ չի տեսա՞վ:

Դպրոցեն փախչող տղու մը պես այն իրիկուն Սուրբիկ ան-

պատում բերկրութիւն ու խնդում զգացեր էր պարահանդես գալուն: Ո՞րքան ատենն ի վեր զուրկ էր մնացեր այս տեսակ հաճույքներե, ու ասպետական դշյակի մը տիրուհւոյն պես տռանձին ու մարդե հեռու ապրեր էր իր քյոշկին մեջ:

Պահ մը մոռցավ իր կենաց մառախլապատ հորիզոնն ու ընտանեկան հարկին հոգն ու մտմտուքը պարահանդեսին շողջողուն փայլին առջև:

Քաշված ապրելով, իր ծանոթները գրեթե մոռցեր էր. բայց Տիգրանի ընկերութիւնը կը բավեր անոր. Սուրբիկ պարելը կը սիրեր, նամանավանդ վալսն որ տեսակ մը թաքուն ու անբացատրելի ախորժ ուներ իրեն համար:

Ո՞րչափ մեծ եղավ իր զարմանքն, երբ պարահանդես մտած չի մտած, Տիգրան իրմե բաժնվեցավ մեկ մ'ալ իր քովը չի գայու համար: Ո՞վ էր այդ Եվգինենն ուսկից երիտասարդը չէր կրնար գատվիլ. մազուրքայի ատեն նշմարել կարծեց թե Տիգրան խիստ մոտեն կը գրկեր իր վայելչագեղ ընկերուհին:

Սուրբիկ նեղացավ. ինքն ալ աղեկ մը չէր գիտեր ինչ պատճառով, մինչև այն ժամ երիտասարդն ո՛ւնէ սիրային խոստովանութիւն մ'ըրած չէր իրեն. թերևս ինքը նշմարել կարծեր էր անոր ներքին համակրութիւնն ու կերևեր թե բոլորովին սխալած էր այս ենթադրութեան մեջ:

Սուրբիկ միշտ նույն դուրագրգիռ կինն էր: Այն գիշեր խմած մեկ երկու քոնյաքն անոր գլխին զարնելու մոտ էր, երբ Տիգրան մոտեցավ և Եվգինենն խոսրովին հանձնեց անոր վալսի խոստումն հիշեցնելով:

Սուրբիկ փոթորիկ մը զգաց իր սրտին մեջ այս խոստումը լսելով. ի՛նչ, այդքան չի կարենալ բաժնվելու շափ ախորժելի մե՛կն էր այդ մանկամարդ կինն և մեկ նայվածքով ճանչցավ անոր վրա երիտասարդ մը գլխե հանելու բոլոր առավելութիւնները:

Իր ներքին խռովութիւնն այնքան ավելի սաստիկ և ուժգին եղավ որքան Տիգրանի չէր կրնար հաղորդվիլ: Կը մտածեր որ իր բարեկամին անկախութեան դպչելու իրավունք չուներ. նա ազատ էր իր ուզածին հետ պարելու կամ խոսելու. գինքը պա-

րահանդես բերել խոստացեր ու բերեր էր և աղկե ավելի բան մը չէր կրնար պահանջել անկից:

Ափսո՛ս, մինչև այն վայրկյանը Տիգրանը գոնե իրեն անձնըվեր մեկն համարած էր. և առաջին առթիվ կը տեսներ թե ո՞րքան խաբված էր իր համոզման մեջ: Իր վիրավորյալ հպարտությունն արգիւից զինքն ո՛ւնէ բան մը գագացնել Տիգրանի. ի՛նչ ոգուտ եթե իր ստիպման վրա երիտասարդն այդ կնոջ հետ չպիտի պարեր:

Սուրբիկ՝ այս երկրորդ անգամն ըլլալով՝ կը սխալեր իր դատաստանին մեջ:

Տիգրան հիմարի մը պես կը սիրեր զինքը:

Արամ էֆենտիի կինը պարահանդեսին մեջ գտնվող տիկնանց մեջ թերևս ամենն գեղանին էր: Մեծագին չէր անոր հասցուստը. պարզ քոնմ կազե շրջագգեստ մը հազած էր նա վալանսիեններով շտկված, որո թափանցիկ ու անգաղտնապահ հյուսվածքը՝ մարմարի պես սպիտակ մարմնո մը քոյոր հեշտալի հրապույրը կը մատնէր. իր սիրուն գլուխը, դալուկ դեմքը, դուրարեկ հասակն, երազի մեջ երևցող ու խուսափող տեսիլ մը կը հիշեցնէր զոր կորսնցնելու վախով մարդս կը վախնա ձեռք դպցնելու:

Զմայման ու հափշտակության շշունջ մը կը բարձրանար երիտասարդաց ու պատանյաց մեջ անոր անցած ատեն. ամենքն անոր ընկերացող անձին շուրջը կը դառնային անոթ ներկայացվելու, հետը շրջան մը ընելու կամ բառ մը փոխանակելու հույսով, իբրև նորատեսակ արբանյակներ՝ որոց այս շողողուն ու հրավառ աստղը ձգողության ընդհանուր կեդրոնն էր:

Լուռ ու անխոս, Տիգրանի հետ հառաջացավ նա ծառուղվո մը մեջ. երիտասարդն իր թևին վրա կզգար անոր փափուկ ու քնթուշ թևին ջերմությունն որ էլեկտրական հոսանքի մը պես իր երակներուն կը հաղորդվեր. կանգ առին ծառի մը մթին ու խորհրդալի ստվերին տակ. քիչ մը հեռու ուրիշ զույգեր կը պտրտեին կամ կը խոսակցեին:

Սուրբիկ տրտում ու խոհուն կեբրևեր:

պտույտ մ'ըրին պարտեզին մեջ ու պյուֆեեն մեկ մեկ ըմպելիք առին. Սուրբիկ ամեռ մը ուզեց. բայց ներկայացված հեղուկն՝ օխամամբ անշուշտ՝ ապսենթ ըլլալու էր, որ անմիջապես անոր գլխուն զարկավ. մեկ վայրկյանի մեջ պարտեզն, երկինքն ու ծովն իր մոլորյալ ակնարկին առջև իրարու խառնվեցան, ոտքին ներքենն հողը խուլս տվավ կարծես, ու խեղճ կինը Մարեմյանի թևեն ի զատ հենակետ մը շտեսավ իր շուրջը:

— Այս ի՞նչ տեսակ ամեռ էր, թոթովեց Սուրբիկ:

— Ինձ տվեք գավաթնիդ, ըսավ Մարեմյան զարմանք ու վրդովում կեղծելով. բայց այս ամեռ չէ, ավելցուց նա կաթիլ մը բերանն առնելի վերջը. ապսենթ է. սակայն անհոգ եղեք, օտկին, ամեն պարագայի մեջ կատարելապես անվնաս ըմպելի մ'է, կապահովեմ զձեզ այս մասին. ու այս ըսելով խստիվ հանդիմանեց սպասավորը:

Սուրբիկ բան մը չլսեց. այն աստիճան սաստիկ էր հուզմունքն. հեղձուցիչ մթնոլորտ մը կար որ իր շնչառությունը կարգիւն. ծաղիկներուն բուրումը մեկ կողմեն, թաշկինակներու վրայի անուշահոտությունները մյուս կողմեն ու այս զաստիկ ըմպելիքն առաջուց առած քոնյաքներուն վրա ավելնալով՝ պզտիկ գինովություն մը հառաջ բերին:

Մարեմյան շփոթեցավ ու ուրախացավ, իր հուսացածեն ավելին հաջողեր էր. իր թևերուն մեջ առնելի ուզեց այս թանկագին բեռն ու առանձին ու ամայի տեղ մը փնտրեց մտքովը զայն հուշաբերելու համար. բայց երիտասարդ կինն անմիջապես ավելորդ դատեց զանոնք. իր շփոթությամբն հանդերձ զգաց որ այս մարդը խիստ վտանգավոր ու խիստ խորամանկ մեկն էր. Տիգրանի դեմ սրդողած ու նեղացած պահուն վայրիկ մը շնորհքով մեկը երևցեր էր նա իր աչքին, բայց շուշացավ ինքնիրեն խոստովանելու թե զինքը շարունակ հայածող այդ մարդուն դիտավորությունն անպարկեշտ և իրեն անոր հետ տեսությունն անվայել էր:

Բավ է որ կին մ'ուզե իր պատիվը պաշտպանելի որպեսզի հաջողի անոր դեմ պատրաստված ամեն փորձ ի դերև հանել:

Սուրբիկ այս մարդուն մոտ ինքզինքն առանձին գտնելով վախցավ ու այս վախը բոլորովին իր խելքը գլուխը բերավ:

Այո՛, հանցավոր էր, — այսպես խորհեցավ երիտասարդ կինը ներքնապես, — այսպիսի կասկածելի անձնավորութեան մը ընկերանալուն, և Տիգրանի առաջ ինքզինք արդարացնելու միջոց մը չի կրցավ գտնել իր մտքին մեջ, ի՞նչ պիտի ըսեր, ի՞նչ բացատրութիւն պիտի տար անոր հետ ընկերանալուն:

Ո՛րքան մեծ տարբերութիւն այս երկու մարդոց մեջ. երկուքն ալ զինքը կը սիրեին. այսպես գոնե կը կարծեր ինքը. բայց մինչդեռ Տիգրան ամեն ազատութիւն ու դուրութիւն վայելելովն հանդերձ երկու տարվան մեջ զինքը նվիրական էակի մը պես հարգելի ու պաշտելի անդին անցած չէր, անդին նորեկ մը, գործունյա, փութաջան ու ձեռնարկող, համառոտ ձևերով զինքն իր գրկին մեջ սեղմելու չափ հառաջացեր էր կես ժամվան մեջ: Հանկարծ անոր մտքեն կասկած մը անցավ ու Սուրբիկ զզվանք ու սոսկում զգաց այս մարդեն. ի՞նչպես կրցեր էր անոր թէն ընդունիլ. ինքն իսկ զարմացավ ասոր:

Վտանգն ամենեն աղեկ ուղղեց նորա դատողութիւնն. և մարդկային սրտին բնական եղող հակազդեցութեամբ մը Տիգրանի բոլոր փափկութիւնն ու անձնվիրութիւնը ճանշցավ ու գնահատեց:

— Կը խնդրեմ որ զիս Խոսրով էֆենտիին մոտ տանիք, ըսավ վախով ու ցասմամբ հուզյալ ձայնով մը:

Մարեմյան Սուրբիկի բոլոր մտածումները մի առ մի կարգաց անոր դեմքին վրա, ու հակառակելու անկարելիութիւնն հասկցավ: Ուստի շուտով առաջնակարգ դերասանի մը պես իր առջի հարգալից ձևն զգեցավ:

— Հոժարութեամբ, տիկին, պատասխանեց նա. միայն կը խնդրեմ որ ներողամիտ լինիք թե որ ո՛ւնէ կերպիվ առիթ եղածեր անհանգստութեան. հավատացեք որ ամոթով եմ այս մասին:

— Բնա՛վ, էֆենտի, հանցանքը ձերը չէ. և ես շնորհակալ եմ ձեր խնամոցը. ջղային տկարութիւն մ'էր որո երբեմն ենթակա կըլլամ, պատասխանեց Սուրբիկ շոր ու ցամաք կերպով:

Վալսը լմնցավ ու պարողներու քրտնաթոր զուլգերը՝ գիշերվան զով օդն առնելու համար պարտեղին մեջ ցրվեցան:

Տիգրան Եվզինեն իր ամուսնունց դարձուցած միշոցին տեսալ Սուրբիկն որ անծանոթի մը թևը մտած դեպ իրենց կուգար:

— Որո՞ւ ես հանձներ տիկին Արամ էֆենտին, հարցուց երիտասարդն առանց ծածկելու իր դժգոհութիւնը:

— Ո՛հ, անհոգ եղիք, պատասխանեց նոսրով, թեթև մը կարմրելով սակայն, իմ ծանոթներես է ու խիստ ազնիվ անձ մ'է:

Տիգրան այս բացատրութիւնը շքնդունեց. բայց ինքնիրեն ավելի Սուրբիկի նեղացավ քան թե իր բարեկամին. միևյոթն օտարականը Սուրբիկը ձգելն ու խոնարհութիւն մ'ընելն վերջը կը հեռանար:

— Ո՞վ էր այդ պարտը, Սո՛ւրբիկ, հարցուց երիտասարդն երբոր մինակ մնացին:

— Ես ալ աղեկ մը շեմ գիտեր ո՞վ ըլլալն. իրավ է որ բարեկիրթ անձ մը լինելով հանդերձ անհամակրելի թվեցավ ինծի:

— Թևր մտած ատենդ պետք էիր ատիկա մտածել և ո՞չ հիմա:

Սուրբիկ՝ Տիգրանի վշտացած ըլլալն անոր խոժոռած դեմքն ու ցամաք պատասխանին հասկցավ:

Անծանոթի մը թևն ընդունիլը պակասութիւն մ'էր ու նորատի կինը ներքնապես իրավունք տվավ երիտասարդին ու ակոր սիրտն առնել մտածեց:

— Այս տեղի բազմութիւնը ձանձրացուցիչ է, ըսավ Տիգրանին մեղմ, գրեթե աղերսարկու ձայնով մը որ կարծես ներուան կը խնդրեր և որ տարօրինակ կերպով երիտասարդին «րտին դպավ, տուն դառնանք թե որ կը հաճիս:

— Դառնանք, կրկնեց Տիգրան մեքենաբար:

Ու թե թևի վար իջան պարտեզեն համր ու դանդաղ քայլերով. Սուրբիկ հոգնած էր ու թույլ կերպով իր ընկերոջ թևին կը հենուր: Քարափեն անցան ուր հոգնախուռն ամբոխ մը կը շրջեր, կերգեր, կզբոսնուր գիշերվան ցողին տակ անփուլթ ու անխոնջ:

Բազմութեան մեջեն անցան անտարրեր՝ չի լսելով իրենց

չուրչի աղմուկն՝ և առանց զգալու մինչև իրենց ծովեզերյա տունը հասան:

Գիշերը թեև խոնավ՝ բայց իր բուրբ պայծառութեան մեջ էր հեռուն՝ պարահանդեսին լույսերն ու երաժշտութեան ձայները կը նվաղեին ու կանհետանային:

— Ես անոթի եմ, Սո՛ւրբիկ, ըսավ Տիգրան, քոշկն ելլելի առաջ քիչ մը բան ուտենք. դուն ալ կարծեմ թե անոթի ես. այս ալ զրոսանք մ'է, մանավանդ թե պարահանդեսի հաշվույն մեջ չէ:

— Ուշ չէ՞ այս ատեն:

— Բնավ. ժամը յոթն է. կես ժամին վեր կը տանիմ քեզ. հոս սպասավոր արթնցնելու պետք չունինք, ու այս գիշեր քեզի ծառայելու պատիվն իմ անձիս կը վերապահեմ, տիկին, ավելցուց խնդալով:

— Այդպես թող ըլլա ուրեմն, պատասխանեց Սուրբիկ:

Այս առաջադրութիւնն անտարակույս հաճելի էր. կես գիշերին, ծովեզրի սենյակը, լուսնի լուսով, գլուխ գլխի ճաշ մը ընելն՝ հրապուրիչ ծրագիր մ'էր: Սակայն Սուրբիկ վայրկյան մը խորհեցավ որ գիշեր առին թերևս վաչելու չէր ամուրի երիտասարդի մը տունը գտնվիլ երբ ամեն մարդ կը քնանար: Բայց Տիգրանի առաջարկը մերժելն անոր վրա կասկածիլ ու զայն վիրավորել պիտի ըլլար. Սուրբիկ դեռ ասոր նման հազար պատճառանք մտածեց ու գտավ այս հաճոյալի հրավերն ընդունելու համար. մարդս որքան դյուրավ կը համոզվի թե որ կամենա:

Ներս մտան առանց մեկու մը ձայն տալու. ծովեզրի սենյակը Տիգրանի աշխատութեան սենյակն էր. Սուրբիկ բնավ հոն մտած չէր դեռ. ակնարկ մը ձգեց իր շորս դին հետաքրքրութեամբ ու սիրով լեցուն. ճրագի պետք չի կար. լուսինն իր արծաթյա ճառագայթներովը սենյակը կողողեր ու ցերեկվան պես կը լուսավորեր:

Ի՞նչ զարմանալի բան է եզեր երիտասարդի մը սենյակն. այս եղավ Սուրբիկի հետազոտութեան արդյունքն. ամեն ինչ անկարգ ու անկանոն. արևելյան ու հվրոպական կարասիք միասին. հոս թրթրական փոքրիկ բազմոց մը Պուխարայի գոր-

Տիգրան Եվգինեն իր ամուսնուն դարձուցած միջոցին տե-
սավ Սուրբիկն որ անծանոթի մը թևը մտած դեպ իրենց
կուզար:

— Որո՞ւ ես հանձներ տիկին Արամ էֆենտին, հարցուց Ե-
րիտասարդն առանց ծածկելու իր զժգոհութիւնը:

— Ո՞հ, անհոգ եղիք, պատասխանեց Խոսրով, թեթև մը
կարմրելով սակայն, իմ ծանոթներես է ու խիստ ազնիվ
անձ մ'է:

Տիգրան այս բացատրութիւնը շրնդունեց. բայց ինքնիրեն
ավելի Սուրբիկի նեղացավ քան թե իր բարեկամին. մինչդեռ
օտարականը Սուրբիկը ձգելի ու խոնարհութիւն մ'ընելի վերջը
կը հեռանար:

— Ո՞վ էր այդ պարոնը, Սո՛ւրբիկ, հարցուց երիտասարդն
երբոր մինակ մնացին:

— Ես ալ ազեկ մը չեմ գիտեր ո՞վ ըլլալն. իրավ է որ բա-
րեկիրթ անձ մը լինելով հանդերձ անհամակրելի թվեցավ
ինծի:

— Թե՛ր մտած ատենդ պետք էիր ատիկա մտածել և ո՞չ
հիմա:

Սուրբիկ՝ Տիգրանի վշտացած ըլլալն անոր խոժոռած դեմ-
քին ու ցամաք պատասխանին հասկցավ:

Անծանոթի մը թևն ընդունիլը պակասութիւն մ'էր ու նո-
րատի կիներ ներքնապես իրավունք տվավ երիտասարդին ու
անոր սիրտն առնել մտածեց:

— Այս տեղի բազմութիւնը ձանձրացուցիչ է, ըսավ Տիգ-
րանին մեղմ, գրեթե աղերսարկու ձայնով մը որ կարծես նե-
րուան կը խնդրեր և որ տարօրինակ կերպով երիտասարդին
որտին դպավ, տուն դառնանք թե որ կը հաճիս:

— Գառնանք, կրկնեց Տիգրան մեքենաբար:

Ու թե թևի վար իջան պարտեզեն համր ու դանդաղ քայլե-
րով. Սուրբիկ հոգնած էր ու թույլ կերպով իր ընկերոջ թևին
կը հենուր: Քարափեն անցան ուր հոգնախուռն ամբոխ մը կը
չրջեր, կերգեր, կզբոսնուր գիշերվան ցողին տակ անփուլթ ու
անխոնջ:

Բազմութեան մեջեն անցան անտարրեր՝ չի լսելով իրենց

շուրջի աղմուկն՝ և առանց զգալու մինչև իրենց ծովեզերյա տունը հասան:

Գիշերը թեև խոնավ՝ բայց իր բոլոր պայծառության մեջ էր հեռուն՝ պարահանդեսին լույսերն ու երաժշտության ձայները կը նվազեին ու կանհետանային:

— Ես անոթի եմ, Սո՛ւրբիկ, ըսավ Տիգրան, քյոշկն ելլելե առաջ քիչ մը բան ուտենք. դուն ալ կարծեմ թե անոթի ես. այս ալ զբոսանք մ'է, մանավանդ թե պարահանդեսի հաշվույն մեջ չէ:

— Ուշ չէ՞ այս տուն:

— Բնավ. ժամը չոթն է. կես ժամն վեր կը տանիմ քեզ. հոս սպասավոր արթնցնելու պեսք շունինք, ու այս գիշեր քեզի ծառայելու պատիվն իմ անձիս կը վերապահեմ, տիկին, ավելցուց խնդալով:

— Այդպես թող ըլլա ուրեմն, պատասխանեց Սուրբիկ:

Այս առաջադրությունն անտարակույս հաճելի էր. կես գիշերին, ծովեզրի սենյակը, լուսնի լուսով, գլուխ գլխի ճաշ մը ընելն՝ հրապուրիչ ծրագիր մ'էր: Սակայն Սուրբիկ վայրկյան մը խորհեցավ որ գիշեր ատեն թերևս վայելուչ չէր ամուրի երիտասարդի մը տունը գտնվիլ երբ ամեն մարդ կը քնանար: Բայց Տիգրանի առաջարկը մերժելն անոր վրա կասկածիլ ու զայն վիրավորել պիտի ըլլար. Սուրբիկ դեռ ասոր նման հազար պատճառանք մտածեց ու գտավ այս հաճոյալի հրավերն ընդունելու համար. մարդս որքան դյուրավ կը համոզվի թե որ կամենա:

Ներս մտան առանց մեկու մը ձայն տալու. ծովեզրի սենյակը Տիգրանի աշխատության սենյակն էր. Սուրբիկ բնավ հոն մտած չէր դեռ. ակնարկ մը ձգեց իր շորս դին հետաքրքրությամբ ու սիրով լեցուն. ճրագի պիտք չի կար. լուսինն իր արծաթյա ճառագայթներովը սենյակը կողողեր ու ցերեկվան պես կը լուսավորեր:

Ի՞նչ զարմանալի բան է եղևր երիտասարդի մը սենյակն. այս եղավ Սուրբիկի հետազոտության արդյունքն. ամեն ինչ անկարգ ու անկանոն. արևելյան ու եվրոպական կարասիք միասին. հոս թրքական փոքրիկ բազմոց մը Պուխարայի գոր-

գերով ծածկված, հոն հին ֆրանսական թիկնաթոռներ, շինական կերպասե վարագույրներ, խել մը անօգուտ ու թանկագին նյութեր, հնություններ, հին և նոր դրամներ, զենքեր փայլուն կամ ժանգոտած, գորգեր, պատկերներ, հախճապակե ամաններ, պզտիկ ու մեծ լուսանկարներ նշանավոր անձերու, դերասանուհաց, արվեստավորներու, հրապարակախոսներու, ասդին անդին, պատերուն վրա, գրեթե ամեն կողմ ցրված խառն ի խուռն բայց ոչ առանց ճաշակի. փոքրիկ արձաններ իրենց մերկ ու շլացուցիչ գեղով, ոսկեզօծ ու լայն շրջանակներու մեջ Վոսփորի զանազան տեսարաններն ու Անվո ավերակներն. Հայաստանի զանազան քաղաքների հավաքված տեսակ տեսակ կերպասներ, բանվածներ, աթոռի մը թողված Միռապո մը, սեղանին վրա Պեշիքթաշլյան մը. հոս իրավագիտական թերթեր. վերջապես փոքրիկ սենյակի մեջ հավաքված արվեստի, գեղարվեստի, դիտության ու գրագիտության վերաբերյալ ճոխություններ՝ մեկ բառով ամեն ինչ կամ ոչինչ:

Սուրբիկ շատ մը հարցումներ պիտի ըներ իր տեսածներուն վրա, բայց այս սենյակին մեջ անբացատրելի անհանգստություն մ'զգաց. վրդովիչ ու հրապարիչ մթնոլորտ մը կար. իր շուրջը տեսած անթիվ նյութերն ու պատկերները կարծես նույնքան խոսուն ու համակրելի հոգիներ էին. ազոնք էին երիտասարդին ամենօրյա ընկերներն, անոր ամեն մեկ հուզման, տխրության և ուրախության մասնակից: Եվ Սուրբիկ անմիջապես սիրեց ու պաշտեց այս ամենն իրենց անխնամ անկարգության մեջ:

Անդին Տիգրան հինօրյա ու քաջավարժ սպասավորի մը պես սեղանը շտկեց պատուհանին մոտ. քիչ մը պաղ հավ, տապկած ձուկ, Պոռտոյի հին գինի ճարելն վայրկյանի մը գործ եղավ. ու երբ խոսելով խնդալով սկսան ճաշն, երկուքն ալ բերկրացան հանպատրաստից ու առանց երկմտելու այս խորհուրդն ի գործ դրած ըլլալուն:

Իրենք անոթի, կերակուրներն համով, գինին ընտիր, ու բնականաբար խոսակցությունը վերսկսավ եռանդով ու աշխուժիվ:

— Պարահանգեսին մեջ կարծեմ նեղացար ինձի:

— Այո՛, թեև այդ ազատութիւնն ու իշխանութիւնը չունիմ:

— Որքա՛ն նախանձոտ ես եղեր, մինչդեռ շարունակ ադոր հակառակը կը պնդես:

— Կը հավատա՞ս, թե որ ըսեմ որ քեզմե ի զատ և ո՛չ մեկի համար այդքան դյուրագգաց եղած եմ:

— Ո՛չ իսկ հույն բարեկամուհւոյդ մասին, հարցուց Սուրբիկ խնդալով:

Եւ մտերմութիւնն հետզհետե ավելցւաւ. այն գիշերվան պարահանդեսն՝ ուրիշ տարիներու պարահանդեսներու ու երեկույթներու վրա դարձաւ խոսքն. երիտասարդին հիշատակներն արթնցան, անցյալ օրերու պատմութիւններ, գրեթե խոստովանութիւններ ըրին իրարու, մինչդեռ զորավոր ու անխառն գինվո վերջին գավաթները կը պարպվեին ու զլուխները կակրսեին տաքնալ ու դառնալ: Այդ ժամուն ա՛լ բնավ չէին մտածեր իրենց տարօրինակ ու անպատշաճ կացութեան ու գիշեր ատեն մեկ սենյակ ի միասին ու առանձին դտնվելնուն վրա:

Քիչ մ'առաջ նախանձու վրա խոսեր էին ու ազկից խոսակցութիւնը սիրո վրա բերելու շափ դյուրին բան չի կա աշխարհիս մեջ:

Սուրբիկ հոգներ էր. նա ավելի կունկնդրեր քան թե կը խոսեր, թիկնաթոռի մը մեջ տարածված, աչքերը կիսափակու երեսը կարմրած. մինչդեռ երիտասարդն անոր քով ու դեպի անոր ծռած, փոքրիկ ու քնքուշ ձեռքն իր ձեռացը մեջ ամփոփած, կը շաղակրատեր:

Սուրբիկ ուրիշ բան չէր լսեր անոր խոսքերեն բայց եթե հեշտալուր մրմունջ մը որ իր լսողութիւնը կը հմայեր. կզգար որ կարող էր տարիներով առանց նեղանալու մտիկ ընել այդ քաղցրաձայն նվագին որ ոչ երբեք այդքան ախորժելի ու ողորջիլ թված էր:

Երջանկութիւն ըսվածն ա՛յս էր արդոք երկրիս վրա: Սուրբիկ գրեթե այնպես կարծեց վայրկյան մը:

Գիշերը կը հառաջանար զվարթ ու աստեղազարդ. լուսինն հետզհետե կը խոնարհեր դանդաղ և վարանյալ, ծովուն վրա ձևացնելով անթիվ ու աննմանելի լուսեղեն ուրվագիծեր որք

շարունակ կը կազմվեին ու կը փոփոխեին անոր սնդիկի պես անշարժ ու փայլուն երեսին վրա. ամեն ոք հանգչած էր ու ամեն կողմ տարածվող խոր լռութիւն մեջ մինակ էր այս մանկամարդ կինն իր սիրած մտերմին քով, բոլոր իղձերով տոգորյալ:

Տիգրան հիմա ա՛լ գրեթէ բոլորովին իրեն մոտ ծնրադրած էր ու Սուրբիկ անոր հեշտահամբույր շունչը կզգար իր մազերուն մեջն, իր երեսին մոտ, իր դուրադրգիւ մորթին վրա, և կը խռովեր. հանկարծ զգաց երկու սիրատուոր շրթունքներ որ իր ձեռքին կը դպնէին հիմարական տենչանոք պատելով իր բոլոր զգայարանքը. Սուրբիկ ձեռքն ետ քաշիլ ուզեց, բայց այս նահանջումն ավելի պարտյալ մարդու մը անօգուտ մեկ ջանքն էր. քան թէ լուրջ դիմադրութիւն մը. Տիգրան բռնացավ ու մանկամարդ կինն անոր դեմ զորութիւն շունքը. աչվըներն կրակ կհիչներ, ակնարկը կը նվաղէր ու ամեն ձայնն ավելի ուժով՝ բառ մը, բառ մը միայն անոր ակահչին կը զարներ անդիմադրելի, իր պատճառած հրապույրին համար:

— Կր պաշտեմ գրեզ, կը մըմնջեր երիտասարդն անոր ա-կաջն ի վար:

Սենյակին մեջ լուսնին լույսը վարագույրներուն բացիւփիկ գույներուն հետ կը խաղար. պղտիկ արձանները թվեր թե կոզնորին իրենց մարմարն փոքրիկ կայաններուն վրա. պատկերները կը ժպտեին ոսկեզօծ շրջանակներուն մեջ ու անդիեն հեզաշարժ ծովուն ձայնն՝ որ մեղմիվ տանը քարափը կը փայփայեր, կը հասներ միօրինակ այլ ներդաշնակ երգի մը պես:

Ուրիշ ատեն Սուրբիկ պիտի բողոքէր այս վարմունքին դեմ. հիմա երջանիկ էր սիրո այս խոստովանութիւնը լսելով. անշուշտ հիմա չէր որ կիմանար Տիգրանի զինքը սիրելն. ինքն ալ ինչն էր չէր քաշեր իր փոխադարձ սերը ծածկելու համար ու անտարբեր դեմք մը ցուցնելու իր պաշտեցյալ մտերմին. վայրկյան մ'էս ու մոտ էր անձնատուր լինելու. հեշտութիւն երազներ անոր շփոթած միտքը գրավեցին ու վայրիկ մը Տիգրանի բազուկներն անքակտելի շղթա մը կազմեցին անոր մարմնույն շուրջը:

Հանկարծ պատկեր մը անցավ Սուրբիկի աչաց առջևն, խո-

ժառ ու տրտում դիմք մը՝ որո տարօրինակ նայվածքը մինչև իր սրտին խորը թափանցեց: «Զիս խաբեցիր ու հիմա ամուսինդ պիտի խաբես», կըսեր այս նայվածքը բացորոշ խստութեամբ:

Սուրբիկ սարսափահար ուժով մը մեկդի հրեց զինքը շրջապատող թևերն ու ոտքի վրա ելավ մեկեկն:

— Տի՛գրան, ըսավ խելակորույս երիտասարդին, տո՛ղբան շո՛ւտ մոռցար Սեդրաքի հիշատակը:

Սեդրաքի՛...:

Ո՛ւակից գտավ այս սպառնալից անունն որ փայլակի մը ցուլացման պես իր միտքը պատող մառախուղը փարատեց. Տիգրան կանգ առավ իր անվայել աղերսանաց մեջ ու մաներկբորդ մը բավեց խելքը գլուխը բերելու. ինչ որ ալ ըլլար իր անսահման սերն ու մարդուս տկարութիւնը, պարկեշտութիւնն՝ որ իր սրտին մեջ էր միշտ՝ զինքն արիացուց աւ պատվո ճամփին չի խոտորեցավ: Բայց իր քաջութեան փորձը տալն վերջն իր հուզմունքը չի կրցավ ծածկել ու Սուրբիկեն հեռու աթոռի մը վրա ինկավ ուժաթափ ու ամոթահար:

Ա՛լ չի խոսեցան ասոր վրա ու քիչ մը ետքը պարտեզին դռնէն անցնելով, Տիգրան, լուռ ու քար կտրած, ծաղկահասակ կինը քյոշկը տարավ ձգեց ու տուն դարձավ. բայց մինչև առտու իր խոռվյալ երեակայութիւնը թույլ չի տվավ քնանալ: Արշալուստուն դեմ միայն, խորտակված ու վստասկաբեկ, բազմոցի մը վրա քունը տարավ:

Այն գիշերեն վերջը քիչ մ'ատեն Տիգրան խիստ զգուշավոր ընթացք մ'ունեցավ քյոշկը գտնված ժամանակ. հանցանք մը գործած ատեն վարժապետեն բռնվող տղու մը կը նմաներ:

— Ա՛լ պատանի մը շեմ ես, կըսեր երբեմն ինքնիրեն, ու ինչպե՛ս հիմարութիւն մը գործելու շափ հառաջ գացի. իրավ է ուրեմն որ մարդս իր անձին չի կրնար իշխել եղեր. իմ բոլոր հաստատամտութիւնս այս կնոջ մեկ ժպտին առջև անհետացավ ու առանց անոր:..

Իրիկուն մը Սուրբիկ Տիգրանի առաջարկեց միասին շրջան մ'ընել պարտեզին մեջ. վերջալույսն իր բոլոր շքեղութեան մեջ է պարտեզն ամայի ու խորհրդավոր էր:

— Վշտացար ինձի դեմ, այնպես չէ՞, հարցուց հանկարծ Արամ էֆենտիի կինը:

— Բնավ, տիկին, ընդհակառակն շնորհապարտ եմ ձեզ:

— Նախ և առաջ, տիկին, ձեզ և ասոր պես պաշտոնական բառերը վերցուր ու պարզապես Սուրբիկ ըսե ինձի առաջվան պես, որպեսզի չի սրդողած լինիլդ հասկնամ:

Երիտասարդը քիչ մը վարանեցավ:

— Միթե չափազանց մտերմության հետևանք չէ՞ր իմ սը-խալմունքս, ըսավ նա. դուք պետք է ուզեք որ այս ձևակիր-պությունները մնան ու պատենշ մ'ըլլան իմ տկարությանցս դեմ:

— Ո՛չ, Տիգրան, առաքինությունն արժեք չունի թե որ ճնշման մը արդյունք է. ես քեզմե ազեկ գաղափար ունիմ քու սրտիդ ազնվությանը վրա ու քու մտերմությանդ կորուստովը չեմ ուզեր իմ հանգստությունս փոխարինել. մոռցիր ալ այն ժամն ինչպես որ ես ալ չեմ հիշեր բնավ:

Տիգրան չի պատասխանեց:

— Մի՛ կարծեր որ չի մաքառեցա սիրույս դեմ, Սո՛ւրբիկ, ավելցուց նա քիչ մը վերջը. երեկվընե չէ որ անբացատրելի իշխանություն մ'ունեցար իմ վրաս դուն, որո հետ հավիտյան անհաշտ ու խեղճիմ թշնամի մնալ պարտեի. ես անոնցմե չեմ որք իրենց հաճույքին, թե՛ւեւ երջանկության համար ուրիշի երջանկությունը կը գողնան ու տունը կը կործանեն. ինքզինքս չեմ ուզեր արդարացնել վայրկյան մը սխալելուս. դուն ինձի շուտով ճանչցուցիր պարտականությունս որուն համար ալ ավելի կը... հարգեմ զքեզ. իսկ դուն, — և Տիգրան հառաչեց այս ըսելով, — բնա՛վ, ո՛հ, բնավ լսած մի՛ ըլլար իմ դժբախտ սի-րույս խոստովանությունը:

— Հաշտվեցանք ուրեմն ու տուն դառնանք:

Այսպես վերջացավ այս խոռովության սեզբնավորությունը. սակայն ուրիշ դժբախտություն մը չուշացավ այս ընտանյաց գլխուն:

Արամ էֆենտիի գլխի հիվա՛ն. յությունը բուրո՞րովին անհետա-ցած չէր ու հանկարծ նոր ձևով մը երևան ելնելով խիստ ծանր կերպարանք մ'առավ քիչ օրվան մեջ:

Խնամքները չպակսեցան. Խոսքով հիվանդտես եկավ ու Ծնի-Մահալի բառնալուն ժանտթնները զինքը շրջապատեցի՞մ իբրև թե տեղեկություն մ'առնելու համար հիվանդին վրայոք՝ կեղծավոր կարեկցություն որով քողարկված էր հիվանդին կնոջ վրա տարածված հետաքրքրությունն. անշուշտ երեսի վրա թողած էր իր ծերունի ամուսինն, երիտասարդ տարփավորին հետ զբոսնելու համար:

Կիններն ու հատկապես պառավները՝ նշանավոր էին իրենց հավաքած տեղեկություններով:

Հիսուննոց գիրուկ կին մը որո երեսին խորշոմներն անհետացնելու համար կատարված ջանքերն ապարդյուն մնացած էին, լրադրաց մեջ կարդացած խաբեբա դեղերն զանգատելի վերջը կը պնդեր որ Արամ էֆենտի տունն ելած սպասուհի մը թանկագին մանրամասնություններ բերած էր իրեն, մանրամասնությունք որք պարկեշտ ականջներն շէին կրնար լսվիլ:

Բամբասող հետաքրքիրներուն սիրտն անհամբերութենի բարբախեց:

— Հոգի՛ս, կը գոչեր նա, կարգված կիներն աղջիկներն ա՛վելի կատղեր են հիմա. լսվա՛ծ բան է ասիկա որ գիշերն ի լույս ձգես հիվանդ էրիկդ մինակը շարշարվի ու դուն պարտե՛զին դոնն դրացի երիտասարդին տունն երթաս:

Ունկնդիրներն իբրև թե չի հավատալու շարժում մ'ըրին՝ շարժու պառավը զայրացնելու ու ա՛լ ավելի խոսեցնելու համար:

— Զե՛ք հավատար, կրկնեց գիրուկ կինն աշխուժիվ, շե՛ք հավատար, կուզե՛ք որ Մարիամը կանչեմ ու ձեր դիմացը խոսեցնեմ:

— Վրայեն շնորհքով կին մը կերևա, մեղա՛, ալ մարդ իր տեսածին ալ խաբվելու չէ, վրա բերավ անդիեն սիկառի թուղթի պես նիհար ու թափանցիկ կին մը որ բուրդի ու բամպակի անհրաժեշտ պաշարով մը բռնավորած էր ամեն ատեն:

— Ատանկները շնորհքով կերևան վրանուն:

— Ո՛վ կը սիրե եղեր, հարցուց քառասունն անցուկ աղջիկ մը որ ամուսնանալի հուսակտուր, ա՛լ պառավներու կարգը բազմելու իրավունք ուներ:

— Փաստարան է, ի՞նչ է, գիշեր ցերեկ իրարու տունն են
հղեր:

— Այս տեսակ կիները բոլոր իզական սեռին ալ պատ-
վույն կը դպչին, ավելցուց արդար զայրույթիվ երիտասարդ ու
գեղանի կին մը որո սիրահարական արկածներն երեսին վրա
ներկված գույներուն շափ բաղմաթիւ էին:

Ուրիշներ կը պնդեն թե իր կնոջ մեղապարտությունն
հաստատվելուն վրա Արամ էֆենտի հիվանդացեր էր. թե խեղճ
մարդն ամեն տեսութենն զրկված, գրեթե բանտարկված էր.
շատախոս երիտասարդ մը՝ ականջն ի վար փսփսալով խոր-
հրդավոր ձևերով կը պատմեր թե իր բարեկամներեն մեկն
Արամ էֆենտիի քոշկին մոտեն անցած ժամանակ գիշերային
ժամադրությանց հանդպեր էր:

Այս կերպ էին ահա խոսակցություններն հասարակության
մեջ. այս բամբասողներեն գոնե մին՝ բան մը գիտե՞ր կամ թե
ինք կը հավատա՞ր իր ըսածներուն. բնավ: Նախանձը մեկ կող-
մէն, հետաքրքրությունը մյուսեն միացեր էին զրպարտությունն
ու քսությունը ծավալելու այնպիսի անձերու դեմ զորս թերևս
շիտկե շիտակ չէին ճանչնար:

Երիտասարդ կիներ մեծագույն հանցավորը, թերևս ոճրա-
գործ մ'էր. ամենքը ծերունի ամուսնույն կը գթային ու կը կա-
րեկցեին միայն: Գուցե հարկ էր ջանք մ'ընել զայն իր անհա-
վատարիմ կնոջ ձեռքեն փրկելու համար:

Այս տեսակ են ահա այն սարսափելի տարածայնություն-
ներն որք փոխանցիկ ու քստմենելի հիվանդությանց պես բերնե
բերան տարածվելով մարդուս պատվույն կը դպչին, կը հալա-
ծեն ու շատ անգամ կը խորտակեն թաքուն, համառ ու անողոր
ամբաստանություններ որո դեմ ամբաստանյալն ինքզինքը ար-
գարացնելու միջոց չունի: Մարդոց ներքին կենաց մասին հա-
սարակաց կարծիք ըսված բանն՝ ի բացակայության տրված
վճիռ մ'է որ առանց դատապարտելույն հաղորդվելու կը գոր-
ծադրվի: Բավ է որ զրպարտիչ բերան մը բացվի մեկուն դեմ
ու դատապարտությունը ժամանակի խնդիր մ'է միայն և որո
գեմ զրպարտչալը բողոքելու իրավունք չունի:

Այս կերպ էին ահա հասարակաց կարծիքը Սուրբիկի մա-

սին: Պարկեշտության, մաքրության նշույլ շունեցող անառա-
կուհիներ՝ շէին կրնար անտարակույս անոր առաքինության հա-
վատալ. սևը ճերմակին գոյության շի կրնար հավատ ընծայել:
այս եղած է միշտ աշխարհիս օրենքը:

Անդին՝ հիվանդը կը տառապեր ու կը դարմանվեր. խեղճ
մարդուն հիվանդությունը մահատու ու սարսափելի կերպիվ
փոխանցիկ ախտ. մ'էր. խոհեմությունը կը պահանջեր զգուշու-
թյուններ ձեռք առնուլ անոր քովը մոտեցված ատեն. բժշկաց
պատվերը խիստ ու բացորոշ էր. Սուրբիկ միայն շի ճանչցավ
այդ արգելքն զոր իր պարտականության հակառակ դատեց.
իր մանկութիւնն ի վեր դժբախտ ու ճակատագրեն հալածյալ՝
քաջությամբ, գրեթե ուրախությամբ նետվեցավ այն վտան-
գին մեջ որ այնչափ դյուրավ կրնար զինքն ալ ի միասին գե-
րեզման տանիլ: Ո՛չ ոք գիտցավ երբեք այս մանկամարդ կինն
առաջնորդող գաղափարը. փոխանցման վտանգը տարաբախ-
տուհին հրապուրեց. ազգական, բարեկամ իզուր խրատեցին
կամ սպառնացան. Սուրբիկ անդրդվելի մնաց. Տիգրան միայն
բան մը չըսավ, մինչդեռ բժիշկներն ապշած ու սքանչացած կը
մեկնեին ամեն անգամ:

Միայն իր զավակներն հեռացուց ու ինքը գիշեր ու ցորեկ
սպասուհւո մը օգնությամբ հիվանդին քովն չբաժնվեցավ:

Հիվանդության շորթորդ-հինգերորդ օրերն Արամ էֆենտին
անճանաչելի էր. անհամար ուռույց ու պալարներ, սև ու կա-
պույտ, անոր դեմքն ու ճակատը պատեցին. աչերը փոսն իչած
ու երեսին ուռուցիկ կույտերուն մեջ թաղվելով երկու փայլուն
կետերու փոխվեցան. շրթունքն իրարմե հեռու ու բոլոր գլուխն
ահավոր ու քստմնելի երևույթ մ'ստացավ:

Սարսափելի ախտը մեկ քանի ավուր մեջ այս աստիճանի
կերպարանափոխ ըրած էր հիվանդը. սպասուհին վախցավ ու
առավ քալեց ու Սուրբիկ մինակ մնաց հիվանդը դարմանելու
ու սփոփելու համար:

Մինակ. ոչ սակայն. քանի որ Տիգրան առտու ու իրիկուն
հոն էր. բժիշկները կը հրավիրեր, դեղերը կը պատրաստեր ու
տուննն դուրս հիվանդին վերաբերյալ բոլոր հոգերը կը մտա-
ձեր: Նա մանավանդ Արամ էֆենտիի նեղությունը գուշակելով.

առանց Սուրբիկի զգացնելու, Արամ էֆենտիի մեկ պահանջքը գանձած լինելու պատրվակավ դրամական օգնություն մը կընենր ու վերջապէս այդ մահու ու սարսափի օրերուն մեջ պահապան հրեշտակի մը պես կը հսկեր այդ անօգնական ընտանյաց վրա:

Բժիշկներն հետզհետե ձեռք քաշեցին. հիվանդին վիճակը բոլորովին հուսահատական ու անոր ավերյալ դիմաց տեսիլն արհավրալից դարձավ:

Անտարակույս նախախնամության անքննելի մեկ գաղտնիքն էր որ այս դժնդակ ու զարհուրելի ախտն այսքան բարի ու պարկեշտ մարդու մը վիճակած էր. հիվանդին խելքը գլուխն էր միշտ. վերջին օրերուն, երբ որ ինքն ալ վերահասու եղավ իր վտանգավոր կացութեան, վարանում մը տեսնվեցավ այս մարդուն վրա. ըսելիք մը ունեւր ու շէր կրնար կարծես մեկու մը հայտնել. Սուրբիկը միայն տեսնելով միշտ իր քովն, իր արօղին անհանգիստ խղճմտանքը բոլորովին վրդովեցավ. ամենքըն, եղբայր, քույր, կամ ազգական, քուերայե փախելու պես, առանց ետևին դառնալու, մի առ մի խույս տվեր էին ու միայն այս երիտասարդ կինը մնացեր էր մինչև վերջն հաստատ իր սիրույն ու հավատարմության մեջ. այն ատեն մտածեց թե որքան ծանր պարտքեր ստանձնած էր այս մատղաշ ու փափուկ արարածին դեմ զոր դեռ տղա հասակեն աններելի անխոհեմութեամբ մը իր կենաց բոլոր ծերութեան ու տառապանացը մասնակից ըրած էր. մտածեց նաև թե ո՞ւրակից կը ճարեր բրձիշկներու ամենօրյա տրված գումարները, վասնզի իր շնչին խնայողություններն հիվանդության առջի մեկ երկու ավուր մեջ սպառած էին անշուշտ:

— Սուրբիկ, ըսավ մանկամարդ կնոջն որ աթոռի մը վրա առ անկողնուն մոտը նստեր էր, քնահատութենե թալկահար ու զժգունած, ստակ մնացած չէ քովդ. իմ սեղանավորս կա Պոլիս, պիտք է մեկ երկու ամսական կոտորել տալ այս օրերու համար:

— Բայց ստակի նեղություն չունինք, պատասխանեց նա, ատեն շեղավ քեզի իմացնելու որ հույն վաճառականին վրայի առնելիքներդ Տիգրան էֆենտին գանձեց:

— Ո՞ր հույն վաճառականն, հարցուց հիվանդը մտախառն
— Դուն գիտես անշուշտ. որո՞ւն վրա հարյուր քսան ոսկի
պահանջ ունիս:

Արամ էֆենտի մեկու մը վրա այս տեսակ պահանջ մը շքե-
ներ ու անմիջապես գուշակեց այն շափազանց փափկության
զգացումն՝ որով Տիգրան դրամական օգնութիւն մ'ընդունել
տալու համար այս ստախոսության դիմեր էր. բան մը չ'ըսավ,
բայց աշվըները լեցվեցան:

— Եղբորմեծ մը ավելի է մեզի Տիգրանը, Սո՛ւրբիկ, գիտ-
ցած ըլլաս, մրմնջեց միայն:

Իրիկունը երիտասարդն եկավ տրտում ու տխուր. հետեյալ
օրվան համար բժիշկները նոր խորհրդակցութեան մը հրավի-
րեր էր. շատերը մերժեցին էին գալու. և ոչ մին ծածկեր էր հի-
վանդին մոտալուտ վախճանն. ասով հանդերձ Տիգրան համա-
ռեր էր զանոնք կանչելու համար:

Հետեյալ օր հիվանդը բուրոովին ծանրացավ. իրիկվան դեմ
Տիգրանը տեսնել ուզեց. հինգ թոպե վերջ երիտասարդն անոր
անկողնույն մոտն էր: Ան վարագույրներ կարգիլեին պատու-
հանեն եկող լույսն որուն շէին կրնար այլևս դիմադրել հիվան-
դին տկարացած աչքերը. գերեզմանի պես մթին ու սգավոր
սենյակ մ'էր. հիվանդը գլխով նշան մ'ըրավ կնոջը զինքը մի-
նակ թողլու համար ու Տիգրանին դառնալով.

— Իմ վերջս մոտ է ալ, Տի՛գրան, ըսավ հազիվ լսելի ձայ-
նիվ, ու տեսնելով որ երիտասարդն ընդմիջելու շարժում մը
կրնե. ո՛չ, ո՛չ, ավելցուց նա, խաբվելու պետք ունեցողներեն
լեմ ես... շնորհակալ եմ քեզմե, ճշմարիտ որդի մ'եղար ինձի
իմ կարոտութեան օրերուս մեջ... քեզիպեսներ շատ չեն զրտ-
ներվիր...

Հոս հիվանդին ձայնը մարելու մոտ երևցավ.

— Զավակներուս ապագան շապահոված կը թողում ու կը
մեկնիմ ու այս ցավը շատ մեծ է հոր մը համար... կուզեմ որ
զավակներուս հսկես, Տիգրան... կը հասկնա՞ս, զավակներս
որրութիւն չի տեսնան...

Տիգրան իր արցունքը չի կրցավ բռնել ու հեծկտալով ար-
տասովել սկսավ:

— Վերջին ու գերագույն խնդիրք մ'ալ, մրմնջեց հիվանդը շնչահատ. կիսն երեսես չի խնդաց մինչև այսօր, իմ մահվամբս այն ալ կարոտ ու... աղքատ կը մնա... քսանհինգ տարեկան այրի կը թողում ահա զինքը... դուն պաշտպանն անիկա... այս քաղաքը մի' նստիք...

Ոգևարին խոսքերն անհասկանալի դարձան, բայց հանկարծ վերջին ճիգ մը ընելով.

— Մի' մոռնար, Տի'գրան, իմ զավակներս քու զավակներդ թող ըլլան ու դուն երջանիկ ըրն Սուրբիկը...

Օրհասականին ձայնը կտրեցավ ու անկից վերջը խղզուկ հռնդուն մը միայն լսվեցավ. քիչ մ'ատեննն ամեն ինչ վերջացած էր:

Ութ օր վերջը բոլոր Վոսփարի ու Պյոյուք-Տերեի մեջ խոտակցությունն երկու դեպքի վրա կը կենտրոնանար. այն է Արամ էֆենտիի մահվան ու Խոսրովի կնոջ փախուստին վրա:

Եվզինն՝ ի վերջո Մարեմյանն ձանձրացած, խուլաթ սպասավորի մը հետ սիրահարած ու ամուսնական հարկեն չված էր պարզապես:

Խոսրովի հաջողության աստղը շատոնց ի վեր խավարեր էր, Եվզիննի փախուստը վերջին հարվածն եղավ անոր. իր ընտանեկան արկածները բերնն բերան զրուցվելով իր դիրքին ալ վնաս տվին, ու անոր խոստացված պաշտոնը չի տրվեցավ: Պաշտոնն ու ապրուստն զուրկ, տունը կործանած, ամենուն ծաղրին նշավակ դարձած, Խոսրով օր մը մեկնեցավ Պոլսն առանց մեկու մը ձայն տալու ճիշտ ինչպես որ Եվզինն ալ իր տուննն մեկնած էր: Ո՛չ ոք կրցավ անոր ո՛ւր էրթալն իմանալ. ոմանք կը պնդեին թե Ամերիկա կը գտնվի նա այժմ ու բողոքական միսիոնար եղած է, անտանելի աղքատության ու տառապանաց մատնվելի հետո. ուրիշներ կը հարեին թե նա իր հայրենիքը Խարբերդ դարձած է:

Այսպես հեռացավ այս մայրաքաղաքն այն երիտասարդն որ պարտեր գուցե բնավ ոտք չի կոխել հոս. բախտը՝ վայրկյան մը ժպտեցավ անոր իր դառնությունը վերջնն ավելի սաստկությամբ զգացնելու համար:

Իսկ Տիգրան Արամ էֆենտիի մահվանն մի քանի օր վերջն

իր գույքն ու կարասիքը վաճառելի հետո, Սուրբիկի ու անոր զավակացը հետ Աղրիանուպոլիս երիւալու համար ճամփա ելավ. վայրահաշ բերաններն այս ուղևորութիւնն իրենց առջի ամբաստանութեանց ապացույց համարեցին:

— Չէի՞ ըսեր ձեզի, կրսեր այս առթիվ հիսուննոց գիրուկ կիւնը, խեղճ մարդուն մահվան պատճառ եղան ու քառսունքին շին սպասեր անգամ. այս տեսակ սեր տեսնված չէ դեռ. ամեն մարդ շատ բան ըրած է, բայց ամոթը մեկդի թողած չէ աշխարհի առջև:

— Առաջուց ի վեր մարդ չէին սեպեր անոնք, ավելցուց դրացի խոսակից մը:

Երիտասարդ փաստաբանն երբեք կարևորութիւն տված չէր այս թունավոր լեզուններուն. նա՛ Աղրիանուպոլսո մեջ երկաթուղվո կայսւրանին քով, Քարաղաճի դաշտին մեջ առանձին տան մը մեջ կը բնակի. ընդարձակ պարտեզ մը ունի զոր կը մշակե և ուր կը բոսնու. երբեմն աղքատ ու կարոտ մարդոց դատերը կը վարե ձրիաբար. այդ կողմերն ամենքը կը ճանչնան հարուստ փաստաբանն, ինչպես կանվանեն զինքը բարեմիտ գյուղացիք:

Բայց առջի անփույթ ու զվարթ երիտասարդը մնացած չէ. հիմա մտախոհ ու տրտում մարդ մ'է. մորուք թողած է ու սպիտակ թելեր կանուխեն անոր մազերուն մեջ կը տեսնվին: Խիստ քիչ անգամ անցելույն վրա խոսք կընեն: Արամ էֆենտիի վերջին կամքն հարգած է. անոր զավակներն իր զավակներն եղած են, վասնզի Սուրբիկ իրեն կիճն է:

Այն առտուն ժամը շորսին, սովորականեն ուշ եկավ խրմ-
բագիրը. Օրթագյուղեն քալելով եկած էր համրելով ճամփուն
ժառերը, անցնող թրամվայնեոր. տունը՝ Նոյեմի իր աղջիկը
հիվանդ անկողինն էր ու շէր կրցած բժիշկ կանչել. տպարանին
մեջ որ գրասենյակ էր միանգամայն, իր երեք գրաշարները
տեսավ մեկամաղձիկ գլուխնին կախած քառակուսի խորշերու
վրա, ջուրե զրկված արևահար բույսերու պես. իր օգնականը
բացակա էր:

— Ի՞նչ ունիք առջին երեսին համար, պարոն Ատոմ, հար-
ցուց անձնցմե մեկուն:

— Ոչինչ, պատասխանեց գրաշարը առանց գլուխը վեր
տանելու:

— Ոչինչը՞ կը հրատարակվի՞:

— Մեր ըրածը ի՞նչ է արդեն:

Խմբագիրը նեղացավ.

— Պարոն Ատոմ, անհամ խոսքերդ մտիկ ընելու ատեն
չունիմ:

Ղալաթիո նեղ, ցեխոտ մեկ փողոցին մեջ, ավերակ շենքի
մը ոչ թե մեկ հարկը, այլ ճիշտ տանիքին տակ, խավար և ըն-

գարձակ տեղ մ'էր այս տեղը ուտ Եփրատ լույս կը տեսներ շո-
րքշարթի և շարթ օրերը: Հիմա այդ լույսը երկու փոքրիկ
պատուհաններեն, անթափանց դառնալու շափ աղոտ ապակի-
ներեն անցնելով, փոշիներով ծանրացյալ երկու ծուռ ու լու-
սավոր սյուններ կը կազմեր որ դուրսեն ու բարձրեն կուգար,
գետինը տախտակամածին վրա փակչելու համար:

Անդին տարածվող հարատև մշուշին մեջ շալեյի ձևով երկու
գրասեղաններ որոց երկկողմանի զառիվայր տանիքը քառա-
կուսի բազմաթիվ խորշերով ծակծկված Եփրատին գիրերը կը
պարունակեն, խմբագրին բոլոր գույքը և բոլոր հարստութիւնը
10, 12, 14 բունքոնոց գիրեր, մաշած, տաշված, իրենց տիրոջ
պես կակուղցած կապարի հատիկներ որոնք շողոքորթութիւն
կը բուրեն:

Պատերը իրենց վտիտ ու սեւթույր մերկութեան մեջ տեղ-
տեղ միայն սքողված են Եփրատի, Տիգրիսի, Առավոտի չի
ծախված թիվերով, տարօրինակ լրագրական սանդուխ մը որ
Քասպար Քաթմաճյանի բոլոր պատմութիւնը, անկումը, իրա-
գիտութեան դասի մը ձևով կը բացատրեն:

Տպագրելու նյութեն ստակի դարձավ խնդիրը.

— Այսօր ստակ կուզենք, սկսավ գրաշարը:

— Այսօ՞ր, անկարելի է. գալ շարթու:

— Դիմանալու կարողութիւնը չունինք, գոչեցին երեքը մե-
կեն, հասկցա՞ք, Քասպար էֆենտի, դիմանալու կարողութիւն
չունինք:

Սեղանին թողուցին խմբագիրը պաշարելով չորս կողմ:

Ո՛րքան ատեն ի վեր կը խաբեր, կը խաբխբեր զանոնք,
միշտ բաժանորդներե, ծանուցումներե գալիք ստակը անոնց
տալու խոստումով ու ինք առնելով շարունակ այդ դրամները:

Այս աղքատութեան արձաններեն շրջապատված խմբագիրը
չի մտածեց այն վայրկյանին իր հավասար կերպով ողորմելի
եղող կացութեանը, իր հիվանդ զավկին որ անխնամ կը մնար
երեսի վրա, ու այս մարդիկը մխիթարել ջանաց զորս իր դժ-
բախտութեանը, ձախորդութեանը կապած էր:

— Տեսնենք, աստված մեծ է. Շամլյանի, Տեմիրճյանի ըն-
կալագրերը ձեզ տամ, գացեք գանձեցեք:

Համոզելով, քաղցրութեամբ, ցավակից բարեկամի մը պես խոսեցաւ այս մարդոց, ու ամենքը խմբագրական գործերը թողած մեջտեղ դրին զիրենք հալածող ձախորդությունսին, և ի գերեւ ելլող հուշերնուն բոլոր դառնութիւնը. խմբագիր ու գրաշար չի կար ալ. չքավորութիւնը ամենքը կը միացնէր, կը հավասարեցնէր այս պահուստ:

Ատոմ մտերմացած՝ խմբագրին տան վիճակը հարցուց և Քասպար էֆենտի չի կրցաւ իր զավկին հիվանդութիւնը պահել անոնցմե: Հիվանդութեան վրա ամենքը ցավեցան, դարմանող բժիշկը հարցուցին և խմբագիրը դեռ բժիշկ չի կրնալ կանչելը խոստովանեցաւ: Հետո իր խոստումը ի գործ դնելով այս անգամ գողգողուն ձեռքով մը գործավորներուն երկնցուց գրպանին խորին հանկուժ ծալած ընկալագրերը: Հիմա գրաշարները կը զղջային այսքան նեղելուն իրենց խմբագիրը ու իրենց երկրնցող քառածալ փոքրիկ թղթերը զիրենք կամչցնէր:

— Զենք ուզիր, Քասպար էֆենտի, դուք առեք:

— Զէ, չէ՛, դուք ալ շատ նեղն եք:

Եվ այս մթին ու անծանոթ խորշին, այս թշվառութեան անկյունին մեջ պայքար մը տեղի ունեցաւ. մին՝ բռնանալով տալու համար և մյուսները համառելով իրենց մերժմանը վրա. այն ատեն այս խմբագիրը՝ սովորաբար պոռոտախոս ու ցուցի համար ապրող մարդը, այս անհոգ ու անզգա մուրացիկը, այս գերազանցապես անտարբեր մարդը փղձկեցաւ և արցունքի կաթիլ մը թրջեց ձեռքը մնացող ընկալագրերը:

Զուր բերին, քաջալերեցին ղինքը.

— Առջի երեսին համար անցյալ օր շրջանավարտ դպրոցական մը ութը սյունակ հողված մը բերած էր հրատարակութեան, այն հողվածը կը շարենք, ներքինները Օրագիրին կառնենք, թերթունը տպված է արդեն, հազիվ հիսուն տող կը պակասի, ան ալ Արամյան օրացույցին օգտակար խրատներ կառնենք, կամրողացնենք:

Կը գլուրացնէին գրաշարները թերթին աշխատութիւնը, տեսնելով իրենց տնօրենին անձկութիւնը. անոր աղեկ օրերը վայելած էին ու նեղութեան պիտի համբերէին անշուշտ. վատութիւն չէին կրնար ընել. և խմբագրին գաղտնի, իրենց մեջ,

ճար մը մտածեցին առջի շարքվան գուրս երթալիք Եփրատնհրը խրկելու համար որոնք փոսթայի ծախք չըլլալուն, հոն մնացեր էին անկյուն մը նետված, փոշիներու տակ:

Քաքմաճյան՝ իրեն ցույց տրված օգնութենեն քաջալերվեցավ, ի բնե լավատես ու հուսալից մարդ էր. միթե Եփրատի առջի օրերը ինքը չէ՞ր նորեն այս թերթը հրատարակողը. թե որ քննադատութեանց դարը անցած էր, ուրիշ միջոց պիտի որոներ, ապահովապես պիտի գտներ, ընդարմացած ընթերցողները ոգևորելու համար:

Այս Քաքմաճյանը, առաջ պարզապես մյուսյու Գասպարնախ տուներու, հետո ազգ. վարժարաններու մեջ հայերենի, ազգ. պատմութեան ուսուցիչ, թողած էր այս ապերախտ ասպարեզը քաղցականներու և հոգի բարձուններու հալածանքեն հուսահատ, ինչպես կըսեր ինքը ամեն դեմը ելլողին, քահ քահ խնդալով այս բառախաղին վրա որ իրը չէր սակայն:

Պատրիարքարանի գրագիր, վաճառականի տոմարակա, եղած էր ատեն մը. հետո ուրիշ միջոց մը չի գտնելով ապրուստի, հարմար միանգամայն յուր շարամիտ ու բամբասանքի տրամադիր ոգովուն, Առավոտի արտոնութեանը խնդրեր և առեր էր. լրագրութեանը միայն գտնելով դյուրին և անաշխատ արվեստ որ անցյալ նվաստութեանց վրեժը կը լուծեր ամենեն:

«Զի պիտի վարանինք երբեք մատնանիշ ընելու ամեն զեղծում, ուր որ ալ հանդպինք»: Այսպես կսկսեր նորեկ խմբագիրը և այս խոստումը սպառնալից բան մը ուներ իր մեջ:

Ասպատակելու, քանդելու հայտնի որոշումով այս թերթը կսկսեր հրատարակվիլ:

Առջի թերթին շփոթեցավ. ո՞ւրեք սկսելու էր. այնքան ըսելիք ուներ և Առավոտը անբավական կերևեր իր պահանջումներուն. հետո ինքզինքը ժողվեց և վեց խմբագրականով Քաքմաճյան ամենուն ալ ըսավ իր ըսելիքը, զորս այնքան երկարատեհն զսպեր և պահեր էր իր փոքրիկ սրտին խորը, շոգելից կաթսայի մը պես, ու շունչ մը առավ երկար, հաղթութեան տանող մարդու գոհունակ ու ազատ շունչը: Թերթը աղմուկ հանեց. Գասպար Քաքմաճյանի անունը ամենուն բերանն էր. շատեր՝ հետաքրքիր տեսնել կուզեին զինքը:

Յուր ազգային տեսությունները ամփոփ պարբերություններով, շղուտ ոճով գրված, դանակի պես հատու, քացախի պես գառնահամ էին. ութը տողի մեջ ամբողջ հայոց ազգը դատապարտելու հնարքը կը գտնեիր. հակասություն մը միայն կար ոգրնավ չէր հասկցված. այս շատախոս մարդը լակոնական ոճը կը սիրեր. սովորաբար երկսայրաբանությամբ և խորոխտ բնաբանով մը կսկսեր անհեթեթ եզրակացությամբ մը վերջացնելու համար:

Օր մը Առավոտի մեջ, այժմյան Եփրատին նախահայրը ելավ գրեց.

«Սկզբունքը՝ կյանք ու գոյություն կը նշանակե. և Խասագյուղի թաղականները սկզբունք չունին, վասնզի ամեն օր իրարու հակառակ որոշումներ կուտան, ուրեմն Խասագյուղի Քաղ. խորհուրդը գոյություն չունի». և կը հրավիրեր թաղեցին նոր ընտրություն կատարելու համար:

Եվ հետևյալ օրը Օրթագյուղ փողոցին մեջ ծանոթ մը նըշմարելով հեռուեն ձեռքով-ուտքով նշան կըններ, կը կանչեր կը կեցներ մարդը որուն հետ հազիվ բարև մը փոխանակած էր մինչև այդ պահուն, ու խնդալով ուսին զարնելով, վաղեմի բարեկամի մը պես իր բերկրության մասնակից ընել կուզեր զայն:

— Կարդացի՞ր Առավոտը, ջախջախեցի թաղյականները:

Այնպես որ ամենքը ջախջախելով, փշրելով, ամբողջ հայոց ազգը այլուրի վերածած ըլլալու էր:

Ընթերցողները տրամաբանական նրբությունները չէին հասկնար, բայց Առավոտը կաննեին սիրելով անոր վիճաբանող ու կովարար հողվածները և իրիկունները շուկայն վերագարձին էսնաֆները կը գնեին զայն անհամբեր, գիտնալու համար թե որի՞ դեմ գրված էր այն օր. մյուս լրագիրները կը հարձակեին այս նորեկին վրա ի հարկին խմբագրին անձը, ընտանեկան կյանքը նետելով մեջտեղ ու Քաջամաճյանը ծաղրելի ընելու միջոցներուն մեջ ընտրություն չընելով երբեք:

Ընթերցողները կը զվարճանային և Առավոտը կը շարունակեր երևիլ. տանը դրացիները նախ զգուշությամբ դիտեցին այս փագեթաճին, որ իրիկունները թուղթերով, լրագիրներու ծրար-

ներով ծանրաբեռնյալ կը դառնար տուն ուր անպաշտոն քարոզիչ մը, վռնտված վարժապետ մը սովորաբար հյուր եկած կը գտնվեր:

Կինը՝ Յուլիկ հանրմ, ատենով վարժուհի մ'էր Քում-Քափուի վարժարանին մեջ ուր մյուսյու Գասպար կը դասախոսեր, և տասնևութ տարիի ամուսնութենէ մը վերջը մեկ հատիկ աղջիկ զավակ մը միայն եկած էր իրենց առանձնությունը ոգևորելու:

Յուլիկ հանրմ նիհար, դյուրաթեք արարած մ'էր, հիմա քառասունի մոտիկ որ գյուղին մեջ կը վայելեր էրկանը հարուցած աղմուկին արձագանքը և Առավոտին համբավին կը մասնակցեր իբրև կազեքանիին կինը: Կզգուշանային անոր քով խոսելի, վախնալով որ հաջորդ օրը լրագիրը չի հրատարակե իրենց բամբասանքն ու սովորական շարախոսությունները:

Խմբագիրը բավական կը շահեր ընտանիքը ապրեցնելու չափ, ամառվան ու ձմեռվան գլխարկն ու շրջագրեստը շինելու չափ իր կնոջը ու աղջկան, որ գիշերները իր հողվածներուն մաքուրը առնելու կաշխատեցներ:

Երկու տարի միայն տևեց այս երջանիկ գոյությունը: Պատերիարքական փոփոխության մը մեջ, Քաբմաճյան իր հարվածած եպիսկոպոսին ընտրությունը չի կրցավ արգիլել և նորընտիր Պատրիարքը թերթը խափանել տալով պատասխանեց խմբագրին առջի ազգ. տեսությանը, հորում մեծաբան հրապարակագիրը առջի օրեն իրեն դեմ կը զինվեր:

Այս առջի հարվածին տակ շրնկճեցավ սակայն, այլ իր ամեն բան շափազանցելու տրամագիր մտքովը ինքզինքը լրագրական «նվիրական դատին» զոհը նկատեց, այնպիսի զոհ մը որ ապրելու պետք ունի, վնասնզի ընտանյաց տեր է. բարեկամներ օգնության ձեռք կարկառեցին, Մանգումե իր մեծագույն հակառակորդը, այն ատեն հաջողության զենիթը հասած, գովելի վեհանձնություն մը ցույց տվավ հանգանակություն մը բանալով. աղետն. ամենեն շատ գրաշարներուն զգալի եղավ. պարապ ու անզորժ մնացած խեղճերը՝ գերեզմաններե վտարյալ ուրվականներու պես նիհար ու դժգույն շրջեցան փակ մընացող տպարանին շուրջը: Յոթն ամիս վերջը Քաբմաճյան

Տիգրիսի արտոնութեամբ նորեն հրապարակ ելավ, այս անգամ խոհեմ ու շրջահայաց, տեսած պատիժն խրատյալ:

Օր մը սխալեցավ նորեն:

«Պատ. Քաղաքական ժողովո մեկ սխալը» վերնագրով հոդված մը հրատարակեց ու Տիգրիսի հորդումներն ալ արգիլվեցան. հիմա Եփրատը կը հրատարակէր, հայտնելով ամենուն որ սարերը միայն կայծակը կը հրավիրեն ու այս անպատեհ փոխաբերութեամբ սփոփված՝ որ իր սնապարծութեան կը պատշաճեր, հետզհետե կը վարժվեր իր ակամա գործադուլին, գրեթէ կը սիրեր անոր պատճառած անդորր ծուլութիւնը:

Այս գաղարման օրերուն մեջ, ստակի անձկութիւնը ավելցած օրն ի բուն կը շրջեր Պոլիս, Ղալաթիա, Եկեղեցիները ու խաները, ի տես հանելով իր անձը կենդանի պատկերի մը պես որ հայ լրագրութիւնը կը ներկայացնէր:

Հոս հոն պարզամիտ գավառացիներ կը փնտրեր, կը գրտներ իր թիրթին հավաքածոն առաջարկելու համար իբրև թէ հազվագյուտ գրական գանձ մը ծախու հաներ և ձեռքը օդին մեջ երերցնելով ապշած դրսեցիին աչքը խոթելու ձևով, հանգիմանելով զայն, այսպիսի թանկագին բանի մը կարևորութիւնը չըմբռնելուն համար, կը գոչեր.

— Ժամանակակից պատմութեան էջերն են, զորս տեղ մը չեք կրնար գտնել. ասկից քանի մը տարի ետքը տասը ոսկիի պիտի վաճառեք թէ որ ուզեք, բայց ձեզի համար երկու ոսկով կը ձգեմ:

Մարդը կը վարաներ, ու Քաղաքացւոյն իր վերջին միջոցը ի գործ կը դնէր:

— Քրտինքովս, արյունովս գրված են ասոնք, ազգին երեսուն տարվան վաստակավորն եմ, հասկցա՞ր, բարեկամ. գավառացին կամչնար, կը վճարէր:

Այս կերպ հնարքներով կապրեցներ տունը, պահելով խրոխտութիւնը մուրացկանութեան մեջ. անդադար ծխելով (իր միակ մոլութիւնը) ու մուխն ամպի մը մեջն երերցնելով մեծխոսիկ լեզուն, ֆեսը վեր նետած, ճակատը լայն, ամայի. ու մանր աչքերը խոժոռ խոժոռ անթարթ ուղղելով խոսակցին (եթէ հարգելու մարդ մը չէր), կարծես թէ ըսել ուզեր.

— Դուն ես այս վիճակիս պատճառը:

Յուզիկ հանրմ իր խեղճ կինը ընտանի կենդանիի մը պե-
հնազանդ և համակերպող, վերահաս աղքատութեան կը դի-
մադրեր, կոկելով, նոդելով հիները, ու պարտկելով շքավո-
րութեան զրկումները: Իր մեկ հատիկ աղջիկը՝ Նոյեմին կու-
գար կը հասներ ճիշտ հորը այս գահավեժ անկման միջոցին:
Իր պատանուհւոն ամեն հույսերուն, փափագներուն աշնջացու-
մը տեսնելու համար:

Վարձով նստած փոքրիկ տուններնին եկեղեցւո ճիշտ դեմն-
էր. այս դրացիութեանը աղջիկին աղոթասեր ու լուսկյաց ոգ-
վուն հարմար էր:

Հայրը իր դժգոհութեաններով, աղմուկովը կահաբեկեր զին-
քը և ավելի ևս կը պարտավորեր մեկուսի և անշշուկ կե-
նալու:

Միակ հաճույքն էր այս աղջկան, իր փոքրիկ սենեկեն որուն
բոլոր հորիզոնը եկեղեցւո բարձր պատերովը կը սահմանվեր,
եկեղեցի եկողները դիտել, ջանալով գուշակել անոնց ժամա-
սիրութեան պատճառը ու գաղտնիքը. գիտնալով որ տիկին
Շամլյան իր տղուն նշանտուքին համար կուգար, Սուրբիկ տու-
տուն՝ գլուղին պառավը, տրտնջալու, ամենքը իրենց խնդիրքին
համեմատ մոմերու, արծաթ խաշերու, ոսկեթել վարագույրնե-
րու խոստումով կաշառելու նախախնամութեանը: Այսպեսով
Նոյեմի մոռնալ, շի տեսնել կուգեր իր հորը վրա ծանրացող
թշվառութեանը, մինչդեռ խմբագիրը հաճույք կզգար կարծես
ամեն իրիկուն այս տասնեկից տարու աղջկան հասկցնելով
պատմելով իր բոլոր օրվան տառաչանքը:

Վերջերը նոր միջոց մը հնարեր էր ստակ շորթելու ամուս-
նացող երիտասարդներին: Առջի Պսակին կամ սուրբ Սարգի-
սին Պատրիարքարան կը վազեր, կարգվելիք անձանց ցուցակը
առնելով ընտրութեան մը կընէր. հարուստը կը զատեր մեջին
և թերթին ճակտին համար հարսանյաց հանդեսին նկարագիրը
կուտար Ատոմին որ հետեյալ բանաձևով կը վերջանար ճերջա-
նիկ ու բարերաստիկ կյանք մը կը մաղթենք նորապսակ ա-
մուսնացողներուն՝ և կոկիկ ծալքով, կապույտ սիրուն ժապա-
վենով մը դոր Նոյեմի կը պարտավորեր հատկապէս պատրաս-

տել, Եփրատի այն թիվը տարեկան ընկալագրին կցված հատուկ ցրվիչով կերթար մատուցվելու փեսին գրասենյակը, հարսնիքին երեքշաբթի առտուն:

Թե որ բաժանորդագինը չի գար ինքը կը ներկայանար գրասենյակ ժպտուն, քաղաքավար, գունաթափ փալթոն կոճկած, բոլորովին պաշտոնական ձևով.

— Արգելք չըլլամ Ձեր գրադմանց. կաղաչեմ Ձեր գործը հայեցեք:

Մեղրածորան գգվալից բառերովը, զգույշ և բարեկիրթ վարմունքովը ամչցնելով դիմացինը:

Եվ սեղանին վրա բացված սիկառի տուփ մը նշմարելուն, մտերմանալով տիրոջը հետ.

— Սիկառ մը առնելու թույլ կուտա՞ք:

Մուխին մեջ Քաքմաճյան կը խոսեր, չի հուսահատելով ունէ մերժումե, այլ ավելի ևս քաղցրացնելով լեզուն կը հիշեցնէր Առավոտի, Տիգրիսի, Եփրատի անցյալը, միշտ անցյալը, իբրև թե բացակա մարդու մը իրավունքը պաշտպաներ: Հետո իրավախոհության կուգար, երկու մեծիտիեով կը բավականանար և կը մեկնէր:

Այսպես կը շրջեր փողոցե փողոց, ծխնելույզի մը պես բերնեն արձակելով մուխի թանձր ոլորքներ և շարժելով անհամեմատ կերպով երկայն թևերը որոնք կարծես վերջեն փակցված էին իր ոսկրուտ ուսերուն. ձեռքերը հաստ, կոպիտ, ավելի գործավորի մի վայելուչ քան թե գրական մարդու, և միշտ կարկառելու ուզելու պատրաստական. երկայն հասակին վրա փոքրիկ գլուխը հսկա զնդասեղի մը երևույթը կուտար իրեն. քիթը մանավանդ իրմե առաջ կը նշմարվեր, ցից ու հառաչապահ, միջամտող ու հետաքրքիր քիթ՝ տիրոջը բոլոր փառասիրությունները, տկարությունները ի ցույց ածելով:

Քաքմաճյան չէր տեսներ այլ կը հոտվըտար ու կը հավաքեր հաջորդ օրվան լուրերը երբ թերթը դադարման մեջ չէր, մանավանդ ամեն գայթակղությունները զորս ժողվելի վերջը կերթար հեղինակները գտնելու, քիչ մ'ը ստակի փոխարեն լուսթյուն խոստանալով և դրամ առնելի վերջը գոհ, երջանիկ, վեր

կը բարձրացնեն պարծենկոտ քիթը և խղճմտանքին վստահ
մարդու մը պես կըսեն.

— Ես շանթած ընողներեն չեմ:

Կոտրած, ծռած գրասեղանին վրա կորաքամակ, իր մոլոր-
յալ մտքին անհրաժեշտ եղող սիկառը բերանը, փորձերու սըր-
բագրությունը սկսավ. մերթ ընդ մերթ կընդմիջեր սրբագրու-
թյունը լուրերուն շարագրության վրա դիտողություն ընելու.
համար, չի հավնելով Օրագիրին հայագիտությանը, անոր սը-
խալները ուղղելով:

— Պատվանշան չեն պարգևեր, կը շնորհեն. այս մարդի-
կը հայերեն չպիտի սովորին. տեսե՛ք, տասը տարվան խմբա-
գիր մ'է այս աններելի սխալը գործողը:

Հետո աշխատութենեն ձանձրանալով իր օգնականը հար-
ցուց.

— Գևորգ ո՞ւր մնաց այս ատեն:

Նոր սիկառ մը շինեց ու սերք ծխելը արդարացուց.

— Մեղմ ծխախոտը վնասակար է:

Կը քրտներ այս տանիքին տակ ուր արևուն ջերմությունը
շնչառությունը կարգիլեր. հինգ վայրկյան վերջը մեկ կողմ նե-
տեց փորձերը. խոսելու, շաղակրատելու մարմաջեն բռնված՝
Քաքմաճյան Եփրատին համար նոր ծրագիրներ, նոր խորհուրդ-
ներ շինեց. թերթը տասը փարայի իջեցնել պղտիկ ծավալով
բայց օգտակար պարունակությամբ. թերթոնը վերցնել. ի՞նչ է
այս թերթոնը. ֆրանսական վեպը ի՞նչ կը հարմարեր մեր բար-
քերուն. կոմսուհիներու, դքսուհիներու պատմություններ որ մեր
երիտասարդաց սրտերը կապականեին. հետո թերթոն բառին
չի հավնեցավ, հայերենի կանոնաց համաձայն չի գտավ:

Ինքը՝ ահավասիկ ինչպես իր թերթը պիտի հրատարակեր.
նախ, խմբագրական մը. ի՞նչ նյութի վրա. Քաքմաճյան խոր-
հեցավ, փնտրեց. ազգային խնդիրներու վրա չէր հրնար գրել.
ժողովականներուն ծուռ ընթացքը քննադատել մտքին անգամ
չանցուց. կամա ակամա տնտեսական պիտի ըլլար իր հող-
վածը, ամենեն առաջ նյութականը. տնտեսական զարգացում
մը պետք էր մեզի. խմբագրականն էտքը օրվան լուրերը.

դեպքերը, նշանավոր անձանց ծրթեկեր, Հավասի հեռագրերը-
բարձրաձայն կը համրեր նյութերը մատնեբուն վրա, տողերուն
հաշիվք ընելով:

Այս միջոցին իր օգնականը տեսավ Գալուստյան Գևորգը որ
„անդուխեն վեր կելլեր Աբրահամ աղային հետ, Տեհեճյան
Մարտիրոս էֆենտիի մեծանուն հայ սեղանավորին, ոչ նվագ
մեծանուն սպասավորն որ խմբադիրը էֆենտիին սենյակը տա-
նելու եկած էր:

— Կուգամ, ըսավ անոր, և օգնականին դառնալով՝

— Ո՞ւր մնացիր, ի՞նչ լուր:

— Ռուսահայ վաճառական մը եկեր է. շաբաթ գիշեր ի
նպաստ Նարդիկի ներկայացում կա, ժանուցում պիտի ընենք.
Երկու ամսեն Տեմիրճյան էլպիսին ամուսնությունը:

— Որի՞ հետ:

— Տեմիրճյանին գրագրին հետ:

— Զրսես որ Շամլյանները պիտի կատողին. Մանչեսթրին
հոս տղանին բերել տալ և շի կրնալ հավնեցնել, սա Տեմիրճ-
յանն ալ գրագրին հանն աղջիկը տա. աշխարհք փոխվելու
վրա է. Եփրատն ալ պիտի փոխենք: Իր խորհուրդները, ծրա-
գիրը նորեն պարզեց: /

Գևորգ համաձայն էր բոլորովին. ան ալ իր գաղափարները
ավելցուց:

— Հայ թատրոնի բարձրացման դատը ձեռք առնենք. աս
ալ ազգ. իշխանության դեմ քննադատություն չէ որ արդիվի,
ուզածնուս շափ կը գրենք. թատրոն և ոչ պարահանդես. բուն
հողված մ'ալ գրաբարի դեմ. կը տեսնեք, Գասպար էֆենտի,
որ խափանման կամ դադարման ամեն պատահականութենե
բոլորովին հեռու եմ. այո՛, կա՛մ գրաբար, կա՛մ աշխարհա-
բար, խառնուրդ և հրեշայիչ գրականություն չըլլար. մին կամ
մյուսը:

Քաբմաճյան իրմե ավելի ծայրահեղ մը տեսնելով դեմը
վարանեցավ, երիտասարդին երեսը նայեցավ.

— Մի՞ն կամ մյուսը, հարցուց անոր, զլուխք բերելով,
գրաբարի լավ մասերը առնելո՞ւ ալ հակառակ ես:

— Բուրբուլին:

Երիտասարդը իր կլոր կարճ հասակովը հակապաստիկեր մը կը ձևացնէր խմբագրին երկայն հասակին քով: Քարգմանչաք վարժարանն շրջանավարտ՝ տարի մը պարապ պտտելին հտքը, ոչ ոք գնած էր իր ազգային գրականութեան մեջ ունեցած հմտութիւնը:

Առջի վաճառականը որուն ներկայացած գործ ուզելու համար, անոր ոտանավոր գրելը իմանալուն պես առանց ուրիշ հարց ու փորձի ճամփու գրավ գինըր:

Հայկ դպրոցագնը, Հովներոսը, Միլթոնը շար ոգիներու պես ամեն դուռ գոցելու ծառայեցին:

Կեսարացի վաճառական մ'ալ Անատոլու գրվելիք առևտրական նամակի մը նմուշը գրել տվավ իրեն փորձի համար. նորընծա գրագիրը շատ պարզ, շատ հստակ գրած էր ամեն ինչ, բայց առուտուրի մեջ որոշ ու հայտնի բան մը գրելը պակասութիւն մ'էր. վաճառականին կարծյոքը, մութ, տարտամ, ստվերամած դույն մը պետք էր ի հարկին փախուստի ճամփա մը ի պահեստի ունենալու համար. կեսարացին գոհ չի մնաց ու Գևորգ ամեն կողմի հուսակտուր՝ լրագրո մեջ հոգված գրելու տիպվելով խմբագիր եղավ:

Երկրորդը՝ կեսարացի մը առևտրական նամակի մը նմուշով փորձեց պատանի Գալուստյանին վաճառականական հարմարութեանը ու գոհ չի մնաց, նորընծա գրագիրը պարզ ու հստակ գրած էր ամեն ինչ. և կեսարացին կը հավատար, իբրև փորձ ռազմագետ, որ ուշիմ գրագիր մը իր նամակին մեջ ամեն գրվելիքը գրելով հանդերձ տարտամ, անորոշ դույն մը ձգելու էր հոն, հարկ եղած ատեն փախուստի, նահանջի ճամփա մը ունենալու համար. ո՛չ, այս տղան շատ կտրուկ, շատ որոշ կը գրեր. վաճառականը իր գտած պակասութիւնը չի ծածկեց բնավ:

— Աղեկ գրված է այս նամակդ, բայց ամեն բան տիպիւմաքնա ըսելու է. թե որ գիները իյնան, պետք է որ ազատ ըլլանք ապսպրված ապրանքնիս շտոնելու. վնասվելու, կործանվելու համար վաճառական ելած շենք, կը հասկնա՞ս:

Տղան շարագրութեան ա.յս եղանակին չի կրցավ համոզվիլ:

վերջապես առևտրական ասպարեզը չի ժպտեցավ իրեն. շարունակվող անգործությանը մեջ սիրտը նեղացավ, հողված գրեց, աւ խմբագիր եղավ: Լրագրեն որոշ, կանոնավոր ամսական մը լուսնի բայց իր գտած բաժանորդներուն դրամը ինքը կստանար. անշուշտ հարստանալու համար եկած չէր Եփրատին. բայց հրապարակագրությունը սրտի գոհացում կուտար իրեն և այս փոշիով, սարդի ոստայններով լեցուն հարկեն կարծակեր դպրոցեն մնացած ծայրահեղ գաղափարներ զորս իրական կյանքի դառնությունն կարդարացներ:

Հիմա իր բարեփոխման ծրագիրը վախ կազդեր Քաքմաճյանին:

— Տակը կամ վրան, կըսեր երիտասարդը, լույս կամ խավար. մենք բոլորովին աշխարհաբար կը հրատարակենք մեր թերթը, իրենց բառերն անգամ պիտի մերժենք, թող իրենք ալ գրաբար թերթ հրատարակեն և ընթերցող գտնեն:

Այս ծանրակշիռ որոշումը տալիս առաջ Քաքմաճյան խորհեցավ. սիկառ մը շինեց, վառեց:

Գալուստյան անգամ մը սկսած էր ու չէր կրնար կենալ:

— Սա անցյալ օրվան ներկայացման առթիվ սկզբնավորություն մը ըրած էի, հավնեցա՞ք, Գասպար էֆենտի. դերասանական արվեստը ծաղրելի միմոսություն մը չէ. բարձրագույն բարոյականի և տաղանդի արվեստն է:

Խմբագիրը շատ անգամ ծայրե ծայր չէր կարդար իր թերթը:

— Կը խորհինք դեռ, ըսավ երիտասարդին անոր եռանդը շահավորելով, դուն սա մնացած փորձերը նայե. ես քանի մը տեղ հանդպելու պարտավորած եմ, տունն ալ հիվանդ ունիմ. աղջիկս:

Վերջին բառին վրա հառաչեց, հառաչելու պարտավոր զգալով ինքզինքը:

— Տոքթոր Սիմոնյանը կանչեցեք, շատ ճարտար բժիշկ է, անշուշտ կարևոր բան մը չէ, կանցնի, հոգ մի՛ ընեք, Գասպար էֆենտի:

Խմբագիրը չի կեցավ ալ. սանդուխներեն իջավ ոչ թե, ոտքերը տեսնելով մի առ մի, այլ երկար ժամանակով ստացված

վարժությամբ մը, արագ քայլերով շիտակ ճամփեն դեպի կամուրջ կերթար: Կ. նստիտ խանին մեջ քննստիտի գինն հասկընալ ուզեց, բայց խլացուցիչ ժխոր մը կասեցուց զինքը:

Ամենքը կը պոռային, միավոր, հարյուրավոր, հազարավոր թվանշաններ նետելով օդին մեջ. դուռնեն մինչև երկրորդ հարկը գացող երկաթե սանդուխներուն վրա ամեն ազգե ամեն տարիքե կազմված ամբոխին պայքարը մրրկոտ ծովու մը պես կուռեր կը մոնչեր գետնահարկեն մինչև ձեղունը բարձրանալով: Դուրսեն անոր պարկեշտ երևոյթեն ոչ ոք պիտի գուշակեր որ դրամական աշխարհին բոլոր տազնապները, անկումները, մեծութունները այս խանը կերկներ կը պահեր իր անզգա որմերուն մեջ:

Ամեն ոք կաճապարեր, ձայներնին խեղդուկ երկու ժամ ի վեր, մասնակցելուն համար այս դրամական նվագահանդեսին, վերջին ճիգ մը ընելով չի կորսվելու հետզհետե բարձրացող այս ահագնալուր եղանակին մեջ ուր թիվերը ձայնանիշերու տեղը բռնած կը թվեին:

— Հազար կա:

— Հինգ հազար կա:

— Հինգ հազար ալ կա:

Ձեռվրնին շարժելով գլուխնուն վրայեն տեսանելի ըլլալու համար բազմության մեջ, մեծցնելով թիվերը, առաջարկութունները ավելի հրապուրիչ դարձնելու համար. Քաքմաճյան ինքզինքը մոռցավ այս աղմուկին ու անմարմին առուտուրին մեջ. մտածեց որ քաղաքական կարևոր լուր մը եկած ըլլալու էր այս աստիճան տակն ու վրա ընելու համար խանին հաճախորդները: Այդ լուրին ի՞նչ ըլլալը ստուգել ուզեց. փիացան հարցուց. տիրող տազնապեն հաստատ ու որոշ գին շիկար, տարբերութունները այնքան մեծ և հանկարծական եղած էին որ ոմանք իրենց դրամատունները գոցեր էին վճարման եղանակներուն մեջ այս միջոցը գտնելով ամենեն համառոտը: Խմբագիրը գոհ մնաց հոս հանդիպելուն և աղետին ամենեն ծանր վայրկյանին հասնելուն համար:

Այս վայրկյանին բոլորովին մոռցած էր հիվանդ գավակը, գանձելիք բաժանորդագիները և Մարտիրոս էֆենտիի հրավե-

րը, հոս մեկ խոսքով հարստացող, աղքատացող մարդոց վիճակը դիտելու զբաղած:

Հանկարծ երկրորդ հարկը տանող երկաթե սանդուխին վրա կանգնած ծանոթ դեմք մը նշմարեց և ամենուն մեջին սպրդելով անոր քով հասավ:

— Բարև, Ստեփանիկ աղա:

— Բարև:

— Ի՞նչպես, աղե՞կ եք:

Ստեփանիկ աղա կարմրած, ֆեսը վեր, թաշկինակովը սըրբելով ճակտին քրտինքները, փոխանակ պատասխանելու իրեն, վարը կեցող մեկու մը կը պոռար հինգ մատերը բանալով, կարծես մուր տալու համար:

— Հինգ հազար կա:

— Առի, պատասխանեցին վարեն:

Հինգ հազար, հինգ հազար ալ, ու վարը կը շարունակեր պատասխանել «առի» «առի» խորխտ շեշտով մը, կարծես թե զայրացնելու համար վերը, ուր վիրջին վանկը միայն կը հասնէր «ռի, ռի» սպառնալից refrainի մը պես:

Խմբագիրը կը դիտեր զմայլած, աչքերը խոշոր բացած երրոր հիսուն հազարի հասալ ծախածը, Ստեփանիկ աղա կեցավ. հանդարտեցավ, ահագին բեռ մը զացած ըլլալու էր սըրտին վրային. ֆեսը շտկեց. խոժոռ, բարկացած դեմքը թողուց խմբագրին երեսը նայելու համար. Քաբմաճյան այս բերանացի առուտուրին կը հետևեր ուշադիր, շունչը զսպած, արդյունքը հասկնալու համար. երրոր տեսավ իր բարեկամը հանդարտած՝ տեսարանը իր կարևորութունը կորսնցուց, մնաս բարով ըսավ. սանդուխներեն վար իջավ. կամուրջին վրա անցազին ուզեցին. տա՞սը փարա. ինչ շնչին գումար քոնսոլիտ խանի միլիոններուն քով. գրպանները խառնեց, փանթալոնին երկու խորշերը բացասական պատասխան տվին. բաճկոնին գրպանները նայեցավ. ոչի՞նչ. վերջին հույսը փաթոյին վրա կհետրոնացավ. իզուր անոր ալ գրպանները նայեցավ, հատակները քննեց և սակայն շատ լավ կը հիշեր որ քառորդ մեծիտիս մը և հարյուր փարանոց պիտի ունենար. և անցագիրը պահանջող մարդուն քով պզտիկ չի մնալու ջանքով նորեն սկսավ իր անօգուտ խու-

զարկությունը. անցնողները զինքը կը դիտեին. ծանոթներ բա-
րեւելով կանցնեին. այո՛, ամենքը կանցնեին. ինքը միայն ան-
շարժ ու գամված կը մնար և չէր համարձակեր ետ դառնալ.
բայց ո՛ւր էր իր քառորդ մեծիտիեն. հանկարծ խորհեցավ թե
կարելի էր առտուն Տուլիկ հանրմ վերցուցած ըլլար գրպանեն
առանց իրեն իմաց տալու. այս շատ հավանական էր. վայրկյա-
նին իր կինը արձակելու անհուն փափագ մը ունեցավ. հետո
հիշեց որ քառորդը առջի իրիկուն պարտքի տված էր, իսկ հար-
յունոցին հաշիվը չի գտալ:

Անցագին ուզողը կը շարունակեր զինքը դիտել ոտքին մին-
չև գլուխը, հին կոշիկեն մինչև յուզոտած ֆեսը, ու այս ապար-
դյուն փնտոտուքը նկատելով սովորական հնարք մը ձրիարար
անցնելու համար կամուրջը:

Սոս դարձավ վերջապես հեռանալով այս ամոթի վայրեն
Ղալաթիո բազմության մեջ աներևութանալու համար. իր
ձանշվորները կը շարունակեին կամուրջեն անցնիլ ազատ հա-
մարձակ, իր բերնին ջուրերը վազցնելով, որոնց և ոչ մեկն
չի համարձակեցավ տասը փարա ուզել, սպասելով որ բարե-
կամի մը ընկերացած ինքը ևս իր կարգին այս անանցանելի
գիծը անցնի. ոչ ոք տեսավ որուն հետ այս փորձին ձեռնարկեք
ու պարապ գրպաններուն մեջ դեռ թափառող ձեռքերը ընկա-
լագրերուն կը հանդիպեին միայն. այն ատեն զայրացավ, տասը
փարայի տուրքը անհիմն ու անիրավ գտավ և որոշեց որ առանց
զայն վճարելու անցնի կամուրջեն. ի՞նչ կերպով. Ղալաթիո
եզերքեն մինչև անցադին ուզելու տեղը տասը կանգունի շափ
կրնար հառաջանալ. ատկե պետք էր սահիլ ստվերի մը պես
առանց ուշադրութուն հրավիրելու. գյուրին, հրապուրիչ երե-
ցավ այս ծրագիրը և ճերմակ շապիկով հոն կեցող սպառնալից
ուրվականին դեմ արժանի վրեժխնդրութուն մը:

Ոսկեղջյուրի նավակները դիտելու ձև մը առած խմբագիրը
անտարբեր, համրաքայլ հառաջացավ աչքին պոչովը դիտելով
ուպիտակ ուրվականը որ իրեն չէր նայեր այս միջոցին. երկու
մուրացիկ տղաք ողորմություն ուզեցին իրմե. հանկարծ կա-
մուրջին քովի երկաթին հենած մարդ մը իրեն պես տասը փա-
րա չի վճարող մը անցագիծեն խույս տվավ բայց ոչ այնքան

հաշոգությամբ որ պահնորդները չի տեսնեին. երկու ծովային զինվոր ետևեն հասան ու ետ դարձուցին մարդը:

Քաբմաճյան այս տեսարանեն խրատվեցավ ու ետ դառնալու վրա էր երբ փրկավետ ձայն մը զինքը կանչեց:

— Ի՞նչ կը դիտես հող:

Խմբագիրը նոր կյանք ստացավ տեսնելով Պասմաճյան Հակոբիկը:

— Ոչե՛նչ. ո՞ր կողմ, Հակոբիկ էֆենտի:

— Պոլիս:

— Ես ալ. միասին երթանք:

Հակոբիկ վճարեց ստակը. ուշ մնացած էր. կամուրջին կեսն պատճառ մը առարկեց ու երիտասարդեն զատվելով շուտաքայլ հեռացավ իր բաժանորդները գտնելու համար:

Նախ Չաքմաքճըլար Շամլյաններու վաճառատունը հանդիպեցավ ուր պասմայի ծրարներու ետին պատերը անտես կը մնային: Բեռնակիրներ դրան առջև ձգված վաճառքի հակերը քակելու կզբաղեին. ներսը պարսիկ վաճառական մը մաս մը ապրանք կը սակարկեր հրեայն մը ավելի բժախնդրությամբ. նեղ խանութին մեջ անցնելու տեղ չէր մնացեր. խմբագիրը զգաց որ պատե՛հ ժամ չէր ստակ ուզելու. ետ դարձավ անկեց Սիրքեճի Տեմիրճյաններուն. հոն հաշողեցավ. գանձապետը դեղնի վրա, ակնոցավոր սիրուն տղա մը, առանց ընդդիմության վճարեց տարեկան բաժանորդագինը. Քաբմաճյան շնորհակալ եղավ ու տեղի անձկության պատճառով գետնի վրա դիզված երկաթե փողերու վրայն քալելով, ճշմարիտ լարախաղացի մը ճարտարությամբ հեռացավ:

Ամենեն հուսավետը, Մարտիրոս էֆենտին, վերջի թողած էր, այն մանուկներուն պես որ սիրած կերակուրնին ետքի կը պահեն: Տասը քայլով ինքզինքը Թաշխանի դուռը գտավ, վեր ելավ էֆենտին հարցուց. բազմություն կար:

— էֆենտին զիս է ուզեր, ըսավ խմբագիրը, իմացուցեք. դրան մոտ նորեկ ծառա մը կընդդիմանար այս մուրացիկի զգեստով մարդուն:

Մարտիրոս էֆենտի անկյունը բազմոցին վրա նստած, սովորական անմատչելի անձը չէր. Քաբմաճյան կը զարմանար.

«Եր էր այն մարդը որ դրամ բառին դ գիրեն կսկսեր երեսը կախել, հազար առարկութիւն հարուցանել ստակ չի տալու համար. թերթը կանոնավոր կերպով չէր խրկվեր, լուրերը երկու շաբաթ առաջվան լուրերն էին:

Այսօր ընդհակառակն իր դեմքը չի մթազնեցավ, լուր հարուց խմբագրեն, գովեստ խոսեցավ Եփրատի վրա. Քաբմաճայան իր առջի սիկառը ուզեց:

— Գուք հոտավետ ծխախոտ ունիք, սիկառ մը կաղաչեմք էֆենտին ծխախոտը ներկայացուց և հառաչիկա շաբաթ օրվան ներկայացման առթիվ Եփրատի մեջ գեղեցիկ հողված մը ուզեց խմբագրեն:

— Անոր համար կանչեցի Ձեզ:

— Գլխուս վրա:

Հիմա այս ազնիվ ընդունելութեան պատճառը հասկցած էր Օսմանիեի թատրոնին առաջին դերասանուհիուհին նպաստը ներկայացումն էր:

— Տաղանդավոր աղջիկ մ'է այս դերասանուհին:

Մարտիրոս էֆենտին ազգին արվեստավորները քաջալերումը կողմն էր:

— Ի՞նչ է օտար թատրոններու տրված ստակը. մեր ազգային թատրոնը, մեր դերասանները հազար անգամ օտարեն թարծր են:

Քաբմաճայան գիտեր այս ազգային թատրոնի համար ցույց տրված խանդաղատանքին գաղտնիքը, ու էֆենտիին տկարութեանցը տեղյակ՝ հիմա կը թողուր իր պաշտոնական նստվածքը, սիկառին մուխը ունգերեն կարձակեր, քրտնած ձիու մը պես, սենեկին կես լույսը անթափանց մառախուղի մը վերածելով. և բարև բռնող ձեռքը քակած, ոտքը ոտքին վրա հանելով, խմբագիրը տեսակցութիւնը շարունակեց:

Շաբաթ գիշեր Օսմանիեի թատրոնը արտասովոր բազմութեամբ կը լեցվեր. ահագին gazomètre մը կարծես այս շենքը կամ մեծածավալ փեթակ մը որուն փոքրիկ դռնն մտնողնե-

րուն վերջը չի գար: Շարաթե մը ի վեր. թատրոնին մուտքին, փողոցի պատերուն, տախտակներուն վրա փակցված դեղին, կարմիր, կանաչ ծանուցումները, լրագրաց հրատարակությունները մեծ գիրերով ՆԱՐԴԻԿԻ անունը ամեն կողմ աչքի առջև կը դնեն և բազմությունը հրապուրված՝ անընդհատ կուգա գլուղեն, քաղաքեն, հետաքրքիր, տեսնելու համար դերասանուհին որ իր կատարելիք դերով նույնիսկ իր գոյությունը ի հանդես պիտի բերն:

Քամելիագարդ տիկին պիտի ներկայացվի. պարտիզին մեջ՝ նոր եկող կառքերու թավալումը, խոսակցությունները, տոմսակ ուզողներու ձայնը, անթիվ, թվավոր նստարան, պենետրառի, երրորդ հարկի օթյակ, աղեկ տեղ մը ընտրելու, շուտ ներս մտնելու ջանքերը՝ բոլորը իրարու կը խառնվին:

Ներսը՝ լուսափողփող ու բոլորակ սրահ մը որուն շուրջը օթյակներու շորս հարկերն կը բարձրանան իրարու վրա, դուրս գացող հսկա շողենավի մը խցիկներուն պես. նոր հասնողները տակավ առ տակավ կը տեղավորվին. օթյակներու դուռները անընդհատ կը բացվին կը գոցվին սաստիկ շառաշմամբ. վերնահարկը, սրահը անհամար գլուխներով կը ծածկվին. և ամենուն տեղերը որոշող պաշտոնյաներուն ձայները կը լսվին շարունակ, տոմսակներուն համաձայն:

— Թիկնաթոռ թիվ 24:

— Նստարան թիվ 37:

Սխալներ տեղի կունենան. իրարու տեղ գրաված ըլլալու բողոքներ կը լսվին, և բազմությունը հետզհետե կը զետեղվի թատերաբեմին փակ վարագույրին դիմացը. ծանոթներ զիրար կը բարևեն գլխով, ձեռքով. մեկը՝ վարագույրին վրայի պատկերին նշանակությունը կը հարցունե քովի նստող մարդուն. նվագածուները իրենց գործիքները կը ներդաշնակեն խժալուր աղմուկով մը ծածկելով բոլոր ձայները և հանդիսատեսներուն անհամբեր մասը ոտից կամ գավազաններու միօրինակ տրոփյունով ներկայացման սկզբնավորությունը կը պահանջե. ներկայացվելիք խաղին, անձերուն, դերասաններուն անունները պարունակող փոքրիկ ծանուցումներ ձեռք ձեռք կը շրջին հարցումներու, քննադատությանց տեղի տալով. օթյակներուն

մեջ տիկիները վրանոցնին կը մերկանան, ձյունաթույր ուսերու, լանջերու, դաստակներու փողփողումը խառնելով եզերքի կարմիր թավիշին:

Տենդոտ, հիվանդագին բան մը կար բոլոր այս բազմութեան մեջ:

Ամեն ոք, այս ներկայացման գալով, հասարակաց կիներ տեսնելու կուզար թատերաբեմին վրա, իր բոլոր հրապույրին ու բոլոր թշվառութեանը մեջ:

Այս էր ահա այդ երեկույթին բոլոր ձգողութիւնը:

Հասարակաց կիներ միշտ սովորական ու միշտ հետաքրքրաշարժ բան մըն է:

Անտարբերները կը վայելեն, անողորմները կը պարսավեն և ողջամիտ անձերը զայն կը մեղքնան:

Ժպիտն ու արցունքը դրե՛ք քովե քով, հառաչանքը խառնեցեք զվարթ քահրահներու հետ, այդ է ահա հասարակաց կիներ: Էրիկ մարդիկ երբեք չպիտի հասկնան այս բաղադրութիւնը, բայց երբեք ալ ազատ ու զերծ չպիտի մնան անոր հեշտալի ազդեցութենէն:

Ի՞նչ տեսակ էակ է այն որուն կշանքը՝ ասոր անոր կես կամ քառորդ ժամերով կը կազմվի: Ուրույն գոյութիւն մը ունի՞ արդո՞ւր: Արք, հետաքրքիր, հավիտյան պիտի դեզերին այս հարցումներուն շուրջը:

Մարդկային անվերջանալի բարեկենդանին մեջ, հասարակաց կիներ մյուս դիմակավորներէն սա տարբերութիւնն ունի որ, ինքը միայն անպատրվակ, հետամուտ չէ ինքզինքը յճանչըցնելու: Սիրո վաճառականուհին է. իր զգեստը, ձևերը, շարժումները, ամեն բան կը մատնեն զինքը: Դիմակ շունի բոլոր դիմակավորներուն մեջ. իր արհեստն ընթեռնելի կերպով գրված է ճակտին վրա. ոչ ոք խաբվելու և գանգատելու իրավունք ունի:

Ավանսեռի մը մեջեն Մարտիրոս էֆենտին կը բարևեր շուրջը, Գայուստյան Գևորգը որ իր թիկնաթոռն ոտքի վրա ելլելով էֆենտիին, Եփրատի պաշտպանին, բարևը կառներ. անգին միկնույն կարգին վրա Պասմաճյան Հակոբիկը, Տեմիրճ-

յաններուն գանձապետը՝ Լեոնը, պելեթաժեն Շամլյան Հովա-
կիմ աղան իր կնոջ ու տղուն Արմենակին հետ. ուրիշ օթյակի
ժը մեջ Ստեփանիկ աղան, քոնսուլիտ խաղացողն:

Բազմութիւնը՝ իր ոտից տրոփուներ կավելցնեն. վերջապես
զանգակը հնչեց. երաժշտութիւնը խոսակցութիւնները դադ-
քեցուց և վարագույրը բացվեցավ: Առաջին արարվածը խորին
տպավորութիւն մը թողուց. ոմանք՝ խաղին հետևեցան. ո-
մանք՝ դերասանուհիույն դաշնակավոր ձայնին. բոլորը՝ անոր
մարմնական հրապույրին. կանայք, անոր կապույտ թավշե մե-
ծագին շրջագեստին հավնեցան:

Նարդիկ՝ սիրո զգացումը իր անհուն, անծայրածիր տեսա-
կանին մեջ արտահայտեց. ամենքը կը մաղթեին որ իրենց
ուղղվեր անոր հրավառ շեշտերը և դերասանուհին կարծես այս
մաղթանքը արդարացնելու համար բոլոր սրահին վրա կը
պատցներ իր բորբոքիչ նայվածքը:

Սափահարութիւններ, փունջեր, bis, կեցցեի աղաղակ և
առաջին արարվածը վերջացավ:

Թատրոնի նորեկներ հասկնալ կուզեին այս գեղեցիկ կնոջ
ո՞վ ըլլալը, մանավանդ ո՞ւր բնակիր:

Մեծ մաս մը թողուց իր աթոռները, պարտեզին զովութեա-
նը վայելելու համար. օթյակներուն մեջ այցելութիւններ
սկսան:

Վարը, Հակոբիկ՝ իր ընկերը դերասանուհիույն քով տանիլ
հառաչարկեր:

— Երթանք Նարդիկը տեսնել, քիչ մ'առաջ «մեկտեղ բեր
բարեկամդ» ըսավ ինծի. շուգած բանդ, այնպես չէ՞:

Փոքրահասակ, դուրս ցցված աչքերով երիտասարդ մը
որուն ճաշակավոր հագուստը անձին տգեղութիւնը կը մոռցը-
ներ: Խառնուրդ մը այս տղան, բոլոր գիշերօթիկ վարժարան-
ներու՝ Շահնազարյանի, Ռոպերթ քոլլեճի, Լիսեի, ուսկից ստա-
ցած ուսման հետքերը միայն մնացած էին քովը: Գործի մեջ՝
ճարտար ու հնարամիտ, մաքսատունեն հանելիք վաճառքները
ջուրի մը պես աննշմարելի կերպով անցրնելու գաղտնիքը գիտ-
ցող. կը վաստկեր շատ և շատ կը մսխեր. քանի մը հոգի էին
ասոնք, քանի մը երիտասարդներ, Պահչե քափուի մեջ, ոք.

մաքսատան պաշտոնյաները կը հուսահատեցնեին. տարօրինակ պայքար՝ ուր ընդհանուր կանոնին հակառակ՝ փախողը տարած կրլլար հաղթութիւնը:

Եվ Պասմաճյան Հակոբիկ կը փախեր ու կը փախցնէր. ամառը՝ Պյոյուք-Տերեն խոսեցնելով իր մեծածախ զբոսանքնեթուն և կարճ հասակին վրա, ձմեռը՝ Փերան:

Գեր կիները հատուկ ձգողութիւն մը ունեին իր փոքրիկ անձին համար և անոնց մեջ կը թավալեր, վերջ ի վերջո կանգ առնելու համար այս դերասանական խումբեն միւլյն քով, տիկին Մազմյանի ստվար թևերուն տակ:

Մյուսը՝ Տեմիրճյաններու գանձապետը՝ վաճառատան գործերու առթիվ ծանոթացած, մտերմացած էր Հակոբին հետ ինքը՝ կարգի կանոնի տղա, բոլորովին հեռու էր անոր հարաբերութեանց հաճույքեն. բայց այս վայրկյանին իր բարեկամին առաջարկութիւնը երջանկութեան հրավերի մը պէս հնչեց իր ականջին. այսպէս շուտով մտտենա՛լ այս բոլոր բազմութեան պաշտած դիցունչուն:

— Երթանք, ըսավ, բայց ես դերասանուհեաց վարժութիւնը շունիմ:

Թողուցին աթոռներ:

— Թե որ մեկը զմեզ տեսնա, կըսեր Պասմաճյան, ինձի համար փուլթ չէ, բայց դո՛ւն նշանած երիտասարդ:

Եվ կառաջնորդեր նեղ նրբանցքներու ոլորապտուլտ ճամփաներու մեջն ուր հեռու հեռու դրված կանթեղներուն լույսը օգուտ չուներ: Այդ տեղերու ծակը ծուկը գիտեր:

Գերասանաց հատկացյալ սրահը խառնաշփոթ տեղ մ'էր. Պիթրազարի և Փերայի վաճառատան զուգավորութիւն մը. հոս հոն բազմոցի կամ աթոռակի մը վրա զգեստներ, ձեռնոցներ, գլխարկներ, էքսթռեի շիշեր ու երեսի ներկեր: Ոմանք իրենց դեմքին ավրված գույները կը նորոգէին. մին կը ծերանար, մյուսը իր տարիքը կը ծածկեր, ուրիշ մը իր մոռցած դերը հիշելու կը ջանար՝ ինքնիրեն քթին տակ կրկնելով պարբերութիւնը,

— Եվ Արմանին ընկերացա հոնկե մինչև հոս... ու չի հաջողելով շարունակութիւնը հիշել:

Մեկ քանիններ կը խոսեին, կը խնդային:

— Ինծի նայե, Միշե՛լ, կըսեր անոնցմե մին պոռալով,
իրավ որ դուն ապուշի բնական հարմարութիւն ունիս:

— Կորսվե՛ դուն ալ, հանդիսականներուն պահե անճոռնի
կատակներդ, կը պատասխաներ Միշե՛լ:

Տիկին Մազլըմյան կընդմիջեր.

— Սուս եղեք քիչ մը:

Քորսեին կապերը կը քաշեր շարունակ չի կրնալով իր պա-
րարտ մարմինը սեղմել այնքան որ իր մեջքին լայնութեան ան-
պատեհութիւնները վերցնե. նույն միջոցին Հակոբիկը տե-
սավ, օգնութեան կանչեց:

— Եկո՛ւ, եկո՛ւ, սա կապերը քաշե:

Անդին՝ Ճամպազյան՝ Արմանի դերը կատարողը՝ մանկա-
ժարդ աղջկան մը հետ կը խոսեր:

— Սուտ մըսեր, Սաթենիկ:

— Ես սուտ մուտ չգիտեմ. ամեն բան բաց բաց. կը սի-
րեմ՝ կը սիրեմ, շեմ սիրեմ՝ շեմ սիրեր:

— Կեցցես, Կապուտ-հագ, ըսավ անոր Հակոբիկ, միշտ
այդպէս անկեղծ եղիր և ոչ ասոնց պէս խաբեբաս:

Երիտասարդը տիկին Մազլըմյանը ցույց կուտար. ամենուն
խոսքին, գործին կը խառնվեր. դերասանները իր անկարգ ու
զվարճասեր կյանքին սովորական ընկերներն էին. դերասանու-
հիք քիչ շատ իր սիրուհիները. հոս՝ իր տանը, ընտանյաց մեջ
էր կարծես. ամենուն ներքին կյանքը, կապակցութիւնները
գիտեր.

— Ստակներդ առի՞ր, Միշե՛լ, կը հարցնէր:

— Ոչ դեռ:

Հետն ապշեր էր այս անծանոթ մարդոց ու աշխարհին մեջ:

— Ո՞չ դեռ:

Եվ տիկին Մազլըմյանին մոտենալով՝

— Դուն ի՞նչպէս ես, հանը՛ մըս:

Տիկին Մազլըմյան իր վրեժը լուծեց.

— Խաբեբաներուն մեծը դուն ես, ո՞ւր է խոստացած փառ-
քիդ:

— Բոլորովին մոռցա, արդեն շատ ալ զբաղյալ էի. գալ

ուրբաթ անպատճառ. Նարդիկ, մեկտեղ ես, Լեոնին համար կը մտածենք, կաշխատինք:

Ջանգակը հնչեց. երաժշտությունը երկրորդ արարվածին նշանը տվավ. հուշարարը՝ տետրակը ձեռքը իր փայտե տուփին մեջ մտնելու վազեց:

Երկու երիտասարդները բաժնվեցան մինչդեռ Նարդիկ ետե- նուն կը պոռար.

— Անթրաքթին եկեք նորեն:

Ո՛չ. հիմա ուշադրություն չէր ընել խաղին. ամբողջ սրահը, օթյակները, բազմությունը կը ցնդեր կանհետանար, մինակ հո՛ն, բեմին վրա ձգելով դերասանուհին որուն ժպիտները հատկապես իրեն կուղղվեին, արևեն անջատված ճառագայթ- ներու պես համակ լուսով ողողելով զինքը. կը խորհեր իր նշա- նածի դիրքին, կարգադրված ապագային՝ որոնք պարտավորու- թյուններ կը հիշեցնեին. իր խոսեցյալին դեմքը աչքին առջև կը բերեր, անոր ալ հրապույրն ու գեղեցկությունը հիշելու ջանք կրնէր առանց հաջողելու. քովեն բարեկամը հանգիստ չէր թո- ղուր գինքը.

— Չի՞ խոսիս:

Ի՞նչ խոսեր, երկրորդ դադարին ամեննն առաջ ինք թողուց իր աթոռը, չի կրնալով հանդուրժել սրահին հեղձուցիչ մթնո- լորտին: Պարտեզին մեջ Ստեփանիկ աղան ելավ դեմը:

— Ի՞նչ կըսես սա քոնսուլիտին իյնալուն:

Շահագետը կարծիք կը ժողվեր խոսակցությամբ, գաղա- փար կը հասկնար վերջեն ընտրություն մը ընելու համար ա- նոնց մեջեն:

Լեոն պատասխանելու տրամադիր չէր:

— Չեմ գիտեր, չի լսեցի:

Ստեփանիկ աղան կը պնդեր.

— Ի՞նչ ըսել է «չի լսեցի». չորս ղարուշի անկում և դուն տեղեկություն չունի՞ս. ո՛ւր կապրիս կոր, վաճառական շե՞տ դուն:

Խաղացողը կը պարսավեր երիտասարդը հայտնելով որ վաճառական մը զրամի և արժեթուղթի հրապարակին անտաք-

բեր չի կրնար ըլլալ. ամեն փոխանակութիւն դրամի. արժեթուղթի կամ վաճառքի, միութիւն մը կը կազմեր և այդ երեք մասերը սերտիվ կապված էին իրարու:

Պալուստյանը տեսավ, անոր այ կարծիքը հարցուց.

— Պատճառը հայտնի է, ըսավ օգնական խմբագիրը.

Քաղաքական կացութիւնը ծանր է. վերջին հեռագիր մը Անգլիոն և Ռուսիոն մեջ հարաբերութեանց խզում մը կը հայտնեն:

Ստեփանիկ աղան ամենն առաջ պոռոսային մեջ այդ լուրը առած էր. հուսացածին պես նոր բան մը չի կրցավ իմանալ:

Լևոն հայտնապես կը ձանձրանար. նարդիկի մոտ երթալ կուզեր և այս հաճույքը կը տանջեր զինքը, կը ծանրանար սրբօրին վրա. որոշեց վերջին անթրաքթին երթալ. ներկայացման վերջանալուն մոտ, տարտամ ակնկալութիւն մը ունեւր այս հետաձգումովը:

Պարտեզին քաղինոյին մեջ հանդիսականները լեցված էին տեսակ տեսակ ըմպելիքի գավաթներով ծածկված սեղաններու շուրջը. ամեն ոք իր տպավորութիւնը, կարծիքը կուտար. սպասավորները ապսպրված ըմպելիքներու անուններ կը պոռային պլուֆեի մարդուն հունարեն թիվերով:

— Միայն քոնյաք, տիո շարթրոյոյ:

Եվ ձեռքերնին ափսեներ կը շրջեն բազմութեան մեջ սեղաններու մեջն անցնելով դառնալով անընդհատ:

Լևոն երկու քոնյաք խմեց, զինքը ճնշող անհանգստութիւնը թոթափելու համար:

Սպասավորները կը շարունակեին բարձրաձայն պոռալ, ճունարենին խառնելով տաճկերենն ու հայերենը.

— Երկու լիմոնադա, Մարտիրոս էֆենտիի լոճային:

Մարտիրոս էֆենտին ծանոթ էր այս տեղ իբրև ամեն ներկայացումն անպակաս. ալանսենի օթյակը իրեն հատկացալ էր ուրկն առանց դիտակի օգնութեան կրնար խաղին հետևիլ:

Երաժշտութեան ձայնը երկրորդ արարվածին սկսիլը՝ իմացուց. քաղինոն հինգ վայրկյանի մեջ պարպվեցավ. ամեն մարդ իր տեղը բռնելու վազեց. Լևոն վարագույրը բացվելն ետքը իր տեղը եկավ. Մարկրիթ Կոթիեն խնջույքի տեսարան մը կը

պարզեր որ խեղդուկ հագով մը, բերնն եկող արյունալի փրփուրով մը կրնդհատվեր. և ակամա բաղդատություն մը եկավ միտքը զվարճության և տառապանքի, երջանկության և մահվան այսքան քով քովի գտնվելուն վրա. Մարկրիթ իր հազի տագնապին նվաղումն սթափեցավ, թաշկինակով սրբեց բեքանը ուր արյունը շրթունքը բոսորագեղ ներկած էր. ևնոն այդ մահագուշակ ու արյունոտ թուքը սիրահոծար պիտի ծծեր, առներ անոր շրթունքներն. դերասանուհիույն թաշկինակը իր նախանձը շարժեց:

Սրահին մեջ շնչառությունը դադրած, խոր ու անձկալից լուռություն մը կը տիրեր. Մարկրիթ ինքզինքը գտավ:

— Մի՛ վախնաք, կըսեր Արմանին. շատ հեղ կը պատահի այս, իրավ որ մեռնելի շեմ վախնար, քեզմե բաժնվելուս համար միայն կը սարսափիմ:

Եվ սրահին մեջ նարդիկի նայվածքը կուգար երիտասարդը փնտրելու, կարծես հասկցնելու համար որ, միայն անոր կուղղրվեր այս հայտարարությունը:

Այս վայրկյանին ոչ ոք անոր մարմնուն հրապույրը կը տեսներ և ուրիշ բան չէր բայց եթե աննման տաղանդի մը և ահավոր կերպով սրտածմլիկ տեսարանի մը զորությունը որ կիշխեր բար կտրած հանդիսականներուն վրա:

Հետո ծափահարություններ անընդհատ, որոտալից գոռ ոս գոշում մը, վերնահարկն մինչև գետնահարկը, ոտքի տրոփյուններ՝ թատրոնին հին շենքը դողացնելով իր բոլոր փայտե կապերուն և ատաղձներուն մեջ:

Վերջի դադարին ա՛լ չի համբերեց. Հակորին հետ միասին նորեն անցավ մառնվածապատ ու մթին ճամփաներե, ներսը վարագույրին ետին հավաքվեր էին:

Նարդիկ այն պաշտելի հյուծախտավորը չէր, այլ զվարթ վառվուռն աղջիկ մը.

— Ո՛ւր մնացիք:

Լևոն հիվանդագին վիճակին մեջ կուգեր գտնել զայն. ծունկի գալ անոր մոտ համբույրներով ծածկելու համար անոր թաշկահար ու տամուկ ճակատը:

Այս միջոցին թեթև ձեռք մը ուսին դպավ.

— Բարի եկաք:

Լևոն մինչև իր հոգվույն խորը զգաց այս քաղցրահնչյուն ձայնը. դարձավ. նարդիկն էր. հիմա մութ կարմիր գլուռայն շրջազգեստ մը հագած էր երկրորդ արարվածին պահանջման համեմատ. բաց կուրծքին վրա նետված դանթելի կոհակներն՝ հեշտավետ հովի մը ճերմակ փրփուրներուն պես դուրս կը թափեին կարծես ներսի խռովության արտահայտութիւնը. սլալայոգներու վրա բռնված փեշը թատերաբեմին կեսը կը ծածկեր և նարդիկ՝ ամեն շարժումին ոտքի փոքրիկ հարվածով կը պարտավորեր զայն շտկել, և այսպեսով ցուլց կուտար յուր սիրուն փոքրիկ կոշիկները, երբեմն բուն շարժման մը մեջ նույն գույնով մետաքսյա գուլպայի մը սկզբնավորութիւնը որ յուր սրունքներուն կը փարեր, կը գրկեր զանոնք, ծառի մը փաթթը՝ վող պատատուկ թավիշ մարմանդներու մեղկ ու քաղցր հպումովը:

Երիտասարդը անոր ձեռքը բռնեց, ջերմ, տենդոտ ձեռք մը. աղջիկին մազերուն, մարմնույն բուրումը եկավ իր ունզերուն, այդ մարմնույն հեշտությանց ու թաքուն շնորհներուն վրա գաղափար մը, զմայելի գաղափար մը տալով հիմակուց.

— Ծաղիկներու թագուհին եք այս գիշեր:

Հակոբիկ եկավ հասավ.

— Ահավասիկ պատվերիդ համեմատ այս պարոնը բերթ քովդ, կուզե՞ս որ ներկայացնեմ:

Մյուսները նարդիկին շուրջը բոլորվեցան. պիռա բերեք. Հակոբիկ ամենուն կը հրամցներ, մերժողներուն կսպառնար.

— Չէ նե վրադ կը թափեմ:

Հետո Արմանին կը դառնար.

— Դուն նա՞ս կապուտ-հազիդ հետ. բժշկվեցա՞ր. մյուսը գլխովը բացասական պատասխան կուտար:

Այս քաջառողջ երևույթը իր պատրանքը փարատեց:

Տիկին Մազլըմյան իր փառքին հաստատել կը ջանար:

— Ուրեմն որոշված է ուրբաթ օրվան համար Թաշտեկեն երթալնիս:

— Այո՛, հոգիս, որոշված է:

Հակոբիկ՝ համբույրով մը կերաշխավորներ այս խոստումը:

— Քե որ կուզես այս գիշեր ալ ճաշ մը Փերայի մեջ:

Տիկին Մազլըմյան նարդիկը անպատճառ մեկտեղ կուզեր և դերասանուհին չէր կրնար գալ:

— Ինչո՞ւ. և առաջարկությունը ավելի ազդեցիկ դարձնելու համար կավելցնե՞ր. Լեոն ալ կաղաչե քեզ որ մեղի հետ գաս:

— Կաղաչեմ, կըսեր Լեոն:

— Ո՛չ, ո՛չ, շեմ կարող:

Հակոբիկ կը վիճեր.

— Ի՞նչ, նորեն սա տեւեմն է, տեւեմնին է. ո՞վ է քեզ հափըշտակողը:

— Խենդ խոսքեր մի՛ ըներ, անհանգիստ եմ այս գիշեր, ուրիշ արգելք չունիմ, գլուխս մի՛ ցավցնե՛ր:

— Դուն գիտես, երթանք,՝ Լեոն, ուրբաթ օրվան գոնե ապահովապես խոսք տվիր:

Հակոբիկի վերջին խոսքերուն վրա կը մտածեր Լեոն նեղ ճամփաներուն մեջեն վերադառնալով. ու հիմա իր թիկնաթոռն ալ ավանսնի օթյակը կը դիտեր շարունակ փոխանակ թատերաբեմին վրայի ներկայացումը դիտելու. հոն Մարտիրոս էֆենտի կը խրոխտար ծավալելով իր խոշոր մարմնույն գոհունակությունը և անտանելի ատելություն մը արծարծելով երիտասարդին սրտին մեջ:

Դերասանուհի մը կյանքը շղիտնալու շափ միամիտ շրջալով հանդերձ, միշտ բացառություն մը ենթադրեր էր այս աղջրկան համար, որ առաջին օրեն խորին ու անդիմադրելի զմայլանք մը ազդեր էր իրեն. հեռիեն նայելով, մաքրության ու անմեղուության մթնոլորտի մը մեջ երևակայեր էր զայն միշտ, և ահա քսուորդ ժամի մը խոսակցության մեջ հարկ կըլլար համոզվիլ և ճանչնալ թե բացառիկ ու գերագույն էակ մը նկատված այս կինն և ոչ մեկ կերպով կը տարբերեր իր նմաններեն: Միանգամայն կը մտածեր թե նարդիկ ինչո՞ւ չընդունեց իրենց հրավերն. իրոք ուրի՞շ մը, մշտակա ու նախանձոտ սիրո՞ղ մը կար այս կնոջ վրա հսկող, թե ոչ անհանգստությունը միայն արգիւծ էր զինքն իրենց հրավերն ընդունելու: Ինքնիրեն չա-

փեց ու բաղդատեց այս երկու հավանականութիւններն, և ավելորդ է ըսել որ իր տկար սիրտն ավելի նարդիկի հառաջ բերած բարուրանքը իրավացի համարելու կողմն հակեցավ:

Այս մտածմանց մեջ ընկղմած՝ ա՛լ ուշադրութիւն չըրա՞վ երրորդ արարվածին որ թատերաբեմին վրա կը ներկայացվեր Այն ատեն միայն սթափեցավ երբ տեսավ վարագույրն իջած ու հանդիսականները գրեթե մեկնած. իր նայվածքը թափուր և ստվերամած սրահ մը տեսավ, որ հետզհետե կը մթննար. լույսերը կը մարեին, թատրոնը ահագին գերեզմանի լուսթյան դատապարտելով. հիմա հիշատակ մը շի կար բոլոր երեկույթնն և իր հոգին դրդող աղմուկներն:

Դուրս ելավ. ժամը վեցն էր, պարտեզին մեջ հապաղողնեք միայն մնացեր էին. դրան մոտ քուփե մը կսպասեր որուն վառ լապտերները արյունացայտ աչքերու պես կը շողային մթութիւն մեջ:

Քովեն կին մը անցավ, նարդիկն էր որ կառքը կը մտներ, անիվները դարձան, քուփեն մեկնեցավ, հեռուեն ցույց տալով իր կարմիր լույսերը, և երիտասարդը անհուն պարապութեան մը մեջ ձգելով:

Դանդաղ ու վարանոտ քայլերով, ձեռքի փոքրիկ լապտերով լուսավորելով շուրջը, Լևոն կը վերադառնար տուն Կետիքֆաշայի լայն և ամայի զառիվայրը իջնալով. երկու կողմնն փլած փլփլկած պատեր. տարի մը առաջվան ավերիչ հրդեհն մնացորդ. և տեղ տեղ վտիտ, բարձր ու երկայն ծխնելույզներ, ոմանք կանգուն, ոմանք կիսակործան. և այս անշնն ու մոխիրով ծածկած փողոցն քալելով կը հիշեր հրդեհին գիշերը բոլոր այս թաղը, տուները, բոցերու մեջ վիթխարի veilleuseի մը պես լուսավորելով բոլոր շրջակայքը, կամ մազերը բռնկած հսկա կին մը որ այդ բարձունքն կը վազեր կիջնար վար ծովուն մեջ մարելու համար կարծես զինքը սպառող կրակը. այդ գիշերը աչքին առջնն էր. ինքն ալ եկած էր հոն բարեկամներու օգնութեան, և հրդեհին լույսերն, այրողներուն թոհ ու բոհն, ձայներն, աղաղակներն՝ այդ սևցած, խանձած ծխնելույզներն զատ ահավասիկ ոչինչ կար հիմա. և վերադարձ մը ընե-

լով իր անձին, իր սիրտը այրող կրակին հետևանքը՝ շուրջի ավերակներուն ողորմելի երևույթովը կերևար աչքին:

Պոլսո առաջնակարգ վաճառատան մը մեջ գանձապետի կարևոր պաշտոնը կը վարեր քսան ոսկի ամսականով. և իր վարպետին աղջկան խոսեցյալն էր. պաշտոնական նշանտուֆ չի կար բայց ամուսնութունը որոշված էր, և ասով մեծագույն ասպարեզ մը և նախանձելի վիճակ մը պիտի ստանար. ահա ճիշտ այդ միջոցին էր, երեսունը անցնելե վերջը, հեռու ամեն սիրային արկածե, չի հավատալով որ սերը կրնա երբեք անդիմադրելի, անակնկալ և ճակատագրային բան մը ըլլալ, ծաղրելով իր բարեկամներեն շատերը որ իրենց սրտի տկարութունները, դժբախտութունները կը բացատրեին, ճիշտ այդ միջոցին ինքն ալ պարզ դիպվածի մը բերմունքով դեմ հանդիման կուգար այնպիսի էակի մը զոր տեսնելուդ չես կրնար չի կենալ, չի դիտել, ետիդ չի դառնալ անոր հեռանալը տեսնելու համար. էակ մը որ անձ մը չէ՞, այլ բոլոր կյանքի անուրջներու անկարելի մարմնացումը, գաղտնիք մը՝ որուն համար անկարելի է չի հետաքրքրվիլ, ետեան չի վազել, ժամերով չի շրջիլ Ֆողոց փողոց, թաղե թաղ, թերևս հետը խոսելու հույսը չունենալով, բայց էակ մը զոր սիրտդ անմիջապես կը ճանչնա, կը զատե բազմության մեջ, իբրև թե վաղուց անտի ծանոթ մը, մտերիմ մը ըլլար քեզի, որուն հաճելի եղած բաները գիտես, ճաշակը սիրած ես, և որուն անհաճո երևալու վախը կը դողացնե քեզ:

Ահա ինչ որ զգացեր էր երիտասարդը նարդիկը տեսնելուն, և կը խորհեր որ անհնարին անկարելի դժնդակ բան մը պիտի ըլլար իր հեռացումը այս աղջիկեն, և ասոր համար վտանգի զնե՛լ իր բոլոր ապագան, հույսերը, այո՛ ինչո՞ւ չէ՞. թողուլ նախանձելի վիճակ մը, չքավորության ու նեղության օրեր տեսնել. հոժարությամբ, եթե նարդիկի մոտ պիտի անցնեն յայդ օրերը:

Պահ մը իր միտքը կամփոփեր, հիմարութուն այն բոլորը, թ՛վ էր այս կինը որ հանկարծ կուգար իր ճամփուն վրա պատվարի մը պես. ի՞նչ իրավունքով. կարժե՞ր որ դերասանուհիի մը համար բաժնվեր իր որոշյալ ամուսնութենեն, պատվավոր

աղջիկ մը զոհել անպատիվ կնոջ մը՝ ինչ որ ալ ըլլար իր հրապուրյները. միթե այդ վայելքը չէ՞ր կրնար գնվիլ, ստացվիլ առանց վտանգելու իր կացութունը. այս գաղափարին չեն դիմադրեց. այդ վաճառիկ ցանկութունն չէր որ կախտավորներ զինքը. մանկական, գրեթե եղբայրական դորովի կարոտը, պակասը զգացեր էր այս կինը տեսնելով և այդ պակասը ան միայն կարող էր լեցնել:

Քում-քափու հասած էր ան Նշանճիի փողոցին մեջ ուր կը բնակէր դերասանուհին. իր տանը ճամփուն վրա էր անոր տունը. դրան քով կանգ առավ, պատուհանները դիտեց: Ոչ ձայն, ոչ լույս. մարդ չիկար, դերասանուհին հոն չէր անշուշտ. և մտքովը ո՞ւր ըլլալը փնտրեց, այդ ատեն հիմար գաղափարներ անցան ուղեղին մեջ. կեցած էր հոն, ձեռքի լապտերին լույսը կը հատներ սպասելով այդ դրան առջև. հեռուեն գիշերապահին հարվածները լսեց. համբեց՝ յոթն էր ժամը, Նարդիկ պառկած էր այս ժամուն, փողոցին մեջ ոտքի ձայներ ականջին եկան. ամչցավ հոն գտնվելուն և ճամփան շարունակեց:

Տեմիրճյան առանց իր գանձապետին հարցնելու գործ չէր բներ. դիպվածով հարստացեր էր նախ ինքը զարմանալով այս հաջողութեան վրա. բայց անկե ի վեր ժամանակները փոխված էին և Տեմիրճյան ոչ թե ստակ շահելու կը ջանար, այլ ունեցածը ձեռք չի հանելու. խոհեմ և զգուշ վաճառականի համբավ ուներ զոր իր անբանի վեհերոտութեամբը ձեռք բերած էր, Անգլիո հետ գործ մը կընէր և ուրիշ երկրի անուն լսել չէր ուզեր բնավ. իզուր միևնույն վաճառքը Ֆրանսա կամ Պելճիքա ավելի աժան ծախելու պիտի ելլեր իրեն, ինքը գիտցածն էր բաժնավեր, լողալ չի գիտցող նավարեկցալի մը պես որ ծովուն մեջ առջի ձեռքին դիպած փայտից կը կապվի և չի համարձակիր զայն թողուլ՝ միշտ խեղդվելու վտանգն սարսափահար:

Գանձապետը իր խորհրդատուն էր որուն կը վստահեր, խոսքին կը հավատար հակառակ իր կասկածոտ բնութեանը. չեն իր վարպետին տկար կողմերը գիտեր և երբեք անոր ծանոթ համոզման հակառակ կարծիք չէր տար. առաջին փոփոխութունը որ մտած էր մաղազային մեջ, տետրակներուն կրկնա-

տումարի վերածումն էր: Ինքը այս դրութեան ինչ ըլլալը չէր գիտեր, բայց եկող գացողին կը պարծենար.

— Մեր տետրակները տոպիս են:

Ժամանակ անցնելով գանձապետին կարողութեան և հավատարմութեան վրա համոզում գոյացուցած էր և ամեն ինչ անոր տնօրենութեան տակ ի գործ կը դրվեր: Երիտասարդը մեղմիւմ, քիչիկ քիչիկ կը ջանար իր վարպետին փերեզակի հոռի գաղափարները ուղղել, և զանի գործի մը մեջ մտցնել. երիտասարդ, եռանդուն տղա՝ ասպարեզ կուզեր նետվիլ արդունավորելով այդ վաճառատան հին ու պատվավոր անունը և անխախտ վարկը:

Մեկ երկու գործերով անակնկալ շահեր ցուցուց և վարպետը ա՛լ բոլորովին կույր վստահութեամբ մը ունեցաւ իր վրա. ամենքը Տեմիրճյանին շահադիտական գործողութեանց մեջ մտնելուն կը զարմանային, անոր ճարտարութեանը դրվատելով և հեզ մարդը, լեռնեն սորված քանի մը պարբերութեաններով զինված ամեն տեղ կը խոսեր մեծ մեծ, նոր թերիներ պարզելով:

— Պետք է, կրտսեր, որ վաճառական մը միշտ հետամուտ ըլլա, պետքեր փնտրե որպէսզի գոհացում տա անոնց:

— Պետքերը գոհացնե. բայց ո՛ւրկից պիտի փնտրե, հասկընա, կը հարցնեին մյուս վաճառականները շփոթած:

Այն ատեն Տեմիրճյան իր կարևոր և բացառիկ կերպով «ժտյալ մարդու ձևերը կառներ:

— Ատիկա վաճառականին կարողութեանը կապված է, արգարև չի սորվիլիր, բնականեն տրված ըլլալու է:

Շամլյան Հովակիմ աղա չէր հասկնար բայց կը համոզվեր տեսնելով Տեմիրճյանին հաջող գործերը, մինչդեռ իրենները անդարմանելի ճախորդութեաններու կենթարկվելին շարունակ:

Երբ էլ պիտ եկավ հասաւ, ամուսնանալու առաջարկութեանները ամեն կողմն տեղացին. հորը մեկ հատիկ աղջիկը գլխավոր, եթե ոչ միակ ժառանգորդն էր. և շուտ մը հաշիվը կընեին, Տեմիրճյանին մահվան ձգելիք հաշիվը. կնոջը մեկ ութերորդը, եղբորը արու ժառանգորդին բաժինն ալ կը հանեին մեջէն, թեև

ակամա, բայց ասով հանդերձ նորին քսան հազար ոսկւո հարըստութիւն մը կը մնար:

Եվ հիմակուց կը հետաքրքրվեին, Տեմիրճյանին առևտրական գործողութիւններին դող կելլեին երբ վաճառականը նոր շահադիտութեան մը կը ձեռնարկեր վախնալով որ շի փճացնե իր աղջկան օժիտը. և միջնորդ դնելով ամուսնութեան առաջարկութիւնները կը ներկայացնեին առանց պայմանի ամեն ինչ հորը կամքին թողլով. իսկ վաճառականը կը հապաղեր իր պատասխանը, շուգելով իր կենդանութեան ատենն ժառանգութեան պահանջումներու դուռ բանալ և տեսակ մը գերեզմանձ փախող ոգիի մը պես իր կորսվելուն՝ ժամ առաջ անհետանալուն փափագողներ ավելցնել:

Վերջին լուսավոր գաղափար մը հղացեր էր, աղջիկը լևոնին տալու գաղափարը. այս կերպով վաճառատան շահերը ավելի ևս հոգաժութեան և խնամքի առարկա պիտի ըլլային, և փեսան իրրև իր պաշտոնեան շի պիտի կրնար՝ ստակի վեճ ու խնդիր հարուցանել. տիկին Տեմիրճյան այս ծրագրին քիչ մը դեմ կեցավ, իր մայրենի փառատենչիկ սրտին համար մեծ տեղե առնելու էին աղջիկը. բայց հայրը իր որոշումը հարգել տվավ և այսպէս որոշվեցավ էլպիսի ամուսնութիւնը:

Աղջկան համար փուլթ շէր ամուսին ըլլալիք անձին ով ըլլալը. իր սիրտը անհանգիստ թռչուններուն կը նմաներ որ կը սիրեն թռչիլ հոսկե հոն, անդադար նորութեան մեջ գտնելով հաճույքը. ուսում շուններ. իր պատանուհիւն ատենի սիրահարութեան նամակները գրած ատեն մեծագույն տառապանքը կը քաշեր. թուղթը ոսկեզօծ, գարդարուն, գեղեցիկ, բայց սկսելու բառն կը շփոթեր ուղղագրութեան համար և իր բազմաթիվ սիրահարներուն կը գրեր.

— Յոգիս, խուշս:

Նամակին անուշահոտ, խորհրդավոր ու արթիսթիկ ծալքերը, երևույթը, ուղղագրութեան սխալները, ոճին ռամկութիւնը կը մոռցնէին նամակագրին սիրուն աչքերը, գեղեցիկ մագերը՝ նորատի հարուստ աղջիկի առավելութիւնը հիշեցնելու համար:

Գիշեր ատեն իրենց թաշ Վերտիվենի տան պարտեզին դուրան քով ժամադրութիւնները կը պատմեին գլուղին մեջ այս

անվախ աղջիկին որ մարդն չէր քաշվեր ու դպրոցին էն գծ-
զեցիկ տղաքներուն հոժարափուլթ կը նվիրեր իր սերը և համա-
բույրները:

Լևոն ոչինչ գիտեր այս ամենն և այն կապույտ ժապավե-
նով կապված նամակներու ծրարեն որ էլպիս Տեմիրճյանի նըն-
շասենյակին մեջ, անկողնին տակ պահած էր խնամով:

Երբ իր ամուսնության խոսքը հաստատվեցավ, էլպիս բա-
ցավ այս ծրարը որ հիմա դեղնած էջեր, գունատ մելանով բա-
ռեր կը պարունակեր և տարբեր տարբեր ստորագրություններ.
երբեմն անունին առաջին գիրը միայն, երբեմն անունն ու մա-
կանունը միասին, ամբողջությամբ. երբեմն ստորագրության
տեղ վերջին հայտարարություն մը սիրո, անվերջանալի սիրու
քաղվածք մը կըներ այս ամենն, շորս տարվան կյանքն,
գաղտնիքներով, համբույրներով, անպիս սիրահարներով լե-
ցուն, մի ա՛ն մի զատվեր էր որոնցմե, ձանձրանալով բոլորե՞ն
ալ, միևնույն խոսքերը, հայտարարությունները լսելով, և հաս-
կընալով որ այս դպրոցականները ամուսնանալու մարդիկ չեն:

Նորեն ժողվեց ծրարը, նամակները, իրենց սովորական
ծալթովը ամփոփեց, մեյ մը այրել ոչնչացնել ուզեց այս ամե-
նը, թե որ մեկու մը ձե՛ռք իյնար, բայց սիրտը չի թողուց որ
այս խորհուրդը գործադրե:

Իր խոսեցյալին հետ միայն սիրահարությամբ չէր սկսած
և լավ մը չէր գիտեր անոր հետ ինչպես վարվելու եղանակը:
Լևոն կյուրակե օրերը կուգար միայն, ճշտապահ, որոշյալ ժա-
մին. ցորեկվան ճաշը միասին կընեին ու գիշերը հոն կանցը-
նեի. երբեմն պտույտ մը ընելու կելլեին թև թևի և խոսակցու-
թյունը կսպառեր իրենց շրթունքին վրա. ոչ սիրո խոսքեր, ոչ
ապագայի խորհուրդներ. օտարական այցելու մը՝ ասկե զգույշ
չի պիտի ըլլար. երկուքն ալ իրարու լեզվե անտեղյակ՝ իրենց
գաղափարներուն մեջ կառանձնանային:

Կյուրակե առտու իր սովորության համեմատ Օրթագյուզ
կերթար Լևոն. Կամուրջեն շոգենավ նստավ և քովի խցիկներե՞ն
միույն մեջ դեռ առջի իրիկվան ներկայացման կը խորհեր,
միտքով կը հիշեր կը վերլուծեր նարդիկի դեմքը և զմայլելի

կը գտներ և անոր քով իր նշանածը աննշան, անհրապույր էակ մը կը մնար. Քաշ-Վերտիվեն Տեմիրճյաններուն տան մեջ միևնույն բաղդատությունը կը շարունակվեր միտքին մեջ, և էլպիս ամփոփված մազերովը՝ գլխուն վրա գալարված օձ մը ունեցող աղջկան մը կը նմաներ. քալած ատեն հատուկ ջանքով մը կը ցուցներ կարծես իր ճերմակ գուլպաները, որոնցմե երիտասարդը կը գարշեր և ականջեն կախած աղամանդե օղերը պարտիզակցի հարսի մը երևույթը կուտային անոր:

Լեոն սովորաբար քիչ խոսող մեկն էր. այն օրը արձանի մը լուսթյունը պահեց:

Ցորեկվան ճաշեն ետքը բազմություն հավաքվեցավ Տեմիրճյաններուն բնակարանը. նախ վաճառականին փռեֆի ընկերները. Ստեփանիկ աղան, և Շամյան Հովակիմ էֆենտին, Հովակիմ էֆենտիին տղան Արմենակ, գյուղին թաղականներեն մին՝ Մելքոն էֆենտի իր կնոջ հետ, նիհար կին մը՝ մարած աչքերով որոնց մեջ վերադարձի իղձերը հայտնի կը կարգացվեին:

Ընդունելության սովորական սենյակին մեկ անկյունը, փռեֆաճիները՝ սկսան խաղերնին, և ընդհանուր խոսակցության մեջ ձայներնին կուգար կը հասներ ընդմիջելով ամենքը.

— Փիք սեքիզ:

— Սպաթի սեքիզ:

Տեմիրճյանի միակ տկար կողմն էր այս խաղը որ իր աճուրդի, մրցումի ոգևորությամբը զինքը կը հափշտակեր. կավեցնեին և ինքն ալ կավեցնեք, մոռնալով հաշիվը ու վնասը:

— Միզեռ, կը գոշեր վերջապես համբերությունը հատած, այնպիսի թուղթով մը որ ապահով վեց ձեռք կը կտտրեր: Եվ եթե հաջողեր, հազվագյուտ բացառություն, անվնաս ելլել միզեռեն, այն ատեն իր բերկրության շափ ու սահման չի կար:

Հիմա նորեն կորսված էր իր փռեֆին նրբությանցը մեջ, մինչդեռ անդին տիկին Մելքոն իր էրիկը կը պաշտպաներ անիրավ հարձակումներու դեմ:

— Իմ էրիկս բանկալ գացած օրը հարյուր դրուշ ավելի հասույթ կրլա. հասկցա՞ք, մյուսյու Արմենակ:

Քուղթի սեղանեն Ստեփանիկ աղա խոսքի կը խառնվեր.

— Իմ քովս ալ եկած ատեն միշտ կը կորսնցնեմ. տեսե՞ք ճիշտ այս վայրկենին...:

Քաղականը կը հեռանար նախապաշարյալ քոնսուլիտճիեն որ ուղուրի, խատեմի շափազանց կարևորութիւն կուտար:

Իսկ Արմենակը կը խոսեր էլպիսին մորը հետ, իբրև բարեկիրթ տղա որ ծերերը կը հարգե, գիտե անոնց հաճելի ըլլալ. Անգլիո կյանքեն հատվածներ, հետաքրքրական նյութեր կը պատմեր, երբեմն խոսքը ուղղելով էլպիսին, անոր ալ կարծիքն առնելու համար:

Դուռը զարնվեցավ, նոր հյուրեր եկան, նախ Սուրբիկ տուտուն՝ գյուղին պառավը, շատախոս ու շարախոս կին ուրկե մամն ոք և մասնավորապես Ստեփանիկ աղա կը սարսափեր իբրև փորձյալ ուղուրսուզ մը, օրիորդ Վասիլիկ Քալեմճյան իր եղբոր Տիգրանին հետ էլպիսը դիմավորեց:

— Ի՞նչպես ես, աղե՞կ ես, Սուրբիկ տուտու:

— Գեշին գեշը. զաթը ո՞վ աղեկ է քի ես աղեկ ըլլամ:

Հետո օր. Տեմիրճյան Վասիլիկին քովը եկավ. համբուրեցին զիրար, մինչդեռ Տիգրան իր քրոջ քովիկը կեցած՝ այս շրթանց հպումը տեսնելով կը խոռվեր:

Սուրբիկ տուտուն օրվան լուրերը կը բերեր, սովորաբար շարագուշակ և ձախորդ լուրեր:

Հոգնութիւն առնելե, խահվեն խմելե վերջը իր առջի խոսքը այս եղավ.

— Ֆուլիկ հանրմին աղջիկը հիշ աղեկ չէ՛: Ամենքը հարցուցին հիվանդը, հիվանդութիւնը:

— Ո՞ր աղջիկը:

— Մեկ հատ մը ունի, Նոյեմին:

Վասիլիկ ճանչցավ:

— Մեկտեղ դպրոց գացած ենք:

էլպիս ալ գիտեր, ամեն եկեղեցի երթալուն պատուհանը կը տեսներ:

— Հույս չի կա, կրսեր պառավը, երերցնելով գլուխը, վերեմ է ըսեր են տոբթորները:

Արմենակ հիվանդին վրա ըսված խոսքերը մտիկ կըններ:

Փռեֆին սեղանեն՝ ձայները կը բարձրանային կատաղի, գրգռիչ, ասպարեզ կարդալով իրարու:

— Քառո՛ օն:

Որուն դիմացինը տեղի կուտար վերջապես մեղմ ու խոնարհ ձայնով:

— Փասսո:

Կորսնցունողը կը գանգատեր թղթին ձախորդութենեն, ընկերոջը ապիկարութենեն, այս տրտունջներուն պատասխանատու մեկը փնտրելով:

Լևոն հազիվ երկու խոսք արտասաներ էր բոլոր օրը, կը նեղանար այս անմիտ խոսքերուն և մարդերուն մեջ, իրիկվան դեմ բարուրանք մը հնարեց, մորը անհանգստությունը, գիշերը Պոլիս դառնալու համար:

Վաճառականը դիմադրեց, էլպիս նույնպես աղաչեց Լևոնին որ չերթա, բայց երիտասարդը համառեցավ ու թողուցին որ մեկնի:

Սուրբիկ տուտուն աղեկ գաղափար մը չէր կրնար ունենալ, այս սակավախոս ու մարդատյաց տղուն վրա:

— Նշանածո՞ շատ քիպիր կերևա կոր, ըսավ էլպիսին:

Հետո մյուս հյուրերը գացին, իսկ Արմենակ ամենեն վերջը, սպասելով հորը որ փռեֆը վերջացունեն:

Տեմիրճյան շահեցավ և այդ վաղանցիկ հաջողությամբն ընկճելով դիմացիները կը պողար հիմա.

— Մազեթաներ:

Հովակիմ աղա ոսկի ու կես կորսնցուց, Ստեփանիկ աղա չորս մեծիտիե, բայց Տեմիրճյան դեռ իր փափազը առած չէր թուղթեն:

— Ծաշեն ետքը միանանք:

Արմենակ էլպիսին շուրջը կը դառնար, մեծարանքներով, ֆաղաքուչ խոսքերով:

Լևոն՝ Պոլիս դառնալուն նարդիկի տան առչկեն անցավ, անորոշ հույսեր ունեւ, դերասանուհին թերևս դրանք առչե կամ պատուհանը նստած պիտի տեսներ. ո՛չ ոք, անցավ, բարկանալով որ այսպիսի անակնկալ հաճույք մը չէր կրցած վա-

յնչեւ. տունը՝ շի կրցաւ մորը երկար բարակ հարցումներու՝ պատասխանել:

— Նշանածոյ ի՞նչպես էր, տիկին Տեմիրճյան ի՞նչպես է, ո՞ր կար, ինչո՞ւ գիշերը շի կեցար նշանածիդ:

— Չեմ գիտեր, կըսեր երիտասարդը:

— Չէ նե մի նոր բան կա:

— Ի՞նչ նոր բան, խե՞նթ ես, մայրիկ:

Մորը երկյուզը փարատելին ետքը, ճաշեցին, ժամը մեկ ու կեսին դուրս ելավ: Ամառվան տաքը՝ փողոցին օդը տաք, անշնչելի կընէր. ամենքը դրան առջև նստած գիշերվան զովոթթյունը կը փնտրեին:

Նարդիկի տան առջև երկու հոգի կար. դուռը բաց էր, լևոնին սիրտը ուժգին բաբախեց. մոտեցաւ, դերասանուհին էր, հիսուննոց կնկան մը հետ նստած:

— Հրամմեցեք, աթոռ մը տուր, Թե՛յգե:

— Ո՛չ, ներեցեք:

Լևոն կը մերժեր առանց ուզելու, նստելու անհուն փափաքին հակառակ:

— Այցելություններ ունիք անշուշտ, կըսեր Նարդիկ, գորւշեք կընար թողուլ:

Լևոն շփոթեցաւ:

— Բան մը չունիմ:

— Ինչո՞ւ չեք նստիր ուրեմն:

Երիտասարդը առավ աթոռ, մինչդեռ Թեյգեն կը դիտեր գինքը մանրակրկիտ քննությամբ:

Մինչև ժամը հինգ խոսեցան առջի օրվան ներկայացումին, ուրբաթ օրվան Ալեմտաղի երթալու ծրագիրին վրա. հետո լեվոն մեկնեցաւ. իսկ դերասանուհին հաջորդ գիշեր նորեն գալու խոստում առավ անկեց:

Հետևյալ առավոտ ուշ գնաց վաճառատուն. ճամփան՝ պատուհանը նստած տեսաւ Նարդիկը. մազերը թափած, առավոտի շնորհալի անկարգության մեջ. բարևեց անցաւ. քայլերը հառաջ շի տարին գինքը. ետին դարձաւ. Նարդիկ ալ իրեն կը նայեր դեռ և կը ժպտեր:

Վաճառատան մեջ ամեն ինչ անկարգ անիմաստ թվեցավ իրեն. գրագիրներուն սրբողեցավ. բեռնակիրները շախեց, գործերը կը կարգադրեր հապճեպով, վայրկյան մ'առաջ լմնցնելու, դուրս նետվելու փափագով տանջված: Ներսը երկաթ կը կրեին շարունակ, իրարու վրա կը դիզեին փութոնելները որոնց բախման ձայներովը վաճառատունը կը թնդար:

Լեոն այն օրվան գանձվելիք փոխանակագիրները աչքե անցուց որոց համար մինչև իրիկուն սպասելու պարտավոր էր, այս սպասելը տաժանելի գերության մը պես եկավ իրեն սըրտին. և ոչ իսկ օր մը ազատութուն. այս վայրկյանիս բոլոր գանձապետի, տնօրենի դիրքը ազատ մուրացիկի վիճակին հետ պիտի փոխեր: Այսպես շրջիցավ վաճառատան մեջ, առանց կարենալ աշխատելու, միայն ժամերը մոռնալու ջանքով. իրիկվան դպրոցե արձակվող տղու մը պես դուրս ելավ գրասենյակեն դերասանուհիույն տան առջևն անցնելու համար միայն. հոն շի պատահեցավ Նարդիկին, դուռը, փողոցը մարդ չիկար, գիշերը ճաշեն վերջը վերագարձավ, առանց հանդպելու Նարդիկին: Հետևյալ առտու նույնպես Լեոն Տեվեճյանը հիշեց:

Այդ օրը Տեմիրճյաններու գանձապետը կատարյալ հիմարի մը ձևը ուներ. այն սովորաբար քիչ խոսող երիտասարդին, հանդարտ ու պաղարյուն մարդուն տեղ, առանց պատճառի զայրացած կատղած մեկն էր, որ այցելուի, հաճախորդի հետ անգամ հայտնի անհամբերութեամբ կը խոսեր:

Ժամը Ցին Շամլյան Արմենակ եկավ հորը կողմե խնդիրք մը ընելու Տեմիրճյանին. վաճառականն իր գանձապետը կանչեց. երկու հազար ոսկվո ապրանքի վրա Շամլյանները երաշխավոր ըլլալ կառաջարկեին իրեն, կարևոր շահու բաժին մը խոստանալով:

Արմենակ առաջարկութեան շահավոր կողմերը կը պարզերոտքի վրա կեցած, գլխարկը ձեռքը. Լեոն ժամանակ ուզեց մըտածելու. Շամլյան գործին ստիպողական ըլլալը կը հայտնեիր. պայմաններուն վրա վիճեցան քիչ մ'ալ. հարյուրին հինգ շահ կուտար Շամլյան և Լեոն հարյուրին քսան կը պահանջեր. միջոց մը խոսակցութիւնը դառնացավ:

— Ապուշի տե՞ղ դնել կուզեք զիս, կըսեր Արմենակ:

— Ամենևին. քայց երկու հազար ոսկւո հանձնառության մը տակ դյուրավ շի մտնվիր:

— Ի՞նչ վնաս, քանի որ մեզի երաշխավոր պիտի ըլլաք. կը կասկածի՞ք մեր վրա:

— Ամենուն վրա կը կասկածիմ:

Տեմիրճյան միջամտեց. Լեոն աչք ըրավ անոր մերժելու համար և վաճառականը՝ շի կրնալը հասկցուց. Արմենակ տեսալ որ օգուտ չունին իր փաստերը, վերջին հուսահատական փորձ մը փորձեց. ստույգը այն էր որ բուն իսկ իրենց վաճառքն էր որ օտարի մը նոր գնվելիք ապրանքի մը պես ցույց կուտային Տեմիրճյանին, անոր երաշխավորութամբը հրապարակեն երկու հազար ոսկւո փոխառություն մը ընելու հույսով:

— Դուք դիտեք, ես Մարտիրոս էֆենտիեն առաջ ձեզի գալ ուզեցի. անոր հետ հարյուրին հինգով կրնայի լմնցնել:

Մեկնեցավ, Տեմիրճյան Շամլյաններուն վիճակին վրա տարակույսներ կը հայտներ Լեոնին:

— Ի՞նչ է սա երկու հազար ոսկի քեզի վրա ապրանքը, խելքս շի հասալ:

— Ոչ ալ իմս:

— Դուն այսօր անհանգստություն մը ունիս վրադ, հիվանդ ես:

Գանձապետը շի պատասխանեց այդ հարցման և Մարտիրոս էֆենտիի վրա դարձուց խոսքը. ո՞վ էր այս մարդը, ուսկի՞ց էր իր հարստությունը. Տեմիրճյան կը հիշեր որ տասը տարի առաջ աննշան վաշխառու մ'էր:

Այն իրիկվան վերադարձին Նարդիկի տան շի մոտեցած, միտքեն՝ պիտի տեսնեմ, շի պիտի տեսնեմի գուշակություններ ըրավ. փորձեր կատարեց. ճամփուն վրա իր գտնված տեղեն մինչև սա շենքը թե որ հարյուր քայլե ավելի չըլլար, Նարդիկ պատուհանն պիտի գտնվեր. թե որ հարյուր քայլե ավելի ըլլար հեռավորությունը՝ Նարդիկը պիտի շի տեսներ. և քայլերը կառներ մեծ-մեծ, ամեն ճիգ թափելով որ հարյուր քայլը շանցնի և կարենա այն իրիկուն դերասանուհւոյն երեսը տեսնել. այսպես ճամփան շարունակ իր սիրած նյութին խորհելով զբաղեցավ մինչև երանավետ տան մոտ:

Նարդիկ՝ պատուհանն էր. գուշակութիւնը ճիշտ ելավ. պատուհանը բացվեցավ. խոսեցան: Ճաշեն ետքը նորեն վերագարծավ և ձեռքը բռնելով անոր իր դողդոջուն ձեռքերուն մեջ, լեռն երկու օրվան տառապանքը, մահացումը պատմեց:

— Չե՛մ կրնար գրեզ չի տեսնել. օդը, լույսը ինչպես պետք է ինծի, այնպես քեզ տեսնելու պետք ունիմ:

Դերասանուհին այս խելահեղ սիրույն ունկնդրելով կարքենար:

— Տեսի՛ր ուրեմն զիս ամեն օր:

Գիշերվան զովութիւնը կուգար առանց մեղմելու իրենց տագնապներուն սաստկութիւնը. փողոցին լուսիւնը, առանձնութիւնը, մութին հետ կը շրջապատեին երիտասարդն ու երիտասարդուհին անոնց գաղտնիքը պահել խոստանալով:

Անկե վերջը ամեն գիշեր լեռն նարդիկի տունեն անպակաս եղավ:

Իսկյուտարեն Ալեմտաղի տանող ճամփուն վրա, երկու փառքեր կը վազեին անիվներեն բարձրացող փողիին մեջեն, հազիվ արշալույս էր. Չամլըճալի սարեն տարածվող լեռնադաշտին մեջ շօսեին բիլ գույնը կը ճշտվեր, օձապտույտ գալարումներով հողին մեղրագույն մակերևույթին վրա:

Մարդ չի կար այսքան կանուխ այս միայնութիւն մեջ, բացի ածուխ բռնավորված կովի կառքի մը քովեն, հետիոտն, թոպիկ քալող, մուրեն ու արևեն սեցած մարդեն՝ որ կես գիշերեն ի վեր քնաշրջիկի մը պես հուշիկ, այս ծուլ կենդանիներուն ետևեն կուգար շարունակ. պահ մը ածխավաճառը կենդանութիւն նշան կուտար, կարթննար և այս երկար և անժառ ճամփուն վրա, արևին ջերմութիւն տակ չի մնալու ջանքով, իր համրնթաց կովերը կը մշտեռ ձեռքի երկար խթանովը, կովերը կը ցատկեին, խույս տալով խթանին սուր ցավեն, մեկտեղ քաշելով իրենց անտանելի բեռը. հետո քիչ քիչ կը մեղմացնեին ընթացքնին, իրենց առջի դանդաղ քայլածքին վերագառնալու համար, մինչդեռ մարդը երբեմն հայհոյելով, երբեմն շողոթորթ գգվանքով իզուր փութացնել կուգեր զանոնք: հետո ինքն ալ իր միօրինակ քայլածքին, կես մրափին մեջ

կիյնար նորեն. վերջապես կը հեռանային կակուղ հողին վրա
բացված վարուն արահետեն զոր ամառը սալլավարը կը նախ-
ընտրե պաշտոնական կարծր քարուղիին:

Առաջին Բուփեին մեջ Նարդիկի համբերությունը սպառելու
մոտ էր, Իսկյուտարի նավամատուցեն ճամփու ելլելուն ի վեր
քեղմված մնալին:

— Զեկա՛նք դեռ:

— Կես ճամփան անգամ շեկանք, ըսավ Պասմաճյան Հա-
կոբիկ. տիկին Մազլըմյան փոքրիկ կառքին մեջ ճնշված կը
կենար:

— Ոսկորներս կոտորտեցան, ըսավ ան ալ:

— Դուն ոսկոր չունիս, բոլոր միս ես:

Ննդացին:

Հետն Նարդիկի դեմը նստած ծունկ ծունկի գանգատելու
մտադիր շէր ճամփուն երկայնութենեն. միայն դերասանուհի-
վույն անհանգստությունը տեսնելով բառ մը ըսելու պետքը
զգաց.

— Նեղեցի Զեզ:

— Ո՛չ, ո՛չ:

Հետն դռնակեն կը դիտեր կառքին ընթացքին հետ, կտոր
կտոր աչքին առջև պարզվող սարահարթին թեթն ելնէջները.
ձախ կողմեն՝ հեռուն, լեռներուն շարքը և անոնց կողերը պա-
տրոտող ձորերուն խոնավ ստվերները. ու աջեն՝ ուսկից ցա-
մաքը հետզհետե, մեղմիվ կը խոնարհեր ծովին կը հասներ, Սե-
լիմիեյի դեղին գորանոցը քառյակ աշտարակներով. անդին
Քատրգյուղն իր շեն ու փայտաշեն տուններով. հետո Ֆեներ-
Պահչեի լեզվակը որուն ծայրի սհակը՝ սպիտակ ու մաքուր որ
հեռուեն՝ ծովեն ելած ու պուռնուզի մը մեջ փաթթված մարդու
կը նմաներ. և ավելի անդին Մարմարայի կապույտ ջուրերուն
մեջ կղզիներն, Քնալըն՝ շիկորակ բլուր մը. Պուրկազ՝ փոքրիկ
ձագուկ մը առջին ձգած. Հալրիի բլուրները իրենց շոճիներու
վեղարով և Մեծ կղզին գույնզգույն շքեղ ապարանքներով
հպարտացած:

Ճամփան շարունակվեցավ անիվներուն միօրինակ թավալ-
ման գրդոյունովը և Հակոբիկի կատակներով խառնված. մինչ-

գեռ Լևոն իր գործը, գրասենյակը կենացը մեջ առաջին անգամ
թողած ըլլալու խղճահարութեամբ կը մտածեր և Նարդիկի մտա-
գտած երանութեամբը մոռնալու կաշխատեր:

— Ես Մարմարան կը սիրեմ, կըսեր դերասանուհին:

— Ես ալ, ըսավ Հակոբիկ:

Տիկին Մազլումյան Մարմարան կատեր:

— Վոսփորը Մարմարային շեմ փոխեր:

— Վոսփորդ ալ կը սիրենք, տիկին, պատասխանեց երի-
տասարդը:

Խնդալով մարեցան:

— Ընկից ալ կը գտնես, կըսեր տիկին Մազլումյան, ջա-
նալով քոտսին կապերը թուլցնել:

Վերջապես ծառերու խումբ մը տեսնվեցավ. Տուտուրը հա-
սան, ճամփուն աջ կողմը պուրակ մը, ձախը՝ հերկված հողեր,
քառակուսիներ նոր կամ հինն հերկվելուն համեմատ տարբե-
րելով իրենց գույներուն մեջ, գույնդգույն պասմայի կտորներե
շինված ընդարձակ սալանի մը պես ու գյուղին շրջակայքը
կը ծածկեր բոլոր, պարտեզներ, որոնք ծառի ոստերով ձևացած
ցածուկ պատերով կը զատվին, բանջարեղեններու ածուներ
իրենց նեղ ակոսներով, սրճարան մը դեռ գիշերը գոց. ան-
դին տնակները՝ փայտաշեն ու գեղջուկ բնակարաններ և մըզ-
կիթը իր պարզ մինարեով:

Այս էր Տուտուրուն, տաճիկ գյուղ ուր կանգ կառնե Ալեմ-
տաղի գացող ամեն կառք, արևակեց ճամփուն երկարութենեն
հոգնած:

Հագիւլ առաւոտ էր հիմա, արևուն ամփոփ ճառագայթները
կելլեին կը ցրվեին շորս կողմ, լեռներուն և ծառերուն կատար-
ները շողացնելով. ու քիչ քիչ շոգիացնելով գիշերվան ցողը որ
վճիտ բյուրեղներու պես տերևներու ու ծաղիկներուն վրա տա-
րածված կը փալիւլեր:

Գյուղը դեռ քունի հանդարտութեան, ամայութեան մեջ էր.
մեկ երկու հողի ախոռներուն դրան մոտ կը տեսնվեին ձեռքեր-
էին պղինձե ամաններով. ուրիշ մը աղբյուրեն երեսը կը լվար:

Կառքերեն իջան հոն, ծառոց շուքին տակ խոտերուն վրա
մոռցված աթոռակները գտան. երկրորդ կառքը անակնկալ կոչ-

նականներ կը բերեր, դուրս կը հաներ, զոր Հակոբիկ իր փառքի կարգադրելու պաշտոնին մեջ չէ՛ր կրնար մոռնալ, Պոլսո էն ճարտար համբավավոր նվագածուները, երգիչները. Նարդիկ ծափ զարկավ. մինչև հոն երիտասարդը գաղտնի պահած էր ասոնց գալը, կառք մը կուգար կը հետևեր իրենց կառքին, բայց հոն գտնվողները չէին կրցած տեսնել:

Դերասանուհին կը ճանչնար ասոնք՝ Ակոնին, Ճիվանը, Սատրին, շորրորդը շի գիտցավ. մարդիկը բարենեցին, խումբ մը կազմեցին, տիկին Մազլըմյան կառքի անձուկ անկյունեն ազատած, կսկսեր համարձակ շունչ առնել:

— էո՛Ք, քիչ մ'ալ անցներ նե պիտի խղղվեի:

Նախաճաշի պատրաստութիւններ տեսան, ծառերուն զովութիւնը կը պատսպարեր զիրենք ելլող արևին տաքութենէն. գլուզը կարթննար, կը շարժեր, եզերը արածելու կը տանեին, սրճարանը կը բացվեր:

Իրենց պաշարեն մաս մը հանեցին դուրս, գլուզեն մածուն ծախու առին, գետինը ձգված ճերմակ սփռոցի մը վրա նախաճաշիկնին ըրին, կշտացան. հետո Բահվեն եկավ, տիկին Մազլըմյան հիմա բողբոջին հանած էր Բոսսեն, իր ամենօրյա թըշնամին ուրկե չէր կրնար զատվիլ, Լևոն կը ծխեր խոտին վրա պառկած. Հակոբիկ՝ նարկիլե կը քաշեր, աչքերը կիսափակ:

— Քաֆսիմ մը, ըսավ Ակոնիին դառնալով:

Ակոնին Բեւեհնէն հանեց իր սև լաթե ծածկույթեն, փույթերը դարձուց, թելերը համաձայնեցնելով, հետո սկսավ, մյուսները կունկնդրեին լռիկ, լավ կերակուրե մը հառաջ եկած թմրութեան մեջ թաղված:

Նվագարանին մեղմ ու դաշն ձայնը՝ տերևոց խարշափուին մեջ բարձրացավ, աղեղը կերթնեկեր աղյաց վրա, Ակոնիին դեմքը կը գունավորեր, կը կենդանանար իր մատներեն թռչող ձայնին զորութեամբ:

Աղաշավոր շեշտերով կսկսեր. կարծես. քաղցրութեամբ համոզել ուզեր մեկը, ու դործիքին ձայնը կը մեղմանար, կը մեղմանար, անլսելի ըլլալու չափ, իբրև թե շունչը սպառեր այս պաղատանաց մեջ:

Նորեն չը բարձրանար ձայնը հնչուն, հզոր, հանդիմանա-

կան ձևով. սպառնալիքը աղաչանաց կը հաջորդեր, հետո նորձն կը թուլնար կը խոնարհեր, հեզիկ, գլխիկոր իբրև թե ներողութիւն խնդրեր առջի հպարտութեան համար:

Եվ ունկնդիրները բառ մը չէին արտասաններ շնորհատելու համար ներդաշնակութիւնը որ խարվելու շափ կը նմաներ վճարը, ծառին ոստին վրա պահվըտած թռչունի մը ձայնին:

Քաֆսիմն էր այս, ետքը շորսը միացած, մին՝ իր ուտով, մյուսն՝ լավութայով, շորրորդն իր դափով փեշրեվր սկսան:

Նարդիկ սթափեցավ. եղանակը հարցուց, ուշաֆ կը զարնեին, լեռն բան մը շէր գիտեր, շէր հարցններ, վերջեն երգերու կարգը եկավ, կիները հրամաններ կուտային, այս երգը կուգեին, իրենք ալ կընկերանային երգիչներուն, հնչեցնելով ծառերուն անխոսիկ արծազանքը, մինչդեռ նվագածունները կը մէղմացնեին իրենց ձայները կանանց թարմ ու քաղցր ձայները լսելի ընել տալու համար:

Գյուղեն իրենց արտը գացողներ կանգ կառնեին ճամփուն վրա, ասոնց շուրջը, մտիկ ընելով այս եղանակներուն որոնք իրենց արեւիքցիի մելամաղձոտ ու դանդաղ դոյութեան կը համապատասխանեին, մինչդեռ Բեմենչեն իր սուր, ազդու ձայնք կը նետեր օդին մեջ և ուտը իր բամբուլ անոր ստվար շեշտը կուտար:

Ալեմտաղիի մեջ իրենց գալուստը շփոթութիւն շիհարույց, շատ տեսեր էին ասոնց պես զվարճանալու եկողներ. ճամփուն վրա հանդիպողներ կը կենային վայրկյան մը առջի կառքին մեջի կիներուն նայելու համար և այսչափ միայն, և անտառին մեջ կերթային, ծուլլ, դանդաղ, փայտ բերելու:

Հակոբիկ ամենքը կը ճանչնար այս գյուղացիներուն, ահավասիկ Փարթամ շորպաճին. օտարական մը՝ այս անունը լսելով դառն հեզութիւն մը լսել պիտի կարծեր շորպաճին պատառուն ու ողորմելի հագուստը, երևույթը տեսնելով. փարթամութենե զատ ամեն բան կար հոն. սա թուխ, սև աչվի երիտասարդը՝ Օղիկենց փեսան՝ սայլավար մը անցյալ տարի ամուսնացած. Հակոբիկ կը բացատրեր այս ամենը. լեռն՝ հիմա իբր վաճառատան կը խորհեր, դողալով որ ծանոթ շի գտնվեր այս կողմերը. բոլոր կյանքին մեջ առաջին անգամ ըլլալով մաս-

Նակից կըլլար ասանկ զբոսանքի մը, թողլով բանը գործը. և իր սակավապետ ու աշխատասեր երիտասարդի սովորութիւնները, իր նշանած անձի վիճակը կը բողոքեին կարծես այս գաղտնի և փախստական սիրահարութեան դեմ:

Հոս չի կեցան շատ, Հակոբիկ ցորեկվան և իրիկվան ճաշին պատրաստութիւններով զբաղած է, կերակուրները, աղանդերը կորոշե, կովի սայլեր պատրաստել կուտա ճերմակ սավանեծ ծածկույթով, գահավորակի մը պես որով Գաշտելին պիտի երթան, և կը մեկնին կիները՝ ընկողմանած այս երկար, վրան քաց, տամիւնայի տուփի ձևով կառքերուն մեջ, Հակոբիկ՝ փորձ սայլավարի մը պես անուշ խոսքերով գզվելով հանդարտաքայլ գոմեշներուն ընթացքը, ամեն մեկուն իր անունը տալով.

— Տի՛հ, Պենեկլի:

Կամ թե՛

— Կյոզյունի սևտիկիմ Քարամանը:

Գյուղացի սայլավարը կը խնդար իր բարբառը Հակոբիկի բերնեն լսելով, մինչդեռ գոմեշները զիրենք վարող անծանոթ ձայնեն զարմացած կսկսին վազել անտառին նեղ ու մութ արահետին մեջ միսվելով և իրենց ոստոստումին մեջ սպառնալով կործանել, շրջել ետևնուն ձգված երկար ու ծանր տուփու: Եվ այս ցնցումներուն, սասանումներուն մեջ իւր նարդիկի մտոր նստած կը տատաներ ինքն ալ ուրիշ աշխարհի մը երազներուն մեջ: Ըհշտ քովեն գաղտուկ՝ կը դիտեր դերասանուհիվոյն մաքուր դիմագիծը, այտին վրա մորթին վարդագույն ներկվող կաթնաթույր փափկութիւնը. կունակեն առատ, ոսկեփայլ մազերը վեր ժողված, ծոծրակը կը տեսնվեր նուրբ, թեթև ազվամազի մը սովերին մեջ և ավելի վար շիփակին օձիքեն՝ պարանոցը՝ դողդոջուն, կարծես երջանիկ ձեռքի մը փայփայանաց կարոտ, կերթար կը միանար վայելչապանծ, ինքնամատույց կուրծքերուն:

Երիտասարդը իր զմայլման մեջ ինքնիրեն բաղդատութիւն մը կընէր հոս այս երկու կիներուն մեջ. տիկին Մազլըմյան գեր, մսալի, պարպատան լանջով, լայն շրջագետին ծալքերով, սոնք և փարթամ հրապույրներով լեցնելով բոլոր կառքը առ այս պահուս թիկնահեց երկնցած մեկ կողմեն ցույց կուտար

ճերմակ վզին ծրունքը և առույգաբարձ երանաց վայելչությունը:

Մին՝ իր միսի հարուստ և վաճառիկ գեղովը կը պանծար, մյուսը իր ձեին, շնորհին վայելչությամբը կիշխեր սիրտերու:

Դաշտելենի աղբյուրին քով, գետինը ծածկող շորցած տերևներուն վրա, անտառին զով ստվերին տակ նստեր էին, օղիի սրվակներու, փոքրիկ բաժակներու և բազմատեսակ աղանդերի շուրջը բոլորվելով:

Առայ նվագածուններուն տվին օղիով լեցուն գավաթներ, հետո իրենք ալ առին, պզտիկ բաժակները բախելով:

Ջուր բերին աղբյուրեն, երկրորդ օւլին Դաշտելենի կենաց առաջարկեց Հակոբիկ. հիմա հիշատակներ կը պատմեր անցյալ զվարճություններե բազված ճիշտ այստեղ, Դաշտելենի աղբյուրին քով. հետո տիկին Մազլըմյանի կյանքին խմեց,

— Կենա՛ցդ, Սուրբիկ, պոռալով:

— Կենա՛ցդ, Սուրբի՛կ. կրկնեց անտառը խորունկեն:

Արձագանքը զիրենք զվարճացուց, նարդիկ ծառոց բունին փաթեթովո՞ղ մամուռներ ժողվելու ելավ, մյուսներն ալ ցրված հոս հոն բարձրաձայն կը պոռային օ՛հ, օ՛հ և անտառը իր լուռության մեջ վրդոված, այս զվարճասերներուն հետ ինքն ալ ուրախացած վայրկյան մը կը պատասխաներ օ՛հ, օ՛հ, ետ չէր մնար անոնցմե, մոռնալով իր ծերությունը:

Օղիին բաժակները նորեն ու նորեն բարձրացան, զարնվեցան իրարու, սիրտերը, զլուսները տաքցնելով, բարեմաղթություններով, կատակներով ընդմիջված: Նվագածունները՝ գործիքնին ձեռք կառնեին, նախ զարնելով այս ու այն թելին, բաղադրելով հնչումները իրարու հետ:

Ցածեն, մեղմիվ ուտը՝ իր թավ ձայնը մեջտեղ կը նետեր, պզտիկ եղանակի կտորով մը ու կանգ կառներ. հետո կսկսեր նորեն, ու նորեն կը դադրեր, վերջը կը շարունակեր եղանակը և հարիչին՝ աղյաց վրա զարնվածքը ունկնդիրներուն սրտին մեջ արձագանք կուտար. ամեն բան կըսեր ու բան մը չէր ըսեր այս երաժշտությունը, իր հրապույրը սևեր հագնող գեղանի կնոջ մը պես, տխրությունն էր:

Անտառը իր լուռության մեջ կը թաղվեր, ծառերը անշարժ կը

մնային իրենց երկարածիգ արմատներուն վրա, և ուտին ձայնը
վը բարձրանար, կը խոնարհեր, կը վարաներ, կամ ազատ հա-
մարձակ դուրս կը սլանար արաք նվագարանին գոգ և ուռուցիկ
կուրծքեն զոր նվագածուն՝ հառաչանքով լեցուն սիրուհովո մը
կուրծքին պես կը սեղմեր իր սրտին վրա:

— Սուգիւնաւ կուզեմ, պոռաց նարդիկ:

Սուգինաք նվագեց ուտը և մյուսները ընկերացան, ձայներ-
նին միացուցին:

Նարդիկ ինքը կսպասավորեր, գեղատեսիլ մատուցակ, մեկ
ձեռքով վեր ժողվելով շրջազգեստը, գեղեցիկ սրունքները ի
տես հանելով, մյուսով օղիի բաժակներ հրամցնելով:

Էտն ամենեն առաջ գինովցաւ. բայց իր միտքը պատող
Քանձը մշուշին մեջեն անհանգիստ խղճմտանքը կսթափեր
վայրկյան մը երազի մը պես հիշեցնելով հեռավոր Պոլիսը, իր
վաճառատունը, Օրթագյուղ իր նշանածին տունը. վերջը այս
բոլորը կանհետանար երբ նարդիկ իր քովը կուգար ըսելով.

— Իմ կենացս ալ գավաթ մը պիտի խմես. կը պահանջեր,
կը հրամայեր այս աղջիկը:

Անտառին մեջ առտու երեկո շի կար, այլ միօրինակ կես
լույս մը որ վերեն ծառոց սաղարթներուն պատուոված կապույ-
տեն կուգար:

Օրածիշտները կը շարունակեին երգերնին, Հակոբիկ ստակ
կը նետեր ամենուն, նոր երգեր, եղանակներ ուզելով միշտ,

— Կազել մը, Մա՛ղրի:

Հոն ճաշեցին այսպես առանց գիտնալու կերածնին ու խը-
մածնին. հետո իրենց սայլերով դարձան ետ զառիվայր ուղիեն.
մութը կը թանձրանար. ճամփուն բոլոր երկայնությամբը Պեն-
կալի գույնզգույն կրակներ, ծառերը կը լուսավորվեին. և աչեն
ձախեն արծակված հրթիռներուն պայթյունը, լուսավոր շավիղ-
ները կառքերուն հետ կը մոտենային գյուղին: Ճամփուն տա-
տանումներուն մեջ իրարու վրա կը թավալեին կառքին մեջ,
հետո կը շտկվեին, կելլեին կը նստեին, համբույրներու ձայներ՝
երգի ձայներու կը խառնվեին երբևմն:

Այսպես ահա կուգային Դաշտելենեն իրենց աղմուկովը,
լույսովը արթնցնելով գյուղացին որ պատուհանը կելլեր հրա-

խաղությունը դիտելու համար, հետո կերթար պառկելու, տեսնելով որ այս երիտասարդները քնանալու միտք չունին և մեծ ծառին տակ այս ամառ գիշերը լուսցնելու կը պատօրաստվին:

Տեվեճյան Մարտիրոս էֆենտիի խանութը Պահչե-Քափու Քաշ խանի մեջ էր. կենտրոն տեղ ուր փոխադրված էր հիմա Գործերուն ընդարձակության համեմատ չէր իր կես խավար սենյակը որ երկու փոքրիկ պատուհանն միայն լույս կառներ:

Բոլոր դրամի պետք ունեցողներու ծանոթ խանութը՝ այս քարաշեն ու ամրափակ սենյակը խոշոր սնտուկի կը նմաներ, սալահատակին վրա խսիր մը, լայն ու կոպիտ հյուսկենոճ խսիր մը փռված էր. մեկ կողմը երկար բազմոց մը Անատոլուի հաստ ու բրդոտ գորգով մը ծածկված, անկյունը պատին մեջ հյուսված էր քացան որուն երկաթյա ծանր դուռը երեք բանալիով կը բացվեր: Հրապարակին ու ազգին մեջ ծանոթ ու հարուստ դրամատերներեն մին էր այս մութ որչին մեջ ամրացած մարդը, կարճ ու գեր իր սնտուկին պես:

Անշնորհ ու անխնամ զգեստներեն, ուռած փորեն, փայլուն աչքեն դատելով, շի ճանչցող մը՝ այս ազգին նշանավոր մարդը հարուստ մեծատան մը մատակարարը պիտի կարծեր:

Ամառը զով էր այս քարանձավին մեջ ու ձմեռը խոնավ, դրան ուղղության վրա գտնվող անկյունը սեղանի քով նստած էր իր երիտասարդ գրագիրը պատին մեջ շինված տոլապե մը անհամար տետրակներ հանելու, դնելու զբաղած. դուրսը ուրիշ ծառա մը, ակնցի եղբորորդի մը սենյակները մաքրելու ու իրիկունները գոցելու պաշտոնին մեջ իր փորձյալ հավատարմությամբը. ողորմություն ուզողները ներս թող շի տալու համար սպասելով մինչև իրիկուն: Երբեք Մարտիրոս էֆենտի մինակ չէր մտներ այս սեմեն ներս. ու իր սպայակույտը ուներ. փոքրիկ փերեզակներ որք իր շնորհիվ վաճառականի տիտղոսք առած էին, դրսեցի փոլիցաճիներ միշտ իր աչակցությանը կա-

րոտ, որոնք առտունները կը շրջապատեին զինքը, մինչև սենյակ տանելու համար. խանը հասնելուն, օտապաշին ոտքի կելլեր քարէ բռնած փեշը փեշին. իր գալուստը կիմացվեր անմիջապէս:

— Եկավ, եկավ, կըսեին իրարու:

Մարտիրոս էֆենտի անտարբեր իր գալուն համար ցույց տրված մեծարանքներուն, հարուցած աղմուկին, համրաքայլ կը հառաջանար, իր ճարպալից մարմնույն բեռան տակ ընկճյալ, տոտիկ տոտիկ կելլեր քարե սանդուխը որ իր սենյակը կը տաներ:

Դրան մոտ եղբորորդին կանգուն, ձեռքերը միացուցած, կը վազեր աղային գալը ներսը իմացնելու:

— Բարի լույս, Աբրահամ:

Ու Աբրահամ այս քարի լույսեն շողոքորթված, պատասխանելու անկարող, թեմեննահ մը կընէր գետնին:

Վերջապէս կը մտներ ներս ուր զինքը սպասողները ոտքի վրա ելած կընդունեին զինքը, բազմոցին վրա իրեն համար որոշյալ անկյունը կանցներ ու իրեն դիմողները մտիկ կընէր:

Տասնութը տարու էր երբոր Ակնեն Պոլիս եկավ «սարֆութին» ընելու համար. այս դրամի առուտուրը՝ իրենց ընտանեկան մոլությունն էր. ամեն ոք սարաֆ կը ծներ այս ընտանյաց մեջ. կարգավ, տարիքի ու փորձառության կարգավ, մի առ մի կուգային մայրաքաղաքը. նորեկները՝ վարժվելու, ծերերը՝ նորեկներուն սորվեցնելու համար արհեստին գաղտնիքը, անընդհատ երթեկ մը Ակնեն Պոլիս տանող ճամփուն վրա, հաստատամիտ մըջուններու ուղևորության մը պէս:

Աստվածապաշտ կը թվեին այս մարդիկ: Սաղմոսն տունի, Ավետարանն հատվածներ բերնուց դիտեին, օգտակար փաստեր, զորս շահավոր առուտուր մը ի գլուխ հանելու կը գործածեին:

Սակավապետ, կծծի, խանի մը սենյակին մեջ պարտկված Տեվեճյանները միշտ հարուստ-աղքատներ մնացած էին, մինչդեռ ուրիշ հայրենակիցներ հաջողության մեջ մոռնալով իրենց առջի խնայող սովորությունները, պոլսեցիի մը պէս շուայլ ու մսխող դարձած էին:

Հոս կամ երկիրը, թոնիրին քով կամ տանիքին վրա, առտու կամ իրիկուն, դրամն էր իրենց խոսակցութիւնն, հաճույքն ու ցավը, սփոփանքն ու հուսահատութիւնը:

Առնելիքի, գանձման, դատի, տոկոսի, մուրհակի անվերջանալի վեճ մը որ տունն ու խանութը հավասար կատաղությամբ հառաջ կը տարվեր, մին՝ մյուսին գործողութիւնները քննադատելով, դժգոհ, գանգատող, չի կրնալով երբեք բավականանալ հաճախողներուն կողպուտներին, առնված շահն, ապահովութենէն կամ գրավեն:

Այս շահամուլ մթնոլորտին մեջ ծնավ ու մեծցավ Մարտիրոս. ուղիղ ընթերցանութենէն ավելի չի սորվեցավ երբեք. բայց մանուկ հասակէն սարաֆության բոլոր ծակ ու ծուկը, վարպետութիւնները սորված հասավ Պոլիս, հորեղբորը Սարգիս աղային քով տեսականը գործնականով կատարելագործելու համար:

Մեծ նոր խանի մեկ սենյակին մեջ որ իրենց տունն ու խանութն էր միանգամայն, սպասավորի համեստ դիրքով սկսավ իր աշխատութիւնը. անկողին շտկեց ու ժողվեց, սենյակը ավելեց ու իրիկունները դրան առջև փոքրիկ երկաթե վառարանին վրա կերակուր եփել սորվեցավ:

Չախ ու ծեծ կերավ հորեղբորմեն, երբոր աղը շատ նետեց կամ պտուկը կրակին վրա մոռնալով այրած ու սևցած սեղան բերավ:

Արյունը՝ մահամերձ ծերուկի մը հանդարտությամբ կը սողար իր երակներուն մեջ. հնազանդութիւնն ստրուկության կը հասներ այս տղուն քով. իր պապը՝ ծեծի ու հանդիմանության շնորհիվ հառաջացած ըլլալը կը պատմեր. հայրը նույն կերպով մարդ եղած էր. ինքը բացառութիւն մ'ըլլալ մտքէն շանցուց. իր հայրը, հորեղբայրը ու պապը դարուս նշանավոր մարդիկն էին իր աչքին ու ըստ այնմ իր հարգանքը ու ակնածութիւնը անսահման էր:

Խոհարարութենէն սկսավ հառաջադիմել մինչև սենեկի մանչ՝ «օտա ուշադի» ըլլալու աստիճան. խահվի ու շուպուխ կը հրամցնէր հյուրերուն, ջուր կը բերեր ու սիկաուի կրակ կուտար:

ու դրան մոտ կսպասեր ձեռքը ձեռքին վրա բարև բռնած մինչև որ հորեղբայրը կանչեր զինքը.

— Մոտդա, ֆեոս եկու:

Գիրուկ, գեղեցկադեմ տղա էր զոր սենեկին հաճախորդներն շուտով նշմարեցին, ինքն ալ զգաց այն հատուկ ուշադրութունն որուն առարկա կըլլար. ոմանք պախշիշներ տվին իրեն զորս ընդունեց. առաջարկութուններ լսեց որոնցմե իզուր ուզեց խույս տալ: Հորեղբայրը որուն թերասքող բառերով իր վարանումները բացատրեց, չի հասկնալ ձևացուց իր խոսած լեզուն: Մերուկ կալվածատեր մը՝ հինուց ի վեր խանութին հաճախորդներն մին, Մարտիրոսին ամենեն ավելի հետամուտ գտնվեցավ. մինչև իրիկուն խանութին չէր ելլեր. առանց բնավ պետք ունենալու շարունակ փոխ ստակ կառներ, մեծամեծ շահերով վերադարձնելով քիչ օրվան մեջ, խանութը կը շահեր այս հաշվեն ու Սարգիս աղա՝ ծերունի կալվածատերին տկարությանցը ուշադրութուն չի դարձուց:

Քիչ ատենվան մեջ Մարտիրոս ինքն ալ փոքրիկ գումար մը ժողվեց իր տեսած առատաձեռնութուններն ու իր հաշվույն պզտիկ գործ մը սկսավ հորեղբորմեն գաղտնի. տոկոսով փոխ ստակ կուտար, ութ օրվան մեջ կրկինը սուանալու պայմանավ. այս անհուսալի շահը կրցավ իրականացնել. փա՛րան փարային ու ստակը ստակին վրա դրավ. երբեք զբոսանքի ու հաճույքի փող մը չի տվավ ու երկու տարի վերջը բավական ստակ դիզած էր:

Այս հաջողութունը իր շահու ծարավը սաստկացուց, այնպես որ, հորեղբորը խանութին մեջ գրեթե խանութ մ'ալ ինք հաստատեց. ճարպիկ ու համոզիչ էր. հաճախորդները մի առ մի կորզեց. ամենքը հարեցան իրեն երիտասարդի մը քով ավելի վեհանձնութուն գտնելու հուսով քան թե անոր կարծրասիրտ աղային մոտ որ զիրենք անողորմարար կը կողոպտեր:

Այսպես անձայն ու անշշուկ իր հաշիվը հորեղբոր հաշիվեն վատեց ու անոր շուքին տակ մեծցավ ի վնաս հայրենի տուլապին:

Սարգիս աղան զգաց որ իր տակավ առ տակավ պակասող շահերուն ու այս վտանգավոր վիճակին գաղտնիքը եղբորորդ-

վուչն քովն էր, իր սենետները մեռյալ տառ մնալու կը դատապարտվեին. ոչ ոք ստակ մը կը վճարեր առջի պարտքերուն համար. խանութին առնելիքները որ սառաֆի մը աչքին պատրաստ դրամն ավելի նվիրական են, փճանալ կսպառնային. թշնամին ներսն էր, այս փոքրիկ վստահության զեղծումը՝ տարապայման կերպիվ մեծցավ և աններելի ոճրի մը հանգամանքը ունեցավ իր աչքին. իր ուրիշները կողոպտելու միջոցներով լեցուն միտքը չկրցավ ըմբռնել այս խաբեությունը երբ իրեն դեմ ի գործ կը զրվեր:

Խաբելն՝ միայն իբրև ներգործական ճանչցած էր. կրավորական ձևը տեսնելով կատղեցավ. նախ վռնտել մտածեց Մարտիրոսը. հետո խորհեցավ որ հայտնի թշնամությամբ համարձակ հակառակորդ մը պիտի ըլլար իր դեմը. մեղմացավ, իրավախոհություն մը նախամեծար դատեց. Մարտիրոս իր կանխահաս ճարպիկությամբ հայրենի արյունը կը հաստատեր. շահու բաժին մը տվալ խանութեն ու դաշնակցությունը պատերազմին առաջին առավ:

Բայց երբեք անառակությունը դրամ ծախսելու պատճառ մը չեղավ իրեն:

Փերայեն Վիշտ երկյուղ մը ուներ այս դրսեցի՝ որ իր քսակին համար փրկավետ եղավ, երբեք չի հաճախեց այն հասարակաց տուններն ուր կյանքը ու դրամը հալասար շոռայությամբ կը վատնվին:

Ահա այսպես անցավ իր կենաց մեծագույն մասը. հարստացավ. այն ատեն ամենքը մոռցան իր աղտոտ գործողությունները, ամոթալի անցյալը, միայն սնտուկին լեցունությունը հիշելու համար. ոսկվուչն փայլը իր խայտառակությանց աղտը աննշմարելի դարձուց: Տարի մը հինգ ոսկի տվալ Հիվանդանոցին ու Պատրիարքարանը օրհնության կոնդակ մը խրկեց իրեն. լրագիրներն այս բարերարին անունը ամեն կողմ տարածեցին. Ակնեն ընտանիքը կարգաց ու պարծենցավ:

Հայրենիքեն դեռ իր եկեղեցասիրությունը ու բարեպաշտ սովորությունները պահած էր. ամեն կյուրակե եկեղեցին կը տեսնեին զինքը սև շուխա սեթրիովը գավթին մեջ կանգնած, հերազուրի գլուխը բաց փղոսկրե գունտի մը պես փայլուն, ձեռքը

համբիշը, քթին տակեն մումռալով՝ սեղանին կամ դասին մեջ ըսված աղոթքները:

Հիմա կատարելապես մեծ մարդ մ'էր, այսինքն ինչ որ կը հասկցվի մեծ մարդ ըսելով հայոց մեջ, ու Մարտիրոս էֆենտի, վասնզի էֆենտի էր հիմա, իր դերը կը կատարեր:

Գործի վրա խորհուրդ կուզեին իրմե, վեճերու մեջ իրավարար կը կարգեին զինքը իբրև անկաշառ մեկը Ազգին մեջ, ոչ վարչության անդամ էր և ոչ երեսփոխան:

— Ես ատանկ ցույցերե շեմ ախորժիր, ձեռքես եկածին շափ կաշխատիմ, առանց անդամ ըլլալու: Ու մեկուսի, հպարտ, ազգային գործերու վրա հանդիմանական ձևով իր կարծիքը կուտար այն գործիչներուն որ կուգային ստակ ուզելու իրմե:

— Ատանկ ժողով ըլլար, ազգը պոշպողազներու ձեռքը մնացեր է:

Այսպես առանձին, անկախ, ու հզոր իշխանություն մը կը լար, զոր ամեն ոք կը ճանշնար ու կը հարգեր և թուրքերն ալ կը մեծարեին զինքը, անոր գոհհիկ մականունը կազնվացնեին, Տեվեճիզատե Մարտիրոս էֆ. կոչելով զինքը:

Մեծ գործերու ձեռնարկած էր հիմա. կարևոր հաստատության մը հացը կը հայթայթեր և կը հարստանար գողնալով տեսակեն, քանակութենեն, իբրև ճշմարիտ պոլսեցի վաճառական մը, ու հետզհետե լինելով ճշմարիտ իշխան մը, ծախքը մեծցնելով, բազմաթիվ ծառաներով շրջապատյալ ու ձգելով իր Քում-Քափուի տունը ուր իր արդի մեծությունը շէր սղմեր, Օրթագյուղ փոխադրվելու համար:

Շատոնց լրագիրները վսեմափայլ կը կոչեին զինքը. ինքն իր երկաթյա քացային կրթնած իբրև անառիկ ամբոցի մը, ալ առաջվան պես սարաֆություն շէր ըներ գրեթե, բայց անհաշվելի առնելիքները անզանձելի մնացած էին և իր հինավուրց վաշխառուի միշտ դյուրազգաց մնացող սիրտը կարյունեին:

Բայց ոչ մեկ թվաբան բաղադրյալ տոկոսի հաշիվ մը իրեն շափ հաջողությամբ պիտի կրնար ընել:

Ստակին շահը, շահը դրամագլխեն ավելի նվիրական բան մը ուներ այս մարդուն համար. դրամագլուխը կորսնցնելու հոժար էր բայց տոկոսին դպչիլը մահացու մեղք էր:

Ասկից անկից տեսած փոքրիկ վնասներն զայրացած՝ ապահովութուն ապահովության վրա, գրավ գրավի վրա կը պահանջեր փոխ ստակ տալու համար:

Եվ հանձնառու կըլլային ամենքը վստահելով այս հարուստ մարդուն որ իրենց ավանդն ու գրավը յուրացնելու պետք չունէր, հանձնառու կըլլային այս մարդուն բոլոր անիրավ ու անտեղի պայմաններուն:

Իր գործողութիւնները, ամեն ավանդյալ գրավները ծախու առնելու ձևով տեղի կունենային, հաճախորդները միշտ պարտավոր էին հավատալ իր խոսքին թե գրավները պիտի վերագարձնեն եթե իրեն պարտքը հատուցանեին:

Այս խստութիւնը, այս անվերջանալի պահանջումները, պայմանները, սենետները, ա՛լ ավելի վստահութիւն կը ներշնչէին հաճախորդներուն. իրենց ստացվածքին աչք տնկող մարդ մը այնքան դժվարութիւն չպիտի հարուցաներ քիչ մը ստակ տալու համար, այս համոզմամբ ադամանդները կը լեցնէին իր երկաթէ սնտուկին մեջ: Կալվածները յուր հորը անվան կը դարձնէին իբրև վերջնականապէս ծախված, առանց փոխարեն թողթ մը, զիր մը առնելու:

— Իմ տետրակիս մեջ գրված է, կըսեր սարաֆը վեհապանծ, ցույց տալով իր կաշեպատ տոմարները, իբրև թե Ավետարանը ցույց տար այս միամիտներուն:

Բայց իր բոլոր հարստությամբը հանդերձ իր վաշխառուի հնավանդ տկարութիւնը կը պահեր միշտ ու երբ դիպվածով մեկը գար իր պարտքը հատուցանելու, այս պարտքը անհավատալի արագությամբ աճած ու բազմապատկած կը գտնվեր. հաշիվ ընելու հատուկ եղանակ մը ունեն այս մարդը՝ տոկոսը կը հաշվեր նստած տեղին, մատերուն վրա համրելով անցած ժամանակը:

— Զիլհիճե, զիլֆատե, շևալ:

Եվ այս արարական ամիսներուն անուններովը ու հասած եզրակացությամբը ապշեցնելով դիմացիներ, իբրև թե արարական տարին 14 ամիս կազմվեր:

Վերջապէս գումարը կորոշվեր, շահը շահին բարդված պարարտ գումար մը, զոր ամբողջապէս իր ափին մեջը տեսնելի

վերջը միայն կը բանար իր սնտուկը. անել հորի մը պես ժամերով փնտրելով, հետո ակամա կարծես տիրոջը վերադարձնելով ձգված ավանդը: Իսկ թուրք հաճախորդացը հետ միշտ համեստ ու երախտապարտ, կրկնելով մարդուն մեկնած միջոցին իր շնորհակալության ավանդական բանաձևը, ճիշտ այնպես երբ Մեծ Նոր-խանի մեջ հինգնոց մը պարզև կուտային իրեն:

— Պերեքեթ վերսին, էֆենտիմ:

Իբրև կրոնասեր և աստվածավախ մարդ չէր կրնար ամեն զվարճության մասնակցիլ. թատրոն կերթար միայն հիւղերորդ արարւլածին՝ շարագործներուն պատուհասը, առաքինիներուն երջանկությունը տկսնելու և հրճվելու համար. հոն՝ սիրո տեսարանները դինքը կը գայթակղեցնեին, հիշեցնելով իրեն ամեն տարփանքի զուրկ մնացող պատանեկությունն, և զրդելով իր նախանձաբեկ հոգին. վերջերը ակամա կը շարունակեր երթալ ո՛չ ալ բարոյականի հաղթանակը տեսնելու համար թատերաբեմին վրա, այլ կանանց սիրաբորբոք տկարությունները, պարտությունները լսելու, դիտելու, վայելելու համար, տեսակ մը անցյալի պատկեր որով կը վերադառնար իր երիտասարդ տարիներուն:

Այսպես կիններուն նայելու համար միայն հիմա կուզար ներկայացմանց, հետզհետե ավելի ջերմ կուսակից դառնալով թատրոնի, և իր օթյակեն՝ բերանը բաց, զմայլելով Նարդիկի հրապույրներուն վրա, և ապաժաման ցանկության մը բոլոր դառնությունը զսպելով սրտին մեջ:

Վերջին չէր կրցած համբերել այս հանդիսատեսի դերին. իր ծանոթներեն մին միջնորդած էր Նարդիկի քով և Մարտիրոս էֆենտի հոժարությամբ բացած էր իր ամրակուռ քացան, լիաբուռն վասնելու համար հազար կեղեքումներով հալաքված ոսկին:

Գործի մեջ միևնույն հաստատ և հաշվող մարդն էր: Շաբաթ իրիկունները իր գանձման իրիկունն էր. Մարտիրոս էֆենտի իր պարտատերերուն ցուցակը ձեռքը՝ աչքի կանցըներ, անուննին կուտար, ոմանք իրենց պարտքը վճարած էին և ոմանք չէին երևցած դեռ իրիկվան ժամ Զին. Շամլյաններեն՝ որոնցմե հա-

գար ոսկվո շափ առնելի՛ք մը ունեք, ոչ որ եկած էր. Մարտիրոս էֆենտին կառկածոտ կատվի մը պես կը մոլտար.

— Ո՞ր մնացին այս Շամլյանները. ալ համը հոտը փախավ:

Քառորդ ժամ մ'ալ սպասեց. հետո Աբրահամը խրկեց.

— Կես ժամեն Հովակիմ աղան պիտի գա, պատասխան եկավ:

Մարտիրոս էֆենտի թաց տեղը պառկող մարդ չէր. իր առնելիքին փոխարեն Շամլյաններուն Օրթագյուղի մեջ բնակած տունը իր հոր անվան գրավի առած էր. կարող էր ի հարկին Պամասկոս վերադարձնել բոլոր Շամլյանները և տունը գրավել:

Ծռահարկ գեղեցիկ տուն մը, ուր պիտի կրնար ինքը փոխադրվիլ, տան վարձք վճարելիս ազատիլ. այո, ըլլալիքը այս էր, ապագան տեսնելու, գուշակելու մեջ մեկ հատիկ էր սարաֆը. այս Շամլյաններուն գործը ձախորդ կերթար, դրամական անձկություննին կավելնար: Ասկե անկե փոխ ստակ կառնելին միշտ իրենց վճարումները անխափան շարունակելու համար: Ծանր տոկոսներ կուտային: Սարաֆը ամեն ինչ կիմանար: Հովակիմ աղա ներս մտալ տրտում, մտախոհ, բարեվեց, հետո դրամի խոսքը բացավ:

— Այս շաբթու մեջ զիս պիտի սեղմես, սկսավ վաճառականը:

Մարտիրոս էֆենտի՝ իր անկյունին մեջ բոլորած, ամփոփված կը կենար նետվելու պատրաստ պողայի մը նման, առանց մտիկ ընելու ըսած խոսքին:

— Ո՞րչափ ստակ բերիք:

Շամլյան իր դժվար վիճակը կրկին կը հայտներ:

— Այս շաբթու...

Սարաֆին դեմքին վրա քիթը երկնցավ մինչև թուշը հասնելու շափ, աչերը ավելի մանրցած,

— Այդ բանը չընես հա՛, կը նեղանամ:

Կը նեղանար, այո՛. սարաֆը նեղացնելու չէր գար. ահարկու սպառնական բան մը կար այս պարզ խոսքին մեջ «կը նեղանամ», որ կը գիշտուեմ կը նշանակեր հոս:

Շամլյան կաղաչեր, պատճառներ կը համբեր, հույսեր կու-

տար. սյուսը՝ անդրդվելի, հետզհետե կը խոժոռոցներ դեւքը, խոսքը դառնացնելով. առաջի օրեւ երբ ստակ ուզած էին իրմե միթե չէ՞ր ըսած որ ժամանակին չի պիտի կրնային վճարել. այն ատեն խոսքով երդումով խաբեր էին գինքը և ահա հիմա ասով երկու շաբաթ կըլլար որ փախուստի դուռները կը բացվելին. գուշակությունը, կասկածները կիրականանային. ո՛չ, չէր կրնար սպասել:

Մյուսը՝ կը կարմրեր, կը քրտներ խստապահանջ դրամատերին դեմը, խոնարհելով անոր գանգատներուն առջև որոնք ավելի նախատինքի կը նմանեին: Գալ շաբթու, գալ շաբթոս անպատճառ պիտի վճարեր:

— Ո՞ւսկից, կը հարցնէր Մարտիրոս բրտությամբ:

Վաճառականը կը պարտավորեր իր բոլոր գործերուն համարը տալ, գալիք ապրանքներուն, դրամներուն հաշիվը բացատրել. կը հիշեցներ նաև իրենց Օրթագյուղի տունը գրավի դրված պարտքերնուն փոխարեն. վերջապես տոկոսի նոր հավելում մը եղավ. հաշտվեցան. նախատինքներն վերջը բարեկամությունը սկսավ: Մարտիրոս էֆենտի շրթունքեն հիմա մեղր կը հոսեր, քաղցրությամբ, մտերմությամբ խրատ կուտար Շամլյանին, Արմենակին հարուստ աղջիկ մը գտնելու էր, և Տեմիրճյանին աղջկան վրա դարձավ խոսքը:

Հովակիմ աղա իր սիրտը բացավ.

— Իմ բոլոր հույսս ան էր. բայց ետ մնաց:

Մարտիրոս էֆենտի աշխատելու, չի հուսահատելու խորհուրդ կուտար:

Հովակիմ աղա մեկնեցավ. խորհելով իր տեսած նախաշտանաց և մոտավոր ապագային վրա որ ավելի ևս դժնդակ ու ահավոր կերևար:

Շոգենավին մեջ մարդու հետ չի խոսեցավ. տունը՝ ճաշին տակ լուռ ու մունչ էր. կը մտածեր որ ոչ իսկ այս բնակարանը իրենցն էր այլևս. իրենց առևտուրին մեջ հագիվ երեք հազար ոսկվո շափ գումար մնացած էր նախորդ հարստութենեն. ստակի նեղությունը, վաշխառուներու հարկը կուտեր կը հատցներ իր բոլոր աշխատության շահը և վնաս կը մնար միշտ. Արմենակին Մանչեսթրի մեջ պարտքերուն վճարումն ալ դրամա-

գլխին մեկ մասը տարած էր. և մեծ փոխառութեամբ մը միայն իր պատիվն ու անունը մտաւալուտ աղետե պիտի կարենար ազատել:

Իր հույսը նորեն դարձավ Տեմիրճեանին հետ խնամութեան մը վրա. բան մը չըսավ իր կնոջ ու զավկին. բայց ճաշեն ետքը ելավ փռեֆի երթալու, և Արմենակին ըսավ որ մեկտեղ գա. ինքնիրեն կը մտածեր որ ինչո՞ւ իր տղան չի կրնար այն աղջիկին սիրտը շահիլ:

Փռեֆին մեջ կորսնցուց. կորուստ ամեն կողմեն. շար ոգի մը կը հալածեր զինքը. բայց այն իրիկուն Արմենակ բավական երկար խոսեցավ էլլիսին հետ, գզվելով ողորբելով հարուստ աղջիկը իր ճենթլմենի ձեւերով:

— Անշուշտ, օրիորդ, իրավունք ունիք, օ՛րիորդ:

էլլիս Եվրոպան չէր սիրեր, Պոլսեն չէր գատվեր. երիտասարդը չէր կրնար հակառակ խոսիլ:

— Ճշմարիտ է, օ՛րիորդ. բայց Մենչեսթրը. առաջին վանկը՝ մենը կը շեշտեր սովորապես Մանչեսթր ըսողներուն սխալը հասկցնելու համար: Ա՛հ, թե որ Անգլիան տեսներ, ապահովապէս պիտի հավնէր: Եվ կը համոզեր իբրև թե այս վայրկեանին օրիորդ Տեմիրճեանը առնելով Անգլիա տանել առաջարկեր:

Ոչ որ սակայն Արմենակի շափ ստույգ և իրական սարսափ կզգար Մանչեսթրեն. իր Քուին-սթրիթի բնակարանին մեջ ի՞նչ տազնապներու հիշատակները թողած չէր. ո՞վ ըսավ որ զվարճանալու համար գացեր էր Անգլիա. այո՛, Շամլյան վաճառատան Ընդհանուր ծախիֆի հաշվեգլխույն մեջ անցուցած էր անգլիականներու համար վատնած դրամը, հորը թևարկութենեն նոր ազատող երիտասարդի շոռայութունները, հետո քայքայված առողջութունը դարմանելու համար Փարիզի, Վիեննայի բժիշկներուն վճարած անհատնում ստակները. այո՛, ստույգ էր այս ամենը, բայց թե որ տէսնային զինքը, ինչպես ամեն շորեքշարթի և ուրբաթ Պոլսեն թղթատար շոգենավին հասնելուն կը վազեր նամակատուն, գործարանին տիրոջ տրվելիք ստակը Պոլսեն մոռցած ըլլալուն վախովը սրտատրոփ, և նամակը կշռելով գզվելով ձեռքին մեջ, դուրսեն, վայրկյան մը առաջ

գուշակնու համար ակնկալած փոխանակագիրը կը պարունակեր թե ոչ, վասնզի կատակն չէին ախորժեր այս անգլիացիները, բնավ չէին ախորժեր: Մինչդեռ Պոլսեն իր հայրը Հովակիմ աղա՝ ծուլ և անփույթ, աճապարելու պետք չէր տեսներ, Չաքմաքճըլարի խանութին մեջ նստած կը բարկանար Արմենակին և այս խոսք չի հասկցող անգլիացիներուն դեմ, պոռալով.

— Փաթլամիշ շեղան ա՛, գալ փոսթայով թող ըլլա:

Եվ երիտասարդը Անգլիոն անթուլլատու և աններող սովորութեանց ենթակա, չի կրնալով իրենց համեստ դրամագլխով ձեռնարկած առուտորին բավել, Պոլսեն ցույց տրված անփութութեանց տոկալ, օրն ի բուն իր գրասենեկին մեջ կծկտած տետրակներու վրա կորաքամակ, երեսը կը պահեր առնելիք վորներեն որ շաքաթ օրերը կուզային գրասենեկին դրան վրա կապուլտ գիրերով նշանակյալ հրավերին համեմատ, «Վճարմունք՝ շաքաթ օրը ցորեկեն վերջը ժամը 2են մինչև 4:»

Կը պատահեր որ թղթատարը չի բերեր Պոլսեն կրկին և կըրկին պահանջված դրամները, և այն ատեն գեոագույն ճիգ մը ընելու կը հարկագրվեր. ամենն անձուկ վայրկյանը իր կյանքին. դուրս կելլեր իր դրամատունեն վարկի հավելում ուզելու համար, ձոյընդ-Սքոֆ պենքեն Քինկ-սթրիթի մեջ. հոն կը հրնչեցներ զանգակը. Մենեյճըրը կընդուներ զինքը, բարեմտութեամբ ունկնդրելով իր պատմութեանց. Պոլսեն այս անգամ դարձյալ որմիզա չէին հացուցած բայց ութ օրեն անպատճառ պիտի խրկվեր. ի՛նչպես կարտասաներ, ի՛նչ անկեղծութեամբ, սրտին հոգիին խորեն այս «անպատճառ» բառը և տեսնելով որ Մենեյճըրը կը ջարունակե ունկնդրել, իրենց վաճառատան պատիվը կը հիշեցներ, Շամլյան անունը միշտ անազարտ և անբիծ մնացած էր և պիտի մնար: Մենեյճըրը իրենց հաշվընթացը աչքե անցընելու կերթար և ինքը կսպասեր ընդարձակ և թափուր սենյակի մը մեջ ուր վառարանին լույսը կը ցոլար, իր տասնապատիկ մեծցած ստվերը պատե պատ, գետնե գետին կը տաներ կը բերեր. կը քրտներ երիտասարդը այս խոնավ ու ցուրտ սենյակին մեջ, ամեն հոս եկող կը քրտներ, սպասելով գալիք պատասխանին, «այո»ին կամ «ոչ»ին:

Այս կերպ նեղութիւններով Մանչեսթրի մեջ ավարտած էր իր կայանքը, որպէս պարտ է ընել ամեն պասմանի վաճառականի տղա, շորս տարվա մեջ Եվրոպիո աղտն ու մուրը, հիվանդութիւնները հավաքելի վերջը իր ապիկար անձին վրա:

Հաջող ամուսնութեան մը ակնկալութեամբ կը դառնար Պոլիս, երկայն, սև, փայլուն գլխարկով որուն տակեն կարծես իր էսնաֆի փյուսկոյլը դեռ կը ծածաներ, երկկողմանի ու տափակ մորուքին մեջեն ցույց տալով կզակը՝ ածիլված, մաքուր, կորովի, ճշմարիտ մսակերի կզակ. ալ թողած էր անգլիական ոստանն և փրկված անոր հատուցման անողոք պայմանաժամներէն:

Անտեղի սնապարծութեան մը համար ուրեմն կը գովեր էլպիսին բրիտանական մառախլապատ երկինքն: Հոժարակամ տեղեկութիւն կուտար Եվրոպիո ամեն մասերուն վրա. գրական, արվեստական նորութիւնները կը հիշատակեր. վակնեոի նոր օփեռային և զվիցերական դաստիարակութեան վրա՝ հավասար դյուրութեամբ կը ճառեր. Տեմիրճյանին Անգլիո երկաթագործական արվեստները կը թվեր, կը բաղդատեր Պելճիո հետ. Ստեփանիկ աղային արժեթղթոց վրա շահադիտական նոր ծրագիրներ կը պարզեր. առիթ, վայրկյան չի փախցնելով իր հմտութեան ապացոյցները տալու ամենուն:

Փռեֆ շեղած իրիկունները նորեն Տեմիրճյաններուն կերթար՝ տիկնոջ հետ, օրիորդին հետ խոսակցելու, քաղաքավար ձևերը, բարեկեցիկ վարմունքը ավելի ևս նրբացնելով, մեծաբանքի, փայփայանաց շրջանակի մը մեջ պաշարելով մայրն ու աղջիկը, և շարունակ լռելայն բաղդատութեան մը հրավիրելով զանոնք իր անձին և իրենց փեսացուին մեջ:

Ստեփանիկ աղա՝ տիկին Տեմիրճյանի հայտնի կուսակցութենէն քաջալերված, Արմենակ Շամլայանի պաշտպան կը կանգներ, գովեստը շոսալելով:

— էլմասի պես տղա է:

Այնչափ որ կյուրակե օրիորդ կնոնի այցելութիւնը տանը մեջ անուշադիր կանցներ, անկարևոր կը դառնար. էլպիս՝ Արմե-

նակը մտիկ կընեն, մայրը անով կզբաղեր և շէին բռնադատեր, ստիպեր զինքը կենալու առաջվան պես երբ գանձապետը գիշերը Պոլիս դառնալու կելլեր:

Օրթագյուղ՝ Պոլսո հայոց Ֆոպուռ Սեն-ժերմենն է. այն երկու բլուրներին որք հսկա թռչնո մը պարզված երկու թևերուն պես կը բարձրանան ծովեզերքին, և որոց մեջ բացվող խոնավ ու մթին ձորը մինչև նավամատույցը կը հասնի, աչ կողմինն է ազնվական թաղը:— Խողովակներու պես նեղ, կիրճերու պես երկարածիգ ու խորտուրտ փողոցներով, գրեթե քարահատակ սանդուխներով ձևացած թաղ՝ ուրկե իր անունը՝ Թաշ-Վերտիվին:

Հպարտ ու մահաբույր հով մը կա այս թաղին մեջ, անշարժության հովը:

Անջատ պարտեզներու մեջ բարձրաբերձ պատերով զատված փայտաշեն, մեծասարած տուներ որոնք իրարու վրա կը նային, իրարմե կզգուշանան, կը քաշվին:

Ամալի փողոցներուն մեջ անցուզարձ շիկա ու այս միայնությունը տաճիկ թաղերուն լռությունը ու մեկամաղձօտությունը կը հիշեցնեն հեռուին:

Թայց տուներուն մեջ կյանքը՝ հուզյալ ու արկածալից է միշտ. ներսի եռանդը՝ դուրսի անտարբերության պակասը կը լեցնեն ու կավելնա. բայց օտարական մը այս հին շենքերը; ամալի թաղը տեսնելով պիտի կարծե թե անոր բնակիչները շատոնց մեկնած են այս տեղերին:

Բնակիչները իրենց շենքերուն հանդարտ ու հպարտ երկվույթը ունին. վազող, աճապարող մարդ չի կա հոն. հանդարտաքայլ, ծանրախոհ ու մտազբաղ են ամենքը, եթե ոչ նոր, գեթ մաքուր ու կոկիկ հագված, քիչ խոսող, ցած ձայնով, դրացինը անհանգիստ չընելու երկյուղով, այս մարդիկը՝ քաղաքավարությունը ամեն առավելության կը նախադասեն:

Չեն կուլիր, չեն հայհոյեր. պարոնը կըսեն մեկու մը խոսած ատեննին, էֆենտին կըսեն դիմացինին. Օրթագյուղի խանութ-

սլաններն անգամ ուրիշ տեղերու մարդոց շեն նմանիր. սրբ-
ճարանը ուր կիրակի օրերը միայն ոմանք կերթան, ձայն ու
ձուն չիկա, խելոք կեցած տղոց վարժարանի մը պես. սպա-
սաւորները շեն պոռար բարձրաձայն ապսպրված ըմպելիքը,
լրագիր ընթերցողները կամ խոսակցութեանները չի շփոթելու
համար. այլ հուշիկ ու զգուշ կը մոտենան քովդ, դավադիր մեկ
անցախոս բառը հաղորդելու ձեռով, ցած ձայնով կամքդ կիմա-
նան ու կամացուկ մը կը գործադրեն:

Օրթագյուղցին՝ իր թաղեն դուրս գրոսանք և հաճույք լու-
նի, կը սիրեն իր գեղին օդը, դիրքը, ձևը ու բնակիչները. ման
գալու համար իր Փանկալթիի պարտեզը ունի, ներկայացմանց
համար իր թատրոնը. եկեղեցին ու դպրոցը փոսի մը, գրեթե
անդունդի մը մեջ շինված են. հոս՝ անդունդը կը լուսավորեն
բարձունքը. և կունակը բարձրացող սեպացյալ լերան կուշտին
վրա հայոց տունները դեպի իրենց եկեղեցին կը ծոփն, կը նա-
յին շարունակ:

Օրթագյուղ՝ խոսակցութեանց գյուղն է. օրվան դեպքերը,
յուրերը կիմացվին կը քննադատվին հոն, հասարակաց կարծիք
մը կը գոյանա իսկույն:

Քաբմաճյան բնակութեան լավագույն կենտրոնը ընտրած է.
իրիկունները տուն դառնալուն իր կնոջմեն կիմանա անցած
դարձածը. և հիվանդ զավկէն մահճին քով նստած մտիկ զընե
օրվան համարատվութեան. քնքն ալ իր կողմն պատմելու հա-
մար իր շան տանջանքը, ամեն ավուր կյանքը:

Սենյակին երկու պատուհաններուն վարագույրները բաց-
ված են, դյուրացնելու համար անշուշտ լույսին մուտքը, զոր
եկեղեցվոյն պատերը կարգիլեն իրենց ներկին դեղին ցուա-
ցումը խրկելով անոր տեղ:

Պզտիկ բարվոքում մը կա այսօր նոյնի վիճակին մեջ.
մայրը հազար պաղատանոք համոզած է զինքը անկողինեն
էլլել. և նորատի աղջիկը հիմա իր սովորական անկունի բազ-
մոցին վրա է, գլուխը ձգելով բարձերու կուշտի մը վրա զոր
մայրը հիվանդին նիհար մարմնույն, ոսկորներուն խնայելու
համար դիզած է հատկապես:

Անկողինը անդին կը պահէ անեղծ հիվանդին թողած գո-
գաձէ կաղապարը և բարձը անոր հեք գլխուն դրողմը. մահճա-
կալին քովի սեղանին վրա գրված են դեղերու շիշեր, տուփեր
իրենց կուրծքին վրա փոքրիկ նարնջագույն ծանուցումով,
կարմիր վերքի մը պես, դեղարանին անունը ու դեղին առնը-
վելուն հղանակը բացատրող, ասոնց հոտերը, քրտինքի բու-
րում մը առկախ կը կենան փակ պատուհաններով բանտարկ-
ված օդին մեջ:

Փուլիկ հանրմ իր զավկին մոտ կը կենա, հետեւելով անոր
ամեն մեկ շարժումին, շունչին, գուշակելով ամեն կամբը, ու
կեղծ զվարթության մը տակ պահելով իր կսկիծը. ձեռքը՝ Նոե-
միին ճակտին վրա կերթա միշտ տեսնելու համար ջերմին գա-
լը որ այսօր կուշանա, կուշանա. հույսը կուգա իր մայրական
«դորմելի սիրտը բերկրությամբ լեցնելու. շի պիտի գա ջերմը
այսօր և շի պիտի գա վաղը, մյուս օր. պիտի փրկվի զավակը.
այս ամենը կուգան իր մտքին առջև իրականացած, զավակը
կը տեսնե ոտքի ելած, հագված, շքված գեղեցիկ նազելաճեմ
հասակովը գյուղին աղջիկներուն նախանձը շարժելով:

Գուռը կը զարնեն. Գալուստյան Գեորգն է որ իր խմբագրա-
պետին աղջկան հիվանդուես կուգա և զվարթ բնավորության
ուրախությամբը այս ցավերով լեցուն սենյակին սպրտմությու-
նը պահ մը կը փարատե:

— Տեսա՞ր մի, այսպես քաջ եղիր քիչ մը, ել նստե:

Հիվանդը կը ժպտի և այս ժպտը իր այտերուն ոսկերոտի-
քը դուրս կը հանե:

Փուլիկ հանրմ լուր կը հարցնե:

— Ի՞նչ լուր. ազգային գործերե զզված ես անշուշտ. նվաս-
տություն ու վատություն ամեն կողմ, ահա բոլոր մեր կյան-
քը. ուրախանալու խնդալու բան չի կա այն կողմը. ուրիշ տեղ
նայինք:

Սվ կը նայեր հիվանդին անոր նշաձէ սիրուն աչքերը դիտե-
լով որոնք հորը ինկած էին, բայց պահելով միշտ միամիտ նայ-
վածքի մը քաղցրությունը, մութ փոստ մը բխող վճիտ ջուրի
մը պայծառությանը պես դաստակներուն վրա երակները՝ բաց
կապույտով նուրբ մորթին վրա կը գծագրեին իրենց առունները

զորս ճերմակ քամիզովին թեզանիքեն կը նշմարեր. շրջագգեստը կը փակչեր ծունկերուն տեղ տեղ մատնելով սրունքներուն նիհարությունը, և այս արգահատելի տեսարանը խանդաղատանքով կը լեցնէր երիտասարդին սիրտը. ո՞վ էր ինքը. աղքատիկ տղա մը որուն մէծ տիկիւններ ու օրիորդներ չէին հաճիր աչք դարձնել. և այս հիվանդագին աղջիկը իր հյուծումով, իր սպառող երիտասարդությամբը կը հուզեր իր բանաստեղծի հոգին. գութը՝ սիրո դուռը կը բանար. և պաշտել կուզեր այս ոսկերոտին որ աղջիկ մ'էր, այս տամուկ ճակատը որուն վրա թափող սև մազերը, նոճիներուն սաղարթներուն պես տրտում ու սգավոր ստվեր մը կը ձգէին: Խոսեցավ դուրսն ներսն. Մեծ Կղզիի զվարճություններեն, Պյոյուք-Տերեի երաժշտություններեն, ամեն մարդ գյուղերը գացեր էին օդափոխության:

— Ի՞նչ երջանիկ են գյուղ գացողներն, մրմնջեց աղջիկը:

Դառնություն չի կար իր խոսքերուն մեջ, այլ պարզ համակերպություն մը ճակատագրին, անմեղ փափագ մը որուն անկարելի ըլլալուն կատարյալ գիտակցությունը ուներ. գյուղ երթալ ամառը, լուսինը երթալ բնակելու պես բան մը իրենց համար:

Գալուստյան կախորժեր հոս, այս հիվանդ հոտող սենյակին մեջ. տրամությունը իր հրապույրը ունի, ինչպես անդունդը իր ձգողությունը. ու շէր ուղեր մեկնիլ. ուրիշ ատեն ալ եկած էր անուշադիր այս աղջկան ուրկե աչքը շէր գատվեր և որ փոխադարձաբար զինքը կը դիտեր շարունակ:

Հետո մտածեց որ նեղություն չի պատճառե երկարելով այցելությունը. ոտքի ելավ. Տուլիկ հանրմ աղաչեց որ նստի. հիվանդին դարձավ անոր կամքը հարցնելու համար.

— Ձանձրություն չիտամ:

— Դուք չի ձանձրանաք, մեզի ուրախություն մ'է ձեր գալը. մարդ մարդասանք չունինք. հիվանդին երեսը պաղ է:

Մեղմ ձայնով մը կը խոսեր աղջիկը:

— Տեմիրճյաններու հարսնիքը ե՞րբ է, հարցուց հանկարծ:

— Չեմ գիտեր. կարծեմ թե նոր բաներ կանցնին. Արմենակ գիշեր ցորեկ իրենց տունն է. կարելի է մտքերնին փոխեն ու Արմենակին տան աղջիկնին:

— Իրավունքն է խեղճին, Անգլիայեն մինչև հոս եկավ հատկապես:

Յուզիկ հանրմ այս ամուսնության խոսքը կը գոցեր.

— Ճա՛նրմ, ուրիշ խոսք չունի՞ք:

— Շատ ուսյալ է կըսեն այս երիտասարդին համար, մյուսյու Գալուստյան, հարցուց Նոեմի, իրա՞վ է:

— Հորը գործերը գրեթե փճացուցած է, այդ գիտեմ. բայց ուամանը աստիճանեն տեղեկություն չունիմ. վարժարանին մեջ աննշան աշակերտ մ'էր:

— Ուրեմն ավելի իրավունք ունի էլպիսին հետ ամուսնանալու. աղքատության վախը կա, հետո քիչ մը կենալն հտքը.

— Թո՞ղ երջանիկ ըլլա:

Անկե վերջը ուրիշ նյութերու վրա խոսեցան. իրիկվան դեմ Գասպար էֆենտին եկավ, դուռնեն իր զվարթ ձայնին արձագանքը մինչև վեր եկավ:

— Հայրս այս իրիկուն ուրախ է. տեսնեք ի՞նչ ունի. դուք մեզի այսօր առտվընն ի վեր զվարթություն բերիք, անանկ չէ՞, մա՛յր:


— Անանկ է, աղջիկս. մյուսյու Գալուստյանը բարի սիրտ ունի, իր այցելութլամբը երջանիկ եղանք այսօր:

Գասպար էֆենտի սենյակն ներս կը մտնեք խնդալով:

— Բարև, Գեորգ, ի՞նչպես ես, Նոեմի. Մարտիրոս էֆենտին. կատղեր է. թատրոնի համար այդչափ ստակ վատնելն վե՛րջը. կարծեմ թե երեք հարյուր ոսկվո շափ փոխ տված է տնօրենին, առ նվազն այդչափ մ'ալ ուրիշի մը տված:

<1891>

[Վեպը այստեղ ընդհատվում է].



ՀԱՆՄԱՏԵՂԾՈՒԹՅՈՒՆՆԵՐ

Ոգի՛ մ'ես դու, պատրանք, ցընորք կամ երազ,
 Որ վրդովես հոգվույս հանգիստն հանապազ,
 Որպես շիրմացն ի ծառաստան մի թռչուն,
 Ննչեցելոց ընդմիջե միշտ Մահու քունս։—

Թե շեմ խնդրեր զրկանքներու հատուցում,
 Ակնարկս ալ զուր տեղը խնդրե մոռացում,
 Ամեն եղերք՝ ինչպես նավուն թափառիկ,
 Հիշեցընե միշտ կորուսյալն հաշրենիք։

Որպես ոգի մ'նավորդին աչք կը փակե,
 Զամեն տեսած ափունս կարծե Իթակե,
 Նույնպես և ես աչացս փայլող համեն լույս,
 Հանկարծ կարծեմ տեսնել պատկեր սիրուհվույս։—

Իրիկվան դեմ, ես ինքնիրմես խույս տալով
 Վազեմ երբեմն հոն ուր յուր վերջն առնու ծով,
 Անդ զարևուտ դիտեմ հնոց մը հանգույն.
 Որպես հարզանք թռչնոց դառնան յուրյանց բույն.

Այնպես և շողք վերջալուսին անդ դառնան,
 Երբ ըզմայլիմ անձայն ես հայս տեսարան,
 Դու երևիս, և ես հարփվույն հետին լույս
 Հանկարծ կարծեմ տեսնել պատկեր սիրուհվույս։—

Փ գիշերին երբ մութն հաշխարհ թևածե,
Երբ շունչ հովին, երբ երգ հովվին լրուած է,
Ու երբ կուսին աղոթքներուն հեշտալուր
Ունկըն կախեն զմայլած ոգիք ծովուն լուռ,
Աչքըս տրտում արկեալ երկնից անշեջ ջահ՝
Դիտեմ զընթաց նորին հեթեր հեզասահ.
Գու գաս, ու ես ի լուսնեկին թալուկ լույս
Հանկարծ կարծեմ տեսնել պատկեր սիրուհւոյս—

Կամիմ երբեմն սենեկիս մեջ միայնակ
Մոռնալ ջանալ սե օրերու հիշատակ,
Ու զսպելով հիմար սրտիս բարախյուն,
Աչքերըս գոց, թաղված ի խոր լրուություն,
Լըսեմ, հոգւոյս որպես ողբույն արծագանք
Վառարանին խոնավ փայտից հեծեծանք.
Դու գաս կրկին, ու ի կարմիր բոցույն լույս՝
Հանկարծ կարծեմ տեսնել պատկեր սիրուհւոյս—

Արշալույսին երբ փարատին թանձր ըստվերք,
Հառավոտյան զեփյուռ ցլւկն կուսին հերք,
Ու մյուսեզգինն ի սրտառուչ երգին ձայն
Հաղոթս կոչե հավատացյալս ամենայն.
Ես ի տագնապ ցավոց գիշերը ողջույն
Այնքան հսկած, կանգնիմ հոտունս զողողջուն՝
Դու գաս նորեն և ես հայգուն Կոչի լույս,
Հանկարծ կարծեմ տեսնել պատկեր սիրուհւոյս—

Այսպես սահին պատանության խենդ ավուրք
Ու ցուրտ քարին ներքև մարին սիրո հուրք,
Իսկ դու ո՛հ շե՛ս գար հոն ուր մարդը անհագ
Քը տանի հետն հավատ հույս սեր և փափագ.
Ու երեք ոտք հող կը բավե այն փառաց
Ույց տիեզերքն անգամ երբեք չէ բաված.
Եկուր, եկուր ու այս աշացս հետին լույս,
Վերջին անգամ ցույց տուր պատկեր սիրուհւոյս

Ընկերացանք իրեն ողբով, արցունքով,
Անոր ալ մինչ ընկերացանք շիրմին քով,
Ու մենք դարձանք միայնակ:
Իզուր կարծեմք ալ գեթ յուր սուգ պահել սե,
Ոչ արտասուք, ոչ ժրպիտ կա մշտատե,
Շա՛տ, թե պահեմք հիշատակ:

Մատյա՛ն սրգո, զոր մարդ կոչե Ապագա,
Որուն ամեն էջերն կարգալ կը բաղձա,
Ես քեզ վախեմ թղթատել.
Ինձ տրված շէր բարեգուշակ լինել բնավ
Եվ ոչ իսկ այժմ, ի սրտակցիս մահուն ցավ
Ուղղել գրուխս անընտել:

«Ո՛վ կը կարծեր, ո՛վ Տեր» հարցո՛ւմ մը ահեղ,
Զոր շարունակ կարծեմք կրկնել վերջին հեղ,
Բայց՝ ափսոս այս է բախտ մեր.
Որ վաղն՝ անդեն աղետներով բեղմնավոր
Դարձյալ գոչել տա մեր սրտին սրգավոր,
«Ո՛վ Տեր, և զայս ո՛վ կարծեր»:

Ո՛հ, ո՛վ կարծեր, երբ մեք ըզշուրջ նույն հասակ,
Նույն խանդն ավյուն ունեինք, նույն ըզփափափ

Ու նույն իղձեր սրտաբուխ,
Ք' էր Միսաքին արև այսօրան կարճատև,
Քե հողն հանգչեր պիտի հասակ բարեձև,
Ու զիս թողուր շոր զըլուխ:

Ձրմեռն ամբողջ մահճին մեջն էր անցուցեր,
Քայց գարնան հետ դարձան կենաց նոր հույսեր,
Յուր խուլ ցավին դեմ անբույժ,
Եվ երբ խաբված մեք սրտաթունդ ամենքնիս
Քրժըշկության հարցընեինք ավետիս,
Մեզ յուր մահվան տըլին գույժ:

է՛հ, թող ծաղկունք ամեն գարնան դեռափթիթ
Որք զարդ դարձան շեռ նոր գոցված դամբանիդ
Քոռմին վաղիվ, ո՛ր Միսաք,
Ու ետ դառնա, դառնա անդարձ ու անհետ
Այդ կարոտյալ գարունն քեզի մահավետ,
Որ դագաշիդ հետ պըսակ:

Ո՞վ չէր լըսած լեզուն աչատ ու արի
Եվ ո՞վ ճանչցած չէր սիրտն շղնիվ ու բարի
Հայրենասեր Միսաքին,
Նա կը մեռնի ու բարեկամք կարտասվեն,
Ու մտերմաց արտոսը, գիտեք թե իրեն
Մարգարիտներ են անգին:

Դու գացեր ես արդեն ցրտին հողուն տակ.
Ես հոս ջանամ առնուլ շաղմե օրինակ,
Քեզմե, ո՛ր իմս հարազատ.
Եվ այն աղոթն զոր շիրմիդ վրա կընեմ ես,
Խնդրե հերկնից որ Հայ մայրերն, Քո մոր պես
Շատ Միսաքներ ծընին, շատ:

Ողջամբ երթ նա՛վ որ ճեղքելով բունն ալիս,
 Սիրտըս կուրծքես հափշտակած կը տանիս,
 Ու ծովուն վրա իբրև շարժուն մի հրաբուխ
 Լանջեդ՝ փրփուր, կուրծքեդ ժայթքած հուր ու մուխ
 Ահա ետին կոհակներուն լեռնագեղ
 Շատոնց ի վեր անհետացար աչքերես,
 Մինչդեռ ականարկս համառ կապույտն հայդ հեղուկ
 Գեռ կուղեկցի քեզ ի ճամփադ հեղհեղուկ:

Իզուր կանգնած ժայռին վրրա բարձրագետ
 Աղաչավոր կերկարեմ ձեռք ետևեդ,
 Եվ կամ իզուր դեռ կորոնեմ ուշադիր
 Գեթ այն ակոսն զոր ծովուն վրա ձրգեցիր.
 Կամ թե ըստվերն հրպարտ կայմիդ երկնասլաց
 Ուր արծվո պես պարզես թևեր մեծաբաց,
 Ու ես շունչըս զսպած իզուր ականջ տամ
 Անվույդ լրսել ձայնը վերջին մի անգամ:

Գո՛ւն ալ ողջամբ գընա՛, անսիրտ մըտերիմ,
 Մոռցի՛ր երգումդ, մոռցիր հավետ ըզսերն իմ,
 Սեր... զի՞նչ քան զայս պարմանուհվույն է ոճիր,
 Մոռցի՛ր, գոչեն, այս սերն հիմար շուտ մոռցիր,
 Մոռնա ուրեմն թող սիրտդ անզոր ու փափուն.

Մինչդեռ՝ սիրույդ հիշատակ սիրտն հիմ ծածուկ,
Սրբանըվեր է միշտ, իբրև խաղաղիկ
Դամբանի մ'վրա ծրլած դժբախտ մի ծաղիկ:
Ե՛րթ, ու անջինջ պահե էակատդ, սիրտըդ սառ,
Այն սիրո թույնն պահե շրթանցդ անըսպառ,
Եվ անըսպառ հուրն աշերուդ խաբեբա
Հորում մոգիչ աստված մ'անշուշտ թաքուն կա,
Քայց... է՞ր տրտմիս... երբոր ցնծաս մեկնելուդ,
Իբր անձրևոտ եթերն աճուան այն կապույտ,
Երբ ծիրանի գոտին կապես մեկ կողմեն,
Չըլլա մյուսեն նենգոտ աշերդ արսասովհն:

Գընա՛, զի դու գետակն ես միշտ խուսափող,
Ես ամայի ափունք, անշարժ քար ու հող,
Քեզ սըլանալ պարտ է ու ինձ մընալ հոս,
Երթ, գեղուհիդ իմ, երթ ուրեմն ի Կիսյրոս.
Այլ սիրուհվույս կարե՞մ մաղթել ես ինչ շար—
է՛հ, թող հավետ շողա քու աստղըդ պայծառ,
Իմըս խավար պատեն ամպեր թող նըսեմ,
Դու երջանիկ լեր, թող որ ես արտասովհմ:

Վրահ ընդարձակ, պատուհաններ փակ ու գոց,
 Գետինը գորգ ու բազմոց մը ցած ու լայն,
 Մերկ պատին վրա շրջանակով ոսկեզօծ՝
 Արաբերեն խոսքերու շարք մը միայն:

Անկյունը՝ մարդ մը, աշխարհին պահող քեն,
 Վայելելով իր նարկիլեն, և ախորժ
 Զգալով այս հեծկլտուքի նվագեն,
 Եվ օդին մեջ ցընցող մռլսեն թույլ ու գորշ:

Եվ իսկույն քե՛զ կը հիշեմ, երբ անխըռով
 Կունկընդրես միշտ հառաչանքիս և կարծես
 Հաճույք կզգաս, այդ մարդուն պես, դիտելով
 Մուխը սըրտիս կրակին զոր դուն կարծարծես:

<1899>



Լուսնալու դեմ գիշեր մըն է լուս ու տխուր-
Մութ մը վճիտ, լեցուն լույսե բիծերով,
Գիշեր հատակ, համեստ իղձի մը պես, ուր
Կը գծագրվի աշխարհ՝ տարտամ գիծերով:

Այս մութը չէ այրիին քողն, այլ աղվոր
Երևնալու համար հնարված թելը նուրբ.
Ընդնշմարել միայն տըվող շղարշը՝ որ
Կը ցուցընե դեմքերն ամեն գողտր ու սուրբ:

Ես ավելի կը սիրեմ մութն այս պայծառ
Անգաղտնապահ ցորեկներու լույսերեն.
Ինչպես կընոջ համակրութունն անբարբառ
Բացի ի բաց խոստովանած իր սերեն:

<1899>

Փողոցին մեջ կերթար, կարծես կը սահեր,
 Հուշիկ քայլով, դանդաղ, գրեթե շփացող,
 Դեմքը կազն լաշակի մեջ կը պահեր,
 Պատմուճան մը ուներ հովեն ծրփացող:

Աղվճճ, տգեղ, ի՛նչ փուլթ. բավեց որ մտքես
 Մարմին մը տամ ես ուզածիս պես իրեն,
 Վրդովիչ հով, պլրանք մը լուռ, վերջապե՛ս
 Ամեն բաներն որոնց համար կը սիրեն:

Ու տարինե՛ր սրտիս խորը ջանացի
 Պահել զինքը մասունքի պես, և մե՛կուն
 Չըսի անոր հրապույրները կանացի
 Որ գիշերներս ըրին խոռված և անքուն:

Ի՛նչպես եղավ, ո՛վ երազի ծնունդ կին,
 Որ ըստուգիվ մարմին առած, խրոխտ ու վես,
 Դեռ անցյալ օր թատրոնի մը հոծ մուտքին՝
 Չը ճանչցողի մը պես անցար իմ քովես:

<1900>

Ակնախըտիղ անբըծություն մը վերեն,
Երկնից վըճիտ բարձրութենեն կիշնար վար,
Վարանելով, օրորվելով, ծուլորեն,
Քալվածքին պես կնոջ մը մարմնեղ և ըստվար:

Ու փողոցին մայթին վրա կը փրփեր
Ճերմակությունն իրեն քրնքուշ՝ ցեխին քով.
Ոտքերու տակ կը կոխկըտվեր, կը լուեր,
Անտրտունջ միշտ ու քիչ մըն ալ հաճույքով:

Վերեն հիմա ձյունը առատ կը մաղվեր,
Հոժարակամ թողլով եթճրը կապույտ.
Անձնամատույց կինն էր ան որ կը թաղվեր
Փոսի մը մեջ ցեխի, անհոգ ու անփութ:

<1900>

Վը վառեր ան գիշեր ցորեկ, ամեն օր
 Սենյակիդ մեջ: Գետնին զորգին վըրա գուն
 Ընկողմանած էիր կես քուն, կ'ես արթուն,
 Սըփռած շուրջդ մարմնիդ հրապույրը բուրբ:

Ու դռնակեն՝ լույսը կրակին կը փայլեր
 Տաքցընելով մորթըդ կատվի պես մըսկոտ
 Եվ մութին հետ շինելով ըստվերն այն ազոտ
 Որ քու մըռայլ գեղեցկությանդ կը վայլեր:

Եվ տեսնելով մարմինդ լեցուն խոստումով,
 Քեզ նայող բոցը այդ լուռ կըրակին
 Խելքը գլխեն գացածի պես, ազվոր կին,
 Վը ցատկըռտեր հոս հոն հիմար ոստումով:

<1901>

Խոստովանե՛, Տիկին, հիմա որ անցան
 Մեր մորրկոտ սիրուն վրրդով օրերը,
 Հիմա որ ա՛լ անոնց հուշքը ցիրուցան
 Անհետացան տարիներուն խորերը:

Հիմա որ քեզ փոխանակ «կյա՛նքս» ըսելու,
 «Տիկի՛ն», կըսեմ, որ կը խոսիմ հետդ ու առանց
 Դողի կարող եմ ձայնդ անուշ լրսելու,
 Հիմա որ վրադ ո՛չ կիրք կզգամ, ո՛չ նախանձ:

Հիմա որ ճիշտ երեսունդ անցուկ՝ կը կենաս,
 Շըքեզ արձա՛ն, միշտ ըզմայլիչ գիծերով,
 Պաշտողներու խումբ մը շուրջդ կունենաս,
 Ամբարտավան կո՛ւտք, մարմարե ծիծերով:

Ըսե՛ ինձի, կարոտը հին սերերնու .
 Կանցնի՞ երբեմն ներսեղ, արագ ու թեթև,
 Գինովցընող պաշտումներեդ կը զարթնո՞ւ
 Անցյալին մեջ զարթումով մը կարճատև:

Անցյալն անոնք են որ մենե կը փախչին,
 էջեր գրքին որ ինքնիրեն կը գոցվին,
 էջեր միշտ գողտրր, բաներ անուշ ու շնչին,
 Ուրկե սիրտն ալ շարյունիր, բայց... կը խոցվի:

<1901>

Դուն լայն ճամփեդ գընա, ա՛ղվոր,
 Ես կերթամ մութ արահետես,
 Երջանիկ՝ այն համոզմամբ որ
 Սրտով գոնե ինձի հետ ես:

Ու անխոով կայքես նրսեմ
 Աչքրս հառած շավղիդ, ո՛վ իմ
 Դալուկ լույսըս, պիտի սպասեմ
 Քեզի որչափ որ ես ապրիմ:

Մեկ խնդիրք մը միայն. վերջին
 Փամուս կուզեմ որ մոտս ըլլաս,
 Եվ երբ ամենքն ինե փախչին,
 Դու գեթ անուշ դեմքըդ ցույց տաս:

Եվ ամեն փառքի փոխարեն,
 Միայն պատկերըդ հստակ ու ջինջ
 Հետըս տանիմ այս աշխարհեն
 Ձը հիշելով ուրիշ ոչինչ:

<1901>

Գաշնակ մըն է հոգիս լեցունն
 Նվազներով շատոնց լուսծ՝
 Որ մատիդ ծայրը դաշելուն
 Կը սարսըռա, կերգի հանկարծ»

Երգեր մոռցուկ, երգերս իմ հին,
 Խոր քուներնին թողածի պես,
 Որ շրփելով գոց աշվընին
 Կանցնին կարգով ահա դեմես»

Նախ երգերը օրորոցիս
 Որոնցմով մայրըս զիս մեծցուց,
 Ու խուլ երգերն իմ փողոցիս
 Զոր տակավին գիտեմ բերնուց»

Վերջը, սիրո երգերը որ
 Կես մը իրավ, կես մը կատակ,
 Նետեցի շորս դին ամեն օր,
 Մաղկանց նրման ոտքերու տակ»

Վերջը... վե՞րջը բոլոր զվարթ
 Այդ երգերուն, — դադարը մեծ,
 Լրուսթյունը, զոր մինչև ցարգ
 Քենե զատ ո՛չ ոք չէ վերդովեր»

«2901»

Անկյուն մ'ունիմ սրտիս մեջ ուր՝
Կառանձնանամ ատեն ատեն,
Վերհիշումներ երբոր տրխուր
Թրկրեն զիս պահ մը կանջատեն:

Հոն՝ կը կենամ ես ծնրադիր
Ինչպես առաջքը խորանին,
Եվ ուր միայն կը ծաղկի իթ
Կես սուգին մեջ՝ եղրեանին:

Հոգ շարված են իրարու մոտ
Մութ փոսերը իմ իղձերուս,
Հիշատակներ՝ հիմա աղոտ,
Անուններ՝ զոր շրսեր լեզուս:

Խոլ տենչանքնիր, թռիչք անհուն
Ձոր ձեռքովրս տվի հողին,
Մեռելներ՝ որ ուրիշներուն
Պես հարության հույսը շունին:

◀1903>

Քակե՛ մազիդ խուրճը ոսկի օձերու
Որ պլլվին պարանոցիդ ձյունեղեն,
Ուսիդ, մեջքիդ փաթթվելով քեզ նեղեն
Միսիդ վրա իրրև քողք մը բոցերու:

Մերկ, խրոխտ, շքե՛ղ օթոցիդ վրա պառկե՛ դուն
Սև մետաքսե գուլպաներդ պահելով,
Ծրագնե՛ր հյուսե՛, քնացիր դեմ անվրդով,
Ես ըսպասեմ այսահարի պես արթուն:

Կեցի՛ր այդպես որ իմ հոգվույս մեջ տըպեմ
Ծայտքը, էջքը, թավալումը գիծերուդ,
Հիշեմ տեղվանքն հոս հոն ցրված բիծերուդ,
Ինքզինքրս անով խարեմ խաբխրեմ:

ժամանակը թևես բռնած կը տանի՝
Եվ կուրորեն կը հետևիմ ես անոր,
Փրճացող հեք իղձերուս տեղ մեկ քանի՝
Մեկ քանի հույս լույս դրնելով ամեն օրս

Մերթ կը քալեմ գնացքով համր ու տարտամ,
Հորձանքին հետ մերթ կը վազեմ շուտափույթ,
Կրնկըղմիմ և իսկույն նորեն կը ծրփամ,
Կը ծրփամ, վերն է միշտ երկինքը կապույտ

Փախչի՞լդ ինե, իրավունքդ է, ո՞վ սերդ իմ,
Ինչպես բոլոր երազներուս ծերունի,
Թռչուններու խուճապ՝ որուն կը ժպտիմ,
Ժպիտով մը որ լացի շատ կը նմանի

Եվ կամքով մը հրզոր սիրուս հավասար,
Ես անտրտունջ կերթամ ճամփես զարտուղի,
Հիմա գոցված գիշերով թանձր ու ըստվար,
Թանձր ու ըստվար՝ վաղորդայնով մը հրդիւ

<1908>

**Տանքելներուդ փրփուարովը կը մըտնձս
Երերալով՝ նավու մը պես ալիհերձս
Աչքերու մեջ ցանկություններ կը գըտնձս
Ո՞ կը հըճվիս կնկան մը պես այլամերձս**

**Մ ստուցումի մը պես կարծես կը ծըփան
Կոհակավետ մարմնիդ բոլոր գիծերը
Ծըփանքով մը օձագալար խոլական,
Եվ կը զմայլին ապշած տղան ո՞ ծերը**

**Ամեն այրերն հորձանքիդ մեջ կը դառնան
Ո՞ կը փոխվին խելոքներն ալ խենթերու
Սուրբերն անգամ իսկույն վրադ աչք կը բառնան,
Հոսանքն ես դուն սարսուռներու, տենդերու**

**Ըսե՛ շիտակ, թե որ սիրեցիր քիչ մը զիս
Ո՛վ հասուն կին, որ խոնջենքը մարմնիդ մեջ
Տարիներուն դեմը կելլես, կընդվըզիս
Զյունածաղի՞կ արդյոք կամ հո՞ւր ես անշեջ:**

<1908>

Ծրբոր օր մը ըզգաս պետքը,
 Զրգված՝ շուրջիդ կյանքեն շինծո՞ւ,
 Երջանկության փախչող հետքը
 Անցյալին մեջ փընտըրելու:

Որովհետև, ո՞վ դառնություն,
 Ասկից վերջը աչքիդ՝ ծարիր
 Պետք է դընես և անարյուն
 Շրթունքներուդ՝ քիչ մը կարմիր:

Քալած ատենդ երբոր ճամփան,
 Նայվածքդ ամենքը չը թովես,
 Եվ զարմացած՝ չը փըսփըսանս,
 «Այս աղվոր կինն արդյոք ո՞վ է»:

Ծրբոր ներկան՝ ցուրտ ու ցամաք
 Դառնա քեզի կամաց կամաց,
 Կսկիծներով լեցվի համակ
 Ապագադ ալ՝ մըռայլամած,

Եվ ուրանա իսկ քեզ, ո՞վ իմ
 Կյա՛նքըս, աշխարհը համորեն,
 Ես անցյալն եմ հավատարիմ,
 Իմ գիրկիս մեջ եկո՛ւր նորեն:

ԱՐՁԱԿ ԷԶԵՐ
ԿՍՏԱՄԱԽՈՍՈՒԹՅՈՒՆԵՐ

A decorative flourish on the left side of the page, featuring a stylized, elongated shape with a pointed bottom and a small circular element near the top, resembling a stylized leaf or a calligraphic ornament.

Անտարակույս ընթերցողներս պիտի զարմացնեմ, երբ ըսեմ՝ թե Զինաստանի մեջ հայկական գաղթականություն մը կա: Հայ գաղթականություններ ի Հնդկաստան ծանոթ են. բայց շինաց մեջ առաջին անգամն է որ կը լսվի:

Այս դարմացումը ապշուծյան պիտի փոփոխի, եթե ավելցընեմ՝ թե Զինաստանի գաղթականությունը Քուրքիո հայոց շափ բազմաթիվ է, ու Պոլսո հայոց շափ բազմաթիվ մաս մըն ալ կը բնակի ի Փեքին՝ նույն իսկ Զինաստանի մայրաքաղաքին մեջ:

Ու երբ ըսեմ՝ թե այս հայ գաղթականության ներքին ու ազգային գործերը ճիշտ մեզի պես կամ՝ քիչ փոփոխությամբ՝ սահմանադրությամբ մը կը տնօրինեն, թե հոն ևս Պատրիարք մը և Ազգ. Վարչություն մը, Երեսփ. Ժողով մը ունինք, թե հայոց լեզուն կը խոսվի ու կը գրվի՝ թեև հայերը շինական անուններ կը կրեն, թե տեղական մամուլ ու մատենագրություն մը կա, թե այդ հայոց մեջ խելացի մարդիկ կը գտնվին ճիշտ այս տեղի նման, իրավ է որ բոլոր ըսելիքներս ավարտած պիտի ըլլամ, բայց ոչ ոք պիտի հավատա ինծի ու ամենքը պիտի ժիծաղին: Հիմակվընե կերևակայեմ թերահավատ ընթերցող-

ներուս հուզմունքը.— Կարելի՞ բան է որ Չինաստանի մեջ հայեր ու բազմաթիվ հայեր, հայ գաղթականություն մը կը գտնվի ու տեղեկություն չունենանք, պիտի գոչեն ամեն կողմեն:— Ոչ, կատակ մըն է այս, պիտի պատասխանե ուրիշ մը, բայց անախորժ կատակ մը, քանի որ հայկական գաղթականություն մը ծաղրի նյութ կընտրե:— Ինչ որ ալ ըլլա՝ ծիծաղելի է, պիտի ավելցնեն երրորդ մը: Միծաղելի կամ ոչ: Չինաստանի մեջ բազմաթիվ հայոց գաղթականությունը իրողություն մըն է. եթե կանոնավոր հարաբերությանց պակասությունը չէր ծանոթացուցած զանոնք մեզի, պատճառ մը չկա որ ասկե վերջն ալ հարաբերություն չունենանք անոնց հետ. Փեքինի մեջ ալ ազգային կյանքը Պոլսո կամ Թիֆլիսի հայոց կյանքեն ավելի վառ ու փայլուն է:

Այս նոր հայոց աշխարհը դտնելու համար պետք չեղավ ինձ Քոլոմպոսի նման հանձանոթն դիմել:

Իմ հայ շինացի բարեկամներես Մեծապատիվ Չիու-չի, որ Փեքինի դիտուններու ժողովին անդամ է և տեղական ազգային գործերուն լիովին հմուտ, և որուն հետ թղթակցության մեջ եմ, իր նամակներով պետք եղած ծանոթությունները տվավ ինձի Չինաստանի հայոց կյանքին նկատմամբ, որով՝ անոնց անգոյություն կասկածները բուրրովին կը ջրվին:

Ուստի որոշեցի հետզհետե հրատարակության հանձնել Մեծ Չիու-չիի նամակները, որոնք կատարյալ լույս կը սփրեն և հետաքրքրական մանրամասնություններ կուտան այս անձանոթ գաղթականության վրա:



«Ի՞նչ կուզեք որ գրեմ ձեզի մեր հայոց վրա, միթե դուք ևս հայ չե՞ք. հայը՝ հոս ալ նույնն է ինչ որ է ամենուրեք, ձանձրացուցիչ հյուր մը, որ կը կարծե թե բոլոր աշխարհ զինքը ասպընջականելու համար ստեղծված է, քանի որ իրեն հատուկ տեղ մը չունի. որ նախադաս կը համարի ուրիշի հոգեբով զբաղիլ, քանի որ իրեն մտածելու այլևս բան մը մնացած չէ. որ աշխարհի գործերը կը տնօրինե, քանի որ իրենները կարգա-

դրելու բախտը չունի. որ և ոչ մեկ տեղացի է ու ամեն տեղ կը գտնվի. որ ամեն լեզու կը խոսի, քանի որ իրենը հասկցող չկա. որ ուրիշներու հետ կը վաստկի, կը ժպտի, կը ցավակցի ու կարտասովե, անշուշտ թողլով ուրիշներուն, որ անոնք ալ իր վրա արտասովեն. որ ազատությունը, հավասարությունը, եղբայրությունը կը սիրե, քանի որ աշխարհ կը պնդե թե անոնք լավ բաներ են. տկարին՝ բարեկամ, քանի որ չոր մաղթանքե զատ ուրիշ կերպով անոր օգնութեան չի կրնար հասնիլ. բռնավորին՝ թշնամի—զոր պառավ կնկան մը պես անիծելի ուրիշ բան չընե. որ իր ապրած մթնոլորտին գիտե հարմարիլ, քանի որ մթնոլորտը իրեն չի հարմարիր. որ ամեն տպավորութեան կրնդունի և կանդարդարձնե. կատարյալ մեղրամոմե մարդ, որու վրա իրեն հետ կենակցող ամեն ազգ՝ իր կնիքը կը թողու մոլութեանց և առաքինութեանցը հետ, վերջապես մարդկային ազգին լքյալ, աներես ու անառակ մեկ զավակը, որ կը մաքառի բախտին և մարդոց դեմ որ զինքը ավելորդ արարած մը կը դավանին, որ իզուր կաշխատի անհետանալու երկրիս երեսն կամ հանգստեան վայր մը գտնելու հոն, միշտ շփոթած, միշտ անհանգիստ, միշտ զվարթ ու կատարելապես անտարբեր ու փիլիսոփա էակ մը՝ վարդապետին քարոզին դեմը, ինչպես կանանց անհավատարմութեանը առջև:

Փեքինի գրական կյանքը կը բաժնվի երեք դաստիարակնե. որու մեջ, որոնք ճառ խոսելով կիշխեն անհանդարտ ժողովուրդի մը վրա՝ որ անոնց կունկնդրե ինչպես ապշած եվրոպացի մը թորմոն քարոզիչի մը խրատներուն:

Դիվանագիտական օրենքներու համաձայն խմբագրված դաշնագրութեան մը՝ հարակից ու փոխադարձ շահերու վրա հիմնված, ինչպես կրսեն քաղաքագետները, այս երեք մտային ինքնակալներու կայսրութեանները կը սահմանե. հաստատելով *modus vivendi* մը, որ հարուցվելիք վեճ չի թողուր մեջտեղ և այս կերպով կը ջրե այն սխալ համոզումը՝ որով պատերազմը ընկերական կյանքի անհրաժեշտ պայմաններին մին կը համարվի:

Մեր վարժապետներն անմիջապես վերջ և պարզ մահկանացուներե անմիջապես առաջ, կիները կուգան տիրապետա-

կան մրցումներու մեջ, նույնիսկ գրական ասպարեզին մեջ:

Մեր կիները՝ փոքրիկ ունին ոտք ու մեծ ունին գլուխ, նեղ ու բարակ աչք ու շատ խոստացող ակնարկ, անուշ բերան օկծու լեզու, հեշտալուր ձայն ու խաբեբա խոսքեր, սահմանափակ միտք ու անսահման պահանջումներ:

Կանացի հրապուրանքներու անդիմադրելի զորութիւնը և այն քաղաքավարութիւնը, որ ի բնեւ մասն շինահայու հատուկ է, բարեբախտաբար անտանելի չի դարձներ մեր գեղուհիներուն լուծը և հոժարակամ կը ճանչնանք գերիշխանութիւն մը, զոք մեր մեծագոր. կայսրութիւնն իզուր կը պահանջե թոնքենի համար:

Աղղեցութեանց կարգով խոսելով՝ կիներն վերջը կուզան մեր լրագիրները. հասարակաց կարծիքի այս ինքնակոչ ներկայացուցիչները՝ սովորական մահկանացուներն սա տարբերութիւնն ունին որ նախ կը մկրտվին և հետո կը ծնին, կը մեծնան, կամուսնանան, հասարակաց շահերը պաշտպանելու կը ձեռնարկեն ու իրենցը պաշտպանելու հագիվ կը հաջողին ու բազմարդուն այլ կարճատև կյանքե մը վերջը կը վախճանին՝ իրենց ծաղիկ հասակին մեջ անբուժելի հիվանդութենե մը (զոր բժիշկները լրագիրներու համար համաճարակ կը վճռեն) խոր սուզով և անմխիթար կսկիծով համակելով բոլոր ցովիչները, գրաշարները, տպագրիչները, թղթավաճառները, այլ մանավանդ բաժանորդները, որոնք այս առթիվ կանխավճարի անպատեհութիւններն անգամ մը ևս կը հաստատեն:

Բայց ինչ որ ալ ըլլա սա ճշմարիտ է որ լրագրութիւնը հառաջդիմելու վրա է մեր մեջ. մասնավոր թղթակից ուղարկելու նախաձեռնութիւնը հզոր ապացույց մըն է այս մասին:

Ընդվայր պիտի առարկեն թե թղթակից-խմբագրի պաշտոնը կրկնապես նվիրական է, ըստ որում՝ հեռավորութիւնը անկարելի դարձնելով լուրին ճշտութիւնն ստուգել, ընթերցողը՝ թղթակցին պարկեշտութիւնն ու ճշմարտախոսութիւնը ունի միայն գրավական, թե այդ ճանապարհորդ թղթակցին դժգոյն երեսը ամոթի զգացումին դեմ քանիցս անթափանց մնացած է, որպէս մեր Փեքինի նավարանին մեջ խարսխյալ զրահավորը հուսանք որ պիտի մնա ֆրանսական գնդակներու դեմ, թե ծան-

բարեունյալ՝ ոչ Պուալոյի փայտահատին պես փայտերով ոտ տարիներով միայն, այլ այնպիսի անցյալով որ պատժական դատարանին ուղին կը դյուրացնէ, այդ թղթակցին երեսին սևը բնական թե վերջեն հավաքված մուրերեն ներկված լինելը խնդրո նյութ է, թե փորձառութեանց տեր ըլլալի վերջը՝ պարագային հարմար սուտեր միևնույն հաջողութեամբ կրնա զբր-վիլ Փեքինեն կամ Վաղարշապատեն:

Այս ամենը պարապ գանգատներ են միայն. սուտը ճշմարտին աղն է՝ ըսած է մեծանուն փիլիսոփա մը, որուն անունը կորսնցուցած եմ. և հիրավի շարունակ ճշմարտախոս անձ մը անտանելի խոսակից մըն է. թղթակցին պարտականութեանց առաջինն է իր ընթերցողները գոհ ընել և ես նախամեծար կը համարիմ ուրախառիթ սուտ մը ողբալի ճշմարտութենէ մը:

Եթէ լրագիրներու թղթակիցները սուտեր կը շինեն, պատճառն այն է որ դառն փորձառութենէ մը վերջը, որ քիչ մնաց խեղճերը առանց ընթերցողի պիտի թողուր, թղթակիցներն ալ պարտավորվեցան Բրուտոսի նման գոչել՝ «Ո՛վ ճշմարտութուն, դու բառ մըն ես միայն»:

Մեր ազգային գործերը շեն տնօրինւիլի կրոնական գլուխ համարվող բարձրաշնորհ մանտարենն մը և երկու ժողովներէ, որոնց մին՝ ազգին կամքը հայտնելու և մյուսն ալ գործադրելու կոչված է:

Այս հոգևոր գլուխով, երեսփոխանական մարմինով ու վարչական ոտքով արարածը, որ շինահայերուս ապագան կը ճակատագրէ, այն հանելուկին լուծումն է որ «Կայի չկամ—չկայի կամ» նախադասութեամբ սկսելով, տասը տարի շարունակ բարեհիշատակ տպարանապետի մը տարեցույցին ամենն հրապուրիչ մասը կը կազմեր:

Տարաբախտ տպագրիչը շատոնց զղջացած էր այս աստիճան հայտնի բան մը հանելուկի վերածելուն. իսկուր հանելուկը խիստ բացահայտ ակնարկութեամբ կսկսեր «Կայի չկամ—չկայի կամ» պարբերութեամբ: Ամեն կողմեն կը հարցնէին իրեն թե հանելուկը կուտվե՞ր թե չէ՞ր ուտվեր, խանութի՞ մեջ թե ձեռք կը ծախվեր, ու ասոր նման հազար մանրախուզութենէ վերջը. «գտա՛, գտա՛, կաղա՛մք է, կաղա՛մք» կը գոչեր մին,

որ տարվան մեկ եղանակը կա, մյուսը չկա: Ո՛չ, «Պատրիարքարանի պաշտոնյաներու բարեկրթութիւնն է որ կա ու չկա բան մըն է», կավելցնէր ուրիշ մը: «Զէ՛, չէ՛, կիներու հավատարմութիւնն է որ բնավ չկա» կը պոռար երրորդ մը, որ իր անձնական փորձառութեան վրա կը հիմնէր իր պատասխանը: Իսկ ոչ ոք կը մտածէր ազգային վարչութեան վրա, որ ստվեր մըն էր. մինչդեռ համառ տպարանապետը, այս լուծումին գտնվելուն հուսահատ՝ իր գրավը շարունակ կավելցնէր խաղամուլ անգլիացիի մը պես:

Առեղծված մեքենային գլխավոր մասը մեր ներկայացուցիչներու ժողովն է, որուն վրա իրավամբ կը պարծինք. վասն զի մեր ներկայացուցիչներու ժողովը՝ Քրիստոսեն ավելի բարեբախտ՝ իր աշակողմը և ձախակողմը ունի, ոչ սակայն դատապարտված ավազակներէ կազմված:

Իսկ մեքենային ամբողջացուցիչ մասն է գործադիր իշխանութիւնը, որուն ատենապետը Վսեմաշուք Փի-Փի-Լյունկ, իր դիրքը զինու գորութեամբ գրավելուն վրա կարծես պարծենալով ֆրանսացի գորապետին պես կը գոչէ՝ «j'y suis, j'y reste!»: Եվ արհամարհական ակնարկով նախ կը պատասխանէ ներկայացուցիչներու ժողովին ապստամբական շարժումներուն, որոնք անլուր, աշխարհակալութեան մը պտուղը մեկ վայրկյանի մեջ իր ձեռքեն հափշտակելու կը հանգին:

Վասնզի ցավ է խոստովանիլ, որ պաշտոնեութեան դեմ հակառակութիւնն իբրև սահմանադրական հիվանդութիւն մեր ժողովներուն մեջ ալ մարտի կը մղի երեսփոխանները. բայց վարչութիւնը անհողղող իր աթոռին ետին՝ թշնամիին կրսպաս ու կը ծիծաղի այն հարցական ու հարցապնդական ռումբերուն վրա, զորս պարզամիտ ժողովականներ կարձակեն իբրև խորհրդարանական կռիվի մեջ նորագույն ու մահատուգ ենք մը:

Միայն թե նեղ պարագաներու մեջ անպայման զինադուլ մը, որուն փոքրագույնը վեց ամիսն պակաս չէ, կը լռեցնէ հարցանոթներու որոտումը, և հաշտութեան ծիածանը, թեև վաղանցիկ, ժողովականներու ու պաշտոնյաներու գլուխը կը միացնէ:

«Սիրով կը պատասխանեմ ձեր հարցումին, միայն թե տարի ու կես կը պահանջեմ» — խոսք մըն է, որ այս կիրքերը մեղմելով հանդերձ համբերությունը կյանք լինելը կուսուցանե թերահավատ երեսփոխաններու, որոնք հայտնի դժգոհությամբ կը լսեն Հիսուսի այս դառնահամ պատգամը:

Այս առթիվ կը հիշատակեմ ներկայացուցիչներու Ժողովին մեջ անցյալները տեղի ունեցած միջադեպ մը, որ մեր խորհրդարանական սովորությանց վրա փոքրիկ գաղափար մը կրնա տալ ձեզի: Փեքինի Ֆոնկ-Քու թաղին ներկայացուցիչ վարչության ատենապետին հաճելի ըլլալու անկեղծ դիտավորությամբ, ուզեց գովեստ մը ընել անոր վարչական տաղանդին վրա, դաստիարակության օրենքներու վիճաբանութենէն օգուտ քաղելով՝

— Կը հիանամ, տյա՛րք, ըսավ, թե ի՛նչպէս վայելչաձև է Գործադիր իշխանության վսեմ ատենապետին գլխարկը և ի՛նչպէս բարեձև է իր պեխերուն ոլորքը. այսպիսի շնորհալի գլխարկ մը և ոլորուն պեխ մը իր վարչական կարողություններուն անհերքելի ապացույցները շե՛ն միթե:

— Վեց ամիս կը պահանջեմ այս հարցումին պատասխանելու համար, գոչեց անզուսպ ատենապետը:

— Բայց, ներեցե՛ք, հարցում մը չէ որ...:

— Ինչ կուզե թող ըլլա, երեք ամիս կը պահանջեմ առնը-վազն՝ բացատրություն մը տալու համար, կրկնեց Վարչության գլուխը անվրդովա՛:

<1884>

ՈՒՂԵՎՈՐՈՒԹՅՈՒՆ ՄԸ ՀԻՇԱՏԱԿՆԵ- ՐՈՒՍ ՍԵՋ

Ֆալաֆան.—Տիրացու Արթին ու ձայնավոր Գասպար.—Պեշիֆ-
թաշի Մաֆրունյան Վարժարանը.—Գերասաններ.

Ֆալաֆան իմ էն հին դարոցական հիշատակս է:

Հիմա մշուշի մեջ կերևա ինձի այս փայտն ու շվանն կազմը՝
ված գործիքը, որ տանգլուխ ու վիթխարի D մը կը հիշեցնձ
Ֆրանսական այբուբենն:

Այս D-ին սյունակը փայտն է, տոկուն ու դիմացկուն փայտ.
ն պարույթը ռուսական կուպրով ծեփված բարակ շվանն մը կը
բաղկանա: Կուզեք տեսնել հիմա այդ անվնաս դարձած գոր-
ծիքը:

Գավազանը՝ հունի ծառն ուստ մը դյուրաթեք ու անրեկա-
նելի, ֆալաֆային հետ contre-basse ջութակի մը տպավորու-
թյունը թողած է հիս: Առաջ այդ երաժշտությունը շէի սիրեր:

Ջութակահարին դեմքը միտքս է, բռնավորի դալուկ ու մեղ-
կացած դեմք մը, կարճ հասակի մը ծայրը անցած խոշոր գանկ
մը, ֆեսը ետին ծռած ու ցույց տալով ճերմակ գտակը իր քրրու-
նածոր ու լայնածավալ ճակատին. ձյունապատ գագաթ մը շե-
ռուցյալ պահարանի մը ծայրը:

Ի՞նչպես կըլլար որ այս նիհար մարդը շարունակ կը քրրու-
նեք. ամառ ձմեռ կը գանգատեր եղանակեն, հեղձյալ, հազիվ

կարենալով շունչ առնել, հետզհետե մերկանալով վերարկուն, սեթրին ու բաճկոնն ու երևան հանելով շապիկին վրայն տափատը բռնելու համար կուրծքին վրա խաշած քերված ասկրն, որ իր ուսերը կը կքեր ու խաշված մարդու մը կերպարանքը կուտար իրեն:

Այսպես կը շրջեր տիրացու Արթին ծաղկոցին մեջ, հոտավետ ծաղկոց մը, ուր հարյուր տղոց քաղվածքի մուտուրը՝ մեղավաց երամի մը բզզյունին պես երթալով կը բարձրանար ու խլացուցիչ կը դառնար. մերթ ընդ մերթ կանգ առնելով, գավազանը ձեռքն ու պոռալով իր ճշող և սուր ձայնովը.

— Լուսթյո՛ւն...

Մյուսյու կուզեր որ կոչեինք զինքը. վարժապետ և պատվելի բառերը հետադեմ ու նախատական կը թվեին իրեն: Ուսումնարանը ուր կառավարելու համար ունեցած բաղձանքը երբեք իրականացած չէր, Ձայնավոր Գասպար կառավարչի ու ձայնավոր դասատուի կրկին պաշտոններուն մեջ ամրացած հը մնար և այս փառասիրական պահանջումը դառնությամբ կը լեցնեի իր փոքրիկ սիրտը:

Անվերջ բաղդատություն մ'էր իր նախակրթարանին և ուսումնասարահին մեջ որ միշտ մեզի նպաստավոր եզրակացությամբ մը կը վերջանար:

— Վերի աղմո՛ւկը նայեցեք, թող չեն տար որ աշխատիք կըսեր մեզի:

Կամ թե,

— Թող մեյ մը իմ սրահս նային, մեյ մըն ալ սա վերի խավուշը:

Եվ մենք կեղծավոր ու շողոքորթ, կը բուրվեինք իր շուրջը. կարեկից իր ցավին ու անաչառ վկա իր գանգատին արդարուցիչ ըլլալուն:

— Այո՛, մյուսյու:

Եվ սակայն վերի սրահը կորոտար, կը թնդար իր ցնծալից ու աղմկալից կյանքովը, կոխվներով, ծեծկվուքներով զորս կըզգայինք մեր գլխուն վրա ու ներքնապես կողբայինք մեզ ծաղկոցին գրասեղաններուն կապող տարիքներուս վրա:

Կարծեմ թե կաթվածի մեռավ վերջ ի վերջո. իր մշտածոք

քրտինքին գաղտնիքը՝ սրտին մեջն էր. խեղճ ջութակահարը երբեք զով եղանակ մը չգտավ իր կազմվածքին հարմար, ու մեռավ:

Ուսումնասրահի կառավարիչը Չայնավոր Գասպար կունտ ու կլոր, ծիրանի այտերով, ձայնը մարած, պոռալի ու օղիեն, զվարթ ու կատակախոս մարդ մ'էր:

Հոչակավոր Արիստակեսի աշակերտներեն էր. աստիճան առած էր. քահանա պիտի ձեռնադրվեր եթե իր ամուրի ըլլալը արգելք չըլլար:

Կը հիշեմ որ այս սուրբ ակնկալությամբ զինված՝ տարիներով թափառեցավ աղջիկ փնտրելու համար:

Կիները կը հավնեին զինքը երբ դասին մեջ կայնած, Մնունգի ու Ջատկի առավոտները ոսկեվառ շապիկովը կը դառնար ետին վերնատունին, իբրև թե հիշեցնելու որ ինքն էր օրվան անհրաժեշտ մարդը:

Գասպար աղան քահանայության ու ամուսնության թեկնածու մնաց մինչև վերջը. վասնզի ոչ ոք երեցկին ըլլալ հանձն կառներ:

Երբ խորեն սրբազան Մաքրուհյան վարժարանի տնօրենությունը թողուց, Գասպար աղան այլևս շատ չկրցավ կենալ:

Նորիկ հոգաբարձուները իր խեղդուկ ձայնին չէին հավնիր. մին, հովաբտա ոսկերիչ մը, որ ինքն ալ ձայնավորություն ընելու տկարությունն ուներ, կիրակի առավոտ մը եկավ տնկվեցավ դասին մեջ, Գասպար աղային քովիկը, եթե ոչ բոլորովին կապտելու՝ գեթ մաս մը առնելու անոր իշխանութենեն:

Գասպար աղան չէր կրնար առանց ձայնավոր դասատուի մը ավանդական իրավունքները զոհելու՝ այս կացությունն ընդունիլ. հրաժարեցավ. բարով հկար ըսին իրեն ու կիսավարտ քահանան բոլորովին բացը մնաց:

Հետզհետե ուրիշ վարժարաններ մտավ եկեղեցական երաժրտության դասատուի պաշտոնով. բայց առջի զվարթ մարդը չէր ալ. չքավորությունը, իր ի դերև ելած կոշումը, Մաքրուհյան վարժարանի հիշատակը, ուր տարիներով սովորած ու արմատացած էր, վարժարան մը որ իր տունն էր գրեթե, մանա-

վանդ այն ոսկերչին ստվերը, այս ամենը միացան հեք ձայնավորին կյանքը դառնացնելու համար: Ամեն կողմ ոսկերիչ մը կերազեր. իր քթին տակ, իր քովը, ստվերի մը պես անբաժան ուր որ ալ երթար, ազատ ու հզոր ձայնով ոսկերիչ մը՝ որուն քով իր մաշած ու հատած շունչն անխելի կը մնար:

Անկից վերջը շրջուն տիրացու մը եղավ. տոն օրերը, գյուղի աղքատ եկեղեցիները կերթար, փոքրիկ վարձքի մը, մեծիտիեի մը փոխարեն, անեղծ պահելով իր ձայնավորի արժանապատվութիւնը: Քալելով կերթար ամեն տեղ, լեռնն լեռ, շարժելով գունտ գլուխը, կարծես թոթափելու համար-զայն պաշարող մտմտութիւնները:

Վերջին անգամ մը Ալեմտաղի պատահեցա իրեն. հետիոտն եկած էր Իսկյուտարեն շորս ժամ շարունակ քալելով: Հեռվեն՝ միշտ կարմիր մնացող այտերեն ճանչցա այդ ոգելից ըմպելիքներով ուռած ու թմթուկած դեմքը. ինքը չճանչցավ զիս. հետո իմ բարեկեցութեամբ, խորհեցավ, հիշեց. Մաքրուհիյան վարժարանի աշակերտ մ'էի ու սիրելի մնացած հիշատակներ կարթընցնեի մտքին մեջ. իր փայլուն, իր հաջող ատենները գիտեի:

— Ո՛ւր է հիմա այն օրերդ, Գասպար աղա, ըսի իրեն:

Երածիշտը սթափում ունեցավ իր հոգվույն մեջ:

Ի՛նչ, միթե ինքը չէ՞ր առջի ձայնավոր Գասպարը:

— «Արի» մը ըսեմ տե մտիկ ըրե:

Ափս՜ս, իցիվ թե չըսեր. դասեն՝ ուր գացեր էինք ունկնդրելու իրեն, ձայն մը չէր որոշ ու հասկնալի, այլ հեղձամղձուկ հառաչանք մը, որ կելլեր ավերյալ խոռոչն մը ու փոքրիկ եկեղեցվույն բարեպաշտները կը զարմացներ:

— Ա՛յս է Պոլսեն եկող ձայնավորը:

Խեղճ մարդն ինքն ալ զգաց որ իր անկումն անհույս ու վերջնական էր:

Գոնն այն եկեղեցիներեն միույն մեջ տեղի ունենար այս պարտութիւնը, ուր այնքան ատեն լսված էր իր երգերուն ներդաշնակութիւնը. այն կամարներուն ներքե, զորս իր որոտացող ձայնովը թնդացուցած էր ատեն մը. ո՛չ, այլ այս լերան գլուխը, այս փոքրիկ ու մթին մատուռին մեջ, բանն չհասկցող

այս գյուղացիներուն առջև, որոնք կը ժիծաղեին իր վրա. ի՞նչ վերջավորութիւն:

Այս մեծ զորապետը, հռչակավոր ճակատամարտի մը մեջ զարնվելու տեղ անծանոթ ավանի մը, աննշան կռվո մը մեջ կանհետանար:

Եվ ես որ զինքն ամենուն գոված էի, իրմե առաջ խույս կուտայի իր պարտութեան մասնակից չըլլալու զգուշութեամբ: Հուսկ ուրեմն փոքրիկ օգնութիւնով մը ջանացի սփոփել զինքը, հիշեցնելով այն մանկութեան օրերս, հորում ամեն տարի գիրք կարդալու, Դանիելի կամ Եզեկիելի մեկ գիրքը, իր շնորհիվ եկեղեցվոյն մեջ ձեռք բերած համբավեա երախտապարտ, հաջորդ օրը կանուխ կը փութայի հորմեա պահանջած նվերս գաղտնի իր ձեռքը դնելու:

Մեկ մ'ալ շտեսա զինքը. բայց իմացա որ Ազգը իր Հիվանդանոցին մեջ կը պառսպարե հիմա այս դժբախտը:



Վերջին հիշատակ մը ունիմ Պեշիքթաշի վարժարանն, թատերական ներկայացմանց ի պատվի եղած միջոցն էր. Պոլիս՝ իր կետիկ Փաշան ուներ, Օրթագյուղ՝ Բարեսիրաց թատրոնը. ուրիշ գյուղեր՝ մասնավոր սրահներու մեջ կուտային թատերական ներկայացումներ: Պեշիքթաշ՝ Մաքրուհյան վարժարանի սրահին մեջ առաջին ներկայացումը տվավ:

Ի՞նչ ուրախութիւն մեզի համար. ութ օր առաջ դասերը ստիպյալ դադրեցան. մեր նախակրթարանը՝ ուր թատերաբեմը պիտի շինվեր, հարկ եղավ թողուլ, լուծելուն պատվիրող չըմնաց. ամենքը՝ տնօրենն սկսյալ մինչև դասատուները, ամենքը ճարտարապետ ու բանվոր դարձած էին. տնտեսը կը մնար միայն ուսուցչական մարմնույն իբրև վերջին հիշատակ մը. մենք՝ գամերը, գործիքները ու տախտակները կը փոխադրեինք, եռանդուն ու աշխատասեր, գրքերը մեկդի նետած ու ազատ շունչ առնելով:

Տասնհինգ օր առաջ սկսած էին փորձերը շորորդ կարգի

դասարանին մեջ ուր արգիլյալ էր մեզ մտնել և որուն դրանքովեն ամին անցնիլ դառնալնուս, կը լսեինք բարձրագույն կարգի աշակերտաց ձայները իրենց դերը արտասանելով:

Օր մը Արշակ Բ.ն էր որ կը գոչեր բանտին մեջ խելահեղ ուսարսափած ուրվականներու տեսքեն.

— Ահա... Պապ, բայց այս Պապ չէ...

— Կարտինալ է, կը պատասխաներ անդիեն պատրաստախոս տղա մը ու խնդալով կը մարեին:

Երբեմն Դրաստամատն էր հաղթական զորավարի ցնծությամբ լցված, երբեմն Ալանոզան՝ նույնպես բարձրագույն կարգի աշակերտներեն մին սև ու կանաչ դեմքով տղա մը, որուն համար այս հակառակորդի մասը հանձնված էր իրեն. գոչելով շղթայակապ Արշակի երեսին ու դասարանին խարխուլ պատերը ցույց տալով անոր.

— Է՛հ, թող առյուծն Արշակ կոտրե ղյուր շղթայս,

Զորսդդ նայե, այդ թանձր պատերը կը տեսնե՞ս

Ներկայացումը տեղի ունեցավ շքեղ ու հանդիսավոր. աշակերտաց ծնողք, ազդականք թատերասրահի փոխված նախակրթարանը լեցուցին. մեր նորատունկ ծաղիկոցին մեջ հինավուրց բույսերեն ու ծառերեն կոխելու տեղ շմնաց: Թաղական խորհրդոս ատենապետը, հողաբարձուները, մեկ կարգի վրա շարված, ճիշտ իմ գրասենյանիս տեղը, ու անոնց կոնակը շաշրի էսնաֆները ու ավելի բարձր, օթյակի ձևով շամի տախտակե շինված փոքրիկ տուփերու մեջ, Պեշիքթաշի գեղուհիները. այս բոլորը մեր նախակրթարանին մեջ զետեղված, սեղմված, լուռ ու խելոք, տարիքին առած աշակերտներու կը նմանեին, և որոնց վրա կարծես մեր մյուսյուրին ոգին՝ իր ճերմակ ու մաքուր քեֆեն դրած՝ աներևույթ կը շրջեր:

Մեր մանկական սրահը մեկ գլխերվան մեջ քառասուն տարի ծերացած էր:

Մեծ հաջողութուն մը եղավ այս ներկայացումը. կանայք լացին ու էրիկ մարդիկ ապշեցան: Երբոր Արշակ Բ. գետին փուվեցավ իր ցնորքին մեջ, հանդիսականներեն շատեր կարծեցին որ օգնության փութալու էր. այնքան պարզամիտ էին այն

ատենվան պեշիքթաշցիները: Օրթագյուղեն եկած հանդիսական մը միայն անոնց փեշեն քաշեց ու արգիլեց:

Դերասանները այդ գիշերնն վերջը մեյ մըն ալ իրենց իշխանական կյանքին երեսը շտեասան: Շապուհ՝ ոսկերչի մը քով մտավ ուր այդ ներկայացման հիշատակներովը վարպետը կը նեղացներ մինչև իրիկուն, քուրային քով քթին տակեն մորլտալով:

— Գոհություն տամք աստվածոց, իշխանք իմ քաջ,

Մեծ է օրվանս այս հաղթություն և առատ

Հունձք զոր այսօր մեր սուսերնեք հնձեցին:

Ու հալոցը խառնելու համար բռնած ունելին մեջքը կը տաներ իբրև թե սուր մ'ըլլար այդ երկաթի կտորը. վարպետը մեծախոսությունը կընդմիջեր:

— Ծո՛, գործդ նայե, էշե՛կ, կրակը մարեր է:

Արյաց արքան հիմա պարկեշտ ֆույումնի մ'է շարշըին կամարներուն տակ բացված ծակերեն միռւյն մեջ պաղտաշ նստած, խեցիի մը մեջ պահվտած թուլամորթի մը նման, ազամանդյա զարդերը ցույց տալով, խանութին առջևի ապակյա տուփեն, ու հին դերասանի ձայնովն ու շարժվածքովն անցորդները կանչելով:

Եվ երբ լեցուն շահով, աղեկ հունձքով մը կանցնի օրը, այս զրամական հաղթությունը՝ իրական պատերազմե մը ոչ նվազ դժնդակ և արդյունավոր, կուրախացնե դինքը, միտքը կը բերե իր դպրոցական հիշատակները. անզգալապես իր անզեն մեջքին կերթա ձեռքն անգո սուրի մը դաստակը փնտրելու համար ու ցած ձայնով, կամացուկ մը, հին դպրոցականի մը ու խույումնիի մը խառնուրդով շինված փոխաբերություն մը ընելով կը կրկնե դեռ:

— Եվ առատ հունձք զոր այսօր մեր սուսերնեք հնձեցին:

Մյուսները Շապուհեն ավելի բախտավոր շեղան. Ալանոզան ու Դրաստամատ՝ այս երկու անհաշտ թշնամիներն իրենց գրկած ասպարեզովը միացան. պասմաշի վաճառականներու քով մտան երկուքն ալ: Առաջինը իր դժգույն կանանչ դեմքովը կրկնատոմարի հաստ ու ահագին տետրակներու վրա հակյալ

մնաց ու ալ ավելի կանանչեցաւ: Մյուսը հրապուրիչ երիտա-
սարդ, Քալփաֆնիներու գլուխը խանութպան դարձաւ. դեռ
անցյալ օր այդտեղ պատահեցա իրեն: Այո՛, նույն Դրաստա-
մատն էր զոր տղա հասակես անջինջ կերպով պատկերացու-
ցած էի մտքիս մեջ Արշակ Բ.ի ներկայացումն ի վեր:

Այս անգամ, խանութին լայնքին դրված նեղ ու երկայն սե-
ղանին վրա կերպասներու ծրարները բանալով մեկիկ մեկիկ
շուկային կես ստվերին մեջ ցույց տալով անոնց գեղեցիկ ու
փայլուն գույները, Դրաստամատ կը պոռար.

— Նե զարիֆ պասմալարըմըզ վար...

<1889>



Օրթագլուղի վարժարանը. — Թարգմանիչներ. — Սեթյան. — Պեր-
պերյան Ավետիս Պատվելի. — Իմ դասընկերներս. — Կարբիել
Ներշապուհ:

Այս վարժարանը կը կաղար, իր հին ու երերուն շենքովը,
գրամական կացութեամբն և ընդհանուր կառավարչին ձախ
ոտքովը:

Հեք մարդուն այս ձախորդութիւնը պատերազմի մեջ
ստացված շէր, թեև այն անվերջանալի կովույն միջ, զոր քա-
ռորդ դարն ի վեր կը մղեր ազգին անզուսպ ու անուղղա տղոց
դեմ, հաղթյալը միշտ ինքն ըլլար: Սնտտի պարծենկոտութեամբ
չէր ուզեր իր պարտութիւնը ծածկել. գիտեր որ անկարող էր
հաջողութեամբ մաքառելու իր հսկողութեան հանձնված մա-
նուկներուն դեմ և բաց ի բաց կը խոստովաներ զայն, հետըզ-
հետս զինադադար և հաշտութիւն առաջարկելով:

Իր պայմանները՝ ամեն հաղթյալ մարդու պայմաններու
պես մեղմ ու շափավոր էին:

Ընդարձակ սրահին երկու եզերքին երկայնութեամբ շարված
գրասեղաններուն մեջ պաշարված, կենտրոնացած, անհավա-
սար կարկինի մը պես դառնալով իր ուղիղ ոտքին վրա, այս

հավիտենական զինվորը իրավախոհություն կառաջարկեր ողորմ ձայնով մը որ ամենուս սիրտը կը շարժեր:

— Հատե՛ սուս...

Հատե՛ սուս. կընդունինք քառորդ ժամվան մը համար լռոտ կենալու պայմանավ ամեն ինչ ընելու այս արտոնությունը՝ բայց քիչ քիչ մեր անհանգիստ շարժումներն այս դաշինքը կը խզեն. առանց շարժման կյանք չըլլար վարժարանի մեջ, և մենք այս ֆիզիքական օրենքներուն ենթարկված, մեր անկենդան չըլլալը հաստատելու ստիպյալ, համբերություննիս սպառած ու մոռնալով ամեն ուխտ և դաշինք, ձայներնիս կը հանեինք անտանելի ժխորով մը լեցնելու համար Թարգմանչաց վարժարանը:

Դպրոցին քով Բարեսիրաց թատրոնը կսպասեր հանդարտ ու կեղծավոր երևույթով ու այս մերձավորութենեն գրգռյալ ամեն ոք թատերգություն կը պատրաստեր հոս. Հայր Արսեն՝¹ Ռասինի ողբերգությունը կը թարգմաներ, Թերզյան՝² Հայր Արսենի Իփիգենիին, Թղլյան՝³ Թերզյանի Սանդուխտը, ու մենք ամենքս՝ Միշել Լուիի հուշակավոր Théâtre contemporainsի հավաքածոները: Ծշմարիտ թարգմանչաց վարժարան:

Թատրոն ու թարգմանիչ զիրար գտած էին:

Այս վարժարանին մեջ ճանչցա սև ու մուժ երիտասարդ մը. Հովհաննես Սեթյան⁴, որ վերջեն բանաստեղծ մը պիտի ըլլար, բոլորովին անակնկալ բանաստեղծ մը, որ այս ընդհանուր արշավին մեջ իր երկրորդական դասատուի դիրքը պահելու պարտավոր, հաստ ու ծանրաշարժ հատորներով բեռնավորված, որոնց բառարաններ ըլլալը գիտեինք, կը վազեր ծակե ծակ մտնել, մեզմե գաղտնի, բոլորովին գաղտնի, բառ գոց ընելու համար մինչև վերջը, և իր նպատակը ծածուկ պահելու ջանքին մեջ շփոթած, չկարենալով պարտկել փեշին տակ ահագին ու մեծածավալ գիրքերը, հապճեպ ու փութական՝ կանցներ մեր առջև, ու մենք այս խուլս տվող դասատուին սև զգեստներուն, նիհար սրունքներուն ու գորշ գույնին նայելով ետևեն, երկու ոտքերուն վրա կանգնած վիթխարի ու փախստական մուկի մը կը նմանցնեինք զինքը:



Այն ատեն կրոնագիտութեան դասը կը սիրեինք. դալուկ ու գողգոջուն ծերունի մը, գիտուն ու հոյակապ մարդ մը կավանգեր մեր կրոնքի դասերը:

Իր նիհար ու ծառի կեղևի մը նման ճմրթկած դեմքը՝ դեղին ու ճերմակ էր գրեթէ երակաց անարյունութենէն, ու քիթը խոշոր, համառ ու հաստատամիտ մարդու քիթ մը, մշտնջենական հարբուխի մը դատապարտված ըլլալու էր զոր մեծածալ կարմիր թաշկինակով մինչև վերջը կը սրբեր:

Այս ալևոր կրոնագետը, Պերպերյան Ալեոտիս Ե պատվելին, կը սիրեինք. կը սիրեինք իր տարիքին հակառակ անհոգ եռանդին ու իր ճշմարիտ կրոնասիրութեանը համար, որ ամեն բանէ առաջ ազգասիրութեան վրա կը հենուր միշտ:

Կենդանի, աշխույժ ու պատերազմիկ դասախոսութիւն մըն էր, ուր մեր կրոնքին նրբութիւններէն առաջ, հոռվմեականաց ու բողոքականաց դեմ հաջողութեամբ վիճաբանելու եղանակները կուսանեինք:

Ու ամեն անգամ սորված դասերնուս, մեր վարժապետին գիտութեանը կոթնած, վիճաբանելու անհամբեր, փողոցի փողոց, լեռն լեռ կը շրջեինք բողոքական մը գտնելու և Տիրոջ խոսքին մեր դավանութեանը համաձայն ըլլալը հաստատելու համար. ոչ մեկ ճշմարիտ բողոքական կնիւր մեր դեմ. իզուր աջ ու ձախ հանդիպած բոլոր կեղծավոր բարեպաշտները, «սիրելիս, բարեկամ» բառերով սկսող շրջուն գրավաճառները վար կը գնեինք ճամփուն վրայ՝ բռնի Աստվածաշունչ գնելու պատրուկակով, կեցնելով զինքը, ու սրբոց բարեխոսութեան վրա իր կարծիքը հարցնելով, մեր պատրաստ ապացույցներն ու փաստերը գլխուն նետելու և զինքն ամոթահար ընելու համար: Սովորաբար կ'ամ սնանկացած վաճառական մը կըլլար, կ'ամ անգործ դասատու մը որ հոժարութեամբ կընդունէր մեր տեսութիւնը և մեր սիրեցյալ եկեղեցվուն ուղղութիւնը, զոր չբավորութեանն համար միայն մոռցած էր:

Այսպէս լուրջ հակառակորդ մը պակասեցավ մեզի ամեն ատեն, ու այն բազմաթիւ վկայութիւնները որով մեր բոլոր

արարողութիւնները, ծեսերը կը հաստատեինք, հետզհետե մոռցանք: Բայց շեմ մոռնար երբեք իմ ժերունի դասատուիս պատկառելի դեմքը. իր մահվընեն դեռ շարաթ մը առաջ եկավ ժամանակին, ճշտապահ իր դասախոսութեանը մեջ, սովորականն քիչ մը ավելի տկար, պարզելով ահագին կարմիր թաշկինակն ու վերջին օծման մասին մեր եկեղեցվո սկզբունքները. զինքն անբաժան կը տեսնեմ միշտ այդ թաշկինակն. վառ ու հավատարիմ գուլնովը իր դրոշակն էր գրեթե ու կրնանք ըսել որ այդ դրոշակին մեջ փաթթված մեռավ Ավետիս Պերպերյան:



Թարգմանչաց վարժարանի դասընկերներս ծանոթ անձեր են բոլորը. Տիգրան Արփիարյան⁶ հրապարակագիր մըն է. Շիտանյան, Բապուճյան՝ ուսուցիչ են. Ատրունի⁷ իր դպրոցին հավատարիմ թարգմանիչ մըն է միշտ, բայց ոչ սուրբ գրոց. Սալովմիթ փաստաբան մ'է:

Սալովմիթ փաստաբան:

Ինչո՞ւ Սալովմիթ կը կոչեինք զինքը. ի՞նչ ըրած էր այս անունին արժանանալու համար. շատ կը սիրե՞ր արդյոք Ռասինի Գոթոլիան. շեմ գիտեր, անտարբեր, լուրջ, պարզ, ուսյալ երիտասարդ մը որուն երկար և ուղիղ մատները բոլորն ալ բացված տարօրինակ հողմահարի մը պես խոսակցութեան ջերմութեանը մեջ հետզհետե դիմացինին աչքը կը մտնեին. իզուր ետ կեցնել ուզած էին զինքը այս վատ սովորութենն. վերջապէս որոշեց ինք գրականներուն մեջ պահել այդ անզուսպ թեւերը:

Սալովմիթ իր դասը կարտասաներ ուղիղ և անշարժ կանգնած ուսուցչին դեմը, ոտքը ոտքին քով, թեկը թաղված անհատակ գրպաններու մեջ, անհանգիստ, քրտնելով, տասնապետին դեմ կանգնած կարգապահ դիմվորի մը ձևով, ու քիչ մը ետքը դասին ոգևորութեան մեջ մոռնալով բոլորովին իր կոկիկ ու քաղաքավար կեցվածքը, քայլ մը կառնէր հառաջ ու ձեռ-

քերն արձակած ակամա հանդիմանությամբ մը կերկնցներ դասատուին երեսն ի վեր:

Սալովմիթ գեղեցիկ սեռը կը սիրեր. տարիներով դարձավ, շրջեցավ, հատնելով մաշելով գեղեցիկ ուսերու և սպիտակ մարմիններու շուրջը, իգական ընկերություններու, կանացի ժողովներու ծառայելով, հոտվրտալով փոքրիկ կոշիկներ, հեշտաբույր ձեռնոցներ ու գեղեցիկ հովանոցներ. բայց անհամաձայնություն մը կար իր անձնվեր ու համոզելու հետամուտ ոգովուն ու անհանդարտ ձեռքերուն մեջ, և այս ապարդյուն սպառումներով՝ որ իր նախապաշարումները փարատեց, այս ամուլ մնացող համոզման ջանքերով, Սալովմիթեն փաստաբան մը միայն մնաց:

Եղեռնադատ Ատենին առջև, խոժոռադեմ դատավորներուն հանդեպ կեցած, մարդ մը՝ անչափահասի մը առևանգության առթիվ կը պատասխանե նախագահին, կը խոսի անշարժ ու անտարբեր, կրավորական ու անզգա գործիքի դիրքով, անսեթևեթ տրամաբանությամբ:

Իր մեղմ ձայնը լսողները, իր ամփոփ կեցվածքը դիտողները ամբաստանյալը կը կարծեն զինքը. ես հեռուն, ճարտար հանցավոր մը կենթադրեմ իր տված պատասխաններեն. հետաքրքրությունս կը շարժի:

— Աղջիկը չափահաս էր ու իր կամքովը եկավ, կըսեր մարդը նախագահին:

— Տեսնեմ սա առևանգիչին դեմքը, կըսեի մտքովս:

Վայրկյան մը մարդը ընդհանուր դատախազին ընդմիջումեն գայրացավ, թևերը զոր մինչև այն ատեն թույլ կերպով քովերեն թողած էր, երկու թիերու պես վեր բարձրացուց իր բողոքը շեշտելու համար, և իր այդ բացված ու սպառնացող մատներեն անմիջապես Սալովմիթը ճանչցա:

Սալովմիթ առևանգիչ. ի՞նչ պիտի ըսեր արդոյոք Դպրոցասեր Տիկնանց Ընկերությունը: Բարբախտաբար իմ ապշությունս երկար չտևեց:

Սալովմիթ ձեռքերը վեր առած էր ու կերերցներ ազատ, համարձակ, ուզածին պես, իր ճառին բոլոր պահանջումներուն

համեմատ. այս անգամ իր ահագին թաթր մոտեցնելով քովիկը նստած գեղանի ու մսոտ կնկան մը զոր ոչ ոք տեսած էր մինչև այն ատեն, ցույց տալով զայն դատավորներուն, սև մանթիւնի մը ու կարմիր զարդերով շտկված ֆաբոդ գլխարկի մը տակ, հուզված ու կարմրած, գրեթե պարծենալով այսքան բազմութեան ի տես ելլելուն, փաստաբանն այս հանգույցը կը լուծեր մեկ բառով.

— Ահավասիկ Քերուզ հանրմէն անմեղութունը հաստատեցի:

էօֆ...



Գաբրիել Ներշապուհ⁸ միշին եզրը կը ներկայացնէր ազգին երեք շափագետներուն մեջ:

Թվաբանութիւնը՝ վտիտ ու թափանցիկ Մյաւսյու Փասքալով մարմնացած, հետզհետե կստվարանար, վայելուր ձև մը կառնէր Ներշապուհի մոտեցած ատեն, բոլորովին գունտ ու կլոր բան մը դառնալով Սիմոն Միքայելյանի⁹ քով ուր կը վերջանար:

Փասքալ իր նիհար մարդու զվարճախոսութիւններն ունէր, Սիմոն Միքայելյան ծանրաշարժ ու գիրուկ լրջութուն մը և Ներշապուհ շեղոք երկիր մը կըլլար երկու հակառակորդներո՞մ մեջտեղ, նրբամիտ ու պատկառելի դասախոս մը ըլլալով:

Թուխ ու գեղեցիկ դեմքեն, ձախ հոնքին վրա ցցված ուռ մը աչքի կը զարնէր, աշակերտներուն դիտողութիւնը կը հրավիթեր, առանց նվազեցնելու իր ազդած համակրելի տպավորութիւնը. ընդհակառակն ուսուցիչի հատուկ գրոշմը կուտար այս ցից ու կլոր մսակույտը, որ դասախոսին ճակտեն կը մեկնէր իբրև անոր խելքին մեկ մասն անհամբեր դուրս նետվելու, դիմացինին հասնելու և հաղորդվելու համար:

Հոնքին այս առանցութեան (relief) տակ աչքը կը թաղվեր, կը խորասուզվեր, բայց ցույց տալով այդ մութեն իր զորեղ շառավիղները:

Սա իր պիտերը կը սիրեի ու իր պապա ձևերը. պիտերը թավ.

լայն, ուրորուն, զորապետի մը վայելուչ, որ իր դեմքին դասա-
խոսներու սովորական կեղծավոր դեմքեն բոլորովին տարբեր,
համարձակ երևույթ մը կրնծայեին:

Քվարանական անվերջանալի խնդրոց մեջնն որով կողո-
ղեր զմեզ, դեռ կը դիտեմ իր հեզ ու համբերող դեմքը, մար-
տիրոսի դեմք մը:

Հոովմեհականաց վարժարանին մեջ ուր կը դասախոսեր ա-
ռաջին լուսավորչականն ըլլալով, տնօրենին՝ տոթթոր Շիշ-
մանյանի ազատասեր ոգվույն ու Անդիներուն¹⁰ ակամա հա-
յասիրությանը կը պարտեր այս պաշտոնը:

Իր աշակերտները որոնք կը սիրեին իր շուրջը բոլորվիլ,
ցիրուցան են հիմա. ոմանք, թերևս լավագույնները, մեկնեցան
ժամանակեն առաջ. ու մենք անոնց թողած պարապը չկրնալով
լնուլ, իզուր ջանալով սեղմել մեր բաց մնացող դիծերը, մենք
ալ կը հառաջանանք մեր կարգին սպասելով:

<1889>



Ինչո՞ք կը սիրեմ Հոովմեհական Հայոց եկեղեցին. ի՞նչ նա-
խապաշարում է աս որ չեմ կրնար վրայես թոթվիլ:

Զիս հրապուրողը՝ օտարության թեթև հո՞վն է որ կը թռչտի
անոր կամարներուն տակ. բարեպաշտներուն ամբոփ ու քա-
ղաքավար կեցվածքն է որ զիս կը գրավի:

Այս մարդիկ ու այս կանայք որ հատուկ ձևեր, խոնարհե-
լուս, ծերադրելու մասնավոր կանոններ, պայմանադրական ամ-
բողջ կարգ ու սարք մը ունենալ կը թվին, ո՞րքան կը տարբե-
րին մերիններեն:

Մեր բուռն ու հռանդոտ աղոթասիրությունը չի կա հոն. առ-
ջի վայրկյանեն կզգաս անմիջապես որ մեր եկեղեցին չէ ան,
պանդուխտին գետնամած դեմքը, աղային անշնորհ մուտուքը,
ողբի, կոծի, տրտունջի այնքան նմանող ձայները, որ մեր եկե-
ղեցվո պատերուն կը զարնվին հաճախ, չեն լավիր հոն:

Գոհ ու երջանիկ մարդոց տեղն է, Ավետյաց երկիր ուր Վիշ-

տը վայելչությամբ կը մտնե ներս և ուր Սուգը անգամ շնորհալի կընծայե ինքզինքը:

Այս էր գեթ հանկուցիչ երևույթը որով, հստակ ու պայծառ, կը պատկերանա այս պահուս մտքիս առջև Օրթագեղի Հոռվմեական Հայոց եկեղեցին իր լուսազեղ գավիթովը, իր բարձր գմբեթին լայնալիճ աղեղովը որ օդին մեջ կը խրոխտա, իր տաճարին մեջ աղոթելու եկող ընտրված, զատված բարեպաշտներու ու բարեպաշտուհիներու ժողովքովը. բաց գիրկ՝ լեցուն խոստումներով և քսան տարիներե ի վեր հորմեհետե առաջին հիշատակը պահած եմ, այդ գիրկը՝ ուր նետվելու անբացատրելի փափագ մը կունենա մարդ առջի տեսնալուն, կը մեծնա աչքիս, կը մեծնա, կը լայննա, կը խորունկնա ասա ու բաց... անդունդի մը տպավորություն կը թողու վրաս:



Անոր պես ալ քովի վարժարանը շնորհալի բան մը ուներ: Ո՛չ. մերիններուն չէր նմաներ այս դպրոցը որ 1874ին՝ իր նոր ճերմակի ներկված երեսովը, մաքուր կանանչ փեղկերովը երկաթե, պզտիկ շափին ու շնորհալի ձևին մեջ, շալեյի մը կը նմաներ:

Ակամա կը բաղդատեի այս նորաշեն հարկին վայելուչ ճարտարապետությունը ու զվարթ երեսը մեր ազգային վարժարանին խարխուլ երևույթին, տարապայման տարածությանը հետ:

Այս խորհրդածությունները շրթինք այն ատեն երբ Թարգմանչաց վարժարանին խանգարյալ վիճակեն հուսաբեկ՝ մենք, բազմաթիվ հայ տղաքներ, հարկադրվեցանք Հոռվմեականաց դպրոցը դիմել:

Կը սիրեինք այն կիսափուլ շենքը որուն հրաժեշտ կուտայինք, ծռած, կոտրած գրասեղանները որոնց վրա արմուկնիս մաշեցուցած էինք. սեղանատունը՝ ո՛չ շատ մաքուր, կերակուրի հոտերով ծանրացած մթնոլորտով: Մեր վարժությունները, մեր ծանոթները կը ձգեինք հոս, տնտեսեն մինչև կառավարիչը ու վերջին պահուն կը մոռնայինք մեր բոլոր գանգատի պատճառ-

ները, ի դեպս ու հանդեպս տրված պատիժներուն դառնությունը, երբ կը պատրաստվեինք ահա ոտվընիս դնել օտար վարձարանին սեմին վրա:

Ո՞վ պիտի գտնեինք այս շենքին մեջ. ի՞նչ կերպ մարդիկ էին ասոնք որոնց կես եվրոպացիի ձևերուն առջև՝ մեր ասիական կերպերը ու շարժումները ծիծաղելի պիտի թվեին:

Ու ծուղակի մը մեջ բռնվածի պես, հոժարութեամբ ներս մտնելի վերջը, անշի քայլին՝ կը գղջայինք եկած ըլլալնու համար, և կամաց մը, անձայն, անշշուկ, նահանջելու փորձությունը կզգայինք:



Տնօրենը միջահասակ մեկն էր. հաստարուն ու կայծակնահար ծառի մը կոճղին տպավորութիւնը կը թողուր զինքը տեսնողին վրա. արևակեղ ու թիւաթուշր դեմքին խստութեանը տակ անուշութիւնը կը պահվըտեր, հիշեցնելով այն ամպամած երկինքը որ ծիրանի գոտի մը կը պարզե՛ աշքիդ, շտպասված վայրկյանի մը մեջ:

Իր ալևորած մազերը կերկարեին, կը ծփային ուսին վրա բանաստեղծի մը, արվեստագետի մը հողմածածան մազերուն պես ու ճերմկած մորուքն, կուրծքին վրա փոված, վեհութեան շուքը կավելցնէր իր պատկառելի երեսին վրա:

Ձայնը խորունկին եկող արձագանքի մը պէս թափ ու տրրտում շեշտ մը ունեւր:

Այն տնօրենը՝ տոքթոր Շիշմանյանն էր:

Մենք, նորեկները իր դպրոցին մեջ, ամենեն էվել իր հոգածութեանը առարկա եղանք. հայերեն լեզուն կը սիրեր ու իր բոլոր ջանքին հակառակ՝ անոր արժանավոր տեղը շէր կրցած տալ վարժարանին մեջ և ահա իրենց լեզուն սիրող ու գիտցող պատանիներու ամբողջ խումբ մը մեկեն կուգար իր քովը, իր ձեռքին տակ:

Կը հիշեմ որ օր մը Եղիշեի մեկ հատվածը կարդացնելով հոովմեական աշակերտի մը, հարցուց անոր թե աշխարհիս ո՞ր

մասին մեջ կը գտնվեր «ի հեռաստանն» կոչված երկիրը որ այդ հատվածին մեջ կը հիշվեր:

Հեռաստա՞ն. աշակերտը մտածեց. մեր կարգին մեջ՝ հառաջադեմներեն մին էր առնեն դասերու մեջ բացի իր մայրենի լեզվի դասեն: Շփոթած՝ կը մտածեր իր քաղաքական աշխարհագրութեան բոլոր հիշատակները ամփոփելով. Պելուճիստան, Աֆղանստան, Հնդկաստան, Պարսկաստան... Հեռաստան:

Ապահովապես Ասիո մեջ ըլլալու էր այս երկիրը. «ստան» վերջավորած անունները ուրիշ ունէ տեղ չէին կրնար գտնվիլ ու համարձակութեամբ դարձավ Տնօրենին.

— Ասիո մեջ:

Ահագին քրքիջով մը ողջունեցինք այս ապուշ պատասխանը. սրահը ամբողջ թնդաց մեր քահքահեն. Թարգմանչաց վարժարանը կը ծիծաղեր, իր կորուսած աշակերտներուն վրեժը լուծելով:



Վերջեն թողուց գնաց զմեզ, ամենուս հոգվույն մեջ դնելով իր մեծ հոգիեն մաս մը: Տոքթոր Շիշմանյանեն Ծերենց մը ծագեցավ և մեր հոովմեական դասընկերներեն ամբողջ խումբ մը, զպրոցական հարկը ձգելի ետքը, եկավ մեր Պատրիարքին մոտ, հիշելով հայրենի տունը ու ան եկեղեցին որ իրենցն էր միշտ, որ իրենց առժամյա հեռացումին համար չէր դադրած իրենց համար ալ աղոթելի և ուր, երբ ալ դառնան, վստահ էին որ իրենց տեղը պահված կը մնար ամեն ատեն:

ՔՈՔԻՆԱՔԻ

(Իզմիրի կյանք)

Առ տիկին...

Ա.

Քոքինաքին կերգեր. նուրբ ու ներդաշնակ ձայն մը որ գիշերն ի բուն կը համառեր Հայնոցին գոց ու կանանչ փեղկերուն դեմ. երբեմն ներսեն փսփսուք մը կը լսվեր, դուրս կը թափանցեր. Քոքինաքին էր. կը ճանչնային այս ձայնը որ հունարեն երգերու հատվածներով կուգար արթնցնել զիրենք կես գիշերին լուսնյան մեջ:

Քոքինաքին՝ վտիտ ու դժգույն երիտասարդ մ'էր նուրբ՝ իր ձայնին, գունաթափ՝ հյուծախտավորի մը նման, տասը գիշեր անբուն հսկելու կարող իր դրուպատուրի անտանելի խոնջանքին տոկալով. և այսպես բոլոր քաղքին անհրաժեշտ եղող մարդ մը ըլլալուն գիտակցությունը ցույց տալով սովորաբար քնատուժենն փակվող աչքերուն մեջ:

Իր ձայնը բոլոր քաղքին ձայնն էր, անոր վիշտերուն թարգման, ուրախությանց մասնակից, գանգատող և լալագին ձայն մը բոլոր արևելքի ձայներուն պես:— Առանց այս տղուն Իզմիր չի պիտի կրնար կարծես դուրս թափել միշտ արտահայտվելու տրամադիր եղող իր ոգին. գիտեին և ասոր համար կը պաշտեին Քոքինաքին. հայ, հույն, տաճիկ, եվրոպացի ձեռք ձեռք կը քաշեին զինքը, շոյելով անոր ուսը, մեղմիվ, դրամ դնելով կամացուկ մը անոր ափին մեջ, և առաջարկելով երգ մը երգել

իրենց իբրև թե խնդիրք մը կը ներկայացնենին ու երբ երգը վերջանար, միշտ զմայլանոք, անկեղծ երախտագիտութեամբ մը դրվատելով երգիչը.

— Պռավո, Քոքինաքի:

Բ.

Քոքինաքին կերպեր. փողոցին մեջ մեկ գիծին վրա երկու կողմն շարունակվող լուսավոր կետերը, որ կազերուն դեղին ցուրբերն էին, հեռուն երթալով իրարու կը մոտենային, զիրար կը կտրեին և այդ դժգունած լուսով փողոցը կերկարեր ամայի, թափուր, իր տուներուն հուսահատական միօրինակութեամբը որ լռին, ուղղագիծ պատնեշներու տպավորութիւնը կրնէր վրաս և որոց ետին ամբողջ բանակ մը կերևակայեի քունի մէջ թաղված:—

Մեր աղմուկեն, վասն զի մենք էինք Քոքինաքին երգել սովորը Հայնոցին մեջ, գիշեր ատեն իրենց անդորրութիւնը խռովող անձերը տեսնելու տկար փորձեր կըլլային, փեղկերը բացվելու զղրղուն մը կը լսվեր և ես պահվտելու կը պատրաստվեի. աննշմարելի դառնալու շափազանց փափագով մը, պզտիկնալով բաց կառքին անկյունին մեջ, մինչդեռ Քոքինաքին իսկույն. հանպատրաստից, երգի նոր տուն մը կսկսեր Հոմերոսի լեզվով գոր ամեն ոք, ինձմեզ գատ, կը հասկնար այս Հայնոցին մեջ. իր բանաստեղծական տաղանդը ի հայտ կածեր, ճշմարիտ աշուղի մը պես որ վայրկյանեն, պարագայեն կը ներշնչվի:

Ես՝ այս ցուրտ գիշերեն, այս անմարդի թաղեն ու գոց պատուհաններեն ոչինչ պիտի գտնեի ներշնչվելու և ողորմագին բան մը պիտի ըլլար իմ տաղս եթե երբեք այս տեսակ հարկի մը տակ գտնվեի:

Բայց Քոքինաքին իր արվեստին քաջավարժ, այս ամեն ներշնչում մարող տեսարանին առջև չէր թերանար. կզգայի որ իր ոտանավորը կը կաղար, հանգերը իրարու չէին պատշաճեր և ամրափակ պատշգամներուն ուղղված հրավառ ջեշտերը շարունակ նույն դիմառնութեամբ կսկսեին՝

Տիլիմու Պեարոսաքի:

Երգին մեջ Սարգիս կամ Պետրոս աղան հունական մասնիկով մը կը հարստանար, կը քաղցրանար, տեսակ մը կրկնամկրտություն, կես գիշերին ու փողոցի մեջ, որով երգիչը՝ հավատարիմ իր օրթոտոքս եկեղեցւոյն խստապահանջությանը, արվեստը կրօնքին հետ կը հաշտեցնէր:

Չմեզ շրջապատող ստվերներուն մէջ, վրանիս իջնող գիշերվան շաղին տակ, մեր մայրենի եկեղեցվո ուղղափառությունը պաշտպանելու մտադիր չէի. վրաս ծանրացող թմրության մեջ, այս քաղցրալուր ձայնը՝ տեսակ մը նննիի, օրորի թույլ ու չեշտ տպավորությամբ կը ներգործէր, մինչդեռ ընկերներս ընդհակառակն հետզհետե կոզկորվին, հափշտակված անոր շեշտերեն, կը մոռնային ժամը, ցուրտը, խոնավությունը, զմեզ շրջապատող առանձնությունը՝ անոր դառնալով կըսեին ազալոր ու փայփայիչ:

— Քոքինաքիմու...

Գ.

Հայնոցը հարթ ու տափարակ գետնի վրա շինված թաղ մ'է, որուն քարահատակ փողոցները ուղիղ անկյուններով զիրար կը կտրեն, կը կտրտեն հաջ և հահյակ պտրտցնելով խարվելու շափ նմանող երկհարկ տուներու շարքն ու երեսները գորս պարտեզ մը, ծառ մը, բույս մը շի գար կենդանացնելու Իզուր կառքերնիս կը շարժի, կը հառաջանա, ամեն կողմ տանիլ կուզե մեր աղմուկը, աննպատակ պահանջումները. անիվները կը թավալին շարունակ:

— Սարգիսյաններուն տանն առջևն ենք, կըսեն ինձ:

— Ասի Պաթմազյանն ելած տունն է, կըսե, մյուսը Հակոբոս աղային:

Ասոնցմե և ոչ մին կը տարբերի մյուսներեն, այնպես որ կես գիշերեն ի վեր հորմե հետե թափառական կը շրջինք, երազի մեջ քալող մարդու իրական անշարժության մեջ և միևնույն տանը առջև կը կարծեմ ինքզինքս:—

Ընկերներս կերզեն, կը զվարճանան, քննադատելով իմ ապշած պոլսեցիի լրջությունս զոր պարզապես ծաղրելի կը գտնեն

գիշերվան այս պահուն. օղի կառաջարկե մին. երգե կըսե
մյուսը. դուք Պոլսո մեջ չե՞ք զբոսնուր, կը հարցնե երրորդը:

Պոլսո մեջ կզբոսնունք թե ոչ լավ մը չեմ գիտեր, բայց հոս՝
կզգամ անդիմադրելի փափագ մը մեկեն թոթափելու այն հի-
մար ժանրութիւնը զոր, չեմ գիտեր ի՞նչու, զգեցած եմ այս
գիշեր և իրենցմե բարձրաձայն պոռալու անհուն տենչ մը կը
գրավե զիս:

Օղիին ազդեցութեան տակ՝ փողոցի տուները կսկսին տե-
զերնուն երերալ, շարժիլ, պարել, տիտանյան պար զոր կը դի-
տեմ հիմա առանց ահաբեկելու, ալ գլխիվայր կը տեսնեմ
ինքզինքս առանց զարմանքի, իմ ձայնս՝ ընկերներուս ձայնին
կը խառնվի անհանդուրժելի ժխորի մը վերածելով անոնց
երգը:

Նետո, ցույց տալով քիչ մ'ալ իմ մայրաքաղաքացիի պար-
ծենկոտ գերազանցութիւնս, Պոլսեն երգեր կերգեմ իրենց զորս
կունկնդրեն, ու Քոքինաքին մեծ մեծ կը բանա իր փակվող
աչքերը վախնալով որ չելլեմ ոսոխ և ախոյան հանդիսանամ
իրեն:

Գիշերվան ցողը կը շարունակե տեղալ անձրևի յես թրջե-
լով զմեզ և հողացավի սպառնալիքներով խանգարելով մեր
բերկրանքը:

Գ.

Առտվան մոտ Հայնոցը կը գթա վրանիս. բարեկենդանի
սովորութեան համեմատ ծանոթներու բարեկամներու տունը
վերջապես կը հաճին հյուրընկալել զմեզ, մեր Քոքինաքիին
հետ:

Տան տյարք ու տիրուհիք փութով կը հազվին, կուգան աչ-
քերնին շփելով, ժպտուն սակայն, կազերը վառելու, նախ դի-
տելու համար եկողներուն դեմքը և այս տարօրինակ հյուրերը:

Գինի, քոնյաք, շամբանյը կը հրամցնեն իրենք ալ մասնակ-
ցելով մեր անիմաստ խնդումին և մեկնելու ժամուն արք մեզի
ընկերանալով կստվարացնեն մեր շրջուն խումբը:

— Հոս բարեկենդանը այսպես է, կըսեն ինձ ամենքը միա-
բերան, արդարացնելով մեր գիշերային ուղևորութիւնը:—

Հետզհետե ասպատակող փոքրիկ բանակ մը կը դառնանք
Հայնոցին մեջ, մինչդեռ արաղաղը կը խոսի և Քոքինաքին կը
վերսկսի նորելուկ հունական երգը, իր դաշն ձայնովը որ պա-
տե պատ, դուռն դուռ կը կրկնվի կերկարածովի:

— Մա՛ր կա՛մա՛նո...

Աստղերը տակավ առ տակավ բացվող երկնից կապույտին
վրա կը դժգունին, անտեսանելի կըլլան. մութը՝ իր խստու-
թյունը կը կորսնցնեն, կը մեղմանա. տուներուն գույները կը
ճշտվին, փողոցներուն մեջ մարդիկ երևան կելլեն որք զմեզ կը
դիտեն հիացած. կառքեր՝ քաղքին ուտելիքը կը կրեն ու տեղ
տեղ կազերուն լույսը կը մարի:

Ե.

Վերջին տունն ուր գացինք, դեմս ելլողը դո՞ւն էիր որու կը
նվիրեմ Իզմիրի բարեկենդանի այս փոքրիկ հատվածը. գեթ
մեկն էր որ քեզ կը նմաներ, ա՛յնքան կը նմաներ:

Քեզմե քիչ մը պակաս խոժոռություն դեմքին վրա երբ
երեսս նայեր. ժպիտ մը ավելի... բայց ո՛չ, բու ժպիտեդ ավելի
քաղցր ժպիտ չի կա. հասակը նուրբ, դյուրաթեք, հարուստ ու
խիզախ կուրծքի մը բեռան տակ, քուկինիդ պես. միայն քեզի
պես տրտում չէր անի:

Տեսնելուս պես մտոր գացի մտերմությամբ. զիս ներկա-
յացնելու հարկ չիկա ըսի բարեկամիս. տեղը, ժամանակը,
մարդիկը կը շփոթեի մտքիս մեջ. աղջիկը՝ երեսս կը նայի ու
խնդալով, զվարճանալով արբած պուսեցիի համարձակությանս
վրա:

Եվ խոսակցությունը կսկսի և անունդ տալով.

— Ի՛նչպես, հո՞ւս դո՞ւք ալ:

Չէր պատասխաներ. ես կը համառեի.

— Տեսնենք ե՞րբեն ի վեր:

Աղջիկը բարձրաձայն խնդալի կը մարեր:

— Հոս, կը շարունակեի, Պուլիս շենք, բայց դուք միևնույն
ծաղրող և անողորմ էակն եք:

Այնքան կը խնդար որ ալ պիտի ճաթեր:

Սենյակին մեջ եղանակները, ձայները, քահքահները, բա-
ժակաց բախումը իրար կը խառնվեին:

— Չե՞ք պատասխաներ:

Այդ պահուն պատանության վերադարձ մը կընէր միտքս.
կը հիշեի բոլոր բոլոր այն անձնահույզ խանդաղատանքս որով
քանի տարիներ հետեցցա քեզի, քեզի անծանոթ, ստվերի մը
պես անշշուկ և վախկոտ. հետո սպասելի, քաջալերող ականարկ
մը սպասելի ու միշտ խոժոռած դեմքի մը հանդիպելի ձանձ-
րանալս, անպատեհ սիրո մը համար ինծի արժանի վերջավո-
րություն:

Եվ տեսնելով որ կը շարունակեր ծիծաղիլ վրաս, ձեռքը ու-
զեցի բռնել. այն ատեն խնդալը դադրեցուց և ուղղելով գեղե-
ցիկ բարձր հասակը, սպանյուլի մը արտասանությամբ հե-
ռացուց զիս:

— Ո՞վ կարծեցիր զիս, ծե՛ծե՛ծ:

2.

Դուրսը լուսցած էր. փողոցն փողոց մեր խումբը երթալով
կը պակսեր՝ ընկերներս իրենց տան առջև հասնելուն դռնն
ներս կը սպրդեին մեկիկ մեկիկ, խորհրդավոր էականերու պես
կանհետանային թողլով որ մնացողները շարունակեն Բարե-
կենդանը:

Ես կը շարունակեի քալել անգետ և անփուլթ որ կողմ եր-
թալուս ցորչափ Քոքինաքին իր ձայնովը կառաջնորդեր ինձ
անծանոթ աշխարհի մը մեջ զոր գիտովութենն գրգռլալ ուղեղս
իզուր կը ջանար պարունակել. և տասը վայրկյանի մեջ ամեն
ինչ կը հատներ կանհետանար շորս դիս, այս բարեկենդանի
գիշերը, բարեկամներս, Հայնոցը, և այս բոլորին խառնվող
պատանության հիշատակը, հոս մինակ գլուխ գլխի ձգելով զիս
Քոքինաքին հետ առավոտյան պայծառ լույսին տակ փողոցին
մեջտեղը. բայց երգիչին բոլոր գիշերվան հղանակները կը
հնչեին միշտ ականջիս, քնարի մը թելերուն պես որ նվագա-
ծուին դադրելեն վերջը դեռ կը թրթռան ամբողջ ելեկուլթի
մարող սպառող արձագանքին պես:

Կիները ամենեն շատ սիրեցին այս խաղը, նենգությամբ, անսկնկալով, սիրտհատնումով լեցուն, որ ամեն կողմ կը ճաթակի հիմա, Փերա, Փրինքիփո, Պյոյուք Տերե, Քատըքյոյ:

Պոխը՝ հաշիվ ու նրբություն կը պահանջեր միայն. մտքի շանաղիր աշխատությունն էր որ հոն կը գործեր, հաջող թուղթեն մեծագույն օգուտը քաղելով և ձախորդեն՝ նվազագույն վնասը քաշելու համար ոգորելով, տաժանելով խելքի խու պայքարի մը մեջ:

Փոքերը ոչինչ կուզե ասոնցմե. խաբեության ու կեղծիքի իսկատիպ խաղն է, ուր ուժդ ու տկարությունդ հավասարապես պարտավոր ես ծածկել դիմացինեդ, ևրբեմն համեստությամբ, շփոթած, վարանքով, ամենափոքրիկ գրավ մը բռնելու համար, իբրև թե շվստահեիր թուղթիդ գորությանը, ոս երբեմն խոյանալով հակառակորդիդ ամբողջ դրամին վրա, Կլըֆի մը հանդգնության մեջ պարտկելով իրական տկարությունդ ոս հակառակորդդ վախեն փախցնելով:



Ըսի ու կը հավատամ որ կիները ամենեն ճարտարներն ըլլան այս խաղին մեջ, իրենց բուն մթնոլորտին մեջ ըլլալուն համար անշուշտ:

Ուժն ալ սուտ, անուժությունն ալ սուտ, խոյանալն ալ սուտ, վարանիլն ալ սուտ, ընդունիլն ալ, մերժելն ալ, ամենքն ալ սուտ. ամբողջ կնոջական աշխարհ մը:

Հոս պշրանքը, ժպիտը, խոժոռումը, անուշ խոսքը, ամեն շարժումները և ամեն ակնարկները պետք է դիտել, վերլուծել, կանգ առնել, շխարվելու համար, և, ավելի գեշ, ծիծաղելի չըլլալու համար երբոր վարդագուլջն շուրթեր պոռան երեսդ ի վեր.

— Քառե կամ ֆլո՞շ...

Ու ափ ի բերան թողլով զքեզ հափշտակեն տանին ունեցածդ շունեցածդ, խնդալով քթիդ, ուրիշ անգամվան համար թուղթ խաղալու եղանակիդ վրա մտերմական խրատներ տալով քեզի, ուսդ ծեծելով մեղմիվ:

— Բարե՛ կամս, թուղթ շուզողին ուրլանսը շեն բռներ:

Եվ կամ թե՛.

— Պլըֆը հայտնի էր. պետք էր տեսնել:

Իրա՛վ:



Կը մտածեմ որ Փոքեր մըն է կյանքը զոր ամբողջ աշխարհ կը խաղա արդեն: Պլըֆյոռներ մեկ կողմեն, շունեցածը ունեցած ձևացնողներ ու հաջողողներ, անթիվ, անհամար. պայքար մը մահացու, ոխերիմ, որուն ամբողջ կյանքդ կը դնես, շարունակ ըսելով Մոն քո՛ւ:

Եվ դեմդ մեկը կելլե, անծանոթ մը, շար ոգի մը, Դիպվածը թերևս զոր շես ճանչնար, և որ գրավդ կը բռնե ու կը կործանե զքեզ շորս թուղթ նետելով առջիդ: Կամ թե մարդիկ կը տեսնես մեծ ուժի ու դրամի տեր, ամեն օր ամեն վայրկյան ձեռվրնին Ֆուլ ա լ'աս ունեցող մարդիկ, որոնք կանցնին Փասսոյի անընդհատ մրմունջի մը մեջեն, անկարող օգուտ քաղելու բախտեն՝ որուն երես առած, շփացած զավակներն են. մինչդեռ անդին ուրիշ մարդիկ, ձեռներեց, ճարպիկ ու հանդուգն, որ աշխարհներ կրնային վաստկիլ, տարիներով զույգ մը շունին օվերքյուտ մը ընելու համար:

ՄԱՐԳԱՐ ԱԽՊՈՐ ՏԵՐՏԸ

Դրսեցի մըն է, պանդխտութեան տաժանքովը ծերացած. իր բիրտ ու հաստ մարմինը՝ կքած, ծռած, քայքայած է հոս. ողորմելի մնացորդն է հիմա առջի կայտառ երիտասարդին, որ քսան տարիներ առաջ վազած եկած էր Պոլիս, բախտ փնտրելու համար զոր երբեք գտած չէր:

Այս քաղքին մեջ, ամեն ինչ կը զարմացնէր գինքը, մարդերը, ձայները, փողոցները ու տունները: Միայն եկեղեցին, իր եկեղեցին կը ճանչնար, միևնույնը հոս ալ ինչ որ էր իր երկրին մեջ, դասը, բանկալը, գավիթը, խորանը:

Հոն վերադարձած մարդու պատրանքը կունենար. ձայներն ու եղանակները ծանոթ էին իրեն. իրեն պես շատեր կը տեսներ շուրջը, լալագին ու հառաչալից սրտեր, երեսանկյալ ու գետնամած մարդիկ, ժամուն պատերուն ու քարերուն քովող դեմքեր, օգնութիւն ու սփոփանք հայցող հոգիներ բոլոր:

Իսկ պատարագի. ատեն ա՛լ տարակույս շունք բնավ. հոս հոն չկար. իր վերացմանը մեջ, քահանան, դպիրներն ու բարեպաշտներու բազմութիւնը կը միանային, հիշեցնելով իր բնավայրը, աղոթքի ժամերը գլուղին, ամբողջ ու անխառն վայելք մը ձևացնելով զոր խոնասեր, փափկաճաշակ մարդու մը պես Մարգար ախպար կը մբողջներ մեղմիվ, կծծի, ազահ մարդու խնայողութիւնով:



Ասիկա իր երջանկութիւնն էր, դյուրագնի ու ստույգ երջանկութիւնը զոր ոչ ոք կրնար իրմե կապտել և որուն ոչ ոք զըպշելու իրավունք ուներ:

Բոլոր հայրենակիցներուն մեջ իր ժամասիրութիւնը առածի կարգ անցած էր. առավոտուն ու երեկոյին, մանավանդ կիրակի օրերը պատարագի ժամուն, անխախտ իր համեստ տեղը կց բռներ, մինչև վերջը կը կենար հոն, մինչև «Օրհնյալ եղբրուք», ու դանդաղ ու դժկամակ մարդու քալվածքով դուրս կելլեր, գրեթե ակամա:

Փորձանք մը պատահած էր սակայն իր այս սակավապետ երանությանը գլխուն. տարիներ անցնելով արարողութիւններն ալ կը բռնվեին կարծես այն շուտափույթ ու շտապող ոգիին որ ամեն բանի մեջ կը մտներ:

Ու եկեղեցիին մեջ աղոթքները, այն ժանր ու համրասաց եղանակները, տակավ տակավ տարօրինակ հորդորի մը աճապարանքը կառնեին. առջի երկու ժամ տևող արարողութիւնը հիմա կես ժամվան մեջ կավարտեր. փճացումը, մսխումն էր այս Մարգար ախպոր բոլոր ու միակ վայելքին. ինքը՝ միշտ էն վերջինն էր մեկնողներուն, իբրև թե դեռ հույս մը ունենար աղոթքին վերսկսելուն, և հուսաբեկ կելլեր դուրս, լուսարարին հետ, տրտռալով, գանգատելով այս անտեղի փութացումներեն:



Ղալաթիո Ս. Լուսավորիչ եկեղեցիին մեջ ծնրադրած պահուն Մարգար ախպար այդ օրերը փնտրելու կսկսեր. առաջ շուտ կարտասանեին աղոթքները, բայց վերջապես կարտասանեին. հիմա ամբողջ հատվածներ կը կորսվեին ահա փութո պնդությամբ հառաջ տարված արարողությանց մեջ:

«Առաքելոց»ի պահուն երբ սարկավազները կսկսին սեզանն երգել,

«Առաքելոց, սրբոց, մարգարեից, վարդապետաց...» ահա

վարեն գպիրները վրա կը հասնին, շթողլով որ շարունակեն ոս հառաջ քշելով իրենցը,

«Հիշյա Տեր և ողորմյա»:

Եվ այսպես անընդհատ ու վերահաս «Հիշյա»ով ժամանակ չեն թողուր սրբոց անուններու հիշատակությանը: «Հիշյա» մը որ այնքան կը նմաներ «չՀիշյա»ի:

Մարգար ախպար կը խոռովի ալ. ո՛չ, աս երկրին մեջ չկար. և վերջին հույսով մը կը շարունակե ամեն կիրակի այդ եկեղեցին երթալ, օր մը, անգամ մը գոնե, կատարյալ ու շխուոված արտասանութունը լսելու «Առաքելոց»ին: Իր արդար ակընկալութունը ի դերև կելլե միշտ. նախանձախնդիր դրսեցին կը գանգատի, կը բողոքե ու կը շարունակե եկեղեցի երթալ, ուր իր խնդրանաց ականջ չեն կախեր բնավ, ու կը խլեն իրմե վերջին պատրանքը իր բնավայրին ու իրեններուն աղոթքի ժամը հիշելու, հոգվով անոնց հետ միանալու պատրանքը որ այս քաղթին մեջ Մարգար ախպոր միակ ինչքն էր, իր միակ երջանկութունը:

ԷՏԼՎԱՅՍ

Սեղանիս վրա է, մոխրասպիտակ թերթերով ծաղիկը: Գոց սնտուկներու մեջ՝ ծովով, երկաթուղիով ճամփորդած է և ամիսներով աշխարհ պտտած է իմ ձեռքս հասնելի առաջ:

Խոնջ ու վաստակարեկ բան մը չկա վրան. իր ձյունադալար անկողնին մեջ ծլածի պես՝ գողտր ու դողդոջուն կեցեր է դեմս, երկու ձեռքով փարած իր դեռաբողբոջ ծաղիկի փափկությանը:

Յողուն շունի, հյութ ու կյանք շառներ տեղե մը այս եղական ծաղիկը՝ ուրկե Ռիկիի կամ Յոնկֆրոյի վերելքը փորձող ամեն ալպասեր՝ հատ մը չքաղած վար շիջներ:

Ուշադրությամբ կը դիտեմ այս անբացատրելի հմայքը, այս անթառամ երիտասարդութունը, և մատիս դպչելուն՝ կզգամ որ իր տերևներուն նուրբ թավիշը՝ փայփայանքը սիրող պզտիկ կատուի մը նախն պես կակուղ է դեռ:

Իր ստվերոտ ճերմակութունը ատեն անցնելով չէ եղծված, ու անայլայլ կեցած է որբևայրիի մը կես սուգին պես, որ վայելելուն համար՝ բնավ չի հաներ վրայնն:

Իր գալուստեն ի վեր իմ քովս, ո՛րքան ծաղիկներ ծնան, բողբոջեցան ու մեռան պարտեզիս մեջ. ամենքը, անկե ի վատ,

անցան գացին, իրենց վաղամեռիկ հրապույրներուն սուզը ձգելով սրտիս մեջ. էտլվայսը միայն իր անանց մանկութեան մեջ է ու պիտի մնա այսպես:

Ու բաղդատութիւնը ինքնին կուգա մտքիս առջև. որոշում մը տալու, երկուքին մեջ ընտրութիւն մը ընելու պետքը կըզգամ. չէ՛. չեմ սիրեր այս լերան ծաղիկը, չեմ սիրեր որ ինքը մնա հավիտենական երիտասարդուհին, երբ իր նմանները այնքան շուտ կանցնին կերթան. անիրավ, կոշտ ու հետադեմ կը տեսնեմ անվերջ տևողութիւնը բանի մը որ իր շուտանցիկ ու խուսափուկ հանգամանքին համար գողտր ու քնքուշ է աչքերնուս:

Եվ կը զայրանամ, մանավանդ անոր համար որ վերջապես պետք է ամեն բան ժամանակի մը ենթակա ըլլա, իր վերջին օրը, ժամն ու վայրկյանը ունենա, և անոր սպասկոտ անձկութեամբը տառապի, վախնա, կամ ուրախանա. վերջին էակը շրջա ինք, և մեկը գտնվի որ իրմե ետքը գա և կարենա վճիռ մը տալ անոր դեմ: Իմ կարծիքովս անմահութիւնը մահացումներուն էն ահավորն է:

Զափազանց տևողութիւնն իսկ բանի մը, անտանելի է սրտիս: Կիներ կը ճանչնամ որ իմ տղայութեանս միջոցին մանկատի աղջիկներ էին, ու հիմա ալ դեռ առջի աղջիկները մնալու կը ջանան, հին ատենի ծեծծեքումները կը պահեն: Կանանց էտլվայսներն են անոնք:

Դպրոցական տարիքես կը հիշեմ կարգ մը մարդիկ որ հայ հասարակութեան մեջ երևցեր էին, հանրային կյանքի մեջ, աղեկ կամ գեշ, գործ մը ընելու երևույթով, և ահա քառորդ դար մը վերջը, միևնույն մարդիկը կը տեսնեմ շուրջս, կանգուն ու երիտասարդ, միշտ գործի վրա: Ազգին էտլվայսներն են անոնք:

Ու իմ ծաղիկներուս դառնալով ես անոնք միայն կուզեմ, որոնց Սյուլիի Բրյուտոմ վաղաթառամ կյանքը երեսնուն կը զարներ: Ես իմ մեռնող ծաղիկներս կը սիրեմ, և էտլվայսիս պես տարիներով սեղանիս վրա կեցող բույսն մը՝ հազար անգամ կը նախընտրեմ այդ նուրբ ու թարմ բաները որոնք գուցնի մը ու բույրի մը հիշատակը ձգելով կանցնին:



Փողոցին վրա նայող տան մը պատշգամբին մեջ, լայն ապակիին ետև տեղավորված, աղվոր կնիկներ կը տեսնես երբեմն. հոն են միշտ անոնք միևնույն ժամուն: Ձեռքովդ դրած պես, ապահով ես հոն գտնելուդ այնքան՝ որ անշարժ կարծելու իրավունքը կուտան քեզի: Ուզածիդ շափ կրնաս դիտել զանոնք ու զմայիլ վրանին:

Անդին, փողոցին թոհ ու բոհին մեջ, անուշադիր ու մտադրաղ մեկ վայրկյանիդ՝ ժպտուն, արագաքայլ, մանրիկ ոտքերով մեկը կը սահի կանցնի քովեդ հանկարծ, իր անցքը ավելի կզգաս քան թե ատեն կունենաս տեսնելու: Ու աճապարանքով կը դառնաս, կը վազես ետևեն ու հազիվ կը հաջողիս հեռուն, շատ հեռուն, բազմության մեջ բոլորովին անհետանալե՞ն առաջ, ծոծրակին վրա ոսկնձույլ թումբի մը պես բարձրացու մազերուն ցոլքը նշմարելու:

Ո՞վ է, ո՞ւր է, ի՞նչ է, շեռ գիտեր. գեղեցի՞կ է գոնե, շեռ կրնար տեսնել:

Ընդնշմարվող, խուսափող բանն է ան, Երջանկությունն է: Անդին՝ անբաժան, մշտակա, շարունակ քովդ ի վեր է մյուսը, վիշտը՝ սա դեմի ծաղկիս պես:

<1898>

ԲԱՐԵՐԱՐԸ

Երբոր մինչև վերջին վայրկյանը լա՛վ մը կշտացավ ու հղփացավ այս հարստութեամբը ու ինքնիրենը ստուգեց թե ո՛նչ վայելք չէր մոռցած իր ծեր անառակի կյանքին մեջ, այս անթիվ ոսկիները ինչ ընելիքին վրա խորհեցավ:

Անհավատարիմ կնոջ մը պես, որ իր շիրած էրկանը մահամերձին՝ տոնի, ցնծութեան պատրաստութիւններ կը տեսնէ, կզգար որ իր դեղին ոսկիներն ալ կը խլրտեին, կը շարժեին, անսովոր ձայներ կը հանեին սնտուկին մեջէն: Իր մահվան անկողնէն որոշ կերպով կը լսեր անոնց ըմբոստ մետաղի խշրտուքը:

Ու ճիգ մը ըրավ, հնազանդութեան գերագույն փորձ մը ուզելու համար անոնցմէ, և իր պլպլացող մտքին տարտամ լույսովը՝ փնտրեց հաճելի բանը, վերջինը, զոր կրնար ակնկալել դեռ այս հարստութեան օգնութիւնէն, հրաժեշտի անուշ խոսքը զոր պաշտեցյալ կնոջ մը շրթունքէն կը պահանջես:

Այն ատեն տարօրինակը, անհավատալիս պատահեցավ. աս հնարամիտ ու կենցաղասեր մարդը, որ ամեն բանն օգուտ մը հանելու մեջ իր նմանը չէր ունեցած այսքան տարի, շվարած մնաց, ապիկար ու անկարող գտավ ինքզինքը հաճույք մը ձեռք ձգելու՝ իր ձեռքին տակ եղած ահագին դրամներէն:

Իր հինցած, փճացած ստամոքսը ունէ համադամ շէր կրնար մարսել. իր ջրոտած, թունավորված արյունը ունէ բորբոքումի անընդունակ էր ա՛լ. իր պարտասուն և թուլցած ջիզերը հիմա ւրհասական ժամին պրկումովը կը գալարվէին. նվագարանի մը մաշած թելին պես, որուն կոտորիլը՝ բուժակին անգամ մըն ալ դառնալուն կը նայի:

Այս անկարողութեան խոստովանութիւնը խելքը գլխին տարավ. քովի սենյակին պատեն նախ փսփսուք մը, հետո աղմուկ մը կը թափանցեր, կուգար ներս և վերահաս մահվան էրկյուղեն սթափած լսողութիւնը՝ այդ աղմուկին մեջ իր ժառանգորդներուն ձայնը ճանչցավ:

Ու հանկարծ լույս մը ծագեցավ մահվան արհավիրքով գրավված այս մտքին խորը. իր շար մարդու բնազդը մեկեն արթնցավ. վերջին ավագակութեան, կողոպուտի մը խորհուրդը իր նեխած ու ողորմելի մարմինը գղրդեց ոտքեն մինչև գլուխը. ուրախութեան սարսուռ մը վազեց իր մորթին վրա, խորշակին պես որ գարշ ու անշարժ լիճի մը մակերևույթին վրա կը թռչտի:

Եպիսկոպոս, քահանա ու թաղական ուզեց իր քովը, որոնք փութացին եկան. ան ատեն հանդիսավոր ու սրտառուչ ձայնով մը, զոր Սրբազանը վերջեն իր դամբանականին մեջ հիշեցուց, կտակ մը ըրավ ու բոլոր հարստութիւնը, որ ա՛լ իրը չէր, եկեղեցիին ձգեց:

ԲԱՐԵԿԵՆԴԱՆԸ

Կանուխ, ան ժամուն ուր ամեն մարդ գործի կերթա, անակրնկալ երաժշտություն մը, լաթեռնայի վրա եղանակված ճշուն ու հատկտոր երգեր, որոնք բոժոժներու սուր ու թավալուն ձայներ կը հիշեցնեն քիչ մը:

Գիշերեն ի վեր արբեցութենն շի կշտացող խաղամուծ ցընծուհիներու խումբ մը ձիերու վրա, իրենց բեհեզյա ծպտումներուն պոռացող զույներովը, ու պատրվակյալ երեսնուն արթընցուցած հետաքրրությամբը:

Ու պահ մը փողոցին անցուդարձը կը դադրի, ճամփա բանալով կանխազարթույց այս արշավին առջև և կարծես ըսելու զեղիով,

— Թող տվեք որ ճակատագրին արդարությունն ալ անցնի: Վասնզի ճակատագիրը որ կույր է, տեսնողն մը ավելի արդար դատաստան կը կտրե երբեմն:

Ավելի վար, ուրիշ խումբ մը կը դիմավորե զմեզ. ասիկա հետիոտն է. աղմուկի, երգի, շպարի, տարազի միևնույն զեղծումը ու շռայլությունը. փողոցին պատշաճությանցը դեմ միևնույն անսաստությունը. միևնույն ցույցը մարմնական հորինվածներու ու միևնույն հողվածներու խաղերը:

Եվ ասիկա այսպես բոլոր ճամփուն երկայնքը, Փերայի Մեծ

փողոցեն մինչև Ղալաթիո ստորոտը, մինչև քովերը մեր խում-
բագրատունին ուր կապաստանիմ:

Ոչ ոք մտքեն կանցընե կշտամբել այս կամավոր-երջանիկ-
ները, այս դիմաժածուկ-անպատկառները, որոնք, Տրեյֆյուսի
դատավորներուն պես, դոնփակի կուսակից չեն: Զքմեղանքի,
ներողամտության ու թույլտվության ընդհանուր հով մը կը
փչե: Քաղաքը, վայրկյան մը, իր լուրջ մարդու երեսը պարզելու
պետքը ունի. պզտիկ կատակի մը կը նայի որպեսզի բարձրա-
ձայն խնդա ու մասնակից ըլլա մեջտեղի ցնծության, ինչ որ
սովորաբար շաբթուս վերջերը կը պատահի:

Ու երկարող փողոցին դեմ դեմի քարակոփ շենքերը, որոնք
մարդոց և դեպքերու փոփոխականութենեն բան մը չեն հասկը-
նար, իրենց նյութի պարզմտությանը մեջ, կը զարմանան,
կապչին Քաղքին ինքնամոռացումին և այս ուրախության ցույ-
ցերուն առջև:

ՎԵՐՋԻՆ ԱՐԵՎԱԳԱԼԸ

Այս ժամուն ընդարձակ տաճարը գրեթե պարապ է լայնապարուր գմբեթին տակը. հոս ու հոն անկյուններու մեջ ապավինած սքլած քանի մը մարդիկ, մուրացկաններ, որոնք եկեղեցիին սովորական բարեպաշտներեն, սա մյուս մուրացկաններեն առաջ ներս սպրդած են. հեռուն, սեղանին մոտերը, ազնիվ փայտե քանդակներով շինված բաժանումին ետին սովերներու մեջ սև վեղարներ, և աջ ու ձախ կողմը երկուքի բաժնըված դպիրներ դասին մեջ:

Եկեղեցին սուգի մեջ պլլված է. այս համատարած մթության մեջ՝ խորանին փակչող մեծ ու ճերմակ խաչը իր քառաթև ու կեղակարծ սպիտակության ցոլքովը զինքը շրջապատող արհավիրքը կավելցնե: Հավատացյալները կուգան մեկ, երկու հատ, վայրահակ գլուխներ բոլոր:

Այս անբարբառ տրտմությունը անխոս ցավերու պատկառանքը ու մեծությունը ունի ու ես, լավ մը դիտելես վերջը որ զիս տեսնող մը չկա ու ապաժաման բարեպաշտությունս ծաղրանքի նյութ պիտի չդառնա, կամացուկ մը կը ծնրադրեմ ահա քարին վրա:

Հանկարծ ձայն մը կը բարձրանա դասեն. Արևագալը
կսկսի.

— Հարևելից...

Վտիտ ու մանկան ձայն մըն է անուշ, բեկբեկված քիչ մը,
որ իր ընդհատումներուն մեջ կերկերանքի մը ձևը կառնե, ու
կը պատշաճի այս սուգի տաճարին. սարսուռ մը կը վազե վրաս,
դեմեն թավ ու խժուկ ձայն մը կելլե վեր տրտում ու վարանոտ
ու ողբը կը սավառնի ամբողջ տաճարին մեջ վիրավոր ու փա-
խըստական թռչունի մը պես.

— Նահատակք ճշմարիտք...

Աղոթքին ելևէջներուն հետ՝ հոգիները հավատացյալներուն,
որոնց թիվը ավելցած է հիմա, կը տատանին, կը շվարին:

Ո՞վ հնարեր է աղոթքը. ո՞վ մտածեր է առաջին անգամ
արցունքն ու հառաչանքն զորութիւն մը ձևացնել. ի՞նչպես այս
բոլոր բարեպաշտները իրենց ամեն կսկիծներուն համար անե-
րևույթ ապավենի մը փարելու հաստատ ապահովութիւնը ու-
նին: Եվ մինչդեռ դպիրներու դասերը իրենց երգեցողությամբ
եկեղեցին կը թնդացնեն, ես մտքովս կը փոխադրվիմ մեր եկե-
ղեցիներուն մեջ, ուր ամենքը այս վայրկյանիս միևնույն հա-
վատքով վերջին արևագալը կերգեն:

ԹԻԹԵՌՆԻ ԿՆԵՐ

Նահանջ ուղևորություն մըն էր մեր ըրածը ձմեռ ատեն, այս անձուկ կիրճերուն և այս տղմուտ դաշտերուն մեջեն, զոր ձմեռնամուտի անձրևները ճախճախուտներու կը վերածեին շարունակ: Եվ, զգուշյալ, կը ճամփորդեինք ողողված, թրջած մինչև ոսկորնիս, շարունակ մեր ձիերուն քայլափոխները ճշտելու և հավանական անկումները արգիլելու ջանադրությամբ:

Այսպես անընդհատ ջուրի հեղեղներու մեջեն կերթայինք, լացող և խոնավ երկինքի մը տակ, և կը մտածեինք ճամփուն երկայնքին, մեր ուղևորությանց մնացած մասին, որ ճշմարիտ տաժանքի կերպարանքը կառներ:

Իրիկվան դեմ գիշերեցինք մոտի գյուղին մեջ խոնջարեկ ու ցրտահար ամենքնիս ալ: Հիմա ցուրտը կավելնար ու ձյունի հատիկները կսկսեին գալ վաղահաս ու փութկոտ ձմեռին հետ:

Արշալույսին երբոր ճամփա ինկանք, նորեն առատ կուգար ձյունը:

Սպիտակ, անհամար թիթեռնիկներ էին ասոնք որ ժանտ ու շոր երկինքի մը կապարե ցանցեն կը մաղվեին. լուռ ու մունջ տեղացում մըն էր ասիկա. անթիվ առաքելություն մը

կարծես որ երկիրը գրավել ուզեր իր դյուրահալ ու անբիծ խուժիկներովը:

Ու մենք գոհ, ազատելնուս համար վերջապես անձրևի մրտաբակումներն, մեր շուրջը կը դիտեինք անմեղ զմայլումով մը:

Ոմանք դանդաղ կիջնեին վար. հազար նազանքով, կարծես թախանձանքներու սպառումով. ոմանք խուճապի մեջ, ոլորապտույտ ծայրաններ գծելով օդին մեջ. ուրիշներ արծիվի մը շքեղ ճախրանքովը. և այս խուլ արշավին մեջ ամենքը անվնաս կը հասնեին վար, իրենց զզված բուրդի հոլանի թևերը անկապահ գործիքի մը պես ծառայեցնելով վայրէջքին:

Ժամերով եկան այսպես, մեր քովը, մեր շուրջը, մեր վրան տեղալով անընդհատ, ու հեռուն, դաշտը, ճամփան և հորիզոնը բոլոր:

Խորհրդավոր ուղևորներու կը նմանեին ասոնք, որոնք պաշտոն ունեին կարծես շտկելու, կոկելու, հարթելու աշխարհի վրա մակերևույթը ամեն բաներուն, և հատկապես, դյուրացնելու մեր ուղին. և իրոք, սարերն ու հովիտները կը հաշտվեին իրարու հետ և այս միօրինակ ճերմակ փայփայանքներուն տակ քարերն ու լեռները կը կակուղնային: Եվ սակայն, ցորեկին երբոր արևը ծագեցավ հանկարծ սնդիկե երկինքի մը շղարշին տակեն, մեր շուրջը տարածվող այս մաքուր հարթույթյան ու շքեղության վրա ուղևորութունը վտանգավոր և անստույգ կը դառնար: Անդունդներն ու գահավեժները պահված էին մենե ու հողին հերկոտիքը ծածկված բոլոր, ճամփուն մատնությունները իր անբժությամբը վարագուրված էին:

Ո՛րքան նախընտրելի էին պարզ հողն ու քարը իրենց աղտոտ տիղմերովը, իրենց մերկապարանոց ելեջներովը ու ակներև խորտուբորտությամբը, քան թե սա պայծառ ու ցուլացիկ մակերևույթը որ կը պարզվիր աշքերնուս առջև իր անսահման տափարակի խաբուլթյամբը:



Վարանոտ ու համր գնացքով մը շարունակեցինք ճամփանիս, ու իրիկնամուտին դեռ ունէ օթևանի նշանը չէինք տեսած:

Ձյունը դադրեց էր ա՛լ. բայց դեմը, հեռուն, մարը մտնող արևին քով ճերմակ ոսկի թիթեռնիկներու տեղատարափ մը կար, ասորաշեկ հալոցե մը թափված հյուլիներ, որոնք բաց դեղինեն մինչև մութ կարմիր գացող ծիրանի գոտիի մը հազար երանգներով բոլոր եզերքը կը կիտվածեին: Նուզեռում մըն էր գույնզգույն թիթեռնիկներու որոնց փոքրիկ թևերը կը դժգունեին, կը շիկնեին, կը վառեին, կը մարեին շարունակ հսկա բարայրի մը մեջեն: Ո՛րքան մտաւ դադիւք իրենց, նույնքան հեռացան անոնք մենե, միշտ միևնույն անջրպետը պահելով մեջերնիս:

Այս թիթեռնիկները այլափոխիկ խոստումնե՞րն էին կյանքին. անոնք զորս ձեռք երկնցնելուդ՝ ափիդ մեջ կը թվիս բռնել շարունակ. անոնք որ մոռցնել կուտան խոնջենքը ճամփուն, միշտ մերձակա և միշտ խաբուսիկ հանգրվանը, նրազված ըղձացված բևեռը, որուն, ահա՛ քայլ մը ևս, և պիտի եզերիս:

Սվ այսպես, երբ ճերմակ թիթեռնիկները կը հարթեին ճամփանիս, ու պատիր ապահովություն մը կը ներշնչեին մեզի, այս մյուս կարմիր թիթեռնիկներն ալ մոտավոր հանգրվանի մը խոստումովն ու ձգողությամբը կը պատրեին զմեզ, որպեսզի մեր վերջին ուժերը դեպի իրենց հասնելու ջանքերովը սպառենք:



Ու հանկարծ, գիշերը իջավ վրանիս, երիթամած մթությամբ մը որ կարծես անհամար սև թիթեռնիկներու խուժումովը ձևացած էր:

Մանր ու բյուրավոր շլջիկներ ամենքն ալ, իրենց սև կազե թևերը սարդի ոստայնի մը նման տարածելով մեր շուրջը և մեր վրան: Սլնէջ շունեին ասոնք, ո՛չ ճախրանք, ո՛չ անկանոն պարույթներ օդին մեջ. այլ լուռ ու խոժոռ էջք մը, դանդաղ բայց միօրինակ, անխափան ու անմաքառելի բան մը. հետզհետե ավելի հոծ և ավելի խիտ կը դառնար բանակը սև թիթեռնիկներուն որոնք, աննշմարելի ու տիտանյան ձուռ մը վի-

ժածի նման՝ անընդհատ կը լեցվեին ու կը դիզվեին, արհա-
վիրքի թանձր սրսկապան մը հորինելով մեզի:

Այս սև թիթեռնիկները կարգապահ շարքով կուգային կը
կենային քով քովի, ետևե ետև, անխախտ ու անկորուստ ամեն-
քըն ալ. իրենց գրաված տեղը ձեռքե չհանելու հաստատ մտա-
դրութեամբ: Հոգերն ու մտմտութենքը, ցավերն ու կսկիծներն
էին ասոնք, որոնք կը շրջապատեին զմեզ ամեն կողմե զար-
հուրելի հավատարմութեամբ մը: Եվ իզուր թոթափել ուզեցինք
զանոնք վրանս. սև թիթեռնիկները ա՛լ ավելի ճնշեցին զմեզ,
ավելի շատցան և ստվար քողը ձևացուցին հիմա, ահավոր
վերարկուն, որուն մեջ օթևանեցանք:



Ճերմակ թիթեռնիկները կյանքի առավոտն էին հարկավ,
պահելով մենե, ցույց շտալով մեզի անոր թաքուն վտանգները:
Ոսկի թիթեռնիկները ցորեկն էին կյանքին՝ հույսով ու առա-
ջադրութեամբ լեցնելով զմեզ: Սև թիթեռնիկները գիշերն էին
կյանքին, աղչամուղչի բովը որուն մեջ ամեն բան կաներևու-
թանա:

ՇԻՇԼԻԻ ԱԶԳԱՅԻՆ ԳԵՐԵԶՄԱՆ ԱՏՈՒՆԸ ՄԵՌԵԼՈՑԻ ԿԻՐԱԿԻՆ

Վերեն վար խաչաձևված է մաքուր ու աղվոր ճամփաներով: Տեղ տեղ մարմարե կառուցումներ աչքի կը զարնեն ձյունե դեզերու նման զորս գարունը անտեսած է գուցե:

Պզտիկ քառակուսիներուն մեջ գետինը դահանակի շլացուցիչ փողփողումովը կը խայտա, այնքան տարօրինակ կերպով հզոր է դալար բողբոջումը, որուն մեջ երբեմն ծաղիկ մըն ալ, երիցուկը ընդհանրապես, իր խայտուցը կը դնե:

Գրախտի մը մեջ եմ որ, Վիքթոր Հյուկոյի ըսածին պես, դժոխք մը կը ծածկե:

Մինակս կը հառաջանամ ուղիներուն մեջ, տեղ տեղ ուռեցվորած հողերը, այս հետադարձ ծոցվորումները դիտելով. ամեն քայլափոխիս տեսարանն ալ կը փոխվի. փողոցները կը տարբերին, մարդիկն ալ հարկավ:

Կյանքի պայքարը, անհրավ կարգն ու սարքը, կացն ու նիստը, ընկերային ամեն վեճերը մեկ բառով, զարմանք, հոս են ամբողջ, կատարյալ այս մահվան միայնություն մեջ:

Հարգի թաղերը գատ են և պուլվառներու հողերը թանկագին. անդին նեղ ճամփան կամ վարուն արահետը և ավելի անդին՝ այն տեղը որ ամենունն է և ոչ ոքինը: Վերինը, Միջակը և

Ստորինը ուրեմն, զարհուրելի երրորդությունը հոս է նորեն, իր պառակտումներով ու շափացող վերքերովը:

Հարուստին և աղքատին մշտնջենական կռիվը այս լուսթյան մեջ ալ կը լսվի, մունջ բայց որոշ ու հստակ բողոքով մը:

Կալվածական դրությունը, «իմս»ի, «քուկդ»ի տարբերությունը հոս է. անջատումները՝ ավելի կտրուկ, վիհերը՝ ավելի լայն բացված, միությունները՝ անկարելի:

Տեղ մը միայն, ուր ես իմ մասիս պիտի ուզեի հանգչիլ, եղբայրակցությունը կատարյալ է և գիրկընդխառնումը ճշմարիտ. հոն ուր լացերը ու սուգերը շեղջակույտերով կը լեցվին, հասարակաց փոսին մեջ:



Հոս, հոն տերտերներու կը հանդիպիմ, քանի մը այցելուներու հետ, որոնք կերթան այս կամ այն գերեզմանին վրա աղոթք մը ըսելու... դրամի փոխարեն. շահավետ օրն է այդ կակիծի օրը:

Եվ անոնք որ իրենց սիրելիներուն վրա աղոթք մը ըսել տալու դրամ չունին...

Փարիզի մեջ, ամենեն ցնծահույզ և խնդամուլ ոստանը աշխարհիս, բոլոր քաղաքն է որ, Մեռիլոցի կիրակին, գերեզմանատունները կը լեցնեն, ծաղկի դեզերու տակ ծածկելով շիրիմները. այդ օրը Ֆրանսա իր մեռելները միայն մեծարելու նվիրած է:

Մեր պարապ ու ամայի գերեզմաննոցին ցանցառ այցելուներուն կը հետևիմ: Ցավերու վերհիշումներով սփոփանք փրնտորող այս մարդիկը կը նմանցնեմ անոնց որոնք խարանի մը կիզումեն վերքի մը դարմանումը կակնկալեն:

Հանկարծ, աշիս մարմարե կիսարձան մը, իր թմթուկած ու անհաճո ժերունիի երեսովը, մանր ու խոնջ աչքերուն մեջ սառած նայվածքովը որ իմիսիս վրա կը սևեռի, կը պահանջե որ իրեն նայիմ: Կը մոտենամ. ազգային վաստակավորի մը, ունէ բարերարի մը անունը կը փնտրեմ և ծոած, ոսկի վերտառու-

թյունը կարդալու համար, կը շտկվիմ սրտմտած ու կռնակս կը դարձնեմ իրեն: Շուրջիս բոլոր ձյունասպիտակ մարմարնե-րուն ու նրբակերտ շիրիմներուն վրա՝ մոռացութեան միայն արժանի կյանքեր, որոնք, տարօրինակ բան, անուննին ան-կորուստ պահելու, հոս, վերջին վայրկյանին, ջանք չեն խնա-յած:

Ձախիս՝ մատուռի ձևով շիրիմ մը, որ այր ու կնոջ մը դեմ դեմի դրված պատկերները կը պահպանե. իբրև թե չրավեր այս հեք ամոլին անունը իմանալ, պետք էր երեսնին ալ տես-նել, էրկանր պատվանշանի խաչը ու կնոջ բեհեզի շրջազգես-տը զանազանիլ. միամիտ ու ծիծաղելի համոզում աս էրիկ կնկան համոզումը, զոր սա քարի սրսկապանը կը մարմ-նացնե:

Եվ այս լիրբ ու անպատկառ անձնազովությունները ու անձ-նապահպանումները այնքան կը հաճախեն շորս դիս ահա, որ սիրտս լեցնող զզվանքը շրթունքս կելլե մինչև, և ճշմարիտ ա-մոթ մը կը համարեմ, կատարյալ անվանարկություն մը, դա-սակցություն մը հոս՝ այս փառապանծ կոթողներուն քով:



Եկեղեցին, որ կը պնդե թե գերեզմանատունը իր մասը կը կազմե, պետք չէր թող տալ այս անպատկառ ցուցահանդեսը և զլանալու էր, հանրային սրբավայրի մը մեջ ամենեն անար-ժանին ըստ կամս հավերժանալու արտոնությունը: Մենք որ ոչինչ ունինք մեր հանրային մարդոց նվիրելիք, շատ է ար-դյոք եթե գերեզմանի մը պատիվը վերապահեինք իրենց:

Ու բնությունը, մեծագույն եկեղեցին, ինքը կուգա վրեժը լուծել այս վրդովիչ խնդիրներուն ու լրբենի շքեղութեան, որ վարձով կնկան մը փերեքտումին պես կը պարզվի այս գերեզ-մանատան մեջ:

Հոն, ուր քարե ու մարմարե մահարձանները կը խրոխտան, գարունը բույս մը կը շինե այն ոսկերոտիքին վրա որ անոնց տակ կը ծածկվին, մինչդեռ հասարակաց փոսին ու հողին վրա

լիարուուն կը սփռե կը շոայլե իր ցնծալից ու երփնեբրանգ երիտասարդութիւնը:

Մեկ դին՝ հավերժացումն է կըսեն ոմանք, անէացումն է կըսեմ ես, քարի մը անշարժութեանը մեջ:

Մյուս դին՝ կյանքը իր հարափոփոխ դրվագներովը. ճիշտ վան ձյունին ու բուքին տակ փոս մը, այո՛, որ հիմա գարունին հետ կը ծաղկի, կը զարթնու, աչքիս ու սրտիս կը խոսի:

<1898>

ԲԵՌԻՆ ՏԱԿ

Հիմակվան պես միտքս է, ամառվան տաք ցորեկ մըն էր, հալած կապարի պես հրատապ մթնոլորտով մը որ շնչառությունը անկարելի կը դարձնէր:

Երեք հոգի, երեք բեռնակիրներ քամակնին ծռած կը հառաջանային քով քովի, համր բայց տոկուն քայլափոխներնուն տակ դղրդեցնելով Ղալաթիո կամուրջին երկաթե լուծքը:

Իրենց կորովի մեջքը կքող, զիրենք կես-մարդերու վերածող բեռերնին շնչին ու աննշան կը թվեին, և զարմացա հեռունն այս առույգ մարդիկը ընկճված տեսնելով մեյ մեկ փոքրիկ տոպրակի ծանրութեան տակ:

Մտտեցա. պաշտոնյա մը կընկերանար իրենց և օձիքնուն վրա փակցված ճերմակ մետաղի սկզբնատառեր՝ այս մարդոց՝ Օսմանյան Պանքային բեռնակիրները ըլլալը կը հայտնեին:

Հիմա կը բացատրվեր գաղտնիքը. ոսկվո պարկեր կը փոխադրեին այս բեռնակիրները իրենց ուսերուն վրա, և իսկույն կըմբռնեի տարապայման ծանրությունը այն պզտիկ բեռերուն:

Եվ կամուրջին բոլոր երկայնքին վրա համառ ու աշխատասեր մրջյուններու պես երթեկողներուն բազմությունը փողոցներուն, հրապարակներուն վրա լեցված բոլոր մարդիկը

հրեակայութեանս առջև եկան՝ մեջքերնին կքած քիչ շատ ամեն-
քըն ալ, այս երեք բեռնակիրներուն պես, ավելի կամ նվազ
ծանր ոսկվո անտեսանելի բեռի մը տակ:



Քովես, ուղիղ, կորովի դեռ իր վաթսուն տարիներուն հա-
կառակ, քրտնաթոր ու շնչասպառ մարդ մը, որ Պոլսո մեծա-
գույն սարաֆն էր թերևս, անցավ, ճերմակ թաշկինակովը սրբ-
բելով իր կնճոտած ճակատը. հակառակ իր շիտակ ու ամ-
բարտավան քալվածքին, իրոք, զինքը ավելի ընկճված, ավելի
նկուն տեսա այն ոսկիներուն բեռին տակ որոնց տերն էր այս
ծերունին:

Իր պատանութեան օրեն երեակայեցի զինքը ծռած, ուսի՛ն
վրա շալկելով ոսկին, տանելով շարունակ իր կյանքին բոլոր
երկայնքը, շհամարձակելով դպիլ երբեք անոր, իբրև թե՛ սս
երեք բեռնակիրներուն քովը կեցողին պես՝ ոսկին վրա հսկող
պաշտոնյա մը իր ամեն քայլերուն հետևեր. այսպես, տարինն-
րու հոլովումներով անտրտունջ, թերևս ալ երջանիկ, հասած,
եզերած էր գերագույն եզերքը որ ծերութուն կը կուշվի:

Ագահութունը միշտ ավելի վար, միշտ ավելի ցած իջե-
ցուցած էր այս մարդուն խրոխտ ու բարձրավիզ երևցող գլու-
խը, և սա գացող երեք համալններեն ավելի գետնամած ու գետ-
նաքարշ՝ անցած դարձած էր միշտ կյանքին ամեն ճամփա-
ներեն:



Ու շատ մը անցորդներ ոչ նվազ կորաքամակ էին հարկաւլ-
ոսկվո բեռը, անձկութեամբ լեցուն բեռ մը, ամենուն ալ մտրին
և հոգիւն մեջ կար, եթե ոչ ուսերնուն վրա: Եվ անոր ծանրու-
թեան տակ, այդ սիրտերը ու հոգիները կքեր, ծուր, բաժնվեր
էին իրենց նախնական շիտակութենն. ոսկին՝ որ մարդիկը
բարձրացնելու պետք էր ժառայեր, ընդհակառակը զանոնք
կընկճեր, կը խոնարհեցնէր և ո՞վ գիտե Ղալաթիո կամուրջին
վրայն անցնող սա երեք բեռնակիրները թերևս խորհրդանշան-
ներն էին նյութապաշտ մարդկութեան:

ԿՈՐՍՎԱԾ ԽՈՍՔԵՐ

Աշտարակիկներով, պարիսպներով շրջապատված անհեթեթ և ամառի ժայռի մը կողին վրա խիզախող եվրոպական գղջակ մը չէ, որուն լուսթյունը ու միայնությունը արհավիրքով լեցուն կրլլա շարունակ, և որուն շուրջը բնությունն ալ ըմբոստ և անհրապույր բան մը կունենա, պառված կույսի մը դաժանությունը:

Ո՛չ, անանկ չէ շենքը. լայն ու լուսավոր պատուհաններով վիլլա մը, հինկեկ քիչ մը՝ բայց հանգստավետ կառուցումի մը բոլոր պայմաններուն մեջ. իր շուրջի ընդարձակ պարտեզը՝ գարավոր ծառերուն ստվերովը, մամուռներուն կանանչ թավիշովը, որ կարծես փայփայանքի կոշում կընն, տունտեղ եղած թռչուններուն երամովը՝ տարիներ տևող լքումի մը շնորհն ու ազնվականությունը ստացած է:

Նորություն ու պաճուճանք չկա հոն. ամեն բան տարիքը առած, վրդովումն հեռացածի հով մը ունի:

Իրիկնամուտի աչքն է. հոյակապ անդորրություն մը որուն մեջ կը թաղվի տունը. վերջալույսը չի թափանցեր հոն. այլ գեղեցիկ մազերու վրա ցուացածի պես, տեղ տեղ, մարող արևին նառագայթները կուգան լուսն ադամանգներ գնել հինավուրց ծառերու սաղարթներուն վրա:

Իրան առջև, ուրկե լայնանիստ մարմարե քիչ մը ներկոտած աստիճաններ պարտեզ կը տանին, փայտե Բանափեի մը վրա՝ գեղջկական արդուզարդով, պաքիսքե շփակով ու պատմունճանով, երիտասարդուհի մը, որուն ժպտուն դեմքին վրա երես առած, շարաճճի, գրեթե անառակ աղջկան մը երեւոյթը կա:

Նայվածքը ուշացրիվ և աննպատակ կը սեեռի իր շուրջի սովերներուն մեջ, աննշմարելի իտեալի մը հետապնդումովը:

Եվ ճիշտ այդ վայրկյանին կոնակը կեցող այր մը, որ տարիքոտ նշանածի մը կը նմանի ինծի, անոր ականջն ի վար բաներ մը կը փսփսա. սիրո, անձնվիրութեան խոսքեր թերևս:

Աղջիկը գլուխը չի դարձնէր ետին նայելու համար թե ո՞վ է այս վրդովիչ բառերը նետողը. սկեպտիկ, դարավերջիկ գեղուհին է ինքը և ոչ այն անփորձ կույսը, որուն հոգին մեկ նայվածքով կը խռովի. ու բոլոր այնքան խնամով մտածված, քաղցր ձայնով մը արտասանված խոսքերը կերթան կը կորսվին, անդարձ ու անօգուտ, իրիկվան մթնշաղին մեջ:

Այս է պատկերը, անզլիացի վարպետե մը առնված գեղեցիկ վիճագրութեան, որ իր ոսկեզօծ շրջանակին մեջ սենյակիս պատին վրա կը տեսնեմ ամեն օր:

Եվ ամեն օր, գրեթե ամեն անգամ, նոր տեսածի պես կը կենամ անոր առջև, կը մտածեմ. այս վերջալույսին շքեղութեանը, ու այս երանութեան միջավայրին վրա կը հիանամ, այս ոչ երիտասարդ սիրահարին թափած լեզվին վրա կը ցավիմ, և աղջկան անփույթ ու անզգա կեցվածքին ծափահարելիս կուգա:

Կը լսեմ, ականջովս կը լսեմ գրեթե, սա անխոս պատկերին վրայն, անուշ խոսքերը որ այս մարմարի պես անխռով աղջկան կուղղվին առանց հաշտելու հասնիլ մինչև անոր միտքը ու հոգին:

Եվ կը հասկնամ վերնագիրը. այս աղվոր ու խորհրդածութեաններով լեցուն պատկերին վերնագիրը, զոր նկարիչը, իմաստասեր մը կյանքի, այնքան խորին գիտակցութեամբ մը գրած է

Կարսված խոսքեր

Կորսված խոսքեր. և ատկե գատ բա՞ն մըն է կյանքը մի-
թե. կորսված բոլորն ալ, աղեկն ու գեշը, անուշն ու դառնը,
օգտակարը և անօգուտը. միշտ դեմո՞ սա պատկերին մեջի գե-
ղեցիկ կինը՝ գլուխը բեզի դարձնելու շնոթարող իր վես ամբար-
տավանությանը մեջ:

Ակամա կը նմանցնեմ ինքզինքս, հրապարակագիրը, սա
տարիքոտ նշանածին որ իր միտքը ու սիրտը ճնշելով, լուծելով՝
է՛ն գեղեցիկ խոսքը, է՛ն աղճոր խորհուրդը, է՛ն շնորհալի ձևը
կը մատուցանե ան երես առած աղջկան որ հասարակություն
կը կոչվի. մտազբաղ ու անտարբե՞ր հասարակություն որուն
աշադրությունը չեմ գիտեր ո՛ւր կը մոլորի ու կը սևեռի միշտ:

Բայց այս անփուլթ կեցվածքը, այդ ուսերը թոթվելն երբոր
ամենեն լուրջ ու կարևոր խնդրովը կուզես գինքը զբաղեցնել,
իր շահուն, իր բարօրության վրա խոսիլ հետը, շարգիլեր զբեզ՝
իր օգուտին հավիտենական մտածողը, շարգիլեր որ գիշերն ի
բուն տքնիս հետևյալ օրը նոր բառ մը բերելու իրեն, ականջն
ի վար քաղցրությամբ, նոր խոսք մը, կորսված առջիննե-
րուն պես:

Իրոք կորսված՝ այն ըսված բոլոր խոսքերը որոնք, եթե
չուտով ու դյուրությամբ կարտասանվին, գիտցած ըլլաք որ
նույնքան դյուրությամբ չեն պատրաստվիր և ամենեն դժնդակ
աշխատությունն են հրապարակագրին համար:

Կորսված, այս ժամուն համար թերևս, բայց ո՛չ բոլորովին:

Երբեմն, անոնք որ ինծի պես երաժշտության համար օտա-
րականներ են, օր մը անհաճ ու անդեպ վայրկյանի մը մեջ,
առտուն անկողնեն ելած պահերնուն, օրինակի համար, երգի
պզտիկ հատկուր եղանակ մը կը հիշեն. տղա հասակի մեջ
դպրոցը լսված, կամ մեծնայե վերջը, փողոցն մը անցված ա-
տեն, ականջի դպած երգի մը վերհիշումն է. երգ որուն կարծեր
էինք շունկնդրել: Եվ այս վայրկյանիս, հիշողության զարմա-
նալի կարողությամբ մը, ո՞վ գիտե որքան տարի վերջը, առտը-
վանց կանուխ այդ կտոր քրդուն եղանակը կը տիրե մտքիդ,
իզուր կը փորձես փախչիլ անկե. իր անցյալ բոլոր մոռացո-

մին, լքումին, ատենով իրեն համար ցույց տրված արհամար-
հանքին վրեժը կը լուծե և կը պարտավորե զքեզ՝ քթիդ տակե՞ծ
ճշմարիտ հաճույքով մը մրմնջել զինքը:

Հանրութեան համար հրապարակագրին խոսքերը այս երգի
փշրանքին կը նմանին: Մտացված խոսքեր, թերևս կորսված
խոսքեր, երբե՛ք:

<1898>

«ԱՊՐԻՄ-ՄԵՌՆԻՄ»

Դեղին կոճակ մը մեջտեղը,— աղտոտ դեղին մը որ ինժի-
համար գույներուն ամենեն վհատեցուցիչն է,— ճերմակ պղզ-
տիկ շեղփերով-պարուրված: Այս է բոլորը: Զոր, կտրուկ ծա-
ղիկ մը որ սովորական ծաղիկներու փափկութիւնը ու խոնա-
վութիւնը, գույներու պեսպիսութիւնները, երանգները ու մա-
րեւիքները չունի. չունի, մեկ բառով, անոնց բանաստեղծու-
թիւնը:

Ամեն ծաղիկ, բացի անկե, իր երգիչը ունի, իր հարստաց-
ած մեծարված պարտեզը, ու երբեմն ալ սիրտ մը որուն տրո-
փումներուն կունկնդրե: Երիցուկը՝ զուրկ է ասոնց ամենեն,
լերան վրա, դաշտին մեջ, միս մինակը կը բուսնի ան, կոխ-
կըռտութենքն ու մեջն, ձյունին ու փուքին դեմ, որբի մը մեծ-
նալուն պես շարքաշ փթթումով:

Ոչ մեկ փունջի մեջ կերևա իր դեղին կոճակը, իր շքեղու-
թենն անմասն թերթիկները, որոնք ճերմակ ու կակուղ փուշե-
բու կը նմանին, ամեն խնջույքն ու կոշույքն վտարված է ան,
ծաղիկներու վահան վարդապետը, որ անտրտունջ փիլիսոփա-
ցութեամբ մը կը համակերպի իր լքումին:

Այս տոկունութիւնը ու այս համակերպութիւնը վերջ ի
վերջո իր սեռը մոռցնել կուտան քեզի. գայն փրցնելու հա-
մար ա՛յ նույն զգուշութիւնը շեռ ունենար, ինչ որ կունենա

երբ մեխակ մը, կամ հասմիկ մը քաղես: Բիրտ ձեռքով կը գատես զայն իր ցողունն, ո՛չ իր տեսքին համար կրնաս ժաքեթիդ լամբակին անցընել, ո՛չ իր հոտին համար քովդ պահել զայն: Իր ծաղիկի կոշումը ոչինչ է:

Բայց ավանդական հարցունկն է ան զոր տղա տարիբեղ ճանչըցած ես, փետրտելով հեք պզտիկ թերթիկները «Ապրիմ-Մեռնիմ»ին, հաճոյակատար քուրմը՝ որ դեմդ կեցած շարունակ, «Պիտի ապրիս» պատասխանած է բեզի:

Երիտասարդ, սիրտդ բացած ես իրեն, իրմե հասկնալու համար ճշմարիտը ու ստույգը այն սիրո խոսքերուն զոր պաշտված էակ մը փսփսացած է ականջդ ի վար:

Անկյուն մը քաշված, տենդոտ ձեռքով սկսած ես փետրուտուքը, «Կը սիրե զիս, Շատ կը սիրե, Բնավ չի սիրեր»ի անվերջ ու դարձդարձիկ հոլովումը:

Ու շափահաս մարդ, հիմա՛ ալ կակնկալես, դրական ու շոշափելի օգուտը կը փնտրես իրմե, այն միայն զոր կրնա տալ հաշոգության կամ ձախորդության հաշիվներուդ պատասխանը, իբր թե նորօրինակ աղյուսակ մը ըլլար՝ այս պզտի ծաղիկը, ու ականդետ կը հետևիս «այո»ի «ոչ»ի փոխն ի փոխը անվերջ հակասություններուն, որով իր ողորմուկ պորտին շրջանը կընես հետզհետե մերկացնելով զայն իր ճերմակ փշիւրջանքին:



Աղջիկներ կը ճանչնամ, շնորհագուրկ արարածներ որոնք, սիրո ու ըղձանքի առարկաներ շրջալսուն համար կարծես, կին համարվելու իրավունքը կորսնցուցած են. այրեր են անոնք որոնց հետ էրիկ մարդ մը ինքզինքը հարկադրված չզգար հետևելու լեզվի կամ վարքի պատշաճություններուն, որոնք պարտավորիչ են կնոջ մը հանդեպ: Անոր հետ կը խոսի ամեն նյութի վրա բացահայտ կերպով, առանց վերապահումի, առանց կիւսավարտ բառերու կամ թերասքող պարբերություններու:

Ամեն վիշտ կրնա պատմվիլ իրենց, անոր համար գուցե որ անոնք վիշտ ունենալու իրավունքը չունին. տեսակ մը բժիշկ են որոնց ամեն հիվանդությունները կը զրուցվին առանց ամո-

թի և առանց դարձվածքի: Կամ թե քողընկեցիկ կիներ են որոնց կարգ մը մարդիկ կերթան, իրենց սիրո ցավերը բացատրելով, խորհուրդ ու դարման հարցնելու համար:

Ու այդ աղջիկները հոժարակամ կընդունին այս խորհրդատուի, տեսակ մը մխիթարիչի ապերախտ ու վիրավորիչ պաշտոնը, քեզի հետ մեկ կըլլան քու սիրած կնոջ վրա հիանալու համար, երբոր դուն անոնց զմայլանքին կը ներկայացնես քու կուտքդ, համբելով անոր բոլոր հրապույրները: Սև սաթի մազեր, պայծառ ու միանգամայն վրդովիչ նայվածք, հասակ մը արքենի որ շուք կը ձգե իր շուրջը, իր պատմուճանին շքեղութունը, իր ոտքին նուրբ պճեղները որոնք շրջազգեստին հանգրիճումեն կը տեսնվին, գուշակել տալով ամենեն շնորհալի պարույթը մարմնական գիծերու:

Եվ անոնք, անխոռով, մտիկ կընեն քեզի, իրենց ներսեն ընելով ահավոր բաղդատությունը իրենց ողորմուկ անձին հետ: Իրենց նկուն մարմինը, ավերակ դեմքը, փոքրիկ ու անլույս աչքերնին, վար թափվող շրջազգեստնին վրանուն, ասոնք բոլորը կը բաղդատեն քու ցույց տված լուսաշող պատկերիդ հետ. ու արիությունը կունենան, փոխանակ անեծքով մը վճնտելու զքեզ քովերնուն, կարեկցելու քեզի:



Ո՛րքան շատ օրինակներ կը հիշեմ այն բիրտ խորխտության որով մարդ մը՝ ուրիշն մը, սովորաբար ինկած ու ողորմելի էակն մը, չի քաշվիր օգտվելի, շարունակելով հանդերձ զայն արհամարհելու: Իրավունքի մը պես կը պահանջե, կառնե անկե էն շնչին օգուտը զոր անիկա կրնա տալ, ընկճվելով դեմինին բրտությանը տակ. երևակայեցեք գինի շինող մարդիկ որոնք խաղողը իրենց ոտքին տակ ճզմելով՝ անոր հոգին կը քաշեն կառնեն:

Ու գանգատի գաղափարը իսկ չի գար այդ քամահրված էակին միտքը. իր պարտքը վճարելու պես հեզությամբ կը խոնարհի իր ճակատագրին առջև որ «Ապրիմ-Մեռնիմ»ին ճակատագիրն է:

Ամեն տարիք ու ամեն հասակ պիտի ժոխ փրցնելու ու իսկույն փետրտելու համար զայն: Հետո անոր դեղին աղտոտ ու մերկ կոճակը պիտի մնա միայն, մեղտեղը, գետինը, ոտքի տակ, ասոր կամ անոր գարշապարին տակ ճզմվելու համար, հերատուկ կիներու պես:

Շատ կը հանդպիմ անոնց, փետրտածներուն, իրենց ճերմակ փշփշանքը կորսնցնողներուն:

Երբեմն էրիկ մարդիկ են անոնք, պատանիներ՝ երազնին թողած, երիտասարդներ՝ իրենց հույսերը լքած, աշխարհ մը-տած առջի օրերուն:

Երբեմն ալ կիներ, կույսեր, որոնք այրերը չի ճանչնալուն համար կը տառապին, իրենց շնորհները կը թողուն, և արամքիներ որոնք այրերը ճանչցած ըլլալուն համար իրենց հրապույրներեն կը մերկանան, — բոլորն ալ փետրտած «Ապրիմ-Մեռնիմ»ներ:



Ես սիրած եմ միշտ այս «Ապրիմ-Մեռնիմ» անունը: Կյանքի ու մահվան այս քովքովիությունը, այս եզրայրությունը սիրած եմ: Քով քովի, ու թե որ կուգծք, իրարու մեջ անցած, ազնիվ թաշկինակներու անկյունները բանված սկզբնատառերու պես: Այդ գիրկընդխառնումը, մեկ բառի մեջ ամփոփված, բոլոր աշխարհը չի՝ ձևացնել միթե: Ըլլալ ու չըլլալու հարցը չէ՞ անոռամիկ ու աղետավոր հարցը որ ամեն առարկայի վրա դրոշմված է:

Ամեն անգամ որ կը քաղեմ քեզի, ո՛վ պատիկ դեղին ծաղիկ, կը հիշեցնես ինձի այն ահավոր մերձավորությունը զոր բուսնունդ կը կազմե. «Ապրիմ-Մեռնիմ». երբոր ամեն տեղ կյանքը կը ջանա ըստ կարի խուսափիլ, հեռու կենալ Մահեն, բու վրադ միայն երկուքն ալ իրենց ճշմարիտ ու պատշաճ տեղը կը գտնեն: Այն քաղաքին պես որ իր գերեզմաննոցը իր ծոցին մեջ զետեղած է՝ փոխանակ հեռուն, շատ հեռուն, անտեսանելի անկյուն մը տանել զնեյու, զուն ալ Ապրիլուգ մեջ Մեռնիլդ պարփակած ես:

ԿՈՏՐԵԼԵՆ ԵՏՔԸ

Հարկավ ազնիվ հախճապակի էր այս սուրճի սկահակը իր զգտիկ պնակին մեջ, երբոր նվեր բերին ինծի օր մը:

Տվողք, բարեկամներես մեկը, որուն պզտիկ ծառայությունն ճը մատուցեր էի, ըսավ թե շնչին բան մըն էր տվածը:

Բայց իր երթալեն վերջը, անուշաղիր և հարևանցի աչք մը պտտցուցի վրան:

Ասիկա զատեր էր՝ որպեսզի սուրճս անոր մեջեն խմեմ և ծիշտ հիշեմ զինքը այդ առիթով:

Թափանցիկ խմորը, իրոք, տեսալին ազնվությունը երևան կը հաներ, և Սեվրի հռչակավոր արվեստարանին նշանը վրան էր, կարմիր պզտիկ բոլորակով մը, որուն մեջ 1844 թվականը կը կարդացվեր:

Բավական ատեն գրասենյակիս փոշիններուն մեջ սպասեց, անկյուն մը դրված. ես, որ արվեստական բաներու կարևորություն կընծայեմ, ասիկա իմ գրասենյակիս մեջ ունենալու փառասիրութեամբ բավականացեր էի սկիզբը. հետո բոլորովին մոռցեր էի զայն. օր մըն ալ այս սուրճի ըմպանակը ծիծաղելի թվեցավ ինծի իր անօգուտ սպասումին մեջ. խորհեցա որ այս

լքումեն աղեկ էր եթե երբեմն անով սուրճ մը խմվեր. առի տու՛ւտարի գայն:

Հոն՝ ավելի բախտավոր շեղավ. նյութերն ալ մարդոց կը նմանին քիչ մը. իրենց ճակատագիրն ունին. ոչ ոք երեսը նայեցավ աս խեղճ սկահակին. մեկ հատ մըն էր ու նմանը և օրինակը չկար, որպեսզի օրական գործածութեան մեջ ընդունվեր:

Պարզ զարդի համար տեղ մը դրինք. քանի մը օր վերջը հոս ու հոն նետվեր էր. անգամ մը պզտիկ զավկիս ձեռքը տեսա. հետը կը խաղար, ու ժամանակ կանջըններ. օրին մեկն ալ ձեռքեն վար ինկավ, կտոր կտոր եղավ:



Անցած օր անոր պզտիկ պնակը ձեռքս անցավ. սրտի նեղութեան մեկ վայրկյանիս, անոր նուրբ գծագրութիւններն ու գունագեղ կիտվածները կը զննեի. ստուգի՛վ դեղեցիկ արվեստի մը հրաշակերտն էր. գիծերուն շնորհալի ընդելուզումները, նկարեն երանգներուն գիրկընդխառնումները ուշադրութիւնս գրավեր էին. հանկարծ իրար փաթթված երկու տառեր նշմարեցի, վրան արքայական զինանշանով. ճիշտ դիմացի կողմը շրջանակին, միևնույն՝ զինանշանը ու միևնույն սկզբնատառերը:

Այս տառերը Ֆրանսերեն L և P գիրերն էին, և ահա լույսը իսկույն ծագեցավ մտքիս մեջ. Լուի-Ֆիլիպի կը վէրսբերեր այս սուրճի սկահակը իր պնակով. Սեվրի արվեստարանին նշանին քով Ֆոնթեննայլոյի դղյակին անունն ալ կար գրված, զոր հիմա կը նշմարեի:

Ա՛լ տարակույս չկար: Ֆրանսայի թագավորինն էր ասիկա իր զարդարուն ու նրբակերտ հորինվածքը բավելու էր արդեն. ճանչցողի մը համար, մեկ նայվածքով ճշտելու թե ասիկա սովորական մահկանացուի հատուկ բան մը չէր կրնար ըլլալ:

Եվ հիմա որ կտորած փշրված էր այդ խեղճ սկահակը, որուն արժեքը չէի կրցած ըմբռնել, երկար տարիներ մնացեր էր քովս, ձեռքիս տակ. հիմա ո՛րքան կը զղջայի ըրածիս վրա.

ո՛րչափ կը կշտամբեի ինքզինքս՝ քիչ մը հոգ և ուշադրութիւն չդարձնելուս համար արվեստական ու պատմական այսքան թանկագին բան մը հասկնալու և պահպանելու:



Այս պզտիկ դեպքը կը թելադրեի ինծի կարգ մը խորհրդա-
օութիւններ, որոնք այս տողերը կարդացողներուն միտքն ալ
պիտի գան հարկավ:

Ընդհանուր կանոն մըն է որ մարդիկ իրենց կենդանութեան
մեջ չճանչցվին ու չգնահատվին անոնցմե, որոնց քովն ու մո-
տը ապրած են շարունակ. մահը, անդարձ կորուստը պետք է
գա՛ որպեսզի անաչառ դատաստան մը ու արդար վճիռ մը ընել
կարելի ըլլա. գերեզմանին անջրպետը պետք է՝ որպեսզի մեր
ակնարկը կարենա ճշտիվ տեսնել գիծերը այն դեմքերուն
որոնք անոր մյուս եզերքն անցած են հիմա. անոնց վերա-
դարձին անկարելիութեան համոզումը պետք է մեզի, որպեսզի
կուրցած աչվընիս բացվին ճշմարտութեան, ու գիշանինք խոս-
տովանելու և հրապարակելու անոնց առավելութիւնները՝
որոնց վրա անգիտակցաբար գուցե չզշարեինք, ցորչափ կեն-
գանի էին անոնք:

Կը խորհիմ որ բարեկամութիւնները, անձնվիրութիւններն
ալ ասանկ են շատ անգամ. ոչ ոք ամենադուշն արժեք մը կու-
տա այն սրտերուն, որոնք հոժարափուլթ ու լուս հավատալի-
մութեամբ իրեն կսպասեն. ու հարկ է որ այդ սիրտերը խոր-
տակվին, որպեսզի կորուստին մեծութիւնը կարելի ըլլա զգալ
և շփել:

Այսպես պատահեցավ իմ սուրճի սկահակիս համար այ-
սա զայն ճանչցա... կոտորելն ետքը:

ԳԻՐԵՐ ՊԱՏԵՐԱԶՄԻ ԴԱՇՏԵՆ

Պոլիս բնակող ֆրանսացի մեկ բարեկամս, որ այս պահուս պատերազմի դաշտին վրա կը գտնվի, աստին ատեն քանի մը տող գիր կը ղրկե ինծի: Բան մը շրտեր պատերազմական գործողութեանց մասին՝ որոնց վրա ուէ տեղեկութիւն տալը արգիլված է. իր խորհրդածութիւնները կը հաղորդե ինծի ներկա պատերազմին առթիվ. անոր սկզբնապատճառներուն, վերջնական հաղթութեան որ կողմին մնալուն և հառաջ գալիք հետևութիւններուն մասին կարծիքներ կը հնայտնե, գուշակութիւններ ալ կընե, որոնք շատ անգամ շահեկան են:

Այս նամակներուն մեջ կանոնաւորութիւն և կապակցութիւն պիտք չէ փնտրել: Մինչև անգամ տեղ տեղ հակասութիւններ ալ կընան տեսնվիլ, որոնց աչք գոցելու է: Այս վերապահութեամբ այդ գիրերը Ազատամարտի ընթերցողներու պիտի ներկայացնեմ հետզհետե:

Ա. ՆԱՄԱԿ

Չորեքշաբթի օր մը մեկնեցանք Կոստանդնուպոլսեն ուր Պիզանսն ու Սթամպոլը գիրկընդխառն կապրին հինգ դարե ի վեր Արևելքն է ան. միշտ պայծառափայլ, երբեմն արյունաներկ:

նս դեպի Արևմուտքս կերթամ. կարմրցող, զարհուրելի կերպով կարմրցող Արևմուտք մը:

Ճամփորդության բոլոր տևողության միջոցին՝ լավ մը դիտեցի սա Միչերկրականը, որուն վրա գերմանական ակնկալուեցունները կը թռվուան. խորհեցա որ այս ծովին տիրապետումն է այսօրվան պատերազմին սկզբնապատճառներն մին: Միտքես շելլեր Վիլհելմ Բ-ի խրոխտ dictonք,

Իմ կայսրությանս ծովերու վրա է:

Ան՝ որ առարկան է այս ըղձանքներուն՝ անգիտակից կը թվի որ ճակատագրին համար ծրագրված խորհուրդներուն, իր նվաճումին համար թափվելու պատրաստ արյունին: Ան կը շարունակե իր կապույտ բեհեզի գգվանքովը և շոգենավնուս կուրծքն և պարանոցը զարդարող սպիտակ փրփուրե ժանյակովը մեր աչքերն հմայել:

Բ. ՆԱՄԱԿ

Կազմ և պատրաստ կեցեր եմ. համազգեստս հագած, հրայանը ձեռքս, պայուսակը ուսիս: Թե որ զիս տեսնես՝ շփտի հանչնաս: Եվ ի՞նչ է պատերազմը՝ եթե ոչ անճանաչելի դառնալը մարդուս:

Առանկ ժամու մեջ է՝ որ հանկարծ մարմին կառնե, շոշափելի կըլլա խորհրդավոր և անտեսանելի թելը որ մարդս դաժերու հոլովումին երկայնությամբը իր ցեղին իր հոգին կը կապե: Այս պահուս ես դադարած եմ առանձին գոյություն ունենալի. իմ ազգիս հոգին է՝ որ կապրի իմ ներսս. որչափ որ տեժ պատերազմը՝ ես անով պիտի ապրիմ, պիտի տառապիմ կամ պիտի հրճվիմ:

Առանկ վայրկյաններու մեջ է նաև որ մարդուս տեսությունը սմեն արգելքները կը թափանցե, տեսակ մը ռեոնթկենյան ճառագայթ՝ որ բոլոր թանձրություններն կանցնի, հեռուն, շատ հեռուն կը տեսնե... Ստուգությունները:

Առաջինը՝ որ պայծառապես կը ցոլա աչքիս առջև, այն՝ որ մղվելիք երկար ճակատամարտներու վրայն կը գծագրվի գեմս, հորիզոնին վրա՝ Միլիթարիզմի բնաշնչումն է Եվրոպա-

յեն: Միլիթարիզմի անհետացումը տեսնել, թնդանոթներու ծոխին և մուխին մեջ՝ ի՞նչ հակասութիւն:

Գ. ՆԱՄԱԿ

Այսօր առաջին անգամ լսեցի որոտալիք և դաշն երաժշտութիւնը թնդանոթներուն. թեթև սարսուռ մը վաղանցուկ ու տակաւ վարժութիւնը որ Անգղայութեան դրացի է: Թե որ այս քաջութիւնը՝ ես ունիմ զայն:

Թշնամին անտես է մեր աչքերեն: Գիմացի սարերուն վրա մուխի գիծ մը և՛ իսկույն գնդակներու սուլումը մեր շորս դիւհոն են գերմանները. ի՞նչ ընելու եկեր են այս մարդիկը մեր երկրին վրա. այն վայրկյանին որ հրացանս կուղղեմ անոնց կողմը, այս մտածումը միտքս կը լլկե. տարօրինակ կը գտնեմ փափագս սպաննելու մարդիկ զոր շեմ ճանչնար: Եվ սակայն այս է իմ պարտքս այս ժամուս: Սպաննել՝ շսպաննվելու համար: Բոլոր ազգութիւնները ասոր մեջ կը փնտրեն արդարացումնին: Ինքնապաշտպանութիւն. ահա վասի՛կ մեծ բառը քնազդական բառը. վա՛յ անոր որ կանգիտե զայն:

Թշնամին իր հրետանիին և այրուծիին գերազանցութեան, կը վստահի: Գերազանցութիւն, ահա վասիկ ուրիշ բառ ու ճակատագրական արշավի մը հրավերն է, մշտնջենական կը մը դեպի ուժը:

Եվ գերմաններուն հանձնապաստանութեանը վրա կը ժրպտիմ, ի՞նչ է անոնց ուժը մերինին քով. մեր ուժը մեր իրավունքին մեջն է:

Գ. ՆԱՄԱԿ

Առտուն կանուխ մեր գումարտակը ոտքի վրա է, գիշերը եւ մղեցինք թշնամին որ մութն օգտվելով մեր գիծերուն վրա հարձակեր էր. խավարը՝ ահա վասիկ մեծ զինակիցը պատերազմի մեջ:

Հիմա պիտի հառաջանանք. բայց նախ մեռելները պիտի թաղենք: Ամեն օր նոր գերեզմաննոց մը ունինք. այսօրվանը

ժեթև զաւիւայր՝ առջևնիս կը տարածվի, տեղ տեղ ուղղագիծ բարտիներով վարագուրված. այստեղ կուվեցանք գիշերը. պըզ-
տիկ վայրի մանիշակներ իրենց ցողաթուրմ լանջը բացեր են/
Այստեղ կը քնանան անոնք որոնք մեյ մըն ալ չպիտի արթըն-
նան. բարտիներու մեղմ սոսափյունը անոնց հաւերժական
քունը պիտի օրորե:

Երիտասարդներ բոլորն ալ. անոնց դեմքին վրա աներևու-
թացեր է ատելությունը որով իրարու դեմ խոյացեր էին: Քոպ
քովի, եղբայրական քունով մը կը քնանան թշնամիները և եր-
կուտեք թափված արյունի առուններն մեկ վտակ մը միայն
Անացեր է որ անշշուկ կը հոսի ահավասիկ:

Համլեթի մեռելաթաղին պես ամեն դիակի առջև իմ մտա-
տումներս ունիմ. ի՞նչ պատկեր. ուհլան մը իր պրկված ձեռքին
մեջ սեղմեր է լուսանկար մը որ իր մորը ըլլալ կը թվի. ուրիշ
մը՝ թևը գլխուն բարձ ըրած՝ երկնցեր է, անփույթ կարծես
լուրջը անցած դարձածին. սա զինվորը երկինքը կը դիտե իր
մեծարաց անլույս աչքովը:

Մերինները մեկ կողմ, թշնամին մյուս կողմ հավաքեցինք
« երկու մեծ փոսերուն մեջ լեցուցինք զիրենք: Կյանքի մեյ
շեմ առ դեմ՝ մահվան մեյ ալ անանկ մնացին: »

Ե. ՆԱՄԱԿ

Որքան ճշմարիտ է Պահանջի և Մատուցումի օրենքը. ուրիշ
ստեն հազվագյուտ են անձնագոհողությունները կամ վտանգի
սրհամարհանքը. կը հիանանք անոնց վրա. մեծ վարձատրու-
թյուններու արժանի կը դատենք զանոնք: Հիմա ամենօրյա ու
յովորական բաներ են որոնց վրա նայող չկա, այն չքնաղ ու
թանկագին ծաղիկներուն նման որոնք ջերմոցներուն մեջ ան-
հուն հոգածությամբ կը պահպանվին և իրենց տեղիւն վրա,
այրեցյալ գոտի տենդոտ բուսականության մեջ՝ արժեքնին կը
կորսնցնեն: Զարմանալի շե՞ս գտներ որ բոլոր բարբարոս
անազդները արթնցնող Պատերազմը միևնույն ատեն բոլոր վե-
րանձն զգացումներու ասանկ ճոխ հունձք մը պարգևե մեզի.
Ի՞նչ ընդդիմամարտ հավաքածո մըն է ասիկա: Այսպիսի խոր-

հըրդածութիւններ կը պաշարեն միտքս. կամքես վեր է հե-
ռացնել զանոնք ինե. ամեն քայլափոխիս կը հետևին ինձի
իրև ավելի հավատարիմ ընկեր քան այն հրացանը որ ուսի-
վրա կը կրեմ:

Լիեծեն լուր շունինք. իր դյուցազնական դիմադրութիւնը
քնկճեցա՞վ արդոք թշնամի ուժերու գերազանցութեան տակ:
ասպետական վահանը զոր Պելճիքան բարձրացուց մեր թշնա-
միին դեմ: Լիեծ, հրեղեն ու բոցավառ անուն որ մշտնջենապես
պիտի լուսավորե աղչամուղջը որուն մեջ խորասուզված կը թվի
մարդկային եղճամտանքն ու Գիտակցութիւնը:

Ձ. ՆԱՄԱԿ

Հաճախ ճամփորդած եմ Գերմանիա, անոր լեզուն կը խո-
սիմ, անոր մեծ մատենագիրները ծանոթ են ինձի, անոր գի-
տական բարձրութեանը և ճարտարարվեստի հրաշագործու-
թեանցը վրա սքանչացող մըն եմ անվերապահ:

Այլամերժ և կույր հայրենասիրութեան պես ծիծաղելի ոչինչ
կա նույնիսկ պատերազմի պահուն: Այս նախաբանը ըրի քեզի
հասկցնելու համար որ անկողմնակալ ոգիով մը կը դատեմ
Եղբուքները:

Գերմանական սպառազինութիւնը կես դար տնտեսապես
ենշեւել ետքը Եվրոպան՝ զայն վերջնապես ընկճելու համար աս-
պարեզ իջավ այսօր, զուր ջանք սակայն, Եվրոպան և ոչ մեկ
ազգի տիրապետութիւնը կընդունի. ազգերը գերի վարելու,
աշխարհակալութիւն ընելու դարը իսպառ վերջացած է: Գեր-
մանիա կը հայտարարե որ զինքը երկաթի շրջանակի մը մեջ
բանտարկելու համար թափված ճիգերուն, վաղվան վտանգին
դեմ իր սուրը մերկացավ: Ըշմարտութիւն կա ասոր մեջ, ոչ
ամբողջ ճշմարտութիւնը: Եղբուքան մը պատճառը գտնել,
դժվար աշխատութիւն. վերացական միտք մը մերձավոր դըր-
դիչը ցույց պիտի տար Սերայովայի ոճիրը. վերլուծիչ միտք մը
հեռավոր պատճառը պիտի որոնե, մակերևութին դեպի խորը
պիտի թափանցեր: Փիլիսոփաները հատորներ գրած են պատ-
ճառք և սկզբնապատճառը իրարմե զանազանելու համար:

Պատերազմի հայտարարութենէն շատ առաջ Գերմանիան պայքարի մեջ էր իր հիմակվա հակառակորդներուն հետ: Յրանսայի դեմ՝ ցեղային անհաշտութիւն և Ալզաս Լոռենթշպիացած վերքը: Մեծն Բրիտանիո դեմ՝ առևտրական և ճարտարավեստական կոիվը իր բոլոր սաստկութիւնը մեջ. այս կովին մեջ հաղթութիւնը Գերմանիո կողմն էր:

Պալքանյան պատերազմը, տարիներ ի վեր մղված պայքարը սաստկացուց հոն ստեղծված նոր վիճակը իրերուն, իր անդամատված ձևին մեջ իսկ, դարձյալ թումք մըն էր գերման տարածումին դեմ դեպի հարավ. գերման հեղեղը այս թումքը տապալելուն հետ մեկտեղ մյուս դարավոր վեճերն ալ լուծելու կը ձգտի: Աննահանջելի հարկ. այսպես նկատեցին գերմանեհերը:

— Ուշադրութիւն, կը գոչե տասնապետս, թշնամին գեմերեիս է: Գնդակներուն սուլումը ընդհատեց խորհրդածութիւններս:

Է. ՆԱՄԱԿ

Հեղեղը արձակվեցավ խուժեց, իր ամենի թափին տակ լիեծը և նամյուռը, Մանոնվիլիեն և Մոպետը ինկան. մեր բանակները նահանջեցին առանց խուճապի սակայն, Շարլոտայեն մինչև Լաֆետ. թշնամին Փարիզի դուռները հասավ. ամենքան կորսված... կը թվի, թերևս է:

Գեշ լուրերը կայծակի արագութեամբ կուզան. բայց, տարօրինակ երևույթ, փոխանակ զմեզ վհատեցնելու, ընդհակառակը, բոլորովին անդառնալի կը դարձնեն որոշումնիս՝ բնաջինջ ըլլալու իսպառ քան թե թշնամիին առջև խոնարհելու: Վերջին օրն է Յրանսայի, թող այնպես ըլլա, մենք վճռած ենք մեռնելու:

Մեր կողմը ճակատամարտը սովորական կոիվը չէ, այլ վայրագորեն և գազանային գիշատումը զենքով, եղունգներով, ակռաներով: Գերման հառաջխաղացութիւնը ոչ միայն չի թուլցուց մեր դիմադրութիւնը, այլ ավելի զայրացուց զայն, ուժգնութիւնը տվավ անոր:

Սովորական պատերազմը՝ ըստ միջազգային իրավագիտութեան՝ վախճան մը չէ, այլ միջոց՝ հակառակորդ կողմին ընդունել տալու որոշ պահանջներ, այս անգամ բուն իսկ վախճանը ըլլալ կը թվի, դիմացինը փճացնելու վախճանը:

Այս խորունկ համոզումով է որ գուցե ֆրանսական նկատարին այս ճակատագրային ժամուն արմատական փոփոխութիւն մը կը կրե, իր շատգրուց ու քիչ մը անհարիր հանգամանքը կը մերկանա, բանն մը միայն չէ հրաժարեր՝ զվարթութենէն: Զվարթութիւն մահվան դեմը. հարկավ, կինը միշտ վայելությամբ, այրը՝ միշտ ժպտելով մնալու են մինչև վերջին վայրկյանը:

Ը. ՆԱՄԱԿ

Քումբ մը կանգնեցինք մեր կուրծքերէն, ավելի տոկոս քան թե բոլոր զրահապատ ամրոցները աշխարհիս. ֆրանսական բանակը իր լայն և խրոխտ ճակատը հաննց հեղեղին դեմ:

Մեր թշնամիին հաշոդութիւնը տեսնելով, տեսնելով անոնորահնար զենքերը, պատրաստվեր էի ըսելու՝ ամենն ուժով ազգը ան է որ մեծ թիվով ճարտարագետներ օգնուէնք ունի. զարավեքիկ սահման զորութեան, և հիմա կըսեմ ամենն ուժով ազգը այն է որ մահվընն չի վախնար:

Ճակատամարտը հոս կամ հոն չէ, ամեն տեղ է. երկու բանակները, մարդկային կրկին շղթաներ, դեմ առ դեմ, գրեթէ զուգահեռական գիծով կը գալարին վերէն վար հաշված շարժումներով, համեմատով, նահանջելով, կասելով երբեմն և երբեմն նոր թափով մը նետվելով հառաջ:

Գիրկ գիրկի կռիվ, կուրծք կուրծքի, թև թևի, ոտք ոտքի անցած, հողին վրա գետինը տապալտկվող երկու ըմբիշներ, պահ մը մին՝ ընկճվելու մոտ... երբ հանկարծ անակնկալ շարժումով մը ոչ միայն ինքզինքը կը փրկե, այլ հակառակորդը նեղը կը գնե: Հանդիսատեսները այս տիտանյան պայքարին կը հետեւին ավելի սրտատրոփ քան թե բուն ինքն պատերազմիկները: Ըն ի հե պայքար որ հազիվ պիտի կրնար քանի մը ժամ տևի,

և որ գերմարդկային, անհունապես գերմարդկային ճիգով մը շարժաթիվ մը ի վեր կը շարունակվի:

Հեղեղը ետ դարձավ, եկած ճամփեն դարձավ ոչ բոլորովին մինչև իր եկած տեղը: Մառնի ճակատամարտը պիտի կոչվի այս թումբը՝ պատմութեան մեջ: Իմ գումարտակս նվազեցավ. որչափ պարապ տեղեր մեր շարքերուն մեջ: Երեկ ինկապէ՛ր շտ քովիկս, ժողով իրաւունք, երիտասարդ օրագրող մը որ ինս ճանչցա, շուտով բարեկամացեր էինք, աշխույժ, խոսուն, զվարթ. զվարթ մեռելները խնդացնելու շափ: Անգլիական զաստիարակութեան ջերմ սիրահար մը, Տեմոնի գիրքէ՛ Անկլո-Սաքսոններու գերագանցութեան պատճառները՝ խորունկ ներգործութիւն ըրած էր իր վրան. իր տանը մեջ՝ ամեն բան անգլիական էր, իր զավակը, յոթը տարեկան մանչ մը ֆրանսերէնի շափ կը խոսեր անգլիերէնը: Զորակոչին՝ երբոր բաժնը վելու վայրկյանը եկավ, իր ճիտը պլլվեցավ ան, երեսները համբուրեց և պզտիկ խեղճուկ ձայնով մը ըսավ.

— Good by!

Զարնվելին ժամ մը առաջ գուցե տասներորդ անգամը ըլլալով պատմեց ինծի այս բաժանման պատմութիւնը:

Տեսարանը գծագրված է աչքիս առջև և անդին չերթար: Եվ հիմա բարեկամիս անշունչ մարմնին վրա անոր ճիտը պլլված, նրկու պզտիկ բազուկները կը նշմարեմ և մանկական ձայն մը որ անոր ականջէն կը փսփսա.

— Good by!

Թ. ՆԱՄԱԿ

Իհտված է թե պատերազմը, որ մարդկութիւնը բնաշինչ ընելու կաշխատի, գրականութիւնը կը ծաղկեցնէ, հաստատութիւնով անգամ մը ևս այն օրէնքը որուն համեմատ ամեն վնաս իր յգուտը ունի:

«Հաղթութիւն» բառը ամենուս գիտցած մեկ բառն էր, անոյ Եշանակութիւնը պայծառ էր՝ մանավանդ զայն ձեռք բերող կողմին համար: Անոր վրա վերջերս ավելցավ «բարոյական հաղթութիւն»ը Moralischer Sieg զոր ավստրիացիները հնա-

բեցին՝ բնորոշելու համար իրենց պարտութիւնը Կալիցիո մեջ, Վեմպերկի կորուստովը արձանագրված: Ավստրիացիները այս հակատամարտներուն մեջ իրենց ցույց տված քաջութիւնը և գիմադրութիւնը՝ ռուսական առավելակշիռ ուժերու դիմ՝ այս նոր բացատրութիւնով հավերժացուցին. իրապես պարտված քարոյսպես հաղթող հռչակեցին ինքզինքնին. նոր վիճակ մը ստեղծվեցավ, մինչև ցարդ մեկ կողմը կը հաղթեր և մյուս կողմը կը պարտվեր. նոր բացատրութիւնամբ երկու կողմն ալ հաղթող կրնար հանդիսանալ: Ոչ ոք ընդդիմութիւն ցուցուց այս նորութեան դիմ: Անոր վրա Մեծն Բրիտանիան ավելցուց «վերջնական հաղթութիւն»ը, Final Victory, որուն կը հավատան ամեն անոնք որոնք բիրտ ուժին վերևը քաղաքակրթական ուժի մը գոյութիւնը համոզված են: Նափուլեոն, որ հաղթութիւններու ամենեն առատ հունձքը քաղած ըլլալուն կրնար պարծենալ, «վերջնական հաղթութիւն»ը շունեցավ: Պատերազմի քախտը երբեմն կը նմանի այն պըրասեր կանանց, որոնք շատ մը վաղանցուկ հպումները, նույնիսկ մերկացումները կը թույլատրեն՝ բայց տևական կենակցութեան շնն հոժարիր:

Կան նաև՝ Կատարյալ հաղթութիւնը, այն՝ ուր պարտվողը թողորովին անձնատուր կըլլա, և Անկատարը՝ ուր պարտվողը զենքը ձեռքը կը կենա, հաղթողին հոգնութենեն օգտվելով հաշտութեան ամեն մեկ պայմանին վրա կը վիճի, կարևոր զիջումներ ձեռք կը բերե և իսկույն երկրորդ պատերազմի մը կը պատրաստվի լռելյայն:

Ո՞րն է վերապահված մեզի:

Ժ. ՆԱՄԱԿ

Գերմանիան կը զարթնու հոյակապ ու շքեղ երազեն որ քառասունըշորս տարի տևեց անընդհատ, կը զարթնու միահեծան տիրապետութենեն որով ճնշեց բովանդակ Եվրոպան... ինքզինքը գտնելու համար այս պահուս պատերազմի դաշտին վրա միս մինակը: Վալթիլոյներե առաջնորդված մարտիկներու երբազ՝ Հազար և մեկ Գիշերներու պատմութեանց վերջավորութիւնովը պսակված: Ինձի համար պատերազմը վերջացած է.

մնցած է այն վայրկյանն ուր աշխարհք հասու եղավ Վեճիւն իսկությանը: Կռիվ շունինք ազգի մը դեմ որուն անժխտելի մեծությանն ու զորությանը վրա կը հիանանք. մենք կը մարտընչինք լուկ մտայնության մը դեմ որ կըսե՝ Իրավունքը հզորագունին: Տարվին կենդանաբանական աշխարհին համար սահմանած էր այն օրենքը որով ապրելու իրավունքը ամեննն ընդունակին, le plus apte à vivre միայն կը շնորհվեր: Սփենսըր կը շանար մարդկային ընկերության պատշաճեցնել զայն: Ո՞վ է մարդոց և ազգերուն մեջ ամեննն ընդունակն ապրելու. այս հարցը գործնականապես ճշտելու համար հռչակվեցավ պատերազմը, ճշտելու համար թե ո՞վ է հզորագույնը: Մենք կը պատասխանենք՝ Իրավունքը տկարագունին: Ահա երկու անհաշտ, մշտնջենապես, խորապես անհաշտ գաղափարները որոնք ասպարեզ իջած են այսօր. դավանանքի կռիվ, անողոք՝ նույնատեսակ բոլոր կռիվներուն պես:

Մարդ մը՝ ձեռքը իր սուրի երախակային՝ հրավեր կը կարդա, իր իրավունքին, անվիճելի իրավունքին վրա կը ճառե. ո՞վ շունի միթե անվիճելի իրավունք մը. ան միայն իրենին խոսքը կընե. այդ իրավունքը մեծ է, խիստ մեծ. վա՛յ անխոհեմին որ պզտիկ դիմադրություն մը պիտի փորձեր: Այդ սարսափը այսօր գոյություն շունի. խպլիկին վախը փարատած է այլևս, և շունչ մը, երկա՛ր, աղվ՛ո՛ր, ազա՛տ, բոլոր աշխարհքի կուրծքն դուրս կը թռչի միահաղույն:

ԺԱ. ՆԱՄԱԿ

Գյուղը մոտիկնիս է, հերկված, հարդարված հողերով. անգին թարմ կանաչություն մը որու վրա ակնարկը կը հանգչի. այստեղ ոչխարներու երամակ մը ցնծության մեջ, հանկարծ գերմանական հրետանին կը գոռա, մահ կը սփռե ամեն կողմ: մերինը կը պատասխանե, լեռնե լեռ կերկարի արձագանքը որստումներուն. նախաբանն է աս. հետո գնդակներու սուլումը, օդին մեջ թռչող անհամար օձերու վազքը. կրակն անձրե որուն շոափնելներու կարկուտը կը խառնվի. նորօրինակ հրախաղություն է այս, հետո գրոհը՝ աչնն ձախեն, դեմեն, քովեն,

մեր վրա խոյացող թշնամվուն. սվիններու կոիվը արյունաբ-
բու. հետզհետե կիյնան մերինները, գետինը կը ծածկվի և
սակայն ոչ իսկ փոքրիկ տրտունջ մը կը խառնվի մոլեգին
երաժշտության պատերազմին. ոչ ոք պիտի թույլ տար ինք-
զինքին այս տկարութեան նշանը թշնամվուն առջև. մեր վաշ-
տը նահանջեց թողլով պզտիկ բլուրը ուր կեցեր էինք. հրաման
մեզի երթալու կրակին դեմ. առաջ կը նետվինք առանց վա-
րանելու. արբած խելակորույս մարդու արշավն է մերինը. վե-
րագրավեցինք մեր բլուրը. նորեն ձեռքե հանեցինք, վերստա-
ցանք. վեց ժամե ի վեր կը կռվինք շարունակ:

Մեր շուրջը ոչ տուն, ոչ տնակ այլևս, ոչ ցանք, ոչ մշակու-
թյուն, ոչ ծառ, ոչ բույս, համատարած լուսթյուն մը. ամեն բան
բար ու քանդ, տակնուվրա, դիակնե՛ր, դիակնե՛ր, դիակնե՛ր
մարդոց, կենդանիներու՝ խառնիխուռն, հողը պատառ պատառ
հողտոված և այս անէացումին վրա՝ ծուխեր մուխեր, որ ծռ-
լորեն կը բարձրանան տեղ տեղ պզտիկ ամպերու պես հոս՝
այրող ջաղացքի մը վրայեն, հոն՝ գյուղին կիսակործան տա-
նիքներեն:

ԺԲ. ՆԱՄԱԿ

Իրավունք ունի՞մ իմ անձիս վրա խոսելու. կերևի թե դյու-
ցազնություն մը ըրած եմ անցյալ օրվան պատերազմին մեջ,
այսպես կըսեն մեծերս որոնք անունս կը հիշատակեն բանա-
կին օրակարգին ordre de jourի մեջ. միտքս է, այո՛, որ մեր
նահանջի ժամուն ետ դարձա մինակս, թշնամիին կրակին տակ
պառկող վիրավոր ընկերներեն մին շակեցի ու մեր կողմք
բերի, հետո երկրորդ մը, երրորդ մըն ալ, անփույթ վրաս տե-
ղացող գնդակներուն. ա՛յս է դյուցազնական արարքը, մահը՝
երբոր մարդուս շուրջը կը հաժի կը բազմապատկվի կը բյու-
րապատկվի՝ կը դադրի սարսափ ազդելի, անվնաս կը դառնա,
կատակի կը վերածվի, այսպես հաջողեցա ես կտրիճի համ-
բավ շահելու:

Մի մոռնար, սիրելի՛ս, այսուհետև ինձի գրելիք թուղթե-
րուղ մեջ դյուցազնի մը մատուցվելիք հարգանքը:

ՀԱՏՎԱԾՆԵՐ

Քաժմաժնեհե՛տու կողմը, ճիժա գրեթե լ՛մված խանի մը մեկ սեճյակը. կաթ կարասի շի կա. գետիճը մե՛րկ ու ողորկ Բարե. ցուտ կրճե այս սեճյակի՛ւ մեջ. պատուճան շուճի, Բացի Բակիճ վրա ճայող պզտիկ ճուսամուտե մը զառեկաթե ճաստ ձողե՛ր կը խաշաձեճե. գողե՛րու այցելությաճ շեճքառկվեճա ճաճառ պատրաստ ապահովագույճ Բառայրը:

ԳեճՈՐԳ ԱՂԱ ԱԶԸՔԿՑՈԶՑԱՆ, անվաճի սեղանավոր մը. իր սե Ֆասոճե Գալթույիճ օճիքը ու թեճը կը Գալլիճ ոչ թե յուղե, այլ շափազանց գորճա՛ Եուճուճ բոլոր խավը թափած ըլլալուճ. հաստ, տոկուճ մարդ մը, գրեթե պըզօ Երկ եղբայրը սա երկաթե անղղրղվեի Մացայիճ որ այս սեճյակիճ խորը սե Երտանի մը պես կը կեճա. աչքը ակնոց յրած նամակ մը կը կարդա Բարճը չայնուճ:

• ՊԱՐՈՆ ԹՈՎՄԱՍ, իր գրագիրը. նիհար, ոսկրուտ մարդ մը. կես դարե թվեր աշխատավոր մը այս ապերախտ վաստակիճ մեջ Գճացած, ապուշ դարձած էակ մը. իր ամսականը երեսուճ տարի. առաջ 300 ղրուշ էր, հիճա 400 կատանա. Գոհ է. իր տիրոշը վրա կը գմալլի, կը հիանա, ինչպես որ մեկը կը հիանա միակտուր ապաուճե զանգվածի մը վրա: Գևորգ աղան խորհրդա՛ կանի նախանճեի պաշտոճը տված է անոր. Բարոյական գոհացուճ՝ որու մա՛ Եին սեղանավորը միշտ առատաճեոճ եղած է:

Գևորգ աղան կարդալով. ճԵս Խարերդի Բեքմեզյան Մանուկ աղայիճ՝ ճեր վաղեմի Բարեկամիճ որդիճ եմ. վերջիճ տարիճերու պատաճած առևտրա՛ կան ճախորդություճնեճերեճն Գճացանք. հայրս իր մեոած վայրկյանիճն ճեր անուճ Եր կուտար, իրրկ իր միակ Բարեճները հավատարիճմ Բարեկամիճ, մեք ազգիճ

Քն պատվավոր հարուստներն: Անոք, անօգնական, երկիրես ուզղակի ձեք
օտքը եկա ապածտանելու. պղտիկ նախնական կրթարան մը առած եմ, Ե
ամեն ծառայութեան պատրաստ կը գտնվիմ:

Գևորգ աղան գթութեան ու կարեկցութեան անկեղծ շարժումով մը երկու
ձեռքերը կը բանա ու նամակը գետին կիչնա:

— Ի՛նչ խեղճութիւն, տեր աստված. այս մա՞րդն ալ կոր-
ծանեցավ. մտածե՛ հեղ մը, պ. Թովմաս, Բեքմեզ օղլու Մանուկ
աղան, 40 տարվան բարեկամ մը. հարուստ, ճարպիկ, խնայող
մարդ մը. այնչափ մեծ գործեր ըրած ենք հետը:

Պ. Թովմաս.— Ի՛նչպես շեմ գիտեր, վերջին անգամ աֆիո-
նի գործ ըրինք, միտքս է. աղեկ շահ եղավ:

Գեվորգ ԱՂԱ.— Ո՞ւր են ան գործերը հիմա. ան ատենի
մարգիկը խոսքերնուն տերը և պարտքերնուն գերին էին. հիմա
առավ փախավ ամենքը. գործ ընելու հնար չի կա:

Պ. Թովմաս.— Ա՛լ ծերացաք:

Գեվորգ ԱՂԱ (բարկանալով).— Դուն ալ այդ ապուշ խոս-
քին վարժվեր ես. մարդ մինչև իր մահը աշխատելու է. այս է
իմ համոզումս. մինչև մահը, հասկցա՞ր. հանգիստը մեռելնե-
րուն համար է ու, թե որ կարելի ըլլա, քալելով, իր ոտքովք
մինչև գերեզման երթալու է:

Պ. Թովմաս (շողոթորթութեամբ պզտիկ մը դիմադրե-
լով).— Բայց մեղք եք...

Գեվորգ ԱՂԱ (կտրուկ).— Մուլութիւնն է մեղքը: Սա տղուն՝
խորհինք քիչ մը, նայինք ի՛նչ կը մտածես կոր դուն. ես այս
տղուն օգնեմ պիտի: տեսնենք ինչ կրնանք ընել. հորը խաթրը
կա. իր երեսն վաստկած ստակնիս կա. երեսի վրա շինք կըր-
նար ձգել այս տղան: Թխոսի՛ տեսնեմ:

Պ. Թովմաս.— Քիչ մը ստակ տալու է. քանի մը ոսկի
թանք, վրան գլուխը մաքրենք, հազվեցնենք, հետո, դպրոց
դնենք:

Գեվորգ ԱՂԱ.— Ստակը ի՛նչ է ատ հասակի տղուն:

Պ. Թովմաս.— Մենք մեր ձեռքովը հոգանք ծախքերը:

Գեվորգ ԱՂԱ.— Մարդը գործ կուզե, դուն ստակ տալու
կելլես:

Պ. ԹՈՎՄԱՍ.—Գարոց շի դնե՞նք:

ԳԵՎՈՐԳ ԱՂԱ.—Գործ ըսինք քեզի. էշու շափ մարդ է եղեր, փարոցը ի՞նչ պիտի ընե:

Պ. ԹՈՎՄԱՍ (համոզված).—Ճշմարիտ է, պեխերը բուսնելու վրա են, գործի դնենք:

ԳԵՎՈՐԳ ԱՂԱ.—Հայրը ճանշնայիր թե որ մոտեն, ի՞նչ մարդ էր, իր քաղքին է՛ն առաջին վաճառականներեն մեկն էր, է՛ն հյուրընկալ մարդը:

Պ. ԹՈՎՄԱՍ.—Աղեկ գործի մը դնենք:

ԳԵՎՈՐԳ ԱՂԱ.—Հայրը գերեզմանեն ելլա նե մեզի աֆերիմ ըսելու է:

Պ. ԹՈՎՄԱՍ.—Գրագրության տանք:

ԳԵՎՈՐԳ ԱՂԱ.—Որպեսզի ան ալ քեզի պես ապուշնա, նրիտասարդ տղա է, աշխույժի, կորովի գործ մը մտածե:

Պ. ԹՈՎՄԱՍ.—Դուրսը եղած առնելիքներնիս գանձելու խրկենք:

ԳԵՎՈՐԳ ԱՂԱ.—Հիմա՞ր ես ինչ ես, դեռ շճանչցած մեկու մը ինչպես կրնանք դրամ վստախիլ. հայրն ալ ողջ չէ որ... ո՛չ, ատ ալ չըլլար. սկսելու համար, սանկ առժամանակյա բան մը, նայինք ինչ կը գտնես:

Պ. ԹՈՎՄԱՍ.—Զեր կալվածներուն շինությանը վերակացուն ըլլա:

ԳԵՎՈՐԳ ԱՂԱ.—Իմ գործս ի՞նչ է:

Պ. ԹՈՎՄԱՍ.—Քիչ մը ատեն սենյակնիս թող երթա գա, օռնտուրի վարժվի:

ԳԵՎՈՐԳ ԱՂԱ.—Ինե գատ մարդու պետք չի կա հոս:

Պ. ԹՈՎՄԱՍ.—Տանը համար մանր մունր պետքերը թող հոգա:

ԳԵՎՈՐԳ ԱՂԱ.—Ես նեճի՞ եմ:

Պ. ԹՈՎՄԱՍ (շփոթած).—Իրավի շեմ կրնար կոր հարմար բան մը խորհիլ, խելացի տղա մը կերևա կոր:

ԳԵՎՈՐԳ ԱՂԱ.—էֆենտիմ, ասոնք վերջապես դրսեցի են, բան գիտեմ ման գիտեմ ըսելին փուճ խոսքեր են. անցյալները մեր խոհարարին քով մանչուկ մը եկավ, Սղերդի Միաց-

յալ Ընկերութենեն շրջանավարտ է եղեր, փորը կշտացնելու փոխարեն խոհարարը իր քով վար դնել ուզեց, ամսական չկա ըսավ, բայց ես չուզեցի տանս մեջ ավելորդ տղա մը, բոլորովին ավելորդ. մնալը՝ ինձի ալ գեշ, ատ տղուն ալ գեշ. անանկ չէ՞, պ. Թովմաս. ես ուրիշին, գեշությունը շեմ ուզեր. նախ ուրիշին աղեկությունը:

Պ. ԹՈՎՄԱՍ.—(գլխու հաստատական շարժում մը կընեն)

ԳԵՎՈՐԳ ԱՂԱ.—Ճամփա դնելովս, իրավ է սկիզբը պիտի սեղվի, բայց գլուխը քարին զարնելով, փայտին զարնելով, գործ մը պիտի ճարե, և առաջ պիտի երթա. ես իր աղեկությունը մտածեցի նախ:

Պ. ԹՈՎՄԱՍ.—(որ հանկարծ լուսավոր գաղափար մը հղացած է և որ վարժարանին մեջ մյուսյու գործ ունիմ, կամ մյուսյու ես ըսե՞մի անհամբերութեան շարժումները կընեն վայրկյանն մը ի վեր):

ԳԵՎՈՐԳ ԱՂԱ.—Ի՛նչ, աղեկ բա՛ն մը գտար:

Պ. ԹՈՎՄԱՍ.—Աս տղան առնենք ձեր խոհարարին քով դրենք. հիմակուհիմա սկսելու համար ջուր կը քաշե, միս կը կտրե:

ԳԵՎՈՐԳ ԱՂԱ.—Զէ՛, ատ բանը չըլլար, իմ մեռած սիրելի բարեկամիս տղան խոհանոցի՛ն մեջ. և հոն գործ մըն ալ չպիտի տեսնե, մարդ ալ չպիտի ըլլա. դուն իմին սկզբունքս գիտես. պ. Թովմաս. նախ դիմացինիս աղեկությունը:

Պ. ԹՈՎՄԱՍ.—(հաստատական շարժում մը կընեն գլխու):

ԳԵՎՈՐԳ ԱՂԱ.—Ատ չըլլար. ես ուրիշ բան մը կը կարծեմ կոր, սա մեր Փերայի նոր ավարթըմանին յարուին դնենք:

Պ. ԹՈՎՄԱՍ.—Ավուրչեքնե՞րը գրելու համար:

ԳԵՎՈՐԳ ԱՂԱ.—Ո՛չ, իբրև ըննչպեր:

Պ. Թովմաս ակներև հիացումի մը երևույթը կառնե: Դուրսը, դրան սեմեն քայլ մը հեռուն, ողորմելի գրգլյակի մը մեջ գողահար պատանի մը պատասխանի կսպասե:

Պ. Թովմաս Գևորգ աղային որոշումը կը բերե անոր. տղուն նիհար, ոսկրուտ ու սեցած այտերը կը կարմրին. թեթև սարսուռ մը իր արհամարհոտ ճակտին վրա կը վազե, ձայնը կս-

կորդին մեջ կը բռնվի ու շի կրնար խոսիլ: Լոեց, ուրեմն ընդունվեցավ, կըսե պ. Քովմաս:

Փերայի ցեխոտ փողոցներեն մեկուն մեջ ամուր պարիսպի մը պես հսկա քարուկիր կիսավարտ շենքի մը վրա ձգված փայտե երերուն սանդուխներուն վրա անվարժ գործավոր տղա մը քար ու կիր կը կրե. կելլե կիջնե շարունակ, շինությամբ յկսելով կյանքի պայքարը որ փլցնելով կրնա վերջանալ:

<1898>

ՀԱՏՎԱԾՆԵՐ

ՄՏԵՓԱՆ ԷՖԵՆՏԻ. դիվանագիտ. դիվանագիտի տիպար. ակնոցը աչքք առ սև որտենկոթին ծայրը գետինը. Պատրիարքարանի ամենեն հին ու անփախա սյուններն մեկը. լուսահոգի Հակոբոս պատրիարքեն մինչև հիմա եկած քայած բոլոր եկեղեցականներուն բոլորանվեր հոգի մը:

Տ. ԿՈՒՆԱԿ Ս. Վ. Արմաշի շրջանավարտ մը տքնումն ու հսկումն ազազուն դեմք մը, շրջապատված սև, գոուզ մորուքով մը որ կը ջանա այս վտիտ պատանյակի դեմքը պատկառելի ըծայել:

ՀԵԹՈՒՄ ԷՖԵՆՏԻ. լրաբեր. արտահայտություն շունեցող դեմք մը. ո՛չ հոծ քերու պոստում ունի, ո՛չ ժպիտ. շոր, միօրինակ նայվածք մը որ զինքը հաս մակրելի չի կրնար հանդիսացնել, մանավանդ Պատրիարքարանի մթնոլորտին մեջ:

ՀԵԹՈՒՄ ԷՖ. (աղերսարկու ձայնով մը).— Կը փափագեի որբանոցներու վրա ճշգրիտ տեղեկություններ առնել...:

ՄՏԵՓԱՆ ԷՖ.— Որպեսզի ուզածնուդ պես խեղաթյուրեք, այնպես չէ՞:

ՀԵԹՈՒՄ ԷՖ.— Կը խոստանամ բառ մը անգամ չփոխել ձեր տված բանաձևեն. արդեն այնպես պայմանված ենք, ստոր մք չպիտի փոխվի:

ՄՏԵՓԱՆ ԷՖ.— Մենք պիտի խմբագրենք և դուք պիտի հրատարակեք:

ՀԵՔՈՒՄ ԷՑ.— Կրնդունիմ:

ՍՏԵՓԱՆ ԷՑ. (Կոռնակ վարդապետի հետ խորհրդակցելով մեղմիվ).— Քանի՞ որբանոց ունինք, կրնա՞ք ըսել:

ԿՈՌՆԱԿ ՎՐԴ. (որ բարձրագույն մաթեմաթիքի մեջ շատ հաջող է).— Հիսունըվեց:

ՍՏԵՓԱՆ ԷՑ. (զարմանալով).— Իրա՞վ կըսես, ես միայն լորս հատ կը կարծեի:

ԿՈՌՆԱԿ ՎՐԴ.— Մինչև իսկ կրնաք յոթանասունըութը ելլել:

ՍՏԵՓԱՆ ԷՑ. (ապշած բայց համոզվելու պատրաստ).— Ի՞նչ կերպով:

ԿՈՌՆԱԿ ՎՐԴ.— Հաշիվը պարզ է: Ս. պատրիարքը որոշած է արդեն որ կարելի եղածին շափ շատ որբանոցներ հաստատվին. այս մտքով ամեն գավառական առաջնորդներու ամենախիստ հրահանգներ տված է և ես խմբագրեցի այս շրջաբերականը. հավակնոտ շեմ կարծեր ըլլալ հավտալով որ ամենեն ազդու գրվածն է և Պատրիարքարանի ժամանակակից արձակին գլուխ գործոցը. գրվածքին ոճին վրա հիմնվելով, կը հավտամ որ այդ շրջաբերականին հասած ամեն կենտրոնի մեջ արդեն այս ժամուս մեյ մեկ որբանոց հաստատված պիտի ըլլա... (տեսնելով որ Ստեփան էֆ. շարժում մը կընե) ներեցեք, ասիկա իմ հաշվիս խարխսխն է. ձեզի հաճելի ըլլալու համար կուզեմ 50% զեղչ մը ընել ասկե. և ընդունիլ որ շրջաբերականը հասած վայրերեն միայն կեսը Պատրիարքարանին հրահանգը ի գործ դրած է. գո՞հ եք, Ստեփան էֆ.:

ՍՏԵՓԱՆ ԷՑ. (բուրբուրովին համոզված).— Հիմա կը հասկընամ:

ԿՈՌՆԱԿ ՎՐԴ. (շարունակելով).— Բայց ասով ալ շեմ բավականանար. ավելի համեստ, եկեղեցականի մը պես համեստ ըլլալ կուզեմ. գիտե՞ք ինչ է եկեղեցական համաստուծյունը, Ստեփան էֆենտի:

ՍՏԵՓԱՆ ԷՑ. (հետաքրքիր).— Սովորական համեստուծյունը չէ՞ միթե:

ԿՈՌՆԱԿ ՎՐԴ.— Բնավ. Արմաշի մեջ, ուր այս մասին հատուկ դասավանդուծյուն կըլլար, երկարորեն ճշտված է թե ի՞նչ են աշխարհական և եկեղեցական համեստուծյան զանազա-

նությունները: Սեղբեսորոս պապը որուն աստվածաբանական հեղինակությունը ամեն ոք կընդունի...:

ՀԵԹՈՒՄ էՑ. (սպասելի ձանձրացած).—Լմնցա՞վ խմբագրությունը:

ՍՏԵՓԱՆ էՑ.—Ի՞նչ անհամբերություն է ասիկա. հեմ լուր ուզելու կուգաք, հեմ ամբարտազան ձևեր կառնեք: (Կոռնակ Վ.ին դառնալով) Հայր սո՛ւրբ, սըվոր բերանը գոցենք. բան մը քսենք՝ թող գրեւ:— Նախ արձանագրությանց դիմենք. կարծեմ թե ճիշտ ու ճիշտ 3 կամ 4 որբանոց կա Պատրիարքարանին միջոցով հաստատված. լավ, 4. 4 հատ ալ կա որոնց բացումը որոշված է, կընե 8. հոս հոն անկախաբար հաստատված որբանոցներ կան, որոնց Պատրիարքարանը տարին 3 են մինչև 10 ոսկի ստակ կուտա, երբեմն ոչ մեկին ալ բնավ փարա մը չի տար. բայց ասոնք ալ կընանք Պատրիարքարանինը սեպել. և ասոնց թիվը տասնի մոտ է, կընե ընդամենը 18. հինգ որբանոց ալ կար, բայց նյութական միջոցներու պակասութեամբ ասոնք վերջերս փակվեցան. բայց այս փակումը վարչութիւնը չի ճանչնար. պաշտոնապես խոսելով ասոնք բաց են. ուստի կընանք ապահովապես ըսել որ 23 որբանոց հաստատած ենք: ԿՈՒՆԱԿ ՎՐԴ.—Ձեր հաշիվը՝ իմս կը հաստատեմ:

ՍՏԵՓԱՆ էՑ. (Հեթում էՑ.ի դառնալով).—Գրե. Պատրիարքարանը՝ որուն հիշատակելի գործերը բազմաթիվ են և որ ժամանակին Արմաշի դպրեվանքը հաստատելու բախտը ունեցավ, այս անգամ հաջողած է 23 որբանոց հաստատել, անկախաբար անոնցմե՛ն՝ որոնք ինքնիրեննին հաստատված են:

ՀԵԹՈՒՄ էՑ.—Ո՞րքան որբ այս հաստատութեանց մեջ:

ՍՏԵՓԱՆ էՑ. (շփոթած).—Որքա՞ն... ի՛նչ մարդ էք դուք. հիմա ալ որբերուն թի՞վը գտնելու է: Գրե՛, միջին հաշվով 2000 տղա:

ՀԵԹՈՒՄ էՑ.—Վերջին հարցում մը թույլ կուտա՞ք:

ՍՏԵՓԱՆ էՑ.—Ո՛չ:

ՀԵԹՈՒՄ էՑ.—Բառ մը:

ՍՏԵՓԱՆ էՑ.—Չէ՛, ըսի:

ՀԵԹՈՒՄ էՑ.—Ի՞նչ կընեն այս որբերը որբանոցներուն մեջ:

ՍՏԵՓԱՆ էՑ.—Ի՞նչ կընեն. այս ալ հարցո՞ւմ է. ասանկ

հարցում կուղղվի. ի՞նչ անիմաստ հարցում. լրաբերի խելա-
պատակի հատուկ հարցում մը. (խնդալով) հա հա. ի՞նչ կը-
նեն որբանոցներու մեջ. ի՞նչ պիտի ընեն, էֆենտիմ, իբրև որբ
կը պահվին:

(Ստեփան էֆ. կռնակը կը դարձնե լրաբերին ու կը մեկնի
& վարդապետին դառնալով կը շարունակե ունկնդրել անո՞
սերհուն և իմաստալից խոսքերուն):

<1898>

ՔՆԱԴԱՏԱԿԱՆ
ՆՐԱԴՐԱԿԱԽՈՍԱԿԱՆ
ՆՈՒՎԱԾՆԵՐ

ԹՂԹԱԿՑՈՒԹՅՈՒՆ

Իլյմիր, 24 Ռունվար

Ի՞նչ կուզեք որ գրեմ ձեզ Զմյուռնիո վրա. ընդարձակ ժողովածոցի մը եզերքը տարածյալ, նորաշեն բայց վատառողջ, երկրաշափական ճշտությամբ ու օրինոք հաստատված բայց բնական գեղեցկութենե գուրկ, հսկարտ, վայրախոս, հարուստ, գործունյա ու աղմկալից քաղաք մը՝ ահավասիկ Փոքր Ասիո մեծանուն ու փարթամ նավահանգիստը:

Տարբեր ցեղերով, ազգերով, կրոնքով ու համոզումներով, գաղափարներով ու կրթությամբ բաժանյալ այս քաղքի բնակիչները կը միանան միայն իրենց անվանի քարափին տրված գովեստից մեջ:

Այդ քարափն՝ այս նավահանգստին գեղեցկագույն շինությունը՝ նվիրական է հոս. վաճառականն՝ հարաբերությունը կը կտրեք քեզմե, դատավորը՝ քու դատող չի քններ, բժիշկը կը մերժեք զքեզ դարմանել... կը վախնամ որ մինչև անգամ պզտիկ դաշույնի հարված մը շտանաս՝ թե որ համարձակիս գեշ խոսելու անոր վրա. ի փոխարեն ամեն ինչ ներյալ է ազկից ի զատ. քննադատե՛ որչափ որ կուզես, աղաղակե՛ որչափ որ կրնաս, երգե՛ թե որ սիրտ ունիս կամ արտասովե ի՞նչ պետք կզգաս, ոչ ոք գլուխը պիտի դարձնեք քեզ ճայելու համար, ինչպես կրանն իզմիրցիք:

Հասարակաց կյանքը կանցնի ու կանցնի հուսահատական միօրինակությամբ այս քաղինոներու քաղքին մեջ. գիշեր ու ցորեկ, առտու կամ իրիկուն, ամեն մարդ կը ժողվվի սրճարաններու մեջ, դրամի տերն ու մտքի տերը, սրտի տերն ու գրչի տերը, լեզվի տերն ու դաշույնի տերը զարմանալի մտերմությամբ կը հավաքվին հոս:

Զմյուռնիա հակապատկերներու քաղաքն է. ուղեորությանց ամենեն նոր և ամենեն հին միջոցները քով քով կը տեսնես. հանդարտաքայլ ու ծանրաբարո ուղտին մոտեն կը սրանա շոգեկառքն շնչահատ արծվի մը պես. հոգ լերան կողին վրա լռակյաց ավերակներ ու հոս նորաշեն քաղաքը զվարթ ու ոգեվոր. այս կողմն օսմանցին լուրջ ու խոժոռ, այդ կողմն օտարականն անհանդարտ ու տենդավար. միևնույն շրջանակի մեջ ազգասերն ու օտարամոլն, հայ լեզուն սիրողն ու (ափսո՛ւս) հայ լեզուն խոսելի ամչցողն. առաջնորդ մը որո համբավը զաշխարհ կը թնդացնե ու անդին հալածական գրագետ ու լրագրագետ մը ցավոց ու տառապանաց մահճին վրա մոռցված. վերջապես մեկ կողմն Արևելյան Մամուլն հզոր պաշտպաններու կոթնած ու անոր մոտ խորտակված գրիչ մը ու խեղդված ձայն մը... Արշալույսը:

Իզմիրի ազգային վարժարանները փառահեղ շենքեր են ու նոր է ամեն բան աղոնց մեջ. սրահներն ու սենյակները, տախտակներն ու սեղանները, գավիթն ու սանդուխտը. նոր են նաև անշուշտ աշակերտներն ու վարժապետները, վասնզի այս մեծապանծ շենքերու մեջ համեստ ու խոնարհ նախակրթարան մը միայն գտա: Իրենց կրթական վիճակեն ավելի դրսի տեսքովնին կը փայլին այս վարժարանք. ապաքեն արտաքին տեսքի հոգածությունն իզմիրցվոց հիմնական հանդամանքն է:

Այս տեղ ազգային ոգին ամեն ոգիներու պես անտեսանելի ու աներևույթ է: Կա՞ սերունդ մը, ազգ մը, որո զավակներն են այստեղի հայերը, կա՞ աշխարհիս վրա հողի մեկ անկյուն մը, ուր իրենց եղբայրները կապրին և ուր իրենց նախահարք ապրած են ատենով. ասոնք այն տեսակ հարցումներ են որ իզմիրցի հայոց մտքեն անգամ թերևս չանցնին:

Ապահով՝ իրենց հարուստ կացության մեջ, անդորր՝ իրենց

ներկային ու ապագային վրա, իզմիրցի հայոց բոլոր ջանքն ու խնամքն իրենց քաղքին, իրենց եկեղեցվույն, իրենց դպրոցին, իրենց քազինոյին հատկացած է:

Հայոց Միացյալ Ընկերութեան մատուցված դուլզն օգնութիւնն իզմիրցվոց դաստիարակութեան հատկացյալ գումարն գողցված ստակ մ'է միայն այս տեղի մարդոց աչքին:

Եվ ինչե՛ր շեն կրնար ընել այս տեղի հայերը լուսավորութեան գործին մեջ:

Ա՛հ, թե որ ազդու ձայն մը բարձրանար, ոչ թե անեծք կամ նախատինք տեղալու այս կամ այն լրագրին, այլ կոչում մ'ընելու այս ազգայնոց սրտին, թե որ ջանադիր ըլլար ոք հիշեցնելու այս հայերուն այն նվիրական կապերն որ հեռավոր հայրենյաց մը հետ ըլլալուն համար առավել ևս զորավոր ըլլալ պետք են, քանի՛ քանի՛ վարձարաններ մեկեն պիտի կանգնեցնեն մեր բազմակարոտ երկրին մեջ. վասնզի իզմիրցի հայերը բարի անձինք են, և եթե ազգասիրութեան կրակը չի վառիր բայց բոլորովին ալ մարած չէ ու միայն բարեպաշտ ձեռք մը պետք է մեկդի ընելու զայն ծածկող մոխիրը և ո՛ւր է այդ օրհնյալ ձեռքը:

ՄԵՐ ՄԱՍԻՍԸ

Այն ժամանակներն ի վեր ուր լեզվի պես բան մը միայն ունեինք, ինչպես կըսեր Օտյան, մեր լրագրութեան հարատև ջանքն եղած է այդ բանը՝ կատարյալ լեզվի մը վերածել: Հա՛րկ է ըսել թե լեզու ըսելով Օտյան աշխարհաբարը միայն կըմտնեն:

Վերջի տասը տարիներու միջոցին, ուր հասկցվեցավ վերջապես թե գրականութունը՝ հայկաբանութեան ուսուցիչներուն և Մխիթարյան Հարց չի պատկանիր միայն, գորավոր շարժման մը լեզվական արդյունավոր այլափոխման մը հանդիսատեսները եղանք:

Հնավանդ կաշկանդումները և կապանքները խզելով, հայերն լեզուն կարող եղավ արտահայտել զգալու և խորհելու ամեն եղանակները:

Ամենն հետադեմներն անգամ ներգործվեցան կյանքի ու գոյութեան նշան տվող գրականութեան մը ազդեցութենեն. խրթթին, անհասկնալի ըլլալու ջանքը, որ դեռ ճոտ ժամանակներու մեր գրողներուն պարծանքն էր, ծաղրելի ըլլալով վերցավ:

Երիտասարդները տիրեցին մեր գրականութեան, ինչ որ իրենց իրավունքն է, և իրենց սրտին ու մտքին ազնվագույն

մասը հատկացուցին անոր, ինչ որ իրենց պարտականու-
թյունն է:

Մասիսն հրատարակելով՝ այդ պարտականությունն է ահա
որ ի գործ կը դնենք մենք ալ:

Մեր ուղղութիւնը գլխավորապես գրական զարգացման
պիտի նայի միշտ և ժողովրդային բարբերու և զգացմանց մեջ
պիտի փնտրենք ամեն ատեն մեր ուսումնասիրութեանց սիրե-
լագուն ատարկաները:

Մասիսի գրականութիւնը ժողովրդյան կյանքին պիտի
բաղվի՝ ժողովրդյան կյանքին ծառայելու համար:

Մասիս, 4—1—1892

ԱՆԲԱՐՈՅԱԿԱՆ ԳՐԱԿԱՆՈՒԹՅՈՒՆ

Փամանակե մը ի վեր մեր լրագրության էջերը կը լեցվին ֆրանսական արդի մատենագրության դեմ մղված ծիծաղելի պայքարի մը փորձերով:

Օր շանցնիր որ քաղաքական հողվածի մը, առևտրական տեսութեան մը, կամ տնտեսական կացութեան մը նկարագրին մեջեն հանկարծ հարձակում մը, ակնարկութիւն մը, զարտուղութիւն մը շրջվի այդ մատենագրության դեմ:

Ժեռոտելի բաստիյներուն ծանուցումները անակնկալներու այսքան գեղեցիկ շարք մը ձևացուցած չէին:

Ռասփայլ կը պնդեր թե կարող է նույնիսկ դատավորաց աթոռներուն մեջեն զառիկի թույնը գտնել, և այսօր այն վիճակին եկած հասած ենք որ օրվան լրագրական մընջուին մեջ,— ստամոքսային բացատրութիւն մը գործածելով որ հիմա շատ հարգի է—կրնանք անպատճառ պզտիկ հատված մը գտնել Անրառոյական գրականութիւն վերնագրով:

Որո՞ւ կուղղվին այս ճառերը:

Մեր գրականութիւնը՝ անշուշտ այն միայն որ քանի մը տարի ի վեր լրագրական հրատարակութեամբ լույս կը տեսնե, պետք ունի՝ արդյոք այդ փրկավետ ազդարարութեանց. կամ

մեր ընտանեկան բարքերը ա՛յն աստիճան մատնված են ապականության որ ամենօրյա բարոյականի քարոզները ներքին լուրեր հաղորդելու շափ կարևորություն ստացած ըլլան:



Միանգամ ընդմիջտ ըսենք ամեն անոնց որ տարրական ճշմարտությունները ըմբռնելու ընդունակ են, թե անբարոյականությունը մարմնական զեղծմանց մեջ չի կայանար միայն:

Այդ ստորին կայանը հատկացնելով շարունակ բարոյականին, գայն կարի գոհհիկ ու աննշան բան մը դարձուցած կըլլան:

Սիրո վաճառականությունը մեղադրելի է անո՛ր համար անշուշտ որ կեղծիքի առուտուր մըն է. և սակայն որքա՛ն մարդիկ ապրուստնին կը ճարեն օրնիբուն իրենց սիրտն ու հոգին կեղծելով:

Փաստաբան մը՝ որ անիրավ դատի մը պաշտպան կանգնելով իր հմտությունը կը ծախս քանի մը ոսկիի փոխարեն, հրապարակագիր մը՝ որ իր խիղճն ու գրիչը միանգամայն կը վաճառե որոշյալ շաբաթականի մը համար, բժիշկ մը՝ որ հիվանդ մը խաբելով, խաբխբելով, իր այցելագիրներու արդյունավոր շարունակությունը կը պահպանե, երիտասարդ մը՝ որ աղջկան մը դրամօժիտին համար կը կարգվի միայն, ինքնամատուց կնոջմեն կը տարբերի՞ն միթե և իրենց ստացած դրամը ճշմարիտ կապենք մը չէ՞ արդյոք:



Հեռո՛ւ մեզմե այն բարոյախոսները՝ որ ընկերական կարգերու ամեն կեղծիքներուն դեմ անտարբեր՝ միայն կնոջ մը մերկ ուսնն կամ հոլանի պարանոցն կը շառագունին:

Մտքերնիդ չի՞ գար Թառթյուֆը:

Խոսքդ ուղղելի առաջ ինձի՛ խնդրեմ ա՛ռ

Թաշկինակս ու ծածկե այդ լանջն անպատկառ

Մարդիկ՝ որոնց բարոյականի ամուր ու հաստատ շենքը, նեվայի ափանց վրա կառուցված ձյունն դղյակի մը պես,

մարմնական աննշան մեկ հրապույրին առջև կը կակուղնա, կը հալի, կանհետանա խսպառ և որ ավելին է՝ շին կրնար գրքի մը մեջ, իրենց դյուրաբորբոք զգացմանց համար անպատուհաս կերպով ընթեռնուլ սիրո մը նկարագրությունը, կնոջ մը պատկերը, դիմագիծը, առանց խռովելու տեսնել Ռյուպենսի մեկ նկարը կամ դիցուհիի մը արձանը:

Եվ այս դառնությամբ կը դառնան մեր գրականության դև՝ ալ—այնքան հեռու արդեն եվրոպական գրականութենեն—հոն ալ որոնելու, գտնելու ցանկության միջոցաւ, որուն համար կը վախճան թե իրենց դյուրագրգիռ հոգին՝ բերրի ու արգավանդ հող մ'ըլլա:



Գրականությունը իր նպատակովը միայն կրնա բարոյական կամ անբարոյական հուշակվիլ. նկարագրությունները՝ արվեստական խնդիրներ են, որոնք շին կրնար երբեք անբարոյականության համար իբրև փաստ հառաջ բերվիլ:

Եթե երբեք ախտաբույր կամ ցանկացուցիչ տեսարանի մը նկարագիրը բավեր հեղինակը անպարկեշտ ու անբարոյական համարելու համար, գիտե՞ք որ նախնի ու արդի, աշխարհական կամ սրբազան մատենագիրներեն գրեթե ոչ ոք դուրսը պիտի մնար:

Հելլենական գրականությունը նախ պետք էր կրակը նետել իր դիցարանության հետ մեկտեղ:

Կուզե՞ք որ Արիստոփանեն հատվածներ գրեմ հոս:

Հռովմայեցվոց մատենագրությունը տարփանքի նկարագրության մեջ հելլենականն վար շի մնար. Լյուրճես, Քաթյուլ Փեթոնես դասական հեղինակներ են:

Բայց ի՞նչ պիտի ըսեք Հոռասի համար, կարդացա՞՞ծ եք բարեկամի մը ուղղալ, առ Պառին, առ Մեսեն վերնագրով տաղերը:

ժյուվենալ կանանց վրա գրած երգիծանքին մեջ անտարակույս գերաբանցած է արդի գրողներուն բոլոր ազատությունները:



Տրանսական մատենագրությունն ալ իր նշանավոր ու դասական հեղինակներովը նպաստավոր չէ բոպիկ ոտքն մը կամ անծածկույթ ստիւնքն մը կարմրող հրապարակագիրներուն:

Ռապրէն իր զվարթախոհ հեշտասիրությամբը երբեք անբարոյական հեղինակ մը համարված չէ:

Բայց անշուշտ պիտի զարմանաք, եթե ըսեմ ձեզ թե տիկին տը Սեվինիե ոչ նվազ համարձակ գրագետ մըն է. տիկին տը Պոենվիլիե անուն կնոջ մը անձնասպանության փորձին առթիվ, իր աղջկան գրած նամակները կրնաք աչքն անցընել:

Ճիշդիս պերճախոս եկեղեցականը ինքն ալ անբարոյականության ամբաստանութենէն ազատ պիտի չի մնար ձեր աչքին, եթե իր հիշատակարանները կարդացած ըլլայիք. և նույնիսկ Ֆենրլոն իր Տելեմաքովը, իր դիցուհիներու, հավերժահարսերու նկարագրությամբ հեշտություն չի՞ բուրբը քիչ մը:

Լաֆոնթենին խոսքը շեմ ըներ. բայց Մոնթեսքիյո անվանի օրենսգետն ու փիլիսոփան, իր Պարսկական ճամակաճիովը անտարակույս անբարոյական գրագետի մը վճիռը պիտի ստանար ձեզմէ:



Կուզե՞ք որ քիչ մըն ալ վերջին դարու հեղինակներուն վրա խոսիմք. կրնդունի՞ք Վոլթերը, ո՛չ. Տիտոտն ալ չեք ուզեր. Ժան Ժաք Ռուսոյն պզտիկ ընթերցո՞ւմ մը, Նուվել էլոյիզեն, Խոստովանություններն: Կը փափագի՞ք ականարկ մը նետել գոնե Թեոֆիլ Կոթիեի՝ Օրիորդ տը Մովենին, Միշլեի Վեուկին, Տյումայի Քամելիագարդ Տիկնոջ վրա: Ասոնք բոլորն ալ անբարոյական են. ֆրանսական բոլոր գլուխգործոցները մեր մաքուր բարքերուն համար չեն:

Արձակագիրներն են ասոնք. բանաստեղծները տեսնենք շնորհ պիտի գտնե՞ն ձեր աչքին առջև. Ռոնսաո, Տոպինյե հիներն են:

Անձաքուր գրիչներ անշուշտ բոլորն ալ, որոնց արտադրած

խենեշանքը ֆրանսական ստամոքսները կը մարսեն և դպրոցներուն մեջ կը կարդացվին, կուսուցվին:

Բայց քերթողի մը անունը պիտի տամ, զոր պիտի շի կարենաք մերժել, Ալֆոնս տը Մյուսեն:

Ալֆոնս տը Մյուսեն ինքն ալ կապշեր—եթե ողջ ըլլար—Նամունային առնված հատվածի մը՝ անբարոյական հորջորջված գրականութեան դեմ, իր գրականութեանը դեմ իբրև փաստ մեջտեղ բերվելուն:

Հա՛րկ է թարգմանել հոս թե ինչպես կսկսի Նամունան:



Մեր հին մատենագրութիւնը՝ սրբազան ու պատմական մատենագրութիւն մըն է միայն. այսուհանդերձ կրնամ գրականութեան Թառթուֆները ահարեկելու համար ցույց տալ Սողոմոնի Երգ Երգացը, որոնք, հուսամ թե, խստապահանջ պարկեշտութեան ու բարոյականի դեմ շեն մեղանշեր,—մասնավորապես Գլուխ Է.ն իրենց խորհրդածութեանցը կը հանձնեմ:

Եվ մեր վերջին գրականութեան գալով, Ություճյան: Գաղա-ճիֆ Հավատափննութեանը թարգմանելով շենք կարծեր որ լպիրջ գրականութեան ծառայած ըլլա. և սակայն հոն՝ նկարագրութիւններ, տեսարաններ շեն պակսիր կիրքերու սաստկութիւնն ու զայրուցքը պատմող:

Իսկ Դուրյան, այն պարկեշտ ու մաքուր հոգին, այդ անբասիր ու շուշանաթուր կյանքը, ա՛յն ալ խենեշանք մը նետած է մեզի իր վերջին թատրերգութեամբը, Քատրոնը, որուն նյութին հանդգնութիւնը՝ խավարամիտ աչքերու կամավոր միամտութիւնը կրնա շլացնել:



Թողունք ուրեմն այդ անբարոյական գրականութեան հորջորջումին տակ հարվածված մատենագրութիւնը, որուն գըլխավոր պակասութիւնը այն է թերևս որ ստամոքսի, ուտելիքի, պարենավորման պայմաններուն, գիներուն վրա շի ճառք ե կը հակառակի ասով գուցե մեր դրական գաղափարներուն:

Քրականութիւնը այն ատեն միայն անբարոյական է, երբ իր առաջադրած նպատակն ըլլա ընթերցողները ցանկութեամբ ու տարփանքով վարակել:

Կը չսենք որ Եվրոպայի մեջ կան գրավաճառներ, առևտրական ձեռներեց ոգի են մղյալ, որ հատուկ գիրքեր գրել կուտան, կը տպեն ու կը ցրվեն գաղտագողի, անասնական նկարագրութիւններով և միայն նկարագրութիւններով լեցուն, որոնք անուն շունին, հեղինակ շունին, հրապարակային գոյութիւն չունին, այլ կը սողոսկին ձեռք ձեռք, և կանգ կառնեն սովորաբար հանուն բարոյականի պողոցող մարդոց դարակներուն մեջ. ատոնք են ահա լպիրշ գրութիւնները:

Իսկ ֆրանսական արդի մատենագրութիւնը հոյակապ և աննման ար:լիստի մը մարմնացումն է:

Պալզաք, Ֆլոպեռ, Կոնքուռ, Պոտլեռ, Տոտե, Պուլտե անբարոյակաւ գրագետներ չեն, այլ մեծանուն մատենագիրներ, որոնցմով Ֆրանսա հավիտ կը պարծի:

Զուգահեռական ուսումնասիրութիւն մը պիտի չընեմ նրկարչութեան և արձանագործութեան համար, որոնք մարդկային մարմինը այնքան հոլանի ցույց կուտան:

Գիտեմ որ բարոյականի հավատաքննիչները չեն հանդուրժեր ատոր և անշուշտ կը փափագին փակված տեսնել Լուվրի Մյուզեոն և նեշընըլ Կալըռին:



Ո՛չ. մեր ընտանեկան բարքերը, մեր գրականութիւնը հեռու են ապականութեամբ վարակվելի: Այդ ձրի զրպարտութիւնը բանով մը շարդարանար. և եթե հարկ անհրաժեշտ է հանուն բարոյականի պայքար մը մղել մեր մեջ, նյութեր չեն պակսիր, ափսո՛ս, որ իրոք արդարացնեն անբարոյականութեան ամբաստանութիւնը:

Պարոնյան՝ միակ բարոյագետը, որով պոլսահայերը կրնան պարծիլ, երբեք մեր հեք գրականութեան դեմ ըսելիք մը չի գտավ, բացի անոր շողոքորթ ու շատ անգամ կեղծավոր ձրգտումն:

ՀԱՅ ԹԱՏՐՈՆԻ ՆԱՎԱԲԵԿՈՒԹՅՈՒՆԸ

Եւ ահա ետու միայ
քեկելոյ եշխարհ...

Քայքայված կողերու, լուծքի, ողնափայտի բեկորներ. փտուկ, տամկահար պարաններու մնացորդներ. տախտակամածի մը կոտորտուքները զոր ալիքները հոս հոն կը տանին դեռ իրեն կամակ տարուբերումին հետ. և սյունները անվթար անկորուստ, գետնաքարշ սողալով սակայն, փոխանակ ուղղաձիգ կենալու նավուն վրա որ գոյություն շունի հիմակ:

Ողորմելի տեսարան մըն է, այնպես չէ՞, Հայ թատրոնին պարզած այս տեսիլը:

Հանկարծուստ ելլող փոթորիկ մը պատասխանատու չէ այս նավարեկության, և սանձակոծ կոհակներու հարձակումին տակ ջախջախված չէ այս շենքը. այլ հանդարտիկ ալիքներու ամենօրյա լիզումովը, խարտոցի համառ ու հարատև աշխատությամբը մաշած, փճացած ու ցրված է ամեն կողմ:

Այդ փայփայող ալիքը, այդ կորստաբեր՝ բայց անխուսափելի խարտոցը, մեր հասարակության մտավոր անկումը, ճաշակի ազնվացման և զարգացման հետզհետե նվազումը եղած է:



Չենք կրնար առանց սարսափի քսան տարի առաջվանն նայելի վերջը ներկային վերադառնալ. հասարակության մը բարոյական անէացման այսքան հազվագյուտ կերպով տպավորիչ տեսարանի մը հրրեք չենք կրնար պատահիլ:

Քսան տարիի հետի իջողութեան շրջան մը սկսած ենք շարունակ, ջուրերը քաշվող գետի մը հարթ երեսին ցածնալուն պես, ամեն կողմի միանգամայն, դանդաղ բայց աներկբայելի խոնարհում մը որ քանի մը տասնյակ տարիներու մեջ գահավեժ անկումի մը տպավորութիւնը կը թողու:

Տոքթոր մը որ ելլի հիմա Ռյու Պլաս մը թարգմանելու¹, գրական նոր սեռի մը ճաշակը տալու մեզի, գիտեք որ խնդուք ու ծիծաղ պիտի շարժե, ու մեր այժմու գրական մարդոց գըլխու ծանր ծանր երեքումին պիտի ենթարկվի:

Պետական մարդ մը ինքզինք պզտիկցած պիտի սեպ մեր մեջ, Օտյանի գրական անհավասարելի փառքին թեկնածու ըլլալով:

Մեծահարուստ մարդ մը այժմ պիտի չկրնա միտքեն անցնել թե ի՞նչպես Հակոբ պեյ² Պեշիկթաշլւանի, Թերզյանի, Աճեմյանի, Ադամյանի պես մարդոց ընկերութիւնը կը նախընտրէր ամենեն ավելի:

Եվ հիմա մեր երիտասարդները, պատանիները, որոնք քաջ գիտեն երեկուլթներու մեջ անմիտ ու տափակ խոսակցութիւններով, խաղով և ծեփծեփումով սպառել իրենց ժանրաբեռնյալ միտքը, Եվրոպայի մեջ ուսած մեր տղաքը որ մինչև իրենց մայրենի գրականութեան ու արվեստներուն չեն գիշանիր խոնարհելու, — անոր համար գուցե որ տգետ գացած են ապուշ վերադառնալու համար, — ասոնց և ոչ մին հանրային կյանքի, մտքի ու սրտի հաճույքներու ոգին կը կրե իր մեջ:



Եվ ի՞նչ կուզեք որ ըլլար թատրոնի ճակատագիրը. ա՞յն միայն կանգուն ու բարձր մնար, երբ ամեն բան մեր մեջ կի-

նար, կը ցածնար իր շուրջը: Թատրոնը գրականությամբ կըլլա, և հայ դերասանութիւնը միշտ զրկված անոր ձեռնտվութենէն, թարգմանութիւններով ապրող, հազված, շքված մուրացիկ մը եղած է ի մեզ, տեսակ մը Տոն Սեզար տը Պազան որ սրվոր լողիկը կը հագնի ու նրվոր կոշիկը:

Գրողներ պակսած են միշտ հայ թատերաբեմին համար, ինչպես հանդիսատեսները պակսած էին արդեն անոր սրահէն և օթյակներէն:

Եվ վերջ ի վերջո այս թատրոնին ձևն ու տարազը, ֆրանսական բարբառը, «Այո, պարոն կոմս», «Ոչ, տիկին մարքիզուհի» խոսակցութիւնը հիմարական, խոլ, ցնցուն քրքիչ մը արծակել տված էր հազվագյուտ հանդիսականներուն, որոնք՝ թատրոնեն մեկնելով՝ մեկ մըն ալ հոն չէին վերադարձած:



Գերասանները իրենք վերը մնացած չեն, երբ իրենց շուրջը ամեն բան վայրէջ շարժումի մը մեջ հետզհետե կը խոնարհերու Ո՛չ արվեստի սեր, ո՛չ գրականության գաղափար մնացած է այս մարդերուն մեջ:

Իզուր հիմա նոր սերունդ մը կելլե կը բուսնի իրենց քովիկը, գրականութիւն մը կը կազմվի իրենց քթին տակ, ամեն ոք ձայն կը բարձրացնե այս քնացող մարդերուն ականջին մեջ. այնքան թմրած են որ չեն արթննար, այնքան հուսահատ են որ չեն հավատար. այնքան խոնջած, անճրկած են որ նոր ոգևորութիւն մը, նոր ճիգ մը պիտի սպաննե զիրենք:

Եթե իրենց ձեռքն առնեք Երկու Հիւնապետը կամ Փարիզի Աղբատնեը³, պիտի շփոթին: Եթե ըսեք իրենց թե սովորական ձայնով թող խոսին թատերաբեմին վրա փոխանակ խոռոչային կամ կոկորդալիթ ձայներ հանելու, պիտի շընդունին. եթե ըսեք որ հակառակորդի դերին համար երեսներ սեցընելու, ահարկու երևույթ մը առնելու հարկ չկա և կարելի է ամենն պարկեշտ դեմքն ունենալ և ամենն վատ շարագործն

ըլլալ, — ինչ որ ամենեն հաճախադեպն է— պիտի մերժեն իրենց բոլոր ավանդությունները վեր ի վայր շրջող այս պատվերները:



Գերասանները պարտին սորվիլ նախ իրենց լեզուն, այն աշխարհիկ բարբառը որ ևս քան զևս աշխույժ և երիտասարդ է, և թողուլ այն հինցած թարգմանությունները, զորս դպրոցական մը այսօր արտագրելի պիտի ամչնա:

Եվ երբ գովելի նորություն մը ցույց տալով կուգան գրված և ոչ թարգմանված կատակերգություն մը ներկայացնելու թատերաբեմին վրա, պետք է ընտրությունը թողուլ գոնե անոնց որ գրական հեղինակություն մը ունին, և ոչ թե առաջնորդվին իրենց գրական ճաշակեն ու հանդիսատեսներուն ծիծաղը հրավիրեն ոչ թե խաղին, այլ իրենց անձին վրա:

Մեր գերասանները պետք է պարզությամբ և համեստությամբ ճանչնան թե ոամիկ տարր մըն են այսօր, զոր ունէ կապ հարաբերության մեջ չի դնել մեր գրական և իմացական աշխարհին հետ:

Կերևակայեմ որ հանդես մը, լրագիր մը գոնե չեն կարգար այս մարդիկը, բացի իրենց ծանուցմանց և նկարագրությանց հատվածներեն ուր շուայված գովեստը կը փայփայե իրենց միամտությունը և քննադատությունը դառնությամբ կը լեցնե սիրտն այս նավաբեկյալներուն, որ ալիքներու վրա տախտակներու պլլված կը ծփան տակավին:



Իրենց փրկությունը պիտի ըլլա նոր եռանդով մը ընդգրկել իրենց արվեստը, որ գիտություն մը դարձած [է] ալ և այսուհետև գոնե մեր երիտասարդ գրականության հետ հաստատել խնամությունը զոր երբեք խզելու չէին:

Եվ մեր օրվան գրողներուն կիյնա ոչ թե արհամարհել այս աշխատավորները, — ինչ որ ձրի և անիրավ նախատինք մը պի-

տի ըլլար այս մարդոց ուղղյալ, — ոչ թե ծիծաղիլ անոնց վրա, ծաղրի նյութ ընել իրենց դժբախտութեանց և տառապանքի անցյալը, այլ բերելու ջանալ զանոնք նոր մտքերու հավասարութեան:

Մեր գրողներուն կիյնա առաջին անգամ իրենք մոտենալ թատերական ասպարեզին, նույնիսկ թատերաբեմին, որ նշավակ մը չէ անշուշտ:

Թատերագրական սեռը պետք չէ լքենք. ներկայացում մը շատ ավելի աղմուկ կը հարուցանե քան թե պարզ հրապարակագրութիւն մը և լիուլի գոհացում կուտա մեր ցուցամուլ փառասիրութեանը, որով կանուխեն վարակված ենք ամենքս ալ դժբախտաբար, սնապարծիք մանկուհիներու պես, որ իրենց շողիքոտ կրծկալին ժանյակներուն դրացի տղուն վրա ընելիք ազդեցութեանը կը խորհին ամեն բանե առաջ, երեխայութեան տարիքեն երևան հանելով կանացի պշտանքը:

Երիտասարդութիւնը պարտավոր է ժողվել, ամբողջացնել, վերաշինել այս քայքայված նավուն կազմվածքը և ինքը վարել պայն ասկե ետքը:

ԱԶ ԵՎ ԶԱՒ

(Քրոնիկ)

Օրերը կուգան կանցնին ամեն մեկը բերելով մեզի իր բաժինը՝ ուսմիկ ու հասարակ դեպքերու, որոնցմով կյանքը կը ձեւանա. կաթիլ մը արցունքով և քիչ մը ծիծաղով մարդկութունը՝ ամեն շաբթու գլուխ իր հաշվեհարդարությունը կը կատարե, զոր քրոնիկագիրը սնանկացած խաղամուխ հետաքրքրությամբ կարձանագրե աշխարհիս շորս կողմը:

Եվ երբեմն կը պատահի որ ոչ կաթիլ մը արցունք, ոչ իսկ պզտիկ ժպիտ մը կը գտնեք հրապարակին վրա. ոչի՛նչ, տափակութենե գատ, ուր իզուր աջ և ձախ կը պտտցնես հարթաչափ գործիքը, որուն ջուրե խողովակին մեջ՝ օդին պուտիկը տեղեն շերերար. աննշանությունը նշանակելու փորձ մը ըրա՞ծ եք երբեք, և այս է հաճախ մեր մեջ քրոնիկագրին տաժանելի ճակատագիրը:

Հին ատենի հելլեն փիլիսոփա մը; զվարճախոս մարդ, կը պնդեր թե փողոց ելած ատեն ո՛ր կողմ երթալու կանգիտանար, ուրկե բանասերներե ոմանք հետևցուցին թե Դիոգինես իր ժամանակի քրոնիկը գրողն ըլլալու էր. և ուրկե ես կը հետևցունեմ թե խեղճ մարդը իր ատենին կաթողիկոսական պատվիրակն էր՝ էջմիածին երթալու պատրաստված:

Մեր պատգամավորները հետզհետե կը մեկնին, շալկած իրենց քվեները, խաշի պես սուրբ ու ծանր միանգամայն, եթե խղճահար և պարտաճանաչ են: Պոլիսեն՝ ուսյալ եկեղեցական մը՝ Օրմանյան սրբազանը¹ և համակրելի ու հարգելի վաճառական մը՝ Տիգրան էֆ. Կյումյուշկերտան, մայրաքաղաքիս հայոց կարծիքը կը տանին ի Վաղարշապատ:



Գլուխնիս դարձնենք Վաղարշապատեն. նայինք... ո՞ւր, գրականությա՞ն, ամուլ ու աղքատ, երկու աստիճանով շինված սանդուխ, որուն լրագրական շորս հողվածով բարձունքը հասած կըլլաս՝ շուրջդ արհամարհանքով դիտելու համար, ուրկ՞ն անցյալի մարդիկ սև բիծերու պես միայն աչքիդ կերևան, քեզ՝ որ ներկայի գրագետն ես, այնպես չէ՞: Եվ հանկարծ այդ սև բիծերեն մին կը շարժի, կը խոսի: Արդյոք իր երիտասարդության, իր դպրոցական կյանքի հիշատակնե՞րը պիտի բերե մեզի շահեկան անեփտողներով լեցուն. ո՞չ. այլ հեզնող սրամըտություն մը, բառ մը կը նետե որ, հստակ և որոշ, անհուն անջրպետեն կը հասնի քեզի, վառյա՛կ, քրքիշի մատնելով անհամեստներուն պարծուկ հնդկահավի ձևերը:



Համեստներեն մին ալ թողուց գնաց, ո՞չ հոն ուր նարնջեին կը ծաղկի, այլ հոն ուր դալարն անգամ չի ծաղկիր դեռ, վասնզի թարմ է հողը որ Սրապիոն Հեքիմյանը² կը ծածկե: Վենետիկցի մըն էր այս ալ, Պեշիկթաշլյանի, Թերզյանի, Աճեմյանի պես բանաստեղծ և միանգամայն թատերագիր. իր «Տաղք և Բանաստեղծությունք»³ ստվար գործը շին գիտեր շատերը. ինքն ալ կարելի եղածին շափ քիչ շշուկ և աղմուկ ընել ուզած էր, ճիշտ հակառակը անոնց՝ որոնց ցուցամուլությունը հիմա կատարյալ ծանուցումի մը ձևերը կառնե:

Հետո մոռցված էր բոլորովին իր կենդանության մեջ. այս գրաբարագետը սրբապղծումի պես բան մը կը նկատեր իր

շուրջը եռացող պղպջացող նոր լեզուն, անկանոն, երբեմն տգեղ, շատ անզամ շնորհալի ու գոեհիկ, ու քաշված էր ասպարեզեն իր տոհմիկ գրագետի մեկուսացման մեջ պահվրտած, շուկատ գրականության մը շի քսվելու երկյուզով:



Քանի որ համեստներու վրա է խոսքս, շեմ կրնար շհիշել հոյակապ անուն մը, զոր լսած ենք ամենքս ալ:

Տ. Հովհաննես Հյունքյարպեյեան⁴ դրացիս էր և փափագեր էր մեծ մարդոց հատուկ խոնարհամտությամբ մը տեսնել զիս անզամ մը. իր այնհեր ու լայնարձակ ճակատը, որ մեծ իմացականության մը կենտրոնն է, կուրծքը ծածկող սպիտակ մորուրը, այն անունը, որուն տերն է ինք, զիս պատկառանքով կը լեցնեն և սիրահոժար կը համբուրեմ ձեռքը այս պատվական ծերունիին, որ պատիվն է իր կարգին, իր ազգին և անոր գրականության:

Հմուտ հելլեն գրականության, որուն դասական հեղինակները ծանոթ են իրեն մերիններուն շափ, պարսկագետ ու լատինագետ, Հայր Հյունքյարպեյեան լեզվարանական հսկա և ապերախտ աշխատության մը հեղինակն է հայ բառերու ծագման վրա:

Մեկ երկու հատվածներ, զորս կը հաճի ընթեռնուլ, հիացմամբ կը լեցնեն զիս իր ապշեցուցիչ հմտության, հիշողության վրա: Այս մեծ բանասերին հետազոտությունները կուտան մեզի շատ մը հայ բառերու ստուգաբանությունը, շատ մը պատմական ու շահեկան ծանոթություններ, որոնք մեր հին գրականության վրա նոր լույս մը կը սփռեն:

Եվ ակամա այս աննման հմտության, այս խորին համեստության քով միտքս կուգա երեկի տղաքը, թոթովախոս դեռ և հավակնոտ այնքան, և շեմ կրնար արգիլել Ություճյանի բառքոր ահա նորեն գրչիս ծայրը կուգա.

— Վառյակնե՛ր:

ՀԱՄԱԼՍԱՐԱՆԱԿԱՆ ԿՐԹՈՒԹՅԱՆ ՊԱԿԱՍՈՒԹՅՈՒՆԸ ՄԵՐ ՄԵՋ

Ա.

Ասկից առաջ գանգատներ հայտնեցին ոմանք մեր դպրոցներուն մեջ ավանդված ուսման շափազանցությանը դեմ. ըսվեցավ որ մեծ ախորժակի տեր ստամոքսներ կը պատրաստեինք առանց հարկ եղած սնունդը մատակարարելու միջոցներն ալ ցույց տալու, ու գիտնական անոթիներու շատութիւնը սպառնալիք մը համարեցին մեզի. ուրիշներ՝ կարեկցութեան ձայն մը, ողբագին հառաչանք մը հանեցին նույնիսկ այդ տղոց ի նպաստ ու պոռացին որ անգործ ու անզբաղ թափառող տղոց զրկումներուն պատասխանատուութիւնը մեր զբոսանքներուն վրա կը ծանրանար, անոնց կրթական ծրագրին շափազանցութիւնն էր այս ամեն շարյաց պատճառը.

Le galeux d'où venait tout le mal.

Գիտեք արդեն որ ծրագիրներն են ամեն բանի պատասխանատու, եթէ ձեռքը սաստիկ ըլլա, կամ ամառը անձրևի պակասութենէն հունձքերը տառապին, եթէ սով ըլլա կամ մահվան կոտորած, ծրագիրներն են որ կը դատապարտվին աշխարհիս ամեն կողմը, ու խնդիրը կը վերջանա:

Եվ որովհետև գտնվել են մեր մեջ թաղային վարժարաններն ելլող քանի մը ապիկար պատանիներ որ կամքն, ձեռնն-

րեցութեան ոգիի զուրկ՝ թափառեր են հոս ու հոն, որ կանոնավոր կրթութիւն մը շունհնալուն համար չեն կրցած օգտակար դառնալ ու գործ մը գտնել իրենց, անմիջապէս այս ողորմելիներուն դժբախտութեան համարը մեր դպրոցական ծրագիրներին կը պահանջվի:

Ինչո՞ւ Հոմերոս ու Միլտոն կարդացուցիք այս տղոց, ինչո՞ւ Արուսյակն ու Լուսնթագը ճանչցուցիք իրենց, ի՞նչ հարկ Պատմութիւնը սորվեցնել, մեծ մարդոց օրինակներով զբաղեցնելով՝ զիրենք համեստ քաղաքացիներ ըլլալու կարելիութենէն զրկեցիք:

Բ.

Եթէ այս շրջանավարտ տղաք իրոք օգտված ըլլային դրպրոցական դասերէն, երբեք պիտի չպատցնէին փողոցներուն մեջ իրենց երիտասարդի անգործութեան ցավալի պատկերը. գիտութիւնն եթէ հաց չի տար, գոնե պիտի զբաղեցնէր զիրենք, ավելի ևս հառաջ մղեր ուսման շավիղին մեջ, և սակայն չենք ճանչնար մեկը որ առանց արհեստ մը ունենալու գիտութեանց կամ դպրութեանց մեջ անուն մը ստացած ըլլա:

Ո՞վ են ուրեմն անոնք որոնց վրա արգահատելով մեր դրպրոցներու արդէն կարի խոնարհագույն վիճակը ավելի ևս ստորնացնելու գաղափարը կը շատագովենք:

Եթէ նույնիսկ անհատական դժբախտութիւններու, ասպարեզի պակասութենէ հառաջ եկած գործադուլներու պատմութիւնը ստույգ ըլլար, ի՞նչ պիտի հետևեր ատկից: Քաղաքակրթութեան գերագույն շահը հառաջադիմութեան մեջն է միայն. միտքերը պետք է ձգտին, այո՛, փրթելու շափ. այս է կյանքի պայքարը զոր մեր ձեռքը չէ ընդունիլ կամ չընդունիլ. անհատի մը թշուառութիւնը, աղքատութիւնը ի հաշիվ շահնվիր հանրութեան շահերուն մեծ տուժարին մեջ: Եվ արդէն մարդս երջանիկ կամ դժբախտ, անոթի կամ կուշտ ըլլալու համար չէ որ կոճագ աշխարհ. ապրիլը վախճան մը չէ ինքնին, ինչպէս շատ լավ կրսե Ռեթեոս Պերպերյան, այլ միջոց մը մարդու համար իր կոշման ծառայելու:

Անոնք որ անասունի կյանք մը կը սահմանեն մեր պատա-
նիներուն, փոր կշտացնելով շինված կյանք մը, Մուլիեռի հըռ-
չակավոր խոսքը միտքերնիս կը բերեն հեղաշրջված իրենց
վարդապետութեանց համաձայն,

Il tout vivre pour manger
Et non pas manger pour vivre.

Գ.

Մենք ընդհակառակը կը կարծենք որ մեր դպրոցներուն մեջ
ավանդված կրթութունը շատ ուամիկ, շատ տարրական է:

Եվրոպական ազգերու ամենօրյա հառաջադիմութեանց ար-
ձագանքն անգամ չի հասնիր մեզի. ուսման և ոչ մեկ ճյուղի
համար մասնագետ ուսուցիչներ ունինք. մաթեմաթիքի վար-
պետ մը ի վաղուց անտի պակասած է մեզի, նույնպես չենք ունե-
ցած ուսուցիչ մը բնական գիտութեանց համար. բայց ի՞նչ
հարկ թվումն մասանց մը ընել հոս մի առ մի ըսելու համար
թե՛ ոչ պատմութեան, ոչ աշխարհագրութեան, ոչ լեզուներու,
ոչ իմաստասիրութեան համար կարող դասախոսներ ունեցած
չենք երբեք:

Եվ ի՞նչպես կուզեք որ ունենանք. ո՞վ բարձրագույն ուսում
առած է մեր մեջ արհեստի տեղ գործածելի տարբեր նպատա-
կով: Անոնք իսկ որ գիտութեան մեկ ճյուղը սորվելու համար
քացած են Եվրոպա, միշտ արհեստական անձուկ սահմանին
մեջ ամփոփված են:

Տաճկահայ եկեղեցականներուն մեջ, բացի մեկեն կարծենք,
չենք ճանչնար Եվրոպայի համալսարաններու մեջ ուսում ա-
ռածներ. և սակայն տեսեք հույները, օրինակ առնելու համար
գոնե, յորոնց մեջ տասնյակներով կը համրվին Գերմանիո հա-
մալսարաններն վկայալ եկեղեցականներ:

Դիւսավոր բանը որ կը պակսի մեզի, մեր հետամնացութեան
աստիճանին վրա ճշմարիտ գիտակցութիւնն է:

Գիտութիւնը իր անվերջ ճյուղավորումներուն մեջ հետզհե-
տե այն վիճակին հասնելու վրա է որ քիչ ատենեն նոր անուն-
ներն իսկ հասկնալու կարող պիտի չըլլանք:

Մեր մեջն է միայն որ երիտասարդ մը իհարկե ստիպյալ կերթա Եվրոպա ոչ թե համալսարանական ուսման մը հետևելու, այլ արհեստ-գիտութուն մը սորվելու:

Եվրոպայի մեջ բնական կարգն է հետամտիլ, շարունակ հետամտիլ գիտութեան, միշտ ավելի հեռուն, միշտ ավելի քարձր:

Դպրոցական շրջանավարտներուն ջանքը պետք է ըլլա իրենց կոշումներուն և հարմարութեանց համեմատ հառաջ տանիլ իրենց ուսումը բարձրագույն վարժարաններու մեջ, ապահով ըլլալով որ ապրուստի ասպարեզ պիտի չպակսի իրենց, և շարագուշակ մարգարեութիւնները, սխալ ու ծուռ խորհուրդները թող չկասեցնեն, չթերացնեն երբեք զիրենք իրենց ճամփուն մեջ:

Մասիս, 18-6-1892

<ԼԵԶՎԱԿԱՆ ԽՆԴԻՐ>

Մենք կը կարծենք որ այսուհետև գրաբարի և աշխարհաբարի խնդիր չկա. կամ ավելի ճիշտ խոսելով՝ գրաբարի խընդիր չկա:

Աշխարհաբարը գրաբարով կոկելու ջանքը լեզվագիտական սխալ մըն էր՝ ամուլ մնալու դատապարտված:

Աշխարհաբարը ուրույն և անջատ լեզու մըն է, զոր և ոչ մեկ կապ կը միացնե գրաբարին. բաղդատութիւնն անգամ ավելորդ երկուքին մեջ. իր բնական ուժերը զորս ժողովրդական բարբառեն կը քաղե, պետք չեն թողոր անիմաստ փոխառութիւններ ընելու մեռյալ լեզվե մը որ պատմական ըլլայե ուրիշ նշանակութիւն չունի այսօր:

Մեր ժողովրդական լեզուն պիտի զարգանա ուրեմն ինչպես կը զարգանան ուրիշ ամեն լեզուներ՝ ոչ թե հինին դանալով՝ այլ այդ լեզուն խոսող հասարակութեան իմացական կարողութեան համեմատութեամբ: Կ. Ս. Ությունճյանի բաղձանքը որ Օտյանի բաղձանքն էր արդեն, որ ապաքեն շատ մը միամիտ գրաբարադետներու բաղձանքն է ուղղելու՝ կարգի բերելու մեր աշխարհիկ լեզուն, հարգելի հնութիւն մըն է: Լեզուները մարդոց պես են, իրենց հատուկ ճակատագիրը ունին և պետք

է ունենան. հառաջագիմությունն ատով կը ձևանա. աշխարհաբարը գրագետներու ջանքով շինվեցավ. իմաստասիրական անհուն խուզարկություններ պիտի շրնենք բացատրելու համար թե ինչպես կը կազմվին լեզուները, այլ կը բավականանք հայտարարելով միանգամ ընդմիշտ որ գրական մարդիկ կը հպատակին և ոչ թե կը տիրեն անոր, թերևս իրենք իսկ չզգալով, և ժողովուրդն է միայն որ կը դարբնե լեզուն կյանքի ամենօրյա սալին վրա, իր կամքին, պետքին, զգացումներուն ու հաճույքին համեմատ:

Մասիս, 18—6—1892

ՆՈՐ ԼՐԱԳՐՈՒԹՅՈՒՆԸ

Երբ դիպվածով կը կարդամ հին օրերի մնացած տգիտ խմբագրապետի մը բարբառնջանքը ի գիր առնված, արգահատանքով կը լեցվի սիրտս. ո՛չ, հեք մարդը դինքը շրջապատող նոր միջավայրին գիտակցութիւնը չունի. գիտութեան բոցովը այրած մոխիր դարձած նախապաշարումներու, անհեթեթ կարծիքներու ավերակին մեջ՝ վտիտ ու սկսած ծխնելույզի մը պես կանգուն է. շատ բան կը փոխվի, կը քանդվի, կը վերաշինվի իր շուրջը, ինքը մինակ կը մնա պինդ ու ամուր կապված վաղեմի գաղափարներուն, որոց տեղ նորեր, օգտակարագուններ դնելի իսպառ հուսահատ է:

Մերացած դերասանն է որ՝ երեսին խորշումներուն շնայելով՝ իր սիրահարի առջի դերը շարունակել կը փորձի թատերաբեմին վրա, ծովակելով ճարթկած դեմքը ու դողդոջուն բազուկները երերցնելով օդին մեջ, չըմբռնելով այս այլանդակ ձևերուն առջև անտարբեր մնացող հանդիսատեսներուն լայնաբաց բերնի հորանջումները:

Հին գուսանն է, որուն երբեք չես կրնար հասկցնել որ իր խժալուր խռպոտ ձայնը, արվեստի ու ներդաշնակութենէ զուրկ եղանակները մտիկ ընող չէ մնացեր, և իզուր նրբանցքին մեջ կեցած կը քաշես փեշեն՝ բարեկամի պարտքդ կատարելով:



Պոլսո նոր լրագրությունը Արևելքով կսկսի. ավելի շատ իմաստասիրություն հանրային խնդիրներու, ավելի մոտ տեղեկություն եվրոպական ազգերուն վրա, անհատական գձուձ խնդիրներն ու վեճերը՝ տեղի տալով ընդհանուր տեսություններու: Հայ լեզուն, այս կամ այն խմբագրապետի գծած անձուկ սահմանները կոխտելով, վերստացած իր ժողովրդյան բարբառի անկախությունը. խմբագրությունը՝ դադրելով արհեստ մը լինելի, արվեստ դառնալու համար. գրական նոր սեռեր՝ գրական նոր մարդերու ձեռքով, ամենքը միևնույն անփոփոխ նպատակին կապված, հասարակության պետքերուն ըմբռնումը: Ահավասիկ նոր լրագրությունը:

Արևելքը կաղմող ուժերը մասամբ այսօր անջատված են առանց շեղելու իրենց նպատակեն, Հայրենիքի, Մասիսի մեջ շարունակելու միասին սկսված վաստակը, և իրարու մոտ բայց ոչ իրարու դեմ հանելով իրենց պեսպիսությունը, զատ թերթի մեջ ու ինքնագլուխ մնալնուն համար լավ ևս ճանչնալով հանրային խնդիրներու հոգածության պետքը, և օր օրի այլափոխվող գիտությանց ու գրականության հետամտելու, ճշմարտությունը ամենուրեք փնտրելու հարկը:



Երիտասարդությունը իր հմտությունը, իր ոգևորությունը բերավ մեր լրագրության. իր գաղափարները վաղուց ի վեր ընդունված, հոչակված ճշմարտություններ էին Եվրոպայի մեջ. հոս՝ գայթակղություն կը բերեին մեր հասարակության, հին թիրթիրը, հագիվ մեկ երկու բացառություններով, ա՛յնքան քիչ հետամուտ եղած էին իրենց ժամանակին հետ քալելու, այնքան տգետ ու անտարբեր գտնված էին քթերնուն տակ եղող ընկերական խնդիրներուն, ամեն բարվոքումներու, ամեն հառաջդիմությանց: Նորերով՝ լրագրական արժանապատվության զգացումը խստությամբ հայտնված ու պահված է միշտ. մուրացկանությունը դադրած է չ՛ջեր գրավելի թերթերու մեջ. նո-

րերեն ոչ ոք շնորհակալութիւն պիտի հայտնե եթե իր թերթնն հատ մը, տասը հատ, հազար հատ գնեն կամ նվիրեն ասոր կամ անոր. դրամական աջակցութեան՝ քաջալերութեան՝ պատվակալ բառերու տակ նոր թերթերը ընթերցողներեն ողորմութիւն չեն ուզած բնավ և պիտի շուգն երբեք:

Ամուսնութեան հանդես մը նկարագրելուն հաջորդ օրը, ամուսնացողին տարեկան բաժանորդութեան ընկալագիր պիտի շղրկեն՝ գծուծ ու ստորին գովասանքի մը վարձքը պահանջելով բարձրաձայն, գրեթե իրավունքի մը պես:

Անձնական խնդիրները պիտի չհասգործեն, ասոր ու անոր գրասենյակները դեգերելով գայթակղական պատմութիւններ հրատարակելու սպանալիքին տակ ստակ պիտի չորթնեն բնավ:



Այլ առանց աղմուկի, համեստորեն պիտի կատարեն իրենց պարտքը, շարունակելով ճանչցնել ժողովուրդին՝ այն ամեն ճշմարտութիւնները որոնց իրենք կը հավատան. պարկեշտորեն, լրջորեն հառաջ տանելով օգտակար գործ մը իրենց համոզումին համեմատ, երբեք ցույցի, անակնկալի տղայական գաղափարով: Գլուխ պիտի չդարձնեն երբեք անոնց որ առանց տարրական կրթութիւն մը ստացած ըլլալու գոնե, անպատկառ կը նետվին հրապարակ կոշիկեն վեր ելլելու անընդհատ ճիգով,— պարզ ջղային հիվանդութիւն մը թերևս,— խելքերնուն չհասած խնդիրներու համար գործածելու գրիչ մը գոր իրենց հարկավոր եղած զպրոցական դասերը գրելու ծառայեցնելով՝ ավելի օգտակար կերպով գործածած պիտի ըլլային. ո՛չ ալ անոնց, որոնք տեղե տեղ պտտելով գաղափարներ կորսան կը հավաքեն, բառ մը հոսկե, պարբերութիւն մը հոնկե, որոնք խողովակի պես կընդունին ինչ որ լեցնես վերեն, բայց ինչ որ լեցնես, և հաջորդ օրը իրենց լրագրին մեջ ի հայտ կուգան, ածականի և գոյականի կոխով կը հարուցանեն, ոչ իրենց գիտութեամբ զինված, ո՛չ գոնե բառարան մը նայելու հոգնութիւնը հանձն առնելով, որով պիտի կրնային հրապար-

բակային խայտառակութենն մը զերծ մնալ, այլ անոր համար միայն որ տգետ մը, իրենց պես, փողոցն անցած ատեն այսպես փսփսացեր է իրենց ականջն ի վար:



Ու գրականութեան մեջ մանավանդ նոր լրագրութիւնը իր մեծ բաժինը բերավ, հեղաշրջելով առջի կարգն ու կանոնը, ընկալլալ ձևերը, հին քերականներու հաստատատիպ ոճն ու տարազը, որդնակեր արմատներն այդ խարխուլ ծառին որ իր հյութը շէր առնէր ժողովուրդին սրտնն, այն միայն որ կուտա առողջ հյութն ու անթառամ բողբոջումը:

Գրականութիւնը, նոր լրագրութեան համար, պարտի բլլալ այն անխարդախ հայելին, որուն մեջ հասարակութեան բարքը կը ցոլանա, մութ սենեկի մը մեջ պահված ապակին, որուն վրա անոր կյանքին հարազատ լուսանկարը կը գծագրվի հետրգհետե վայրկենական պատկերներու անհատնում շարք մը ձեացնելով, ուր անոր հարափոփոխ դեմքին ամեն կծկումները մատնանիշ կըլլան, կը վերլուծվին: Հետաքրքիրներու համար շահեկան է այդ Albumը թղթատել, քովե քով տեսնել տարիներու շրջանի մեջ միևնույն հասարակութեան փոփոխվող դիմագծերը. սաղմ, երեխա, մանուկ, տղա, պատանի, երիտասարդ, շափահաս կամ ծերունի մարդու դեմքեր, միևնույն անձին անընդհատ կերպարանափոխութիւնը նյութի ու բարոյականի զուգահեռական աշխարհներուն մեջ, Սկիզբը ու վերջը մոտեցած իրարու, երկու հավիտենական անհաշտելիները բաբեկամացած, ընտանեցած, ձեռք ձեռքի:



Անոնք որ խորհրդածել կը սիրեն, հոժարակամ կը պտտցընեն իրենց ականարկը մեկ ծայրնն մինչև մյուս ծայրը, ամբողջութիւնը անխտիր ընդունելով, բան մը չձգելով իրենց լայն ներողամիտ տեսութեան շրջանակնն դուրս. չեն մերժեր տգեղը ու շարը իբրև իրենց հատուկ գոյութեան պատճառ ունեցող

երևույթներ ընդհանուր ներդաշնակության մեջ. կը կարծեն թի-
գեղեցկությունը գոյութիւն պիտի շունենար եթե տգեղը չըլ-
լար. առաքինութիւնը պիտի շտեմնվեր եթե մոլութիւն չգտնը-
վեր. բարձրացումն անկարելի պիտի ըլլար եթե անկումը չպա-
տահեր, — ո՛չ այն անկումը սանդուխեն որ ոտքերը կը կոտրը-
տե, այլ բարոյական գահավեժ անկումները, — և հարթ հավա-
սար աշխարհ մը պիտի մնար, տափակ մակարդակ՝ որու հետ
արդարև զբաղիլը պիտի չարժեր:

Մասիս, 2—8—1892

ՈՒՍՈՒՑԶԱԿԱՆ ԺՈՂՈՎ

Ուսուցչական Ժողովի նիստերը վերջացան. իր որոշումները՝ համեստ ու պարկեշտ իղձերու ձևով արտահայտված՝ նորություններ չեն անշուշտ, բայց մեծ մասամբ այն ճշմարտություններն են, որոնց հեղհեղվիլը անօգուտ չէ երբեք:

Մեր դպրոցներուն մեջ գիտությանց մեծագույն բաժին մը տրվելուն և ուսուցչական մարմնի բարձրացումին վերաբերյալ կարծիքները այս կարգն են:

Իսկ ամենուրեք ընդհանուր ու միօրինակ նախակրթության պետքը շատագուցող գաղափարը ու այս նախակրթությունը կազմելու համար ցույց տրված ուսման ծրագիրը, սխալ բժրոնումներու վրա հիմնված, անհեթեթ եզրակացությունց կարգին կը պատկանին:

Դասագրքերու ամենաէական խնդիրին անտես առնվին ալ Ժողովին աշխատությանց մեջ թերի մնացող կարևոր մասը կը կազմե մեր աչքին:



Չորս նիստերն ալ Ռեթեոս Պերպերյանն¹ ինքը մինակ գրավեց. հնչուն ձայնովը, հմտալից խոսքովը, դասական վկա-

յություններովը լեցուց սրահը տախտակամածեն մինչև ձեղունը, դուռնն մինչև պատուհանները:

Անդրիագործին պես որ կավի զանգված մը կառնե ու կըսկսի անոր վրա աշխատիլ, նախ գիծերը, շափերը, հետո մանրամասնությունները ճշտելով կարգավ, Ռեթեոս Պերպերյան միևնույն բանը կրնե օրակարգի մեն մի խնդիրներուն համար. իր պաշտոնակիցներեն շատ շատ կը պահանջե որ մին կավը բերե իրեն և մյուսը ջուրը:

Եվ սակայն ինքն է որ Ուսուցչական Ժողովը գումարած է այստեղ և ինքն է ոտ պետք չի թողուր ունէ համախումբ գործակցութեան. և ասով կը նմանի այն պատկերազարդ հանդեսներու հրատարակիչներուն, որոնք իրենք կառաջարկեն հանելուկը, մեծ պարգև մը խոստանալով, և իրենք կը լուծեն զայն վերջ ի վերջո:



Ուսուցչական Ժողովին, կամ ավելի ճիշտ բացատրություն մը գործածելով, Ռեթեոս Պերպերյանի առաջարկած նախակրթությունը հայ տղոց համար, եվրոպական նախակրթութեան հար և նմանն ըլլալուն, այս պարզ ու դյուրին եզրակացութեան գալու համար ամբողջ ուսուցչական մարմինը հավաքելու պետքը չեմ ըմբռներ:

Նույնպես չեմ հասկնար, ընդհանուր տեսակետով, դաստիարակութեան սահմանը գծելու համար եղած ջանքերը. արդո՞ք Ուսուցչական Ժողովը հայ տղոց թե տիեզերական տղուն կրթութեան վրա խորհրդակցելու համար գումարված էր:

Կենթադրվեր սակայն թե խնդիրը մե՞հ հասարակութեան կրօնական, ցեղային ու աշխարհագրական դիրքին, տնտեսական ու իմացական վիճակին պատշաճեցնելու վրա էր ընդհանուր դաստիարակութեան մը արդեն ծանոթ պայմանները: Հո՞ս է որ մեր ուսուցիչները իրենց բաժինը պիտի բերեին և հոս էր որ Ռեթեոս Պերպերյանը ունկնդրելո՞ս պատրաստված էինք:



Տարակույս չկա որ Ձեներ Ավեստայեն սկսելով մինչև Սփենսըր, դաստիարակության նպատակին ու սահմանին վրա ըսված ու շրջված խոսքերն իրենց օգուտը ունին. բայց Ուսուցչական ժողովեն սպասվածը բոլորովին տարբեր բան մըն էր:

Առաջին խնդիրը, որ ամեն ժողովականի մտքին ըստ բավականի որոշ նշանակություն մը շուններ, նույն իսկ նախակրթությունն բառն էր: Ամենքը տարբեր առումներով գործածեցին զայն և կապշիմ իրենց վերջնակէն համաձայնությանը վրա. համոզման արդյունք թե Ուսուցչական ժողովին նիստերեն մեկն ալ փակելու փափագ:

Եվ իրոք, նախակրթությունը պոյսեցի տղուն միևնույն բանը չէ վանցի տղուն կամ մայրենի լեզուն խոսելու անկարող սղերդցի տղուն համար:

Չեմ հասկնար միօրինակ հագուստ մը որ ամենուն պատշաճեցնել ուզվի, մուճակ մը որուն մեջ ամենուն ոտքը սղմելու դատապարտված ըլլաս:



Իմ առաջարկությունս, եթե երբեք առաջարկություն մը ունենայի Ուսուցչական ժողովին, նախակրթություն մը պիտի ըլլար որ տեղական պետքերը ի նկատի առնել միշտ և հետեւաբար տարբեր բաններ:

Մեր հասարակությունը պիտի բաժնեի նախ իրենց բնակած վիլայեթներու համեմատ. իրենց անհրաժեշտ պակասը լեցնելու և բնական ընդունակությունները զարգացնելու ձևով և տեղական ուսումնասիրութենե մը վերջը, ասոնց ամեն մեկուն նախակրթությունը պիտի սահմանեի:

Բարոյական կրթության համար պիտի փնտրեի մտքովս թե որո՞նք են այն հատկությունները որ կը պակսին մեզի և այն պակասությունները որոնցմով վարակված ենք. և ասոնք դարձանելու հատուկ պիտի ըլլար իմ տալիք բարոյական մարդոց դասերս, ո՛ր ձևով որ ավանդվին:

Հոս՝ հաստատամտություն կը պակսի, հոն՝ արժանապատ-

վության զգացում, այստեղ համեստութիւնը բացակա է, այդտեղ պարկեշտութիւնը. ահա ասոնց դեմ պիտի ուղղվեր բարոյական կրթութիւնն ամեն բանն առաջ:



Միևնույն բանը պիտի ընեի կրթության մյուս մասերուն համար:

Սովեզերյա ու վաճառական քաղաքի մը մեջ ֆրանսերենը պարտավորիչ պիտի ընեի առանց վարանելու, բայց լեռներու մեջ թաղված գյուղին պիտի խնայեի զայն:

Գիտութիւնները միևնույն նպատակով պիտի սահմանեի, և զանոնք պիտի ավանդեի աչքի առջև ունենալով սա էական գաղափարը որ այդ դասերը, ըստ կարելիւոյն մոտիկ ժամանակի մը մեջ, դպրոցական շրջանը ավարտելուն պես, գործնական օգուտ մը ընծայեն աշակերտին:

Ուստի այն ամեն քաղաքներու մեջ, ուր տեղական արհեստներ կան, իմ գիտական ծրագիրս պիտի ձգտի դեպի այդ արհեստներու կիրառումներուն, անմիջապես օգտակար ըլլալու ձևին:

Սվ այն տեղերը ուր երկրագործութիւնը կիշխե, իմ գիտական ծրագիրս բոլորովին տարբեր բաներ պիտի ավանդե աշակերտին, գլխավորապես սորվեցնելով անոր՝ իր հողեն օգտվելու միջոցները:

Գյուղերու մեջ իմ ավանդելիք թվարանութիւնս ամբողջ թիվերու ու տասնորդական կոտորակի շորս գործողութիւնները պիտի պարունակեր միայն. և երկրաշափական գիտելիքները անդաշափական ու տեղագրական գործնական սկզբունքներեն ու կանոններեն անդին պիտի չերթային:

Քաղաքներուն մեջ երկու դասարաններ պիտի ավելցնեի դպրոցական շրջանին վրա, տեղական արհեստները ավանդելու համար գիտական սկզբունքներու համեմատ:

Մայրենի լեզուն, միշտ առաջին տեղը գրավելով հանդերձ, ավելի երկար ժամանակ և ավելի հոգածութեամբ պիտի դասախոսեի հոն՝ ուր հայերենը մոռցված է:



Այն ատեն, ապահով եմ, որ ծնողք իրենց զավակը պիտի շահենին ետ դպրոցին կես ճամփեն, տհաս, խակակութ պտուղներու պես. այլ գործնական օգուտը վայելելով դպրոցական դասերուն, հայրենի արտին և այգիին մեջ գործածութիւնը տեսնելով անոնց, իրենք առաջինները պիտի ըլլային պարտավորելու իրենց զավակը որ դպրոցական շրջանը ամբողջացնէ:

Կրթութիւնը այն անօգուտ ու վերացական բանը պիտի լմնար այլևս, զոր հայրերն ու մայրերը գլխի օրորումներով, ուսերու շարժումներով կը սահմանեն, այլ անոր դրական ու շոշափելի օգուտներն երախտավորյալ, իրենք երկու ձեռքով պիտի գրկեն դպրոցական հարկը զոր հիմա լքած են ամեհուրեք:

ԵՐԳԸ

Մարդիկ կան որ կը կարծեն թե՛ խոսելուն քով՝ երգելը ավելորդ բան մըն է:

Երբ քաղաքակրթութիւնը կը տանի զմեզ դեպի ամեն բան շուտափույթ ու համառոտ տնօրինելու, երբ ճամփաները կը կարճեցնենք և հեռավորութիւնները կը բառնանք, երբ երիտասարդութիւնը՝ իր կանխահաս զարգացումովը ու ճերմկած մազերովը՝ ծերութեան հետ կը շփոթվի, և գլուխը ետին դարձնելու ատեն շունեցողի պես կը վազե մարդկութիւնը, այս ընդհանուր արշավին մեջ ո՞վ կրնա երգի մտածել:

Եվ սակայն ճիշտ այս ճեպընթաց սուրացումին, այս վաղվադակի հասունցող ու մաշվող հոգիներուն համար ավելի ևս անհրաժեշտ չի՞ դառնար կազդուրվելու պետքը:

Այս գաղափարը ունեցած է այն մարդը որ վերջերս տասը հազար Ֆրանք կտակեց Յրանսական Ակադեմիային, երկու տարին հեղ մը մրցանակ տալու համար լավագույն երգի հեղինակին:



Վասնզի երգը այն հանգրվաններեն է ուր ամեն ոք կանգ կառնե, իր հոգնութիւնը կը մոռնա, կը կազդուրվի ու հաշորդ

որվան կը պատրաստվի, ուրախ դեմքով դիմագրավելով բախտին ձախորդութեանց:

Հետո, երգը այն միակ բանն է որ մարդերը կը մոտեցնեն ու կը միացնեն իրարու, աղոթքին պես ու արցունքին պես, որոնք երգեր են անշուշտ, երգերուն գերագույնները:

Ու անկից վերսկսելով, շարունակելով ճամփան որ վերջ չունի, որ ծայր չունի, այս անգուլ ուղևորութիւնը կ'յանքին՝ նվազ դժնդակ ու ավելի տանելի բան մը կըլլա ա՛լ:



Խոժոռ ճակատներու, մռայլամած դեմքերու, հաստ ու թամփ Լայներու լրջութիւնը՝ ճշմարիտ լրջութիւնը չէ:

Պարզ ու վճիտ ձայն մը, խնդուն երես մը միշտ ավելի հասկնալի, հետևապես ավելի օգտակար է. իր զվարթ երևույթն հսկ օգուտ մըն է ինքնին:

Ուրախութիւնը հիմա այն կաթն է ուսկից շատ կանուխ կը կտրվի մարդկութիւնը՝ իր անօրյա հոգերովն ու մտմտութենքովը, և երգն է միայն որ մանկութեան, անմեղութեան պատրանքը կուտա մեզի, որքան ալ վաղանցուկ ըլլա այդ պատրանքը:

Եվ ո՛րքան պետք ունինք վերագառնալու հոն ուսկից ուղի ինկած ենք. ի՛նչ խրատներով ու խորհուրդներով լեցուն պետք է ըլլա մեզի համար այն ճամփան որուն շուրջը նայելու ատեն ունեցած շենք մեր արշավաշույր ընթացքին մեջ, և ամեն բանի վրա սխալ գաղափարով ու սրալ համոզումով եկած հասած ենք հոս, այն կառախումբի մեծ վազքովը ճամփորդող ուղևորներուն պես որոնց վրա հեռագրի ցիցերը՝ շարունակվող պատի տպավորութիւնը կը թողուն:



Երգը անհրաժեշտ ավելորդն է. ո՛չ այն ավելորդներեն մին զոր հափրացած քաղաքակրթութիւնը նորն նոր կստեղծե, այլ այն զոր բնութիւնը տված է մեզի իր անհեղի օրենքներով:

երկու նվագի մեջ ամփոփելով մեր կյանքին երկու ծայրերը, —
նորածինի մը լացը ու հոգեվարին հոնդյունը:



Մեր ժողովուրդը արևելքցի բանաստեղծ ժողովուրդներուն
պես սիրած է երգը միշտ. գավառները, գյուղերը ամեն տեղ,
երգը ամենուն բերանն է. մշակը անով կը հերկե իր արտը,
հովիվը անով կարածն իր ոչխարները. անով կը տոնեն նո-
րածինին գալուստը և հարսին նարոտը անով կը կապեն:

Հոս, այս մեծ ոստանին մեջ է որ, սխալ ըմբռնված ծանրու-
թյան մը, հետամտելով, երգելու սովորութիւնը ծիծաղելի կամ
ամոթալի բանի մը պես վերնալու վրա է հայոց մեջ քիչ քիչ:
Մեր տղաքը, պատանիները, կորաքամակ ծերուկներու պես
ծալապատիկ նստած, խոսելով կանցընեն ատեննին: Ժպիտ
չկա երեսնին, տղա երևնալու վախով:

Այս պատանութիւնը, որ թվականի սխալ մը ըլլալու կը
միտի, թող վերադառնա ուրախության, զվարթության կանոն-
ներուն որոնք իր տարիքին կանոններն են, գրեթե պարտակա-
նութիւնները:

ՏԻԿԻՆ ՍԻՐԱՆՈՒՅՇ

Ան հաղթանակներեն վերջը որով պսակված է իր վերջին՝
ուղևորությունը ի Կովկաս, Տիկին Սիրանույշ առաջին անգամն
է որ, մեր մեջ, պիտի երևնա նորեն հայ թատերաբեմին վրա:

Մեծ է հետաքրքրությունը. Մարկրիթ Կոթիեի դերը՝ այն
շինված պատրաստ շրջագեստներուն շնամանիք զոր ամեն ու
կրնա հագնիլ, այլ շղարշի կտոր մըն է նուրբ, հողմածուփ բան
մը; որուն մեջ փաթթվողին կիյնա իր ճաշակը, իր շնորհը
ցույց տալ և այդ անհարդար թյուլի պատառով արդուզար
մը շինել, որուն բարեձևությունը՝ թափանցկությանը մտածելու
ատեն չձգե:

Երբ Տիկին Սիրանույշ այսքան դժվարին ու այսքան հրա-
պուրիչ դերով մը ի հանդես կուգա, արդեն ապացույցը տված
կըլլա թե, ամեն մեծ դերասանուհիներու պես, կըմբռնե թե
թատրոնին կոշումը կյանքի ու սրտի զարտուղությունները
բացատրելու մեջ է և ոչ թե անքրինակ, անլուր, անհավատալի
ոճիրներով, արկածներով, հանդիպումներով՝ հասարակությունը
զրոսցնելու մեջ:



Աշխարհագիրներ կան որոնք ցամաքով կզբաղին միշտ և ուրիշներ՝ որոնք ծովերը կը շփեն միայն, խորությունները կը պրպտեն, անդունդներու մեջ կը սուզին և հոն՝ նոր մակերեւ-վույթներ կը գտնեն: Տյումա՝ այդ ծովաշփաներուն պետն է, եթե իրավ է որ ամենեն խոր ծովը աշխարհիս մեջ՝ կանացի սիրտն է ամեն ատեն:

Ռամիկը անհատակ կը կարծե զայն, անվերջ անդադաբ վայրէջք՝ որ ծայր ու հանգ չունի, և կը զարմանա որ ուրիշներ ահա անոր հատակը կը ճշտեն, թուղթի վրա կը գծեն գրեթե, ճիշտ աշխարհացույց քարտեսի պես, ու ցույց կուտան հոն անահնկալ վերելքներ ալ որք մեզի անտեսա ու անծանոթ սարեր կը կազմեն մութին մեջ:

Քամելիազարդ տիկինը այդ անահնկալ բարձրացումներուն մեկն է:

Մարկրիթ կոթիե այն կիներեն է որոնք կյանքեն՝ հաճույքը կը ճանչնան միայն ու անով կավանդեն հոգիներն, Օֆելիային պես որ ծաղիկներ քաղելով մեռնելու գաղտնիքը գտած էր: Մարկրիթ՝ այն շատ երջանիկ կամ շատ դժբախտ արարած-ներեն է որոնց համար կյանքը՝ միակտուր ու միակողմանի է, բովանդակ զվարճութուն՝ առանց զուգակշիռ մը ունենալու ունէ պարտականության գաղափարի մեջ:

Եվ օրին մեկը իր սիրած մեկ երիտասարդին հայրը կու գա աղերսել իրեն, ալևոր ու պարկեշտ մարդ մը՝ անձնամատույց կենոջ մը ոտքը, իր զավակը վերստանալու համար աղաչելով:

— Զգե՛ իմ տղաս:

Այդ երիտասարդը իր մեկ հատիկ սիրածն է հազարներու մեջ որոց վրա կը ծիծաղեր. և հիմա անուշ խոսք մը, հոր մք աղերսը կը բավե համոզելու համար զինքը, — ախտավարակ ու զվարճասեր ցոփուհին, — հրաժարելու իր սերեն, հեծկըլ-տալով սրտին խորեն, բայց առանց տկարանալու իր զոհողու-թյան մեջ:

Երբ ամեն ոք իր շահը ու օգուտը կը պահպանե ի հարկին՝ ուրիշները առնակոխ ընելով, ո՛րքան անահնկալ անձնազոհու-

թյուն մըն է Մարկրիթ Կոթիեի հրաժարումը երջանկության
ծրազնեբեն և ո՛րքան անկեղծ կըլլա կարեկցություննիս իր
կսկծալի վախճանին վրաւ



Տիկին Սիրանուշ ամեն հատկություն ունի արժանավոր
թարգմանը ըլլալու Տյումայի այս գեղեցիկ գործին:

Իր արվեստին շափ զգացում ունի, ինչ որ անհրաժեշտ է
Մարկրիթի դերին համար: Քաջ կը խոսի հայերենը, բան մը որ
քիչ քիչ պակսելու վրա է մեր դերասաններեն շատերուն. իսկ
ինչ որ ավելին է, խոսիլ գիտե Տիկին Սիրանուշ սիրո լեզունս

Եւոսինք. ըսավ. ո՛հ, խոսիլ

Հատնիլ է լոկ ինձ համար» և

Դնչպես կըսես բանաստեղծը:

Հետո ավանդական ուղևորությունը ըրած է ի Կովկաս ուր
մեր դերասաններն իրենց նվիրագործումը կատանան, կը
քաջալերվին, բայց կը վարժվին խստապահանջ հասարակու-
թյան մը դատաստանինս:

Հայրենիք, 19—12—1892

ՔԱՏԸ ԳՅՈՒՂԻ ԹԱՏԵՐԱԿԱՆ ՆԵՐԿԱՅԱՑՈՒՄԸ

Երևակայական Հիվանդը, ՄՈՒԻԻՌ.—Քամեյիազարդ Տիկի՛ն,
Երբորդ արարված, ԱԼԵՔՍԱՆՏՐ ՏՅՈՒՄԱ:

Շարաթ գիշեր Քատը գյուղի թատրոնին մեջ Ֆասուլյաճյա-
նի խումբը հաջողութեամբ տվալ խոստացած առաջին հայերեն
ներկայացումը՝ լեցուն սրահի մը ու լեցուն օթյակներու առջև:

Պետք է ըսել որ բացի վաղեմի դերասանապետեն ու հռչա-
կավոր դերասանուհիեն և, որչափ կը հիշեմ, պ. Շահինյանե
զատ որ Ֆոսմոն Ռիսլերի մեջ անգամ մը ներկայացած էր, մեր
հասարակութիւնը ոչ ոք կը ճանչնար նորակազմ խումբեն,
մեծ մասամբ սկսնակներով ձևացած, և անշուշտ ներկայաց-
ման հայերեն ըլլալուն հրապույրն էր որ հասարակութիւնը
այսքան հոծ թիվով թատրոն բերած էր:

Ֆասուլյաճյանի առաջին գովելի հանգամանքը այն եղալ
որ որոշյալ ժամուն սկսալ ներկայացումը. բան մը զոր շա-
տոնց մոռցած էինք հորմեհետե Մնակյան վարժեցուցած էր
մեզի, ներկայացումը սկսելու համար, բազմութեան մը հավաք-
վելուն սպասել, այն նավավարներուն պես որոնք պետք եղած
թիվով ուղևոր շառած ճամփա շին ելլելու:

Օթյակներուն մեջ Քատը գյուղի բոլոր ծանոթ ընտանիքները
կը տեսնեմ. ո՞վ ըսալ որ շին սիրեր թատրոնը եթէ սիրվելու
արժանիքով ներկայանա, ամենքը գոհ են այս ներկայացումը

տրվելուն համար ու տրամադիր Ֆասուլյաճյանի խումբը քաշալերելու, մանավանդ եթե հարկ եղած նոր տարրերը ավելցնե՞վրան:

Մամուլը իր ներկայացուցիչները ունի հոն, ուշադիր, խըստապահանջ, ինչ որ իրենց իրավունքեն ավելի պարտականութուննին է:

Զանգակը կը հնչե ներսեն. երաժշտութունը կը գադրի, ահա առաջին արարվածը:

Ամբողջ հայտնութուն մըն է մեզի համար Երևակայական Հիվանդին ներկայացումը: Զսպասածնիս կը գտնենք հոն. միգուցե սպասածնիս ալ չգտնենք: Ֆասուլյաճյան՝ կատարյալ Առկան մըն է, երբեմն շափազանցության տարված ձևերով. այս շափազանցութունը պիտի գտնենք իր խմբին բոլոր մյուս ընկերներուն վրա ալ. բայց Մուխեռի այս գործը կատակերգութենե (բոմբոսի) մը ավելի զավեշտ (ֆառս) մըն է: Հեղինակին նպատակը՝ ծաղրելին մատնանիշ ընել է և ասոր համար ինքն իսկ ծայրահեղության տարած է իր ի տես հանած անձերուն նկարագիրները: Դերասանները գիտակցաբար կամ անգիտակցաբար անոր գաղափարին ճշմարիտ թարգմանը կը ներկայանան մեր աչքին:

Ֆասուլյաճյանի արտասանութունը մաքուր է միշտ և այն պզտիկ վարանումը՝ խոսած պահուն՝ որ հիշողության պակասութենե մը հառաջ գալ կը թվի, դերասանին ճարտարությամբ անզգայի կը դառնա: Շեշտը՝ բնական է և դեմքին արտահայտությամբ անհավասարելի է այս դերասանապետը:

Առաջին տեսարանի դիմառնութունը, երկրորդ արարվածին երկու Տիաֆուլյուսներուն մեջ իր կեցվածքը, տոբթոր Քյուռկուի առջև շանթահարումը, հետո մեռելի ձևացումը, ամեն կերպով կատարյալ էին:

Իսկ պարտավոր ենք ճանչնալ թե Տյուվալի հոր դերին մեջ պ. Ֆասուլյաճյան տկարացավ. առաջին ու գլխավոր պակասութունը իր դերը լավ չգիտնալն էր. հուշարարի օգնության ապավինողները երբեք հաջողութուն ակնկալելու չեն բեմի վրա. վարանում մը, թոթովում մը, սխալ արտասանութուն մը,

մեկ բառով խոսվածքի ամենեն փոքրիկ թերացումը դերասանին բոլոր արվեստը կը ջնջե ու կսպաննե:

Տյուվալի հոր արտասանած բառերը դանդաղ, մին մյուսին սպասելով շարունակ, հուշարարին հատուկտոր փոխանցումին պես, այս բոլորը իրեն պես մեծ դերասանն մը սպասվածը չէր, և դերասանը վայրկյանը վայրկենին քաղելով իր բառերը, անկարող եղավ կյանք կամ ոգևորություն դնելու անոնց մեջ:

Երևակայական Հիվանդին մեջ ամենամեծ հաջողությունը ունեցավ օրիորդ Քնար Քուաննիթի դերով. այս էր հայտնությունը որ զմեզ գրավեց ու հիացուց գրեթե:

Երբեք երես ասած ազախինի դերը այսքան բնական, այսքան անքննադատելի ճարտարությամբ երևան հանված չէր. իր ձևերը, իր տերը շեպող սպասավորի մը հանգամանքը, ասկի վելի առաջ չէին կրնար տարվիլ:

Մուլիեռի կատակերգության մեջ առաջին մրցանակը իրեն տվավ հասարակությունը և շխալեցավ: Օրիորդ Քնարի արվեստը գոված ատեննիս կը հիշեցնենք որ իր հաղթանակին մեկ մեծ մասը՝ պարտավոր է իր դերը լավ սորված ըլլալուն: Քուաննիթ՝ երեք արարվածներուն մեջ երբեք կարոտ չեղավ հոշարարին:

Օրիորդ Քնար իր այս դերին մեջ ճշմարիտ դերասանուհի մը արժանիքին ապացույցը տվավ. իր գործը զգացման գործ չէր, այլ մտքի նրբության, և նույնիսկ եվրոպական թատերաբեմի մը պատիվ կրնար բերել իր շաբաթ գիշերի դերին մեջ:

Անկե վերջը երկու Տիաֆորյուսները պ. պ. Զուպանյան և Արշակ նույնպես արժանի կը գտնենք ամեն գովեստի. դիմաշարժության մեջ ամեն կերպով հաջողություն ցույց տվին. հայրը գլխի շարժումներով ընկերանալով տղուն ճառերուն, օգնության հասնելով անոր, իր հոգածությունը ճշմարիտ կերպով պատկերացուց. իսկ որդին իր ծաղրելի ու ապուշ գիտնականի ձևերուն, հետո բռնկած բայց վեհերոտ սիրահարի շփոթության մեջ կատարյալ եղավ ու հասարակությունը երկուքին ալ հայտնեց իր գոհունակությունը բուն ծափահարություններով:

Հաջող էր նաև պ. Վ. Քյուրեճյան իր սպառնալից գուշակություններուն մեջ, թեև իր քալվածքը ու շարժումը ավելի հին ատենի վրեժխնդիր արարածի մը վայելուչ են:

Քլեանդի դերին մեջ պ. Գալֆայան անուշ ձայնե մը զատ քան մը շհասկցուց. բեմի համար պետք եղած քաջությունը շուներ. իր սիրահարի ձևերը ավելի զարմացած մարդու մը կերպարանքին կը նմանեին քան թե ձեռներեց ու սատանորդի երիտասարդի մը որպես պետք է ըլլա Քլեանդ: Իսկ օրիորդ Քլեր (Անժելիթ), — շենք գիտեր թե հայ անուններու պակասութենէն արդյոք այս օտար անունին դիմած է դերասանուհին, — իր գեղեցիկ երևույթնէն զատ ոչինչ ունի հիշատակութեան արժանի. բեմին վրա միշտ շփոթած աղջիկ մըն է որ մինչև երրորդ արավածին վերջը ինքզինքը շկոնար գտնել:

Պ. Վարդազարյան պարզապես քնացուցիչ դեղի մը ազդեցությունը ըրավ իր կցկտուր երկարաբանություններովը: Այն ալ իր դերը շգիտցողներն մական էր:

Տիկին Պերճուհի (Պելին) գոհացուցիչ է և ավելի գոհացուցիչ պիտի ըլլար. եթե այս ալ իր դերը լավ շգիտնալու ախտն շտառապեր, վասնզի իր շարժումները պատշաճ են ու քավական իր երկրորդական դերին:

Իսկ նոտարը պ. Շալճյան լավ կրնե եթե ուրիշ անգամ ավելի պատրաստութեամբ երևան գա, վասնզի պարզապես ողորմելի էր իր անհատնում կմկմանքին մեջ:

Ու այս ամենը գոհութեան նոթով մը փակելու համար հիշենք փոքրիկ Ազնիվը Լուիի դերին մեջ որ առանց կեղծիքի փոքրիկ տղու ճշմարիտ տպավորութեանը հառաջ բերավ:

Մեկ բառով պ. Յասուլյաճյանի խումբը հաջողեցավ Մուլիեֆի զավեշտին մեջ. այս նոր պատրաստված դերասանուհիներն ու դերասանները ցույց տվին որ լավ մարզիչի քով աշխատած են ու բնական պետք եղած տրամադրութեանը ունին. իրենց կրմնա աշխատիլ ու հառաջանալ. հիներեն շատեր կը ճանչնանք որ իրենց շափ արժեք շունին. բայց պետք չէ մոռնալ, խղճի մտք աշխատութեան գործ է դերասանութեանն, եթե կուզեն փայլիլ հոն և ձեռք բերել նախանձելի անուն մը:



Քամելիազարդ Տիկնոջ երրորդ արարվածով հանդիսականներուն թուլացած ուշադրութիւնը վերստին կամփոփվի կը հոծանա. ամեն ոք գիտե որ այս երեկույթին մեծագույն ձգողութիւնը Տիկին Սիրանուշի վերերևումն է ու անոր կսպասե անհամբեր. տասնհինգ երկար տարիներն ի վեր առաջին անգամն է որ հայերեն լեզվով թատերադրութեան մեջ կերևա ահա:

Տիկին Սիրանուշի մուտքը ահագին ծափահարութեամբ մը կողջունվի. իր քալվածքն իսկ տարբերութիւն մը ունի ուրիշ քալվածքներեն, թույլ ու շնորհալի բան մը զոր շեմ կրնար ճշտել. իր շարժումները շին շռայլվիր ու հատուկ շնորհ մը ունին միշտ. իր ձայնը արծաթի հնչյունը ունի, թրթռալով սրտերուն մեջ: Ամենքը լուռ իրեն կունկնդրեն ահա. ահա մեծ դերասանուհին ինքը, այնպես ինչպես բսած էին մեզի թիֆլիսցիք. իր արվեստը օրինակած բան մը չունի, ամեն բան իրեն հատուկ է: Եթե սկիզբները այնքան մեծ չէ իր ազդեցութիւնը, պատճառը քիչ մը այն է որ իր մարմնոյն մեծակառուց շենքը կը հերքե քիչ մը հյուծախտավոր հիվանդի դերը. ու երբ դերասանուհին կըսե թե հազիվ քիչ մը ատեն ունի ապրելու աշխարհիս վրա, ոչ ոք կը հավատա իրեն, այնքան առողջ կը զրտնե գինքը:

Բայց հետո արվեստը իր ներգործութիւնը կընե, ամենքն անձնատուր կըլլան: «Թե որ բաժնվիմ անկե, ես իսկապես կը մեռնիմ»: Այս կտորին մեջ այնքան սիրտ ու արցունք կը դնե դերասանուհին որ ամենքը միևնույն գողով կը համակվին. ո՛չ, ոչ ուշադրութիւն չենք դարձներ ոռւսահայ ասացվածքներուն որ կը սպրդին հոս ու հոն, «կր յինին», «ասում են», և այլն: Նամակը գրելու տեսարանին մեջ իր սրտի դժկամակութիւնը, ներքին պայքարը լավ բացատրեց անշուշտ, բայց կը կարծենք որ այս կտորը պետք է ավելի համր ու ծանր ըլլար. նամակագրութիւնը ավելի վարանում, ամեն մեկ բառը ավելի շատ խորհրդածութիւն կը պահանջեր. այդ պահուն իր ձեռքի հուսահատ գալարումները իսկապես ծովասուզ անձի մը ջանքին կը նմանեին: Ու հասարակութիւնը շունչը զսպած, չընդմիջե-

լուս, շխտովելու համար պատկերը, կը դիտեր. և այս անկէս-
տույց ու անձկալից՝ սպասումը՝ իրոք, ավելի էր իրրև գովեստի
արտահայտութիւն, քան այն ծափահարութիւնները որով ան-
ընդհատ ողջունեցինք զինքը վերջեն:

Արմանի դերը առաջին տեսարանին մեջ պ. Շահինյան լավ
տպավորութեամբ շսկսավ, բայց վերջեն հաջողութիւն գտավ
Մարկրիթի հետ վերջին տեսակցութեան մեջ և հորը գիրկը նետ-
վելու ձևը բոլորովին գրավիչ ու ճշմարիտ եղավ:

Պ. Շահինյան պետք է նվազ աճապարող ըլլա իր դերերոքն
մեջ. երբ սենեկին մեջ Մարկրիթը կը կանչե հետո սպասուհին,
իր «ոչ ոք, ոչ ոք»ները շատ շուտ կը հասնին. պետք է սպասել:
հույսը կտրել և հետո ըսել «ոչ ոք»:

Գեղեցիկ փունջ մը ընծայվեցավ Տիկին Սիրանուշի հայ
ճամլո ներկայացուցիչներու կողմե, ուրիշ գեղեցիկ փունջ մը
Քատը գլուղի երիտասարդներեն առ օր. Քնար և զափնյա պսակ
Ճը առ պ. Տասուլյաճյան: Լավ երեկույթ մը, եթե խումբը գիտ-
նա օգտվելու եղանակը՝ գործը շարունակելով:

Լայրենիք, 21—22—2892

ԹԱՏՐՈՆ

Ո՛վ ըսավ որ զրոսատեղի մըն է Քատրոնը: Ո՛վ ըսավ որ պարի կամ թղթախաղի տեղը բռնելու պետք է ծառայե ատեն ատեն, պարզապես զանազանություն մը հառաջ բերելու համար:

Այնքան հաճախ գրված է թե դպրոց մըն է Քատրոնը որ այս քանաձևը պիտի չկրկնեմ. իմ աչքիս, տպագրութեան նշաններու մեջ տեսնված մատնացույց ձեռքի այն նշանն է որ ընթերցողին մասնավոր ուշադրութիւնը կը հրավիրե հաշորդ հատվածին վրա:

Կյանքի անկայուն ու հեղհեղուկ երևութիւնները՝ աչքի առջև իրենց հարատե ներկայութեամբը՝ հասարակ ու անկարևոր կը դառնան գրքի մը շարունակվող ու լեցուն էջերուն պես, և թատրոնն է որ կենալու նշանը կու տա, հատուկ ուշադրութեամբ դիտելու հարկը կզգացնե աս կամ ան տիպարը որուն փողոցը հանդիպած ենք շատ հեղ առանց գլուխնիս դարձնելու:

Եվ այդ պատկերին առջև խորհրդածելու պարտավորած՝ հարկ չի՝ ըլլար դառնալ մեր անձին վրա, մեր սրտին վրա իբրև թե անոնք ալ մատնանիշ եղած ըլլային, և թատերաբեմին վրա ի տես բերված անձին մոտեն կամ հեռուն ունեցած մեր առջև-

• **Լուծյունը որոշել, հրքեմն կատարյալ մեր նմանությունը խոս-
տովանիլ**



Այս ըմբռնումով, թատրոնի բարոյացուցիչ հանգամանքին թարձրությանը ոչ մեկ արվեստ կրնա հավասարիլ: Բուն իսկ կյանքն է ան. ապրվածը, իրականը և ոչ թե գրված, երգված կամ նկարված կյանքը: Հոգեբանական կրկններույթն է. հա-
ղազատ երկվորյակներուն վրա իմաստասերը կամ բարոյա-
խոսը իր ամեն փորձերը կրնա կատարել, ամեն միջրոպները սնուցանել, հետևությունները երևան հանել. տեսակ մը Փաս-
թյորյան աշխատանոց որուն մեջ ուսումնասիրություններն ու
զննությունները կըլլան ոչ թե բնախոսական տեսակետով
նմանօրինակ արարածի մը, այլ նույնիսկ մարդ էակին վրա
Եվ հոն, հասարակությունը, փոխանակ դրան ծակեն նայելու
ներս, ներկա է անձամբ, իր աչքով կը հետևի տեսարանին
հառաջ բերած ախտաբանական երևույթներուն, վախճանին ու
դարմանի միջոցներուն:



Իսկ այն հասարակություններուն համար ուր որ ընթերցա-
նությունը տարածված չէ կամ գրեթե կը պակսի, թատրոնը
անհրաժեշտ պետք մըն է հոն: Հիմա, մարդկությունը՝ ամենն
լատ, տաղտուկ կը տառապի. հագիվ աչք մը նետած գրքի մը
առաջին էջին վրա և ահա վերջարանը հասկնալ կուզե. իր
աճապարող հոգիին ծանր կուգա էջերը դարձնել մի առ մի:
Այսպիսիներուն համար թատրոնն է որ պիտի գա իր կյանքի
համառոտ կրճատումովը ամենն նեղսիրտները գոհացնել, մեկ
երկու ժամվան մեջ ամբողջ տարիներու հոլովումը, անցքերը,
պատահածները խիտ ու հոծ ձևով մը ներկայացնել, և էպպես
շահեկան մասերը երևան հանել:

Եվ զարմանք որ մեր մեջ՝ ուր ընթերցանության սերը չկայի
պես է, ուր գիրք չի հրատարակվիր գրեթե, ուր լրագիրներն

անգամ հազիվ ուշացրիվ ակնարկի մը կարծանանան, զարմանք որ թատրերգություններ շին գրվիր մեր մեջ, շին խաղացրվիր:



Բայց թատրոնի բարձրութենեն իսկ կը հետևի թե կատարյալ բան մը ըլլալու է ան կամ բնավ ըլլալու չէ, Թիեռին մեկ խոսքը փոխ առնելով հոս ըստ պատշաճի:

Դերասանական արվեստը միջակություն չընդունիր. ասոր համար է որ այդ պայմանով ձևացած տեսարանը պետք է ուրիշ, բոլորովին ուրիշ անուն մը ստանա, բայց թատրոն չհորջորջվի երբեք:

Մեր մեջ արվեստագետներ շին պակսիր ու անկարելի չէ, բնավ անկարելի չէ խումբ մը կազմակերպել որ Թատրոնը վերակենդանացնեն: Պետք է ի բաց թողուլ արվեստագետի պզտիկ նախանձները, չբաշելու, իրարմե նսեմանալու զգացումները:

Ու գործնական վերջաբան մը տալու համար այս ամեն խորհրդածությանց, կը հավատանք որ պզտիկ ջանք մը կը բավէ վերականգնելու թատրոնը մեր մեջ:

Մեր հասարակության գործերուն գլուխը գտնվողներուն կոչում կրնենք հայ թատրոնը կազմակերպելու համար բաժին մը հանել իրենց աշխատութենեն:

Դպրոցը, — այո՛. բայց Թատրոնն ալ:

ՏԱՐԻ ՄԸ

Դեկտեմբեր 31ի հավելվածական թիվով Մասիսի 1892ի տարեշրջանը բոլորեցավ:

Տարեգլուխ մը, անշուշտ, տարբերություն չունի ուրիշ ունե օրե, բայց հանգրվան մըն է ուր անօգուտ չէ կանգ առնել, կտրված ճամփան շափելու համար ճամփուն մնացածին հետ. և, առանց սրտաթափ ըլլալու պարտականության մեծութենեն, աշխատելու ջանք ընել հետևելիք շավղին համար՝ ուղիղ գծին, երևակայական գծին մոտենալու շարունակ:

Մասիսը հրատարակողները կը կարծեն որ այդ ջանքը ըրած են միշտ խղճմտորեն ու համեստորեն. բոլորվող տարեշրջանը այս մխիթարությունը ու այս վարձատրությունը միայն կը թողու իրենց:



Քանի որ տարեկան հաշվեհարդարություն մըն է որ կընենք ահա, Մասիսի գրական արժանիքը կը կարծենք որ հաջողեցանք միշտ բարձր պահելու. դժվարահաճ ու խստապահանջ եղանք ամենուն և մեր իսկ անձին դեմ: Զանազինք, ու կը կարծենք թե հաջողեցանք, որ գրական ամեն սեռերու մեջ զորս Մասիս շոշափեց, լավագույնները տանք մեր ընթերցողներուն: Նույնպես, գեղեցկի գաղափարին զուգընթաց պահպանե-

ցինք օգտակարի, պիտանիի գաղափարը՝ միշտ գրական տեսակետով, որ ապաքեն Մասիսին միակ տեսակետն էր:

Քաջալերությունները շպակսեցան ամեն անոնց կողմնորոնց կարծիքը ու վճիռը կարևոր էր մեզի, ու այսպես սրտապլնդած, ի գլուխ հանեցինք փոքրիկ գործ մը, որ սակայն կարգ մը պզտիկ գործերու պես, մեծ աշխատություն կը պահանջեր:



Հանրային խնդիրներու մեջ երբեք սնտոի վեճերով չգրողեցանք. սկիզբեն մինչև վերջը մեր մատնանիշ ըրած նյութերը միշտ ուշի ուշով քննելի վերջը կարծիք հայտնեցինք, երբեմն խստությամբ, երբեք կիրքի տպավորության տակ, ամեն առթիվ պնդելով զարգանալու պետքին վրա, կրթական ու գրական հնոտի համոզումները, եղանակները մեկզի ընելու հարկը շատագովելով:

Մասիս օրաթերթ մը շէր, ու ըլլար իսկ, իր սկզբունքները և նույն իսկ արժանապատվության զգացումը թույլ չէին կրնար տալ իրեն վեճի ու պայքարի բռնվելու աջին ու ձախին հետ:

Մեր համոզումն այն է որ ամեն գաղափար պետք է արտահայտվի ու մտիկ ըլլվի իր ապացույցներուն ու բացատրություններուն հետ, առանց քննի, առանց նախապաշարումի:

Այս ըսել չէ թե համամիտ ըլլանք անոնց հետ որոնք՝ ներելի կը համարին առտուն կանուխ ելլողին՝ առանց ունէ հեղինակության, առանց անհրաժեշտ հմտության մը գոնե նվազագույն քանակին, ազգային կամ գրական ամեն նյութի վրա վճիռ տալ:

Բայց ընդհանրանալու վրա եղող այս ախտին դարմանը ինքնաճանաչության ու համեստության գաղափարին տարածումովը միայն կըլլա:



Այսուհետև, Մասիս շաբաթաթերթի վերածվելով, ավելի ընդարձակ սահման մը ունի աշխատելու համար. այն բոլոր ուժերը որոնցմով Մասիսը ձևացավ անցյալ տարի, պիտի

մնան ասպարեզին վրա, շարունակելով Մասիսը հրատարակել և հատուցանել հանրութեան այն պարտքի բաժինը, որ երկտասարդութեան կիյնա:

Անոնք որ հանրութեան դեմ ունենալ պարտավորութիւն չունենալու գաղափարը ունին, անոնք ողորմելի եսամուկներ են, աննշան ու անօգուտ մարդիկ ով որ ըլլան, ուր որ ալ գտնվին. անհատական հաշիվներեն դուրս աշխարհի մը գոյութիւնը շճանչողներուն բաժինը այդ աշխարհին առջև անծանոթ մնալնին է:

Հոս, հոն, պիտի պատահիք մարդոց, ծանոթներու որ թևերնուդ քաշեն, կամաց մը ականջնուդ ի վար փսփսան, իրենց Փորձառու մարդու խորհուրդները տալով.

— Անձնական գործերուդ հատկացո՛ւր եթե ժամանակ ունիս ավելորդ. ի՛նչ հարկ գրական գործի մը կապվիլ, որ փոք չկշտացնէ:

Կը մաղթենք որ այս հավիտենական անկուշտները լթուեալորեն, շապականեն մեր տղոց հոգիները:



Այլ ամեն ոք գա՛ թող իր աշխատութեան բաժինը բերելու իր տարիքին, իր կարողութեան համեմատ ծառայելով երկրին և հասարակութեան. անհատները կանցնին և կանցնի իրենց հետ կյանքերուն հիշատակը. բայց ինչ որ ապահովապես կը մնա անկորուստ, հանրութեան վաստակավորի մը անունն է, միակ ինչք՝ որ արժեք ունի, միակ հարստութիւն՝ որ չփճանար և զոր հանրային երախտագիտութիւնը կը պահպանե հավիտյան:

Այս պարզ դիտողութիւնները ըրինք պատասխանելու համար անոնց, որոնք կը կարծեն թե անխելքի գործ մը կրնենք մենք, փաստաբան, վաճառական կամ արհեստավոր, մաս մը հատկացնելով մեր ժամանակեն գրական գործի մը, երբ այդ մասն ալ մեր արհեստին մեջ կարելի էր դրամով փոխարինել:

Շահադիտութիւնը պետք է վերջապես կանգ առնե տեղ մը:

ՃԱՄՓԵՆ ՇԵՂԱԾ

Մարդկային առաջադրություններու հեղհեղուկ հանգամանքը նոր չպիտի սորվինք:

Պզտիկ զարտուղություններու, թեթև խոտորումներու, որոնցմե՝ ոչ ոք զերծ մնալու հավաստիքը ունի, չպիտի ուշադրություն դարձնեինք, եթե խոտորողը ինքը՝ իր խստապահանջ բարոյախոսի դերը ծայրահեղության տարած չըլլար, իր անմոլոր առաքյալի կոչումին վրա չբարբառեր շարունակ:

Մանավանդ խորհեցանք որ չէինք կրնար լուել անոր համար՝ որ պզտիկ շեղումը կը մեծնար հետզհետե, միակերպ աճումով մը ու, պարզապես, առջի ուղղության ու հին քարոզներուն, որոնց պարզմտությամբ ունկնդրեցինք ատենով, գլխովին ներհակին կը հանգեր:

Այս պարագային մեջ մտածեցինք որ ժամանակ էր, քիթերնուս խնդացած ըլլալու առավելությունը մեծխոսիկ քարոզիչին չձգելու համար, հին օրերուն խոստումները իր միտքը ձգել, հին բարի ժամանակներուն հիշատակը և ուխտը պահիկ մը վերակոչել:



Քարոզիչը Հայրենիքն է. ամենքը հասկցան արգենս

Իր երևումը արդարացնելու համար մեջ բերված պատճառը այն էր, կամ գեթ այնպես կը պատմվեր ամենուն, որ պետք մը կար վերցնելու այն խտրության ձևը, այն դասակարգերու անհատնում բաժանումը որ մեր հասարակության մեջ մուսկը գտնար:

Ամեն ինչ հարուստներուն տալու ու ամեն ինչ անոնցմե ակնկալելու անհիմն գաղափարին դեմ ոգորելու համար երկ-ցավ այս թերթը:

Ի սկզբանե, հրապարակին վրա ամեն բան կը վիրավորեր իր աղանդավորի պարկեշտութիւնը. իրեն նայելով՝ լրագրութիւնը ու մասնավորապես Արևելք հարուստ դասակարգին հետ շատ կզբաղեր, շատ տեղ կուտար անոնց իր սյունակներուն մեջ. անոնք միայն գոյութիւն ունեին իր աչքին. անոնց ծնունդը, ամուսնութիւնը կամ մահը հանրային դեպքեր էին զորս կը փութար արձանագրել:

Հայրենիք ինք ուրիշ սկզբունքներ մեջտեղ դրավ. իր լուրջ խմբագրականներեն սկսած մինչև ամեն զվարթամիտ կատակաբանութիւնները որոնք Զուռնաճյան էֆենտիի հարսնիքի ծանուցումովը խնդալի մարհցուցին զմեզ, միևնույն անխախտ կամքը կը հայտնեին:



Ո՞ւր են հիմա այն հին բարի ժամանակները: Հարուստներուն ամուսնութեան կամ մահվան նկարագրութեանց ջրհեղեղային ողողումին տակ Հայրենիք անտես եղավ մեր աչքեն: Իր խմբագրականները երբեմն ոչ այնքան հոգածու գրչի կարտադրվին, անոնց մեջ ոչ այնքան համառութեամբ փնտրված է բուն բառը կամ պարբերութեան գեղեցիկ դարձվածքը որքան այդ ողորմելի նկարագրութեանց մեջ:

Բարեշրջութեան օրե՞նքն է արդյոք այս անակնկալ ու հետադարձ ձևը լրագրութեան, զոր ցավով պետք է խոստովանիլ:

Հայրենիք կատարելագործյալ վիճակի մը բերելուն կրնա պար-
ծենալ:

Այս ճամփուն մեջ անգամ մը մտնելի վերջը, անակնկալ-
ներու շարքը գուշակելու հավակնութիւնը շունինք, բայց կըս-
պասենք որ այս օրերս կարգանք Հայրենիքի մեջ Զուռնաճյան
էֆենտիի անդրանիկ զավկին ծննդյան լուրը որուն համար հա-
տուկ խորագիր մը ստեղծված է ԲԵՐԿՐՈՒՆԻՆ, այս անգամ
ստանց կատակի:



Տեղն է որ հիշեցնենք մեր Հայրենիքի բարեկամներուն որ
լրագրութիւնը քահանայութիւն մը դավանելի հետո պարտա-
վոր են անոր մաքուր ու խիստ պարտավորութիւններեն ա՛յ
լիսուսափիլ: Ավետարանիչին պես շպիտի ըսենք իրենց որ ի՞նչ
պետք է ընել ուրիշին աչքին մեջ շյուղը փնտրելու իրավունք
ստանալու համար, բայց ըսենք պիտի միայն որ կարգավոր
համարվելու համար քիչ մը կարգ պահել անհրաժեշտ է:

Մարտ, 23—2—1893

ՊԱՐՊՎԱԾ ՕԴԱՊԱՐԻԿ

«Հայրենիք»ի արձակած սուր ճիշը չի զարմացնեք զխոհարարներն ցավը սրտին զարկած ըլլալուն նշանն է:

Իր ցասմնակոծ թոթովումին մեջ սպրդող կոպտութիւնը՝ ապրանքը շհավնվելուն համար բերանը ավրող խանութպանի լեզվին չի՝ նմանիր քիչ մը:

«Հայրենիք» այն ատեն միայն նշանակութիւն մը ստացած էր, երբ մեր երիտասարդութեան մտավոր ձգտումը ներկայացնելու հանգամանքը ունեւր. այս նշանակութիւնը շկրցավ պահել երկար ատեն. իր աշխատակիցները՝ որոնք իր մնայուն խմբագրութենէն շատ ավելի մեծ նշանակութիւն մը կը կազմեն իր անունին շուրջը, գաղափարի մը ծառայելու տենչանքը ունենին ու շէին կոնար մնալ այն տեղ, ուրկե կեղակարծ փերեզակի մը հոտեր կսկսեք գալ:

Նախատինքները՝ մարմիններու անկումին կը նմանին. այնքան ավելի ծանր կը կշռեն, որքան բարձր են կուգան. բնագիտական պարզ օրենք մը՝ որ բարոյական աշխարհին մեջ նույնքան ստույգ է և կը խորհիմ որ այս հաշիվով նեղանալու հրավունք շունիմ «Հայրենիք»ի պատասխանին անշնորհ ձևին վրա: Զեմ գիտեք թե «Հայրենիք»ի մեջ կը հասկնա՞ն խոսելու:

այս եղանակը. ամեն պարագայի մեջ իմ միտքս չէի կրնար
յավագույն կերպով բացատրել:

Հետո, այս վեճը շարունակելու համար եղած կանխահաս
ազդարարութիւնը բոլորովին ավելորդ էր, ըստ որում գիտ-
ցողները գիտեն ու շփոցողները կրնան գիտնալ, թե սկզբուն-
քի, ուղղութեան, գաղափարի վերաբերյալ խնդիրներու վրա
հմտութեան ու պատշաճութեան սահմանի մեջ բանակով մը
շարունակելու կարող շատ մարդ չկա «Հայրենիք»ին մեջ:



«Հայրենիք»ի առաջ բերած արդարացումը՝ իր դատապար-
տութիւնն իսկ է: Տարակույս չկա որ բանավոր չէ հերավի ու
հանիրավի հարվածել պերճ դասը որ մեր հասարակութեան
մեկ մասը կը ձևացնեն ճիշտ ինչպես աղքատներն ալ՝ ուրիշ
մեկ մասը անոր: Ասոնք շատ ազվոր, շատ սիրուն խոսքեր են.
Եթե մեկ պակասութիւն մը ունին, այն է թե այս խոսքերը
«Արևելք»ին են և ոչ ձերը, կամ թե, այնքան ձերն են որքան
Հովվական Աստվածաբանութիւնը՝ իր Սրբազան հեղինակին:
Այս խոսքերը հեղհեղված են ձեզի դեմ ու ձեզի դեմ միայն:

Հիմա, ինծի դեմ հառաջ բերելով այս բացատրութիւնները,
պաշտպանութեան գործիք մը ընելով ձեռքերնիդ, գրեթե համ-
բուրելով այն խարազանը որով զձեզ մտրակած էին ատենով,
հեղհեղով թե հաստատամիտ լրագիր մը ըլլալնիդ ցուցուցիք:

Գուց որ հրատարակած եք Մեծերը ու պզտիկները է վերնա-
գրով հոգիւս, գիտեք թե ի՛նչ էր իմ ուզածս. ես համերաշխ
գործակցութիւն ու արդար բաժին կուզեմ երկուքին համար ալ:

Սո չըսի ձեզի, որ ազգին օգտակար անձի մը մահը պետք չէ
որ գրեք. չըսի մինչև իսկ որ անօգուտ անհատի մը մահը չի
գրեք երբոր կը վճարեն ձեզի. գիտեմ որ կատունին բերանը
ունիք միայն և ոչ սիրտը. գիտեմ որ չեք կարող ձեր անձին
համար ըլլալ այնքան խստապահանջ որքան դուք հանիրավի
աններող եք ուրիշներուն դեմ:

Այլ ըսի միայն և հասարակութիւնը ինծի հետ պիտի ըսե
ձեզի որ ձեր թերթը այն չէ որուն աշխատակցեցանք ատենով:

Կրսեք որ ձեր «Աշխարհիկ Կյանք»երը ու «Տխրունի»ները վճարված ծանուցումներ են. որո՞ւ մտքեն պիտի անցնեք. շատ հնարագյուտ նրբություններ ունիք:

Սվ միթե շահագիտությունը կը դադրի՞ շահագիտություն ըլլալե, անոր համար որ ճարտար ձևերու տակ կը ներկայանա. էական բանք հոս, այդ հոգվածներուն դրամի փոխարեն գրված ըլլալու խոստովանություննիդ է. և ուրիշ մը իմ տեղս պիտի գոհանար ադով. բայց ես կուզեմ նաև տրամաբանելու կարողություննիդ ալ երևան հանել, տեսե՞ք ինչ կերպով:

Կրսեք որ այդ ծանուցումներուն տակ «պատմական ստուգությունները» կը զետեղեք: Պատմական անցքերը՝ վճարված ծանուցումներն անշատ դնելու տեղ չի գտա՞ք:

Մտածեցե՞ք որ հակասություննիդ անհեթեթ սեպվելու շափ մեծ է. կա՛մ պատմական ստուգություններ, կարևոր անցքեր կը հրատարակեք այդ խորագիրներուն տակ, այն աղքատասեր վաճառականին մահվան պես որուն կակնարկեք, և այն ատեն պետք չէր որ այդ հանրային կորուստը՝ վարձված ազդարարության մը մեջ անհոգ կերպով թաղեիք, առանց ունէ խորհրդածության ձեր կողմն, երբ այնքան շուայլ եք ձեր բոլոր մտածածները պարզելու ամեն առթիվ և կամ հարսի մը շրջագոգեստին ձեր և ժանյակներուն Ալանսոննն գալը՝ պատմական ստուգություններ կը նկատեք:

Այս երկսայրաբանության առջև, կզգաք, այնպես չէ՞, որ փախուստ չունիք ու պատին փակած եք բոլորովին:



Դժբախտություն մըն է անշուշտ որ այն երիտասարդները՝ որոց բարոյական երաշխավորության տակ այս թերթը հասարակության ներկայացավ, որոց գրական փառքովը պարծենցավ ամեն օր, շատ ուշ տեսան մանվածապատ շավիղը որուն այս թերթը կը հետևեր:

Ի՞նչ էր առանց մեզի, առանց իր շուրջը բոլորվողներուն, այս թերթին իրեն հատուկ ուժը. ու հիմա այս թե՞րթն է նորեն,

որ կը համարձակի «Մասիս»ի խմբագրապետին ըսել որ պատիվ մը կընն վիճարանելով իրեն հետ:

Կուզե՞ք որ փունջ կապեմ այն գովասանքներեն զորս ձեռքերթին մեջ ըրիք իմ համեստ անձիս համար. աշխարհի առջև շպարժեցա՞ք միթե էն շնչին գրությունս ալ իրրև խմբագրական հրատարակելով:

Եվ հիմա որ հեռացանք «Հայրենիք»են, հիմա որ բազեթներով զարդարված այս ոամիկ սազը ձգեցինք իր ճահիճի կյանքին, հիմա՞ ուշաբերեցաք ըսելու համար որ պզտիկ ու թեթև մարդու հետ գործ ունեցած էիք: Ա՞յս կերպով կը պաշտպանեք ինքզինքնիդ՝ հեղհեղուկ, առանց սկզբունքի լրագրի ամբաստանության դեմ. հաստատած թե հերքած եղաք իմ ամբաստանությունս: Եվ որ ցույց կուտաք ահա թե որքա՞ն ապիկար եք նույնիսկ ձեր անձը պաշտպանելու գործին մեջ, ձեզի՞ մնացեր է հանրային շահերը պաշտպանել:

Եվ այն պահուն որ կը վերջացնեմ այս տողերը, ի՞նչպեկրնամ արգիլել ինքզինքս մտածելե այն առջի օրերուն: Ո՞ւր է այն լեցուն, ուժով ու բարձր թռիչքով օդապարիկը, որուն ճախրանքը պիտի դիտեինք. պարպված, կծկված բան մըն է հիմա. օդաշու հսկայեն՝ գետնաքարշ թզուկ մը մնացած:

ԿԵՆԴԱՆԻ ՄԵՌՅԱԼՆԵՐ

Սրբազան Հա՛յր,

Այսօր մեռավ հոս տոբթոր Պեհրան որ շատոնց արդեն մեռած էր մեր ազգին համար:

Այսպես կը գրեր քսան տարի առաջ Հյունքյարպեյնտյան Տ. Հայրը Փարիզեն, վերադառնալով համբավվոր բժշկին հոգարկավորութենեն:

Վերջերս, ֆրանսական ոստանին մեջ մեռնող ոս իր բոլոր հարստությունը Ֆրանսայի կտակող հայ միլիոնատերին մահը այս խոսքը միտքս կը ձգե:

Այս մարդն ալ շատոնց արդեն մեռած էր իր ազգին համար, մեր հասարակության աչքին իր գոյությունը կը նմաներ զոց և պարապ խանութի մը ճակատը դրված այն ոսկետառանունին որուն տերը շատոնց թողած գացած է իր վաճառատունը, մինչդեռ միամիտ անցորդը կը շարունակե դեռ հեզի այդ ոսկեքանդակ տառերը:

Ճեյ Կուլտի մահվան առթիվ ըսվեցավ որ Միացյալ Նահանգաց ժողովուրդը չէր ուզած ընդունիլ այս խաղամուլին թողած կտակը:

Փարիզի մեջ մեռնող այս կենցաղասեր ոս օտարամուլ հաշ

հարուստն ալ մին էր այն էապես ողորմելի արարածներն որոնք հարստութեան երեսը տեսած օրերնուն՝ իրենց անցյալը ուրանալով կը պարծին. Ճեյ Կուլտե մը հազար անգամ ավելի արհամարհելի է այս մարդուն աղտոտ կտակը և գոհ ենք որ մեր ազգին չի գար իր լուման:



Եվ այս մարդը Պոլսո մեջ, անոր լավագույն վարժարանին մեջ, Ճեմարանին մեջ կրթված մեկն էր. հետո կարծեմ քիչ մըն ալ ուսուցչութիւն ըրած էր. անկե վերջը մտած առևտուրի մեջ ուր 4—5 տարվան մեջ մեծ հարստութիւն մը ձեռք բերելե վերջը Փարիզ քաղված էր, իր եկամտովը ապրելու համար:

Այդ վայրկյանեն արդեն այս մարդը իր բարոյական չափը տվեր էր. ի՛նչ է, քաղաքակրթութեան համար, առանց աշխատութեան, միայն եկամտով ապրող մարդ մը. ո՛չ ապաքեն ամեն ոք, ո՛ր դասին ալ վերաբերի, նորեն բաժին մը, պարտք մը ունի կատարելու աշխարհիս մեջ:

Այս մարդը կարծեր էր որ շորս տարի աշխատելե հետո միայն իրավունքներ ուներ ալ. կյանքի հաճույքները վայելելու իրավունքները զորս շարաշար կերպով ի գործ կը դներ:

Իր ազգը, իր երկիրը մասնավորապես չսիրելուն կը պարծենար և այս է այն մարդը որուն առթիվ ըսվեցավ թե մեր ազգը պետք էր ստանձնել անոր մոտ՝ մուրացիկ ազգականի մը դերը, որ հոգեվարին անարին քով, վերջին վայրկյանին կուգա անոր հիշեցնել զիրենք միացնող մերձավորութիւնը:

Ո՛չ. հասարակութեան մը վայելուչ դեր մը չէ այս ճիտը ծուռ մուրացականի դերը. ո՛չ, պետք չէ որ զիջանի ան ողորմութիւն խնդրելու երբեք. ազգ մը իր անհատներուն պահանջումներ կրնա ներկայացնել և ոչ խնդիրքներ:



Մենք մեր արտաքին լուրերուն մեջ թաղեցինք այս օտարացած հայուն մահվան լուրը, ճիշտ ինչպես մեր եկեղեցա-

կանությունն ալ անոր դիակը պիտի թաղեր մեր գերեզմանատուննն դուրս:

Ու քանի՜ հատ պիտի թվիինք այս կենդանի մեռյալներեն, եթե թվահամար մը շինելու փորձությունն ունենայինք:

Նույնիսկ Պոլսո մեջ շախտի՞ գտնեինք տուներ՝ ուր ֆրանսերեն կը խոսին ու ֆրանսերեն կզգան. ո՛չ իրենց լեզուն գիտեն շնորհքով և ո՛չ մեր երկրին լեզուն:

Ի՞նչ կըլլան ասոնք վերջ ի վերջո. կը հաջողի՞ն գեթ ֆրանսացի դառնալու:

Զմյուռնիո մեջ ամբողջ սերունդ մը կա օտարացած հայերու. տեսած եմ զանոնք. հայեր չեն ուզած մնալ ու ֆրանսացի չեն կրցած ըլլալ: Ասոնց համար էր անշուշտ որ քերթողն ըսավ.

Օտարացե՛ք, հեռացեք, որչափ կամիք,

Միշտ եք զուք մեր դասալիք:

Մասիս, 6—2—1893

ԷՄԻԼ ԶՈԼԱ

(Մեր պատկերը)

Մշտնջենական պարտյալ մը ֆրանսական Ակադեմիայեն ու մշտնջենական հաղթող մը ֆրանսական գրականության մեջ:

Իր անունին ճակատագիրն է, գրական մեծ անուններու պես, տարուբերիլ ամենաջերմ դրվատիքի մինչև ամենախիստ դատափետություն. ալեկոծիկ լաստի մը պես բարձրագույն գագաթները ելլել ու ամենախոր վիհեր իջնալ:

Իր բարեկամները ու հակառակորդները հավասար կատաղությամբ կը պաշտպանեն ու կը դատապարտեն իր գործը, բայց ոչ ոք, ոչ ոք կը ժխտի իր գրական մեծ տաղանդը:

Տիտոյեն, Սթանտայեն, Պալզաքեն, Ֆլոպեռեն ետքը Զոլան այսօր անվիճելի գլուխն է այն դպրոցին որ գրականության մեջ կեղծիքը, ստությունը, խաբեությունը վերցնելու հարկը կը դավանի:

Գրականությունն՝ որ Գիտության մասն է՝ չի կրնար անոր հակառակորդը ըլլալ. այս է իր համոզումը. հիմա միևնույն գաղափար չէ՞ որ Գեղարվեստին համար ալ կը հայտնվի ամենուրեք. Վակների հաջողության գաղտնիքն ալ Զայնարանության մեջ մեծ վարպետ մը ըլլալուն մեջը չէ՞ միթե:

Ճշմարտութիւնը՝ ուրեմն ամեն բանն առաջ, մանավանդ թե ամեն բանն վեր. ահա գրականութեան արդի բանաձևը. որ, Զուլայինն է:



Ըսին որ կյանքի այն հոյակապ ուսումնասիրութիւնը որ «Ռուկոն-Մագառներ»ու շարքովը կը մարմնանա, իր նկարամոլ ճշտապահութեամբը վնասակար ու վտանգավոր բան մը ունեւր հանրային բարոյականութեան համար:

Ամեն անոնք որ մոլութեան դեմ մաքառած են, վար առնելով անոր կեղծիքի դիմակը, ամենքն ալ այս ամբաստանութեան ենթարկված են: Հարկ էր ուրեմն մոռնալ որ մոլութեանը գոյութիւն ունի կամ ցույց տալ զայն Ֆյոյլեին պես այն նորը շպարներով գեղեցկացած որ հրապուրիչ ընծային զինքը անփորձ աչքերու:

Այսպես չէ խորհած ֆրանսացի մեծ վիպագիրը և պարկեշտասուն Անգլիան վերջերս իր մեկ մեծ գրագետին բերնով. որ վերնոն կի կստորագրե, ճանչցած է որ Զուլայի ձեռնարկած գրական վաստակը էպես բարոյացուցիչ հանգամանք մը ունի:

Իր վեպերուն մեջ Դոբախտութիւնը ու Անկումը ուսումնասիրած է այս մեծ գրագետը ուրիշներու թողլով Բախտը ու Հաջողութիւնը պանծացնելու դյուրին գործը:

Խավարին ու տիղմին մեջ ռահվիրա մը եղած է իր ներողամիտ իմաստասիրութեան լուսը ցրվելով հոն ալ, Զգվանքի ու սոսկումի աշխարհին այս մեծ խուզարկուն՝ շահեկան, ապշեցուցիչ ու զմայլելի բաներ գտած է այնտեղ. ու տիրող ընդհանուր փտտումին վրա առանց հուսահատելու, նոր հավատք մը, նոր ուժ մը քաղած է անկից վերակենդանութեան, մաքուր ու անբիծ կյանքի մը ծագումը այդ աղջամուղջին:

Այս է ահա իր եզրակացութիւնը որ սրտապնդութիւն կուտա ընթերցողին, իր վիրաբույժի գործողութիւնը որ շարավի ու թարախի գարշանքը ունի, կենդանութեան, գրեթե վերակենդանութեան գործ մըն է:



Ռուկոն-Մագառներու շարքին մեջ ամենքը համաձայն են «Ժերմինալ»ը իր գլուխ գործոցը համարելու մասին: Կարո՞ղ եմ արդյոք ես, հայ հրապարակագիր մը, իր նվազ համբավավոր մեկ հատորը նախադասելու: Եվ սակայն առանց քաշվելու պիտի ըսեմ որ ամենեն գերազանցը կը համարիմ իր Գործը «L'oeuvre», որ կարծես իր անձին վրա գրված, իր ճակատագրին վրա մտածված երկ մըն է:

Քլոտի ու Ֆաժըռոլի անունները ընկերական պայմանագրութեանց հետևանք ստեղծված երկու ոսոխ գլուխներու անունները պիտի մնան:



Իր հռչակավոր վեպերու շարքին մեջ «Ժեռմինալ» են հետո, որ հանքերու մեջ աշխատողներու զոհողութեան ու տանջանքի կյանքը կը ներկայացնեն, կուգա «Ասոմուառ»ը, որ գործավորաց կենցաղը կը նկարագրեն. արեւելքումը շաղախված, փճացած գոյութիւն. «Երկիրը»՝ որ հողագործներու նյութապաշտ ու անասնացած ոգին կը մերկացնեն, «Քո Պուլը»՝ որուն մեջ քաղքենիներու արտաքին շենքին ու շնորհքին տակ պահ-վրտող՝ բարոյական նեխումը մատնանիշ կըլլա, «Դրամը»՝ որ շահագոյններու բարքը կը պատկերացնեն իր խարդախութենէն ձեռացած ճարպիկութեան ու ձեռներեցութեան մեջ. «Նանա»ն՝ որ անձնամատուց կնոջ մը՝ ամեն դասակարգի անհատներու վրա ի գործ դրած տարփական նախճիրներու պատմութիւնն է և որ մաժնող շաղախին պես միլենույն շենքին բոլոր քարերը ու մասունքը իրարու կը միացնեն միլենույն ապականութեան խմորովը. և ամենեն ետքը «Քայքայումը»՝ Ֆրանսայի անակնկալ պարտութիւնը 1872ին:

Այս համառոտ թվումն ընել, մեկիկ մեկիկ ճշտելով իր գործերուն բարձր նշանակութիւնը ու իմաստասիրական կապը որ բոլորը իրարու կը միացնեն, շի՞ քաղիք հաստատելու համար թե այս անբաղդատելի վիպագիրը մեծ բարոյագետ մըն է նաև,

թե որքան քիչ ճանչցած են Զուլան անոնք որ ապականիչ ու վտանգավոր բան մը կը համարին անոր գրական վաստակը: Ասոնք են ահա իր «Ռուկոն-Մագառներ»ու շարքին ամենեն փայլուն գոհարները:

Այս հսկայի աշխատութենեն զատ էմիլ Զուլա նշանավոր է իր գրական քրիթիկներովը որոց առաջինը «Իմ Ատելություններս» հորջորջած է:



Այս անվանի գրագետին հատկանիշը, որով իր մեծ դեմքը կը ճշտվի ժամանակակից ֆրանսացի այնքան նշանավոր գրողներու մեջ, իր ոճին կորովն է, նկարագրութեանց ապշեցուցիչ ճշտութիւնը, պատկերներու ճոխութիւնը և ընդարձակութիւնը:

էմիլ Զուլա անհատի վիպագիրը չէ այլ մարդկային ահագին կույտերու, ամբողջ դասակարգերու:

Ինքն է միայն որ գտած է անհամար բազմութիւն մը մեկանց, մեկ հատորի մը մեջ երևան հանելու, ապրեցնելու ու երկարածիգ պատմութեան տևողութեան միջոցին՝ ամենքն ալ աչքի առջև պահելու դժվարին խնդրույն լուծումը:

Իր ամեն գործերուն մեջ հարյուրավոր արարածներ են որ կը շարժին, կապրին, կը խոսին. ընկերութեան մեկ կարևոր մասն է որ տեսարանին վրա կուգա և կը կենսա հոն մինչև որ վարագույրը իջնա:

Իր իմաստասիրութիւնը կյանքի պայքարներու գիտակից մարդու ներողամտութեամբը տողորված է. այս գրագետը գիտե թե որքան քիչերու վերապահված է ուրիշի դեմ աններող ու խստապահանջ ըլլալու ահարկու իրավունքը:



էմիլ Զուլա երկրաչափի մը զավակն է. իր հորը վերահաս մահը, ժառանգական դատերու մեջ՝ հայրենի հարստութեան վճացումը հարկադրած են զինքը կիսկատար թողուլ իր ուսումը:

Իր երիտասարդութեան տարիները՝ Փարիզի մեջ՝ սև չքավորութեան, կես-անոթութեան տարիներ եղած են:

Հետո սկսած է ապրուստը ճարել Հաշեթի հոշակավոր գրավաճառին քով աշխատելով իբրև պաշտոնյա, ուրկե հրապարակագրութեան մեջ թևակոխած է «Տիգրան»ի մեջ ընդունվելով իբրև քննադատ և որուն էջերուն մեջ պարզած է իր բնապաշտ գրագետի համոզումները որ այնքան ոխ ու ատելություն հարուցած են իր շուրջը և որ մինչև հիմա վառ կը մնան իրմէ հարվածյալներե շատերուն սրտին մեջ:

Անկե վերջը իր գործերը ընդունելութիւն գտնել սկսած են, հաջողութիւնը իր ոտքը եկած է վերջապես:

Ձույս մեծ համբավ կը վայելի մասնավորապես Ռուսիո մեջ որ ռուսական Հանդես»ին աշխատակցութեամբը հոշակավոր է: Ապաքեն իր հուզած բոլոր ընկերական մեծ հարցերը՝ օրվան խնդիրներ էին հոն և ընթերցողը չէր կրնար անտարբեր մնալ այս հրապարակագրին որ այնքան կարեկցութեամբ կը ճշտեր անտարբեր աշխարհի աչքին՝ անոր անժանոթ պահված կյանքին պայմանները:

Մեծ վիպագիրը առանձնասեր ոգի մըն է: Ընկերութենե ու թաղութենե կը խորշի՝ գրքերու մեջ ամբոխի սիրահար այս մարդը. իր բոլոր երազը եղած է առանձին ու անշշուկ գոյութիւն մը:

ԻԶՄԻՐ

Ի զմիրի հայերուն վրա շատ աղեկ կամ շատ գեշ խոսած են միշտ. ոմանք՝ անոնց բարեկեցիկ վիճակը տեսած են միայն, այլք հանրային գործունեութենն հեռու կեցող երիտասարդություննին:

Տարբեր տեսակետներով՝ միևնույն հասարակությունը տարբեր, գրեթե հակասական երևույթներով ներկայացած է. շատ մոտեն կամ շատ հեռուն՝ դիտած են զայն ու ամենևին չի զարմացներ զիս այն հակառակ վճիռները որ մամուլի միջոցով կարձակվին անոր վրա:

Ի զմիրի հայերը՝ մենն կանուխ թևակոխած են հրապարակագրության մեջ իրենց Արշալույսովը, որ անայգ վերջալույսի մը փոխված է հիմա: Կրագրության մեջ մեր անդրանիկներն են ուրեմն: Արևելյան Մամուլը, իր կրտսերը, ահա մոտիկ քառորդ դարե մը ի վեր կը շարունակվի իր ալևորած հիմնադրին անվթար հավատքովը: Առաջին Արևելքը, որ երևցավ Յրանսայի մեջ, ի զմիրցի մը հրատարակեց, Ստեփան Ոսկան¹. և ինչ որ ալ ըլլա Ռեֆորմի խմբագրապետի վերածված այս հայուն վրա կազմվելիք դատաստանը, որքան ալ մեծ մոլորանք մ'ըլլա իր լեզվեն ու գրականութենեն երես դարձնելու դավանությունը:

նորեն այդ հրապարակագրին անցյալ գրական վաստակը կեցած է ու իր անունը մոռացումն փրկելու պիտի բավի:



Անհատական զարգացումով Իզմիրի հայերը մայրաքաղաքի հայերեն ետ շեն մնացած, ու ճիշտ այս անհատական գերազանցությունն է որ վնասած է իրենց:

Հո՛ս Մամուրյան² մը կը կենա, հո՛ղ Ոսկան մը, Կոստանդյան³ մը, Նուպար⁴ մը, Մսերյան⁵ մը—ամեննն ծանոթները հիշելով—և այս ցրված, բաժնված գրական ուժերը Ազամեմնոնի ճամբարը կը հիշեցնեն:

Ծրակայեցե՛ք մեծ հավատացյալներ որոնց յուրաքանչյուրը իրեն հատուկ մատուռ մը շինել տար ու հո՛ն միայն աղոթել ուզեր, երբ այնքան դյուրին էր իրենց՝ եկեղեցի մը շինել ուր հասարակությունն ալ գար աղոթելու: Ահա՛ Իզմիրի գրական մարդոց անտեսած ճամբարությունը. ժողովուրդը՝ որ ամեն հրապարակագրի հոգածության առարկան պետք է ըլլա, իրենց ուշադրության արժանացած ըլլալ չի վիր: Գրականությամբ զբաղած են իբրև տիլեքանքներ և իրենք զիրենք ոնէ պարտավորության գաղափարով կապված շեն զգացած հասարակության հանդեպ:

Ասոր համար է որ առօրյա օրաթերթ մը շունին, ասոր համար է որ անդրանիկ Արևելի խմբագրապետը չքաշվիր իր լեզուն մոռցած ըլլալը խոստովանելն՝ հորմե հետե ֆրանսերենը մշակած է միայն ու ասոր համար է դարձյալ որ Մեթուտի հեղինակը⁶ իր նոր աշխատությունը ֆրանսերեն կը պատրաստե:



Եվ երբ այդ գրական մարդերեն ոմանք այսպես կը թերանան, կը լքին ու իրենց նշանակությունը կը կորսնցնեն, ի՞նչ վրնն հասարակությունը անդին: Մոտեն ճանչնալուս՝ գիտեմ որ այդ հասարակությունը չի խաբվիր Տելեմաքի նավուզիդը

պատրող դիցուհիներն որ Ոսկանի մը, Կոստանդյանի մը պես մեծ իմացականութիւնները կրցած է մոլորցնել՝ տնոնց աշքին՝ Ֆրանսական լեզվին տալով այն տեղը, որ մայրենի լեզվին հատուկ է:

Տոհմային արժանապատվութեան զգացումը վառ ու կենդանի է հոն և իզմիրցոց Արևելյան Ակումբը, զոր Մաւրնի թղթակցին անձուկ միտքը զրոսարան մը կարծած է, այդ զգացման ամենեն ազնիվ արտահայտութիւնը, ինքնուրույն անհատականութեան մը գովելի ցույցն է:

Իզմիրի հայերը եվրոպացվոց քնուպները կը հաճախեն ոտիս մը լվանքներ, որոնցմէ ձևացած են այդ քնուպները, համարձակեր էին պետք եղած հարգանքը զլանալ մերիններուն:

Արևելյան Ակումբի հաստատութիւնը՝ ինքզինքը հարգել տալ գիտցող հասարակութեան մը կողմէ տրվելիք վայելուչ պատասխանն էր ադոնց:

Ահա՛ ինչ որ պետք է տեսնել այդ հայ Ակումբի հաստատութիւն մեջ:



Այսպես ահա պարզ հասարակութիւնը կը շարունակէ պահել իր ավանդութիւնները, որոնք բոլորն ալ պատվո ձևանդութիւններ են: Ու այս մրցումի քաղաքին մեջ ուր գործունեութեան ամեն ճշուդերուն համար սաստկագուն սայթաբար կը մղվի անընդհատ, մեր ազգակիցները իրենց թիվն անհամեմատ կերպով բարձր դիրք մը ձեռք բերած են ու միշտ բարձր պահած են մեր անունը:

ՄԱՆԱՆԱ

Գաժառնները գացող ուսուցիչները գիտեն որ հոն՝ չքավեր իրենց միայն ուսուցիչ ըլլալ. պետք է նաև տիրացու ըլլալ եկեղեցվո մեջ. քարտուղար՝ թաղական խորհուրդին. պարտամուրհակ գրող՝ ամեն հեղ որ հարկ տեսնվի. թղթակից՝ Պոլսո լրագիրներու. բժիշկ՝ եթե հիվանդ մը պատահի. երկրագործ՝ երբ վարուցանի մասին մշակը իր կարծիքը հարցունն:

Ներելի չէ իրեն ասոնց ամենքը միասին չըլլալ. չըլլալ նախախնամական մարդը որ ամեն բան գիտե ու ամեն բանի կր ծառայե ի հարկին:

Արմատացած նախապաշարում մը կուզե որ լրագիրն ալ այդ գաժառական ուսուցիչը ըլլա, ամեն տեղ ու ամենուն համար: Մանրաչափ մը որ, միևնույն վայրկյանին, ամենն տարանջատ վայրերուն մթնոլորտային վիճակը բացատրե: Անխոս գործիք մը՝ որ ամենուն պետքերը ըմբռնե ու դարմանները ցույց տա:

Հետո, այս ընդհանուր պարտականութենն վերջը, անհատական պահանջումները, հաճույքները ու քմահաճույքները ի հաշիվ առնե, երբեմն գուշակե և միշտ գոհացում տա անոնց:

Պիտի պատահի հաճախ, որ այս տեղական կամ անհատա-

կան կամքերը հակասեն իրարու. լրագիրը պարտավոր է երկուքին ալ սիրտը ընել, դյուրաթեք ու ճկուն ըլլալ՝ ամենեն ներհակ ձգտումներուն հարմարելու շափ:

Ընթերցողներեն մաս մը՝ գրականութեան հետամուտ է, ուրիշ մը՝ գիտութեանց փափագող. աս՝ բանասիրութենէ կախորժի ու աղ՝ բանասիրութեանը կատե. գավառացին՝ ներքին լուրերու հետամուտ է ու մայրաքաղաքացին՝ եվրոպական տեղեկութեանց. վարդապետը՝ նորավեպ կր սիրէ միայն ու աշխարհականը՝ հանկարծ հավատքի տազնապէ մը բռնված՝ կրօնային վերացումներու պետքը կզգա:

Լրագիրը, այս խառնակ զանգվածին առջև, հարկադրված է տեղի տալ, հեղուկի մը պէս, ուզված ձևը մտնել և ըլլալ մանաւ-լրագիրը ուսկից ամեն ոք՝ իր սիրած համը կարող ըլլառանել:



Մեր մեջ, լրագիրները այս իտեալին կը ձգտին, ու այս վախճանին կը դիմեն սկզպտիկ փիլիսոփայութեամբ մը զինված: Աչեն ու ձախեն՝ զիրենք քաշող ընդդիմամարտ ճաշակներուն առջև, կը շվարին ու անշարժութեան մեջ կը մնան: Իրենց կարծեցյալ հառաջդիմութեանը՝ աննպատակ դեգերանք մըն է և իրենք առաջինն են որ կը ծիծաղին իրենց գրածներուն վրա:

Ո՛չ մին՝ հարկ եղած արիւթյունը ունեցած է ի բաց վանելու հանրութեան այս կամքերը ու թոթափելու ընթերցողներուն հաճելի ըլլալու տկարութեանը որ նյութական տկարութեանն է ապաքեն:

Տեսնված է որ է՛ն հոխորտները, հաճախ է՛ն հաճոյակատարները ըլլալու վիճակվին: Իրենց բոլոր բարի կամեցողութեանը, իրենց ազնիվ առաջադրութեանները շեն կրցած տուկայ այն մեղմ ու հարատե հարձակումին՝ որուն ենթակա է ամեն թերթ իր ընթերցողներու կողմեն:

Ամեն ոք՝ իր խրատը կուտա թերթին ուղղութեան, պարտականութեան ու հաջողութեան պայմաններուն վրա:

Եվ, բարոյական մեծ ու շա՛տ անխախտ նկարագրի տեր

մարդ պետք է ըլլալ, անհողողող մնալու համար այն չուկետին վրա, որ ամեն ազգեցութենն անկախ, որոշված էր և որ ահա՛ անզգալարար, մեղմիվ կը կորսվի, աչքե անտես կըլլա բոլորովին:



Ընթերցողն է, հասարակութունն է որ կապականն թերթը՝ իր ներգործութունը, որ ուրիշ տեղ սովորաբար փրկարար ու օգտավետ բան մըն է, հոս խանգարիչ ու եղծիչ թթու մը կըլլա:

Եվ լրագիրը, նախ՝ առանց զգալու և վերջեն՝ գիտակցությամբ կը դադրի առաջնորդ մը ըլլալի, խոնարհ հետևորդ մը դառնալու համար: Ինքը՝ որ ուղին պիտի ցույց տար, հիմա ուրիշներեն կսպասե որ իր հետևելիք ճամփան ցուցնեն: Իրեն հատուկ կամք ու նպատակ չունի, բացի սկսված գործը աղեկ կամ գեշ շարունակելու ունայն պարծանքեն: Իր անհատակա-նությունը, իր եսը, այն ատելի եսը վերցած ու տեղը եկած է բազմագլուխ հրեշ մը՝ որ Շվարում կը կոչվի:

Այդ վայրկյանն, ալ իր նյութականը քիչ շատ ապահով-ված է: Ընթերցողը գոհ չէ բոլորովին—որովհետև ընթերցող մը գոհ չի կրնար ըլլալ—բայց դժգոհ ալ չէ. իր ուզած թերթը չէ այս, բայց շուգածն ալ չէ: Միշակ: Այն ատեն, իր սովորաբար խոժոռ դեմքին ծալքերը կը պարզվին, ճակտին փոթերը կը հարթվին, շրթունքին վրա հաշտության ծիածանը կերևա. կը ժպտի. ո՛չ, գեշ տղա չէ այդ լրագիրը. առա՛ջ, եթե իր խելքին, իր ծայրահեղության մեջ մնա՛ր:

Շենքի շնորհքի եկած թերթ է հիմա. ամեն ոք աչքե կան-ցընե եթե չի կարդար. գրագետը, ուսուցիչը, բժիշկը, վաճա-ռականը հավասարապես գոհ են անկե. ամեն կարծիքները կը հաշտվին հոն, ամեն խստությունները կը մեղմանան:

Հասարակութունը մանանա մը կուզե ու մանանա մը կը տրվի իրեն:



Եվ սակայն ճշմարիտ օրագիր մը չի կրնար հաշտ երևալ ամենուն. անձնվեր բարեկամներ ու ոխերիմ թշնամիներ կու-

նենա միշտ: Իր բարոյական հաջողութիւնը ադով միայն պիտի շափեի: Պետք էր որ մեկը անարգեր զայն ու մյուսը՝ հարգեր: Այն ատեն իր գոյութեան պիտի հավտայի: Կապույտ կամ սև, փույթ չէ, բայց աչքերուն գունը կուզեի տեսնել:

Քամելեոնի այլակերպութիւններեն կը վախնամ. ամեն ճաշակի պատշաճելու ջանադիր թերթ մը՝ իմ սիրածս չէ:

Ընթերցողները ավելի պիտ շահեին շոր հաց ուտելով ամեն օր, քան թե սպասելով այլափոխվող մանանայի մը բազմակերպիկ համեմներուն:

Մասիս, 27—3—1898

ՀԱՄԵՍՏ ԳՈՐԾԵՐ

Ադրիանուպոլսո մեջ 1856ին սկիզբը հիմնվեցավ «Ի սէր ազնատացելույն Հիսուսի» ընկերութիւնը:

Մայրաքաղաքեն առաջ, այդ տեղի հասարակութիւնը ճանչըցեր էր սա ճշմարտութիւնը թե մեծ գետերը պզտիկ առվակներով կը կազմվին:

Ընկերութեամբ գործելու սկզբունքը սա առավելութիւնն այդուներ որ ամեն ոք իր շափով հանրային պետքի մը ծառայելու կը վարժվեր տակավ և անօգուտ ու անպետ կը դառնար այս կամ այն անհատի ապավինելու, և անոր առջև քծնելու սովորութիւնն՝ որով հայ ամիրայութիւնը կազմված էր ատենով և որուն, հետադարձ շարժումով մը, վերադառնալնուս մազ մնացած է հիմա:

Եվ մինչդեռ ուրիշ տեղեր այլ ընկերութիւնները կսկսեին բուսնիլ, ծլիլ, ճյուղավորիլ հարաճուն բողբոջումով և ճիշտ իրենց անիմաստ բազմապատկութեանը համար պետք էին թերահավատութիւն ներշնչել, երբ դայրոցական գրասեղանեն մինչև շուկային էսնաֆները, խոլական ախտն բռնվածի պես, ի պետս և հանպետս ընկերութիւններ կը կազմեին, ժողովքներ կը գումարեին, ատենապետներ, գանձապետներ կանվանեին շարունակ, կը միանային, կը բաժնվեին, նպատակ ու ծրագիր կը բարեփոխեին ու օր մը կանհետանային, անդին՝ Ադրիանուպոլսո մեջ հիմնված անդրանիկ Ընկերութիւնը, գործի մար-

գոց ձեռքին մեջ, անշշուկ կը շարունակեր, իր պարտքը կը կատարեր անընդհատ և գեթ Ազրիանուպոլսո մեջ մեծ ու պզտիկ աղաներու պակասը չէր զգացներ:

Իր շնորհիվ մեր տնանկները, մեր հիվանդները, մեր պանգուխտները խնամվեցան, հոգացվեցան առանց աղմուկի, առանց ծանուցումի:

Այս անխոսիկ ու համեստ ձևին մեջ՝ ժողովրդին բարերարությունը հոս նորեն դաս մը տվավ անհատին բարերարության, ցուցնելով անոր թե ի՛նչ փափկությամբ ժողովուրդը գիտե ողորմություն տալ:



Այն ընդհանուր քայքայումին մեջ որով մեր բարեգործական ընկերությունները իրենց հոռի մատակարարությամբը փճացան, Խ սեւ աղֆատացելույն Հիսուսի նվիրվածը՝ կանգուն մնաց:

Սին վեճեր, եսի դունի կռիվները չի ջլատեցին անոր հաստատ ուժերը. հանրային պարկեշտությունը ու հոգածությունը հսկեց անոր վրա և բավեց անվթար պահելու զայն: Իր ջուրջ քառասուն տարվան արգասավոր պտղաբերությունը ժողովուրդեն եկավ և ժողովուրդին դարձավ նորեն:

Եվ ինքը՝ որ առաքինության ծնունդ էր, առաքինության ծնունդ տվավ. իր անունը հիշեց ամեն տեղացի հայ ամեն հեղ որ նվիրատվության մը հոժարությունը ունեցավ. իր անունով պզտիկ կամ մեծ կտակ մը ընելը բարի սովորություն մը դարձավ, և Ազրիանուպոլսո մեջ քիչեր են որ իրենց չափով շեն տված լուժանին այս առաքինության գանձանակին:

Այսպես, երբ մայրաքաղաքի ազգայինք կը թերանան, երբ մեր գլխավոր կենտրոնները կը լռեն, մեր հասարակության թիվին տեսակետով երկրորդական քաղաքի մը հայերը մխիթարական տեսարան մը կընծայեն մեզի, պարծանոք ցույց տալով իրենց Ընկերությունը մերիներեն ծեր ու միանգամայն մերիներեն երիտասարդ:

Այս բեղմնավոր գաղափարին ու պարկեշտ գործադրության

ոս շարունակութեան բոլոր պատիւը Ադրիանուպոլսո մեր հասարակութեանն է անշուշտ, բայց մասնավոր հիշատակութեան մը իրավունք ունին անոնք որ այս ընկերութեան հիմնադիրները ու վարիչները եղած են տարիներու երկար շրջանի մը մեջ:

Եվ ինչ որ արժանի է հատուկ ուշադրութեան, այն է թե այս ընկերութիւնը, երիտասարդութեան գործը չէ եղած բնավ. ո՛ր անոր աշխույժ են օգտված, ո՛չ անոր հիմար անփորձութիւններ են վնասված է. տարիքոտ մարդոց գործն է այս ընկերութիւնը ու անոնց հաստատ ու կանոնավոր ընթացքովը քալած է միշտ:

«Ի սէր աղհատացելոյն Հիսուսի» ընկերութիւնը, իր անվան հակադրութեամբ, բավական հարուստ է այժմ. իր 20 հատ կալվածները տարեկան 150 ոսկով ապահով հասույթ մը կուտան. քանի մը արժեթուղթ ունի, քիչ մը պահանջ և 400 ոսկի ունի պատրաստ կամ տոկոսի տրված: Տարեկան նվիրատուութիւններն ալ ուրիշ 150 ոսկի մը կը բերեն իրեն և ասով կարող կըլլա իր ծախքը գոցելի հետո, որ 200 ոսկիի մոտ է, քիչ մըն ալ ավելցնել իր դրամագլուխը:



Եթե ներելի ըլլար այս նեսթորներու ընկերութեան խորհուրդ մը տալ, այն էր որ ալ հիմա որ հիմունքը հաստատ ու անխախտ են, ազգակիցներու ողորմութիւն տալու գաղափարին վրա պետք է ավելցնել մեր ազգակիցները ողորմութիւն ուզելու վիճակին մեջ չձգելու գաղափարը:

Եվ այս ալ ի գլուխ կելլե երբ որ ընկերական գործունեութիւնը նյութական օգնութիւններու բարի սովորութիւնները պահելով հանգրծ, տեղացի հայոց մտավոր զարգացմանն ալ գործածվի:

Այն ընդհանուր համակրութիւնը զոր շահած է ինք դյուրութեամբ, պիտի ընե այս գործը՝ որ իր նպատակին ոչ նվազ օգտակար է և որ այնքան սերտիվ կապված է անոր. աղքատին ողորմի՛լ. հարկավ. բայց աշխատիլ որ աղքատ չըլլան. ինչո՞ւ չէ:

ՅՐԱՆՍՈՒԱ ՔՈՓՓԵ

(Մեր պատկերը)

Անոնք որ դասավորելու մոլութունը ունին, որոնք բաղդատութունը կը սիրեն և ամեն բան շարել կուզեն առաջնության կարգով, Հյուկոյին ու Լամառթինեն անմիջապես ետքը Քոփփին տեղ պիտի տան:

Մինչև այն բարձունքը՝ ուր կը կենան ժերսեյի տարագիրը՝ ու Սեն-Փուանի մենակյացը², մինչև այն կատարները՝

Ուր թխսեն դիֆ և արծվիֆ

ինչպես կըսե Նդիան, չի խոյանար Հսմեստներու քերթողը. այլ մեր տանը երդիքին վրա թառած թռչունն է. այն՝ որուն դարձդարձիկ ճախրանքին կարելի է աչքով հետևիլ պատուհանեն և որուն երգին ձայնը՝ մանկութենն ի վեր օրորած է զձեզ:

Ասոր համար է որ եթե Հյուկոյին վրա պիտի սքանչանանք միշտ, Լամառթինին վրա պիտի զմայլինք, Քոփփին ալ պիտի սիրենք:



Տրանսուա Քոփփի քերթող մըն է ամեն բանն առաջ ու քերթող մնացած է միշտ. ոչ թե անոր համար որ գրական ուրիշ

սեռերու մեջ ալ իր եզական կարողութիւնը ցույց տված շըլ-
լա, այլ անոր համար որ այսպէս ուզած է ինքը:

«Գրեւու հանապազօրյա ճիգը, որ խմբագրի մը ճակատա-
գիրն է, ատեն շի ձգեր իրեն մտավոր հանգստի ու ամփոփումի
որ անհրաժեշտ է բանաստեղծի մը», կը գրեր Քոփփի իր վեր-
ջին թերթոնին մեջ որ միանգամայն իր հրաժարականն էր թա-
տերական քրիթիկի պաշտօնեն՝ զոր այնքան փայլով վարեց
Փարիզյան օրաթերթի մը մեջ:

Այդ միջոցին Ֆրանսական Ակադեմիոն անդամ ընտրված էր.
և անկե ի վեր կը շարունակե իր գրական վաստակը, շի նմա-
նելով անոնց որոնց համար այս ընտրութիւնը ծուլութեան ու
անգործութեան վկայականի տեղ կը բռնէ:



Իրեւ թատերագիր, Քոփփի ավելի վիպական դպրոցին կը
մոտենա. այն դպրոցին որ թատերաբեմին վրա մեծագույն
ներգործութիւնը կ'ընէ: Իր Անցորդը, որ ավելի խոսակցութիւն
մըն է քան թե զատ թատերական կտոր մը, քիչ մը Մաոիոն
Տըլօմը կը հիշեցնէ Հյուկոյին: Հո՛ս ալ անձնամատուց կ'ին
մը կա, ազնվութեան թոհիչքով մը բարձրացող, որ կը խղճա
իրեն համար ցանկութենե տառապող խեղճ տրուպատուրի մը
վրա և անոր անմեղութեան կը խնայե: Քոնմոնի վին շիւտը
այլանդակ մարմնի մեջ բանտարկված մեծ հոգիի մը ու մեծ
կիրքի մը վերլուծումն է: Աերվիւրս Թոնելլին—գլուխ գործոցը—
Պեշիկթաշլյանի Բուտոսը միտք կը ձգե:

Այս ամենուն մեջ ոճի, ձևի, արվեստի կատարելութիւնը՝
զգացմանց բուն պայքարով մը մղված՝ վսեմի կը հանգի
միշտ:

Թատերագութեանցը մեջ՝ միշտ մեծ կիրքերու, սաստիկ վըր-
դովումներու հետ սիրած է զբաղիլ, ինչ որ Հյուկոն թե՛ իր
վեպերուն և թե՛ իր թատերագութեանց մեջ ըրած է:



Իր քերթվածոցը մեջ՝ բանաստեղծը իրական կյանքը կառնեւ. պարզ ու գեղջուկ կյանքը, որ ի՞նչ սովորական ու անմոռնչ գոյութիւնը մեջ՝ այնքան համեստ դիուցազնութիւններ, անբարբառ ցավեր, անտես արցունքներ կը պարտկեւ: Քոփփեա այս ամենը կը տեսնեւ և, ինչ որ ավելին է, կզգա:

Անշուշտ, իր փարիզցի ու միջակ դասի ընտանյաց զավակ մը ըլլալը՝ նպաստած է իրեն, մոտեն դիտելու ինչ որ անտեսանելի է վերի ի վերո դիտողի մը աչքին: Իր նկարագրութիւնները, պատկերները մանավանդ՝ լուսանկարի ճշտութիւնը ու ցոլացումը ունին, պզտիկ տրտմութիւնով մը խառնված լուսանկար՝ որ ամպամած օդով մը առնված ըլլաւ:

Այս քերթվածներուն երկար շարքին մեջ առաջին տեղը կը զրավեն իր Մտերմութիւնները, որոնք սիրված անձի մը հետ խոսակցութիւն մը կը կազմեն, գլուխ գլխի անցված ժամերու պատմութիւն, որուն մեջ քերթողը առիթ կը գտնեւ ամեն առարկաներու վրա իր բառը ըսել, իր գթած ձայնը լսեցնել, իր համեստ իմաստասիրութիւնը ընել, ամբողջ ներդաշնակութիւն ու ամբողջ գորով, ճիշտ ինչ որ Բանաստեղծութիւնը պարտի ըլլալ:



Հետո, իր պզտիկ ոտանավոր պատմութիւնները հատուկ սեռ մը կը ձևացնեն գրեթե. սեռ մը՝ որ իրն է և որուն մեջ հավասարող շունի բնավ: Անցորդը, եթե թատերգութիւն անունը շառնէր, առաջինը պիտի ըլլար այս շարքին մեջ որոց մեջ կը փայլին Դարբինները, զոր կարտասաներ ողբացալ Ազամյան, Քեկորը, Օրհնութիւնը և ասոնց նման գոհարներ:

Քոփփեա իբրև արձակագիր ոչ նվազ հռչակավոր է. իր նորավեպերու հատորները միշտ խանդաղատանքի գանձեր կը պարունակեն, պարզ ու անկեղծութեան շնորհով և իր վերջին հատորը Սուղ և Երկաբ, նորեն հավաքածո մըն է պզտիկ պատմութիւններու որոց մեջ երկցող իր բանաստեղծի խառնվածքը՝

թարմ ա մանկունակ երգի մը ներգործությունը կը թողու

Նախընթաց թվով մը հրատարակեցինք իրմե երկու քերթվածներ զորս Փանոսյան³ կրցավ հայերենի վերածել, առանց բնագրին հրապույրը կորսնցնելու:

Քարգմանությունները, մանավանդ ոտանավոր քերթվածոց համար, կլիմա փոխած ծաղիկներու կը նմանին: Սովորաբար իրենց փոխադրված նոր հողին մեջ՝ ոչ առջի գույնը և ոչ առջի հոտը կրնան պահել: Փանոսյան այն հաջող պարտիզպանն է որ զգալի ընել չի տար այս տեղափոխումը:

Մասիսի ներկա թիվին մեջ Քոփփեեն հրատարակված քերթվածը՝ դարձյալ անոր կը պարտինք, թեև այս քերթվածին գաղափարը՝ «Միամիտ Պատմություններ» վերնագրին տակ ընդլայնված գտանք քանի մը շարքով առաջ. ռամիկ բանագողության մը կասկածը շունեցանք բնավ, այլ ըսինք միայն որ թերևս այդ արձակին տերը ու Ֆրանսացի բանաստեղծը զիրար գտած են առանց գիտնալու: Չէ՞ մի որ,

Les grands esprits se rencontrent.

ՎԱՐԺԱՐԱՆԱՑ ՇՈՒՐՋԸ

Մեր վարժարանաց Քննության օրերը կը մոտենան. կարողներու և անկարողներու, ծուլներու և աշխատասերներու, քախտավորներու և դժբախտներու մշտնջենական ընդհարումը՝ դպրոցական գրասեղաններուն վրա պիտի սկսի ու շարաթ մը պիտի տւեն. հետո հանդեսները, ծափերը, ոսկեզօծ գիրքերը, ճառերը ու տեղեկագիրները պիտի գան, ու ամեննն ետքը արձակուրդը՝ արդար վայելքը տարեկան խոնջենքին:

Մեր մեջ Քննությունը՝ տարապարհակ աշխատության մը փափագելի վախճանը կը ներկայացնեն. ձանձրացուցիչ թատրերգության մը վերջին արարվածը, որուն աչքդ գոց կը համակերպիս, վայրկյան մը ավելի առաջ դուռնեն դուրս նետվելու աճապարանքով:



Այս չէ հարկավ Քննության նպատակը: Մեր տղաքը, երբոր շրջանավարտի վկայականը ծոցերնին՝ դուրս ելլեն վարժարանեն, այն ատեն միայն պիտի հասկնան անոր ստույգ նշանակութիւնը. իրենց ընտրած աշխատության ասպարեզը՝ զժնդակ

ու մշտատև քննություն մը պիտի ըլլա իրենց ուր դասատուին դյուրահաճ աջակցությունը, քննիչին կամավոր անհոգությունը չպիտի գտնեն մեյ մըն ալ, այլ սուր և անողոք պայքարը Բախտին, Կարողության ու Աշխատության, այն երեք տարերքին որոցմով շինված է այն ավետյաց երկիրը որ Հաջողություն կր կոչվի:

Ու հանկարծակիի եկած կյանքի վաստակներուն մեջ, խրատություններու, պատրանքներու անվարժ այս տղաքը, շուտով պիտի խոռվին, սրտաբեկ ու դասալիք պիտի ըլլան շուտով և այն հարուստի շփացած տղաքներուն պես որոնք նեղության դիմադրելու կորովը չունին: Օգնության ձեռք մը պիտի հուսան որ պիտի պակսի իրենց, քաջալերության ձայն մը որ չպիտի հնչե ականջուն, ու ապրելու հարկին առջև հարկ պիտի ըլլա խոնարհիլ ու ծռիլ:



Մի՛ վարժեցնեք մեր տղաքը ներողամիտ աշուստյանց ու անիրավ ակնկալություններու. վարդե անկողիններ՝ զորս ապագան ապահով կերպով պիտի զյանա իրենց, ու ի՛նչ պիտի ըլլան այն ատեն այս սիպարիթները. այլ սորվեցուցեք իրենց խստությանց դիմանալու մեծ գիտությունը:

Երբոր կարելի է արժանիքով հառաջանալ, ինչո՞ւ անարժանության արվեստը սորվեցնել մեր պատանիներուն. անարժանությունը միթե արժանիքն ավելի՞ դյուրավ կստացվի:

Քննությունը հալոց մըն է ուր նետված խառնուրդը պիտի գտվի. պղինձը, արծաթը ու ոսկին պիտի զատվին. հարկ եղած ջերմության աստիճանով տաքցուցեք ուրեմն զայն. ապա թե ոչ առջի անշահ խառնուրդը դուրս պիտի ելլե նորեն, եթե ոչ վատթարագույն մը:

Սվ սակայն տեսեք անգամ մը կարգերին չի կրցող փոխողներուն թիվը որքա՞ն պատիկ է մեր դպրոցներուն մեջ. եթե ավելի շատ ըլլար, մեր հոգաբարձությունները...—ավագերեցները պիտի ըսեի—պիտի կարծեին որ ետ մնացողներու թիվին ստվարությունը իրենց անհոգության պիտի վերագրվեր. և գի-

տե՛ն սակայն անոնք որ թույլ ու ներողամիտ քննություններով՝
ամեն տարի իմաստակներու խումբ մը նետելով մեզի, անոնց
ապագային պատասխանատվությունը իրենց վիզը կառնեն, գի-
տե՛ն որ իրենց ստեղծած պատրանքի աշխարհը դժբախտներ
պիտի արտադրե միայն:



Քննությունը դադրելու է ուրեմն պարզ ձևակերպություն մը
ըլլալն, կյանքի ճշմարիտ պայքարը դառնալու համար. պայ-
քարը որ հիմա դպրոցեն կսկսի մինչև գերեզման երկարելու
համար և որ կը վախնամ թե օրորոցեն սկսի վաղը:

Տասնի տեղ երկու շրջանավարտ տվեք մեզի, բայց լուրջ ու
տոկուն հոգիներ ըլլան երկուքն ալ:

Ամեն տարվան արտագրություններով՝ շատ մը ձեռքեր ու
դտքեր տված եք մինչև ցարդ. ի՛նչ ընենք այդ բոլորը. մարդեր
կազմելու համար ատոնցմով՝ գլուխներ տվեք մեզի:

Մասիս, 25—5—1899

ՄՈՌՑՎԱԾՆԵՐ

Քանի մը երիտասարդներ Դուրյանի աճյուններուն նոր մեծարանք մը բնել կը խորհին:

Մոռացկոտ ազգի մը մեջ, որպէս է մերինը, մխիթարիչ քան մը կա այս ինքնաբուխ ցույցին մեջ: Ապաքեն Դուրյանի գերեզմանն է միայն որ լքված չէ բոլորովին. կարծես թե ականջնուս մեջն է միշտ իր երգին ձայնը

Գիտցեք որ դեռ կենդանի եմ:

Անդին քանի՞ մոռցվածներ, գերեզմանեն ալ անդին դըժբախտներ զորս հիշելու ատեն շունի ինքնիրմով զբաղող մեր երիտասարդութունը:

Ո՞ւր է Զորայանը¹, Արմենակ Հայկունին², ՔրիստոստույՂազարոսյանը³, Պարոնյանը, Խաչատուր Միսաքյանը⁴, Ստեփան Փափազյանը⁵, ո՞ւր են ասոնք. գիտե՞ք գոնե ո՞ւր պետք էք երթալ երբ այցելել ուղեք այս անշուք հողակույտները:



Մարդ մը չի՞ պիտի գտնվի որ ազգին վաստակավորներուն գերեզմանը գոնե մեկ մեկ մահարձանով ամենուն ոտքի կոխան

չընելու աշխատութեան գլուխ կանգնի. ո՞ր եւ անոնք որ ամեն գործի մէջ գլուխ ըլլալ կուզեն, կը բարբառին շարունակ. ահա պատվավոր գահերեցութիւն մը իրենց համար:

Գիտեմ որ այս անփառունակ աշխատութիւնը իրենց գործը չէ. այնպիսի առաջարկութիւն մը գտնելու է անոնց որ կարող ըլլան իրենց անշունը, նախ իրենց անունը, գործին ճակատը փորագրել տալ: Եկեղեցի մը շինել, դպրոց մը կառուցանել, այո՛, աղվոր ոսկեզօծ տառերով հոխորտալու համար, ինչո՞ւ չէ. բայց երթալ Սրվանձտյանցին՝⁶ գերեզմանին վրա քար մը դնել. ո՞հ, այդչափ միամիտ չեն մերիները:



Մենք ալ պարզ ժողովուրդին կը դառնանք միայն. այն, պզտիկ թող ըլլա, բայց միշտ անկեղծ համակրութիւններուն որով հանրային երախտագիտութիւնը կը ձեւանա: Ան է միայն որ ճշմարիտ թարգմանն է իր զգացումներուն և ամեն անգամ որ տեսնանք այս երեք երիտասարդներուն պես մարդիկ որոնք առանց աղմուկի այսպիսի ազնվական հոգիով մը հառաջ կը նետվին, կը ծափահարենք իրենց:

Թող ուրիշներ խոչընդոտ դնեն ասոնց ոտքին, առջի քայլին շանք չի խնայեն ուժաթափ ընելու համար զիրենք: Դուրյանը՝ պզտիկ թատերագակ գտնեն ու Մնակյանը՝⁷ մեծ քննադատ, կը հավտանք որ այս պզտիկ շարութիւնները անզոր պիտի մնան. Դուրյանի Թատրոնը՝ իր արժանավոր ներկայացումը պիտի ունենա, անոր շնորհիվ իր գերեզմանը պիտի զարդարվի և Դուրյան ինքը պիտի ըլլա իր շիրիմը պճնողը ծաղիկներով, առանց ուրիշներուն պես կարոտ ըլլալու մուրացած դափնիներու:



Դժվարահաճ միտքեր Դուրյանի Թատրոնին քննադատները հանդիսացան. առանց վարպետ մը ըլլալու թատերագական ասպարեզին մէջ, կրնանք հայտարարել սակայն որ բանաստեղծին

այս գործը այդ քննադատներուն պզտիկ կշիռն շատ մեծ է դեռ. այդ խաղին հղացումը միայն գյուտ մըն է որ Դուրյանի անգամ պատիվ կը բերի. ոճը կրնա պակասություններ ունենալ, տեսարաններու բաժանումները կրնան բարեփոխություններու կարոտիլ, բայց շենքը հաստատ ու գեղեցիկ է. ամեն պարագայի մեջ նորելուկ թատրերգութեանց նման անշահ խոսակցութեանց շարք մը չէ Դուրյանի գործը. աղամանդը կրնա հղկվելու պետք ունենալ և աղոր համար ներելի՞ է միթե հողին մեջ ձգել զայն. և եթե ստույգ է որ Պ. Մնակյան «սողայական» գտած է զայն, իրավունք կուտա մեզի ըսելու բոլոր դերասաններուն ինչ որ ատենով ֆրանսացի ազնվականներուն ըսին, երբ իրենց հայրենիքը վերադարձան անոնք.

«Այս մարդիկը ոչ բան մը սորված են, ոչ ալ բան մը մոռցած»:



Կզգամ որ այս միջանկյալ խորհրդածությունները նպատակես շեղեցուցին զիս:

Իմ բոլոր փափագս է վարժեցնել մեր ժողովուրդը ճանչնալու ամեն անոնք որոնք իրեն մեկ համակրական ցույցին արժանանալու համար տարիներ տված են իրենց կյանքեն ու իրենց սիրտեն:

Ու վարժեցնել ժողովուրդը մանավանդ փնտրել գտնելու գերեզմանը անոնց որոնք ոչ ևս են և որոնք իրենց վերջին հանգիստի տեղեն ալ թերևս մեզի կը մտածեն:

Մասիս իր ներկա շրջանն պարտավորութիւն մը համարեց իրեն համար, հետզհետե ճանչցնել այն դեմքերը որոնք անհետացած են շատոնց և որոց հիշատակն անգամ կորսվելու վրա էր:

Դուրյանի գերեզմանը զարդարելու խորհուրդը թող մեր միտքը ձգե նաև ամեն անոնք որ գերեզման մը չունին. ազգը՝ իր երախտագիտութեան ժլատութեամբը պիտի քաջալերե արդյոք իր զավակները:

ՄՈՏԱՆ

Ո՛չ այն Մոտան¹ ուր Եղիան² կերթաւ և ուր Պետոն³ կըսպասե. ո՛չ այն ափափյա ծովեզերքը Քատըքոյոյին՝ որուն ջուրերուն մեջ՝ Նիրվանան, պշրող հուշկապարիկ, կը պահվըտի. կը քծնի. կը կանչե իր տարփավորները:

Ո՛չ այն Աոտան:

Այլ այն որ կիներունն է միայն և որուն նորաձևութիւնն անունը կուտան:

Պզտիկուց ի վեր ամեն ոք իր ձեռքեն եկածը չէ խնայած անոր դեմ, պատվար մը քաշելու համար այս անդու մակընթացութեան առջև, որ մեր հագուստներեն սկսելով մինչև մեր հոգվուն ամենեն թաքուն զգացումները կը կերպարանափոխե:

Նորաձևութիւնը՝ արդուզարդի անձուկ ըմբռնումով չեմ առնէր հոս, այլ կը նայիմ անոր իբրև հարատև այլակերպութեան մը ջանքը, զոր մարդկութիւնը կրնե. և այս նկատումով՝ կուսակիցն եմ անոր, վասնզի կուսակիցն եմ հառաջդիմութեան:



Ո՛ւսկից է որ հին ավանդութիւնները պահելու կոշում կրնենք միշտ և զանոնք պարզապէս մեկդի ընելու հրավեր մը՝ սրբապղծութիւն մը կը թվի մեզի:

Հին պետք է մնան մեր եկեղեցական կանոնները. հին՝ մեր սովորությունները, մեր բարքերը. հին՝ մեր համոզումները. հին պիտի մնա մեր գրականությունը. հնության մեջ լուռ պատկառանք մը կա կարծես որ ամենուն վրա կը ներգործե և ահա զլուխները կերերան հավանության համաշափ շարժումներով:

Մեր մեջ մանավանդ մոլության հասած է այս դավանանքը. վա՛յ անոր որ վաղնջական կարգի մը անխմաստ ձևին վրա կը խնդա:

Մերունինները կը զայրանան, ու մատնանիշ կընեն նորանշան երևույթը, նորելուկ գաղափար որ հորենական հին համոզումին տեղը կուգա բռնել, մտան՝ զոր երիտասարդները կը շատագովեն ամեն բանի մեջ:



Ես կը փափագիմ որ նորասիրությունը շար ոգի մը չի համարվի ու չի դատափետվի մեր մեջ. ամբողջ բարքերնիս կարոտ է վերաշինության. մեր մոլությունները նախ՝ ու հետո մեր առաքինությունները. վասնզի պետք է գիտնալ որ առաքինություններն ալ պետք ունին ուղղվելու:

Մեր մեջ բարեգործությունը եկեղեցի և դպրոց շինելու մեջ կայացած է ցարդ. այս ճարտարապետական առատաձեռնությունները՝ ալ ավանդության կարգ անցած են. ով որ բարեգործության մը կը խորհի, մատուռ մը կամ վարժարան կանգնելի դուրս միջոց մը շերևակայեր. կը կարծե որ քառակուսի ու ամուր շենքի մը կպչելով միայն իր անունը մոռացութենե կը փրկվի. այս է հին բարի սովորությունը:

Եվ ահա Իզմիրյանց մը կուգա զարտուղության դուռը բանալու. մտաք բարերարն է այս մարդը որ գրական մրցանակ մը հաստատելու գաղափարը առաջին անգամ ինքը կը բերե մեզի:

Մեծատունները կապշին քիչ մը ու քիչ մըն ալ կը խնդան վրան. հե՛ք անմիտ մարդ որ փոխանակ շքեղ մարմարի մը ճակատը անունը փորագրել տալու, իր ազգին գրականությունը ծաղկեցնելու համար կը շռայլե դրամը:



Բայց հառաջադիմութիւնը մարդկութեան ճակատագիրն է: Անոնք որ հնութիւնը կը պանծացնեն, իրավ որ շեն ճանշնար զայն:

Հասարակութիւն մը որ հնամուլ բարքեր ունի՝ հետադիմելու դատապարտված կը մնա՝ եթե իր խորհելու, զգալու ու աշխատելու եղանակները չի նորոգի:

Տեսե՛ք մեր արհեստները, անոնք՝ որոնցմով այսքան էս-նաֆութիւններ հաստատված էին՝ շքավորութեան, աղքատութեան մոտեցած:

Տեսե՛ք մեր սարաֆները, անոնք՝ որոնցմով այնքան ամիրաներ փայլեցան, հիմա սնանկութեան դրացի:

Տեսե՛ք մեր վաճառականութիւնը, ան՝ որով եվրոպական վարկ ու հարգ ստացած էինք ատենով, հիմա անել տագնապի մատնված:

Անոր համար որ այդ արհեստները չի գիտցան ժամանակին հետ նորնալ:

Մտտան ամեն բանի մեջ կար, և փոխանակ օգտվելու անկե՛ մերիները կընդվզին տնտեսական ու հառաջադիմական այս պայմաններուն դեմ:

Վաճառականը իր պասման չի թողուց ձեռքե. սարաֆը՝ իր տոկոսը: Ավանդութիւնն էր այս որ նորաձևութեան դեմ կը մաքառեր ու կընկճեր:

ԲԱՐՈՅԱԿԱՆԻ ԿՈՒՎԸ

Կոիվը կը շարունակե. հայ բարոյախոսները իրենց սրդողած մարդու երեսնին ավելի ես կը ծոմուկեն. նվիրական սկզբունքներու անուններով կը խոսին միշտ: Մասիսի մեջ երեցող նորավեպերը կը գայթակղեցնեն եղեր զիրենք ու անշուշտ իրենց համոզումի անկեղծութեամբը՝ ընտանեկան պատիվը ու սըրբութիւնը վտանգված կը հռչակեն:

Անցյալ տարի Անրաբոյական Գրականութիւնը վերնագրով խմբագրականի մը մեջ պետք եղած պատասխանը տրված էր այսպիսիներուն. տարի մը վերջը զիտավորութիւն շունինք նորեն հերքելու այդ պարկեշտամու հոգիներուն անտեղի վախերը:

Սաշափը հարկ է միայն հիշեցնել թե գրականութիւնը բարոյախոսութեան հետ շփոթելու համար մինչև Սահակ Մեսրոպ ետ երթալու շափ հետադեմ ըլլալու է մարդ:

Կը կարծենք որ մեր երանելի նախնիքը—ընկալյալ բացատրութիւն մը գործածելով—միտքերնուն շփտի անցունեին թե իրենցմե այսքան դարեր ետքը եկող սերունդ մը՝ գրականութեան սահմանը ըմբռնելու ու հասկնալու համար նորեն իրենց կոչում պիտի ընեն:

Մասիսի մեջ երեցող Ֆանին¹ և այդ կերպ ուրիշ քմածին

գրությունները բարոյականի հավատաքննիչներու ատյանին առջև միայն եպերելի են. բայց ուրիշ ամենուն համար, որոնք գրական սեռի մը՝ Ս. Գրքին եղանակեն տարբերիլը կրնողունին, անոնց համար Մասիսի պզտիկ պատմությունները վտանգավոր բան մը չեն պարունակեր:



Ըսենք նաև որ մենք ո՛չ քարոզիչներ ենք հոս, ո՛չ առաջնորդներ հանրային բարոյականի. այդ հավակնությունը շունինք և ատանկ ծանր պաշտոնի մը համար պետք եղած արժանիքը չենք զգար մեր խոնարհ անձին վրա:

Կը վախնանք մանավանդ այն խմբագիրներեն որոնք բարոյականը բերաննուն վար չեն ձգեր. հարգելի անձինք կան անոնց մեջ. բայց Ռըվյու տե տեռ Մոնտի³ տնօրենին ձախողվածը անգամ մը ևս կը հաստատե թե

L'habit ne fait pas le moins

Ֆրանսայի մեջ Մերակույտի անդամ պ. Պեռանժե բավական խնդուք հրավիրեց իր վրա այս պահուս իր մղած անբարոյականության պայքարովը՝ այնպիսի արարքներու դեմ որոնք անհամեմատ, անբաղդատելի կերպով տարբեր են Ֆանիին պատմութենեն:

Գիտցե՛ք գոնե որ գրականությունը զվարճության, կատակի, բարեմտության եղանակ մըն ալ ունի. ամեն ինչ վատ ու լպիրշ տեսնելու ակնոցը վար առեք և այն ատեն գայթակղեցուցիչ բան մը չպիտի գտնեք այլևս. հանցանքը ձեր ակնոցինն է և ոչ թե դիտված առարկայինը:

Ըսինք ձեզի որ Ս. Գիրքն անգամ այդ դիտակով կարդացողներուն համար՝ վրդովիչ մեկե ավելի գլուխներ ունի, պե՞տք է ասոր համար ձեր Սահակ Մեսրոպը դատապարտել:



Երբոր հրապարակագրի մը գրական մշակությունը այնքան է միայն որ հայտնի կերպով ողորմելի ոտանավորներու հեղի-

նակը Մյուսեին հետ շփոթելու կելլե, անշուշտ Մասիսի նորա-
վեպերը այդ դատաստանին առջև արդարացում չեն կրնար
հուսալ:

Արդեն երբեք ալ չենք փափագիր ենթարկվիլ ատանկ դա-
տաստանի մը. Մասիս գրական հանդես մըն է և այդ ձևը պիտի
պահե. իր ընթերցողները գոհ են իրմե և այս կը բավե իրեն.
մենք այն կարծիքն չենք որ մեր շարաթաթերթը ամենուն
հասկնալի, մատչելի հրատարակություն մըն է. երբ հրապա-
րակագիրներ կան որ չեն հասկնար զայն, անշուշտ հասարա-
կության մեջ ալ այնպիսիները չպիտի պակսին:

Ի՞նչ պետք է ընել ասոր համար. պե՞տք է որ վարպետ տու-
տուի վերածենք Մասիսը. հավկիթը թարմ պահելու կամ ակ-
ռայի ցավը բժշկելու եղանակներ ցույց տանք, ծաղկանց լեզուն
թարգմանենք և Մունկո Փարքի Ափրիկեի մեջ ճամփորդու-
թյո՞ւնը գրելու ելլենք:

Մասիս, 10--7—1893

ԱՆԳԻՐ ԴՊՐՈՒԹՅՈՒՆ ԵՎ ԱՌԱԿՔ

Վահան վարդապետ Տ. Մինասյան հայ գրականության մեջ նորեկ մը չէ. կրօնական նյութերու վրա շատոնց կը գրե օրագիրներու մեջ. ընթերցողները, հարկավ, մեծ բան մը հասկցած չեն այդ երրայեցերենով, գրաբարով և սրբազան պատմությունով համեմված գրվածներեն. բայց Վահան վարդապետ մեկե ավելի լար ունի իր աղեղին վրա. ամենքը ախորժանոք կարդացին իր անձնական հիշատակները այնքան մտացի ու զվարթախոհ ոճով մը գրված, նուրբ ու միշտ ճաշակավոր հեղուկութեամբ մը՝ վայելչապես խառնված:

Վահան վարդապետի կատակասեր եղանակը հաճելի է ինձի և պետք է խոստովանիլ որ այս սեռը ամենեն զժվարինն է գրականության մեջ:

Այս անգամ առականերու շարքով մը այս գրագետը հրապարակ կելլե և բարեբախտ զարտուղութուն մը բերելով մեզի՝ իր բարոյախոսությունը անձուկ ու տղայական բան մը չէ:

Այս առականերով տրված խրատները՝ մարդկային կյանքի ամեն կերպ երևույթները կընդգրկեն միշտ, և ամբողջութուն մը կը ներկայացնեն որով բարոյականը կը գտնե վերստին իր մեծութունը ու բարձրութունը՝ զորս կորսնցնելու մոտ էք

մեկ երկու հրապարակագիրներու սեղմված հասկացողութ-
թյանը մեջ:

Այս իսկ պիտի բավեր որ շնորհավորեինք հեղինակը. բայց
այս գիրքը աչքե անցունողները անկե գոհ մնալու դեռ ուրիշ
շատ պատճառներ պիտի ունենան:

Վարդապետը համբավավոր է արգեն իր սրախոսությունե-
ներովը՝ հատկություն մը զոր մեր գավառացիները ընդհան-
քապես այնքան ունին և որուն քով պոլսեցվոց խոսակցություն-
նը՝ ճշմարիտ տափակություն մըն է միայն:

Վահան վարդապետ իր համբավին արժանի կերպով գրած
է այս գործը, այնքան նրբամտությամբ որ, եթե վարդապետ
չըլլար, պիտի ըսեի թե սատանի շափ խելք ունի հեղինակը:

Անոնք որ անհամ դասախոսություններով հանրությունը
հրահանգելու հավակնությունը ունին, թող ձեռքերնին շտոնեն
այս գիրքը որ խնդացնելով, զվարճացնելով խրատելու սահ-
մանված է:



Վահան վարդապետի գործը բոլորովին հայկական համ ու
հոտ ունի. ֆրանսական գրականութենեն մուրացած ոճեր՝
մուտք չունին իր գրքին մեջ. ընդհակառակը իր լեզուն՝ շարու-
նակ գեղջուկ ու պարզ խոսվածքն է գյուղացիին:

Տեղ տեղ բարեհիշատակ Սրվանձտյանց եպիսկոպոսը կը
հիշեցնե և կզգաս որ նույն սիրտն է գուցե որ կը բարախե հոս
ալ, թեև ոչ այնչափ տրոփուն:

Ահա այս ինքնատիպ և իսկապես հայկական գրականու-
թյանը համար՝ Վահան վարդապետի գործը հիշատակության
արժանի է այնքան ավելի որքան հայերեն գրողնեցուն ու հա-
յերեն զգացողներուն թիվը երթալով կը նվազի, մեր գյուղա-
ցիի անկեղծ խնդուքին ու բարեմիտ կատակին տեղ՝ ֆրանսա-
կան անմիտ blague կանցնի:

Այս հանգամանքներով, վարդապետին գիրքը կը հանձնա-
բարենք Իզմիրյանցի մրցանակի հանձնաժողովին, որուն դեմ
անճահ կերպով ատեն ատեն հայտնված գանգատները յեն կըր-

նար սրողել սա ակներև ճշմարտությունը՝ որ մինչև ցարդ եղած
բոլոր բաշխումներով արժանիքը վարձատրված է միայն:

Հոռվմեական վարդապետներ կրնան պատմական ուսում-
նասիրություններ ընել առանց վիրավորելու մեր համոզումնե-
րը՝ որոնք իրենց ենթադրական ստուգություններուն շփոթ
հարգելի են:

Այսպես, բուն ազգին զգացման թարգման եղած է Հանձնա-
ժողովը չի վարձատրելով այն գիրքերը, որոնք պատմական
հետազոտութեան պատրվակի մը տակ, մեր ամենեն նվիրակա՞ն
համոզումները խախտելու կը միտեին:

Իզմիրյանց մրցանակը¹ համաշխարհային գիտութեան հա-
մար հաստատված մրցանակ մը չէ. էպես ազգային-գրական
այս պսակը ճշմարիտ ու անկեղծ ազգային գրվածքի մը ճակա-
տը միայն կրնա դրվիլ. և ահա այս պատճառով Վահան վար-
դապետին գործը անժխտելի իրավունք ունի զայն ստանալու:

ՏԵՏՐԱԿԵՍ ԷՋ ՄԸ

Հայոց բարոյականը մաքուր պահելու համար քանի մը ժանոթ խմբագիրներն կազմված Հանձնաժողովը փութո պընգությամբ իր աշխատությունը հառաջ տանելու վրա է:

Հանձնաժողովին գրասենյակը՝ քանի մը փայտե աթոռակներով կահավորված է միայն: Թիկնաթոռները ու վարագույրները հատկապես վերցված են. առաջինները մեղկության կոչում մը ընելնուն և երկրորդները՝ գաղտնապահ հանգամանք մը ունենալնուն համար:

Չորս մերկ պատերուն վրա պատկեր և կամ դժագրություն չկա. ճերմակ ջրաներկի մը միակերպ ցոլացումը՝ բավ սեպված է իբրև անբիծ նշանակ մաքրության: Պատի օրացույցն անգամ, որ ուրիշ ամեն տեղ՝ գեղեցիկ կնկան մը պատկերին կցված ըլլալուն համար ուշադրություն կը հրավիրե, հոս՝ ալևոր եպիսկոպոսի մը պատկերին փակած է:

Բարոյականի պաշտպան խմբագիրները սովորական մահկանացուներու պես շեն հագվիր. բուրդե ու բամպակե պատրաստված զգեստները՝ իբրև մարմնական ջերմություն ու գրգռություն պատճառող տարազ՝ մերժված են. ֆրանչիսկյան կրոնավորներու նման՝ այս մարդիկը ձորձե երկայն վերար-

կունենր ունին իրենց կոնակը, որոնց սուր թելերը իրենց մարմինը կը խաժատեն միշտ ու թույլ չեն տար վատ ու շվայտ խորհուրդներու: Իրենց ձեռքի գրիչը մեր գիտցած նեղ ու երկայն փայտե գլանիկը չէ. այլ արույրե հատվածակողմ քառակուսի ձող մը՝ որուն սուր անկյունները զայն բռնող ձեռքին փայփայումը կը մերժեն:

Այս խստարույր մթնոլորտին մեջն է ահա որ մեր բարոյականը՝ նոր գրականության մը հարձակումներուն դեմ պաշտպանելու միջոցներուն վրա կը խորհվի:

Հանձնաժողովը գիտած է նախ որ անբարոյականությունը՝ նույնիսկ Քերականության միջոցով մուտ գտած է մեր մեջք Չէ՞ մի որ երկրորդ երեսեն առականի, իգականի բաժանումը նշանակված է և աղկե սկսելով ամեն մեկ էջին մեջ չեն պակսիր անբարոյականության առաջնորդող բացատրություններ, բռնի ու կանոններ:

Քերականության սրբագրությունը՝ իրեն գլխավոր գործ ընել առաջադրած է Հանձնաժողովը:

Անգաղտնապահ չի կոչվելու համար չենք ուզեր իրենց բոլոր կարգադրությունները ամբողջապես ծանոթացնել հիմակուց. բայց մեր ընթերցողներուն արդար հետաքրքրությունը հագեցնելու համար կրնանք այժմին գաղափար մը տալ կատարված բարեփոխությանց վրա:

Առական ու իգական չկա այսուհետև. ամեն ինչ համասեռ պիտի ըլլա: Հանձնաժողովը չկրնար թույլ տալ որ ութը տասը տարու տղաք՝ սեռական տարբերության աղիտաբեր գիտակցությունը Քերականության մեջ սկսին:

Բայերուն մեջ՝ առաջին լծորդության իբրև օրինակ գործածվող սիրեմ բային տեղ այսուհետև ուտեմ բայը պիտի դրվի որ, թեև անկանոն, բայց դարուս դրական պահանջմանց ավելի կը համաձայնի քան թե սիրեմը որ տղայոց միտքը գրգռել նորիչ բանի չի կրնար ծառայել:

Մակբայներուն մեջ վնասակար բառ մը գտնված չէ ցարգ. բայց շաղկապը իբրև երկու պարբերություններ, երկու անդամներ իրարու միացնող բառ մը ջնջված է այսուհետև:

Հանձնաժողովը կը մտածե որ այս շաղկապին վրա հայտ-

նի կերպով տեսնված միջնորդի դերը՝ բարոյական Քերականութեան մը խստապահանջ կանոններուն մեջ տեղ չկրնար ունենալ:

Նույնպէս ձայնարկութիւնները վերցված են այսուհետեւ, վասնզի ոչ թե գաղափարները այլ զգացումները բացատրելու պաշտոն մը ունին և ասով բոլորովին վերացական ու հետեւապէս վնասակար հանգամանք մը կը ներկայացնեն: Արդարեւ, ձայնարկութիւնները առօրյա դրական պետքերու մեջ չեն կրնար գործածվիլ. չըսվի՞ր զոր օրինակ «ճ աս ստակս տուր», բայց շատ վայելուչ կերպով կըսվի «ճ կը սիրեմ զքեզ»: Կը տեսնվի ուրեմն թե որքա՞ն բանավոր է Հանձնաժողովին որոշումները:

- Բառագիտութեան պես՝ Համաձայնութեան մասն ալ մեծ փոփոխութիւններ պիտի կրն. նախ անունը, ճամաձայնութեան, մտերմութիւն չի՞ նշանակեր ու մտերմութենէն մինչև սիրահարութիւն քայլ մը միայն կա. ուստի համաձայնութեան տեղ պիտի դրվի Տարաձայնութիւն: Հետո այսուհետև ո՛չ սեռի խընդիր պիտի ըլլա, ո՛չ բնութեան. Քերականութեան պիտի սորձին տղաքը թե ուրիշ բան:

Ահա վասիկ գաղափար մը տվինք Քերականութեան վրա խորհված բարեփոխումներու մասին. զպրոցական նախակրթութիւնը, ձեռնարկ մյուս գիտութիւններն ալ զուրկ չպիտի մնան այս կարգի փրկավետ սրբագրութիւններէ, որով հայոց անգլիական մաքուր բարոյականը՝ դաստիարակութեան պատրվակալ՝ չպիտի եղծանի զպրոցներուն մեջ:

Որչափ որ տեղեկացանք, Քվաբանութեան մեջ չորս գործողութիւն անունը պիտի վերցվի. Հավելումը և Բաժանումը պիտի մնան. բայց Հանումը ու Բազմապատկութեանը, իբրև անպատեհ հարաբերութեանց փոխաբերութիւն, ուրիշ անուններով պիտի ճանչցվին ասկէ վերջը:

Նույնպէս իսպառ մերժված է Հառաջատվութեանը նոր Քվաբանութենէն:

Աշխարհագրութենէն ալ պիտի վերցվին Պարանոցը, Մոցը զրոնք հեշտախտիկ բան մը ունին ու մարմնական մերկութեան հետ ակներև առնչութեան: Հրաբուխը ու Երկրաշարժը, նույնպէս

պես վնասակար ակնարկութիւններ պարունակող բառեր՝ չպիտի մնան:

Ասոնք և ասոնց նման են նախնական դաստիարակութեան մեջ ներմուծվելիք փոփոխութիւնները որոնց շնորհիվ հայ մանուկներու բարոյականը նոր կրթութեան ավերումներեն զերծ պիտի մնան:

Նույնպես, իբրև նախազգուշական միջոց, պզտիկ շաբաթաթերթի մը միջին երեսին ու մեծ օրաթերթի մը առաջին երեսին ընթերցումը պարտավորիչ պիտի հռչակվի վարժարաններուն մէջ:

Հանձնաժողովը՝ անկե վերջը պիտի սկսի չափահասներու բարոյականին համար իր արդյունավոր աշխատութեանց շարքը, որոնց մասին մեր ձեռք անցուցած տեղեկութիւնները պիտի տանք հաջորդ թիվերով:

Մասիս, 24—7—1893

ԱՌԱՂ ԹԵ ԵՏ

Առջի ժամանակներուն հետ բաղդատելով՝ ուսուցչական վիճակին բարվոքումը մատնանիշ կրնեն ոմանք:

Նորին ընդհանուր համոզումին մեջ զարտուղութուն մը պիտի ըլլա իմս, երբ ընդհակառակը, ուսուցչական ասպարեզը հետզհետե անկյալ գտնեմ:

Զէ որ մեր ուսուցիչները արժանիքով թերացած ըլլան իրենց նախորդներեն, բայց ապահովապես արժանապատվութեան տեսակետով շատ պակաս են այն պատվելիներեն զորս հիմա, երեսուն քառասուն տարի վերջը, ժիծաղելի կը գտնենք:

Իրենց ատենին, բարոյական մեծ ազդեցութիւն մը ունեին անոնք ազգին մեջ, իրենց ձայնին պատկառանքով կունկնդրովի, իրենց կարծիքը միշտ ավելի կը կշռեր քան թե ամիրային կամքը: Պատվելի՞. այս անունը անգամ մեր նախկին ուսուցիչներուն վայելած ընդհանուր համակրութեան ու մեծարանքին ասպացուցը չէ՞:

Հիմա բառին հետ՝ որ հնութիւն կը հոտի՝ մեկդի ըրած ենք ճակ այն հանգամանքը որ այդ բառը հիշեցնել կուտար մեզի. «պատվելի». ի՞նչ ախոր հեզնութիւն մը պիտի ըլլար այժմ այս ցառը՝ հատկացվելով անոնց զորս ամենեն քիչ կը պատվենք ճեր հասարակութեան մեջ:



Պատճառը այն է որ ատենով մեր գործի մարդիկը նյութական ավելի կամ նվազ հաջող դիրք մը ունենալուն համար ինքզինքնին աշխարհի իմաստնագույն անձը ենթադրելու ունայնամտութիւնը շունեին: Հիմա տարբեր է կանոնը. ընդունված ճշմարտութիւն մըն է որ խելքին զորութիւնը ու քանակութիւնը ուղիղ համեմատութեան մեջ է սնտուկի մեջի ոսկիներուն թիվին հետ. մարդս այնչափ ավելի խելացի է որքան դրամ ունի. կը կարծե՞ք որ անխելքութեամբ կամ դիպվածով կը շահվի դրամը. շտեսա՞ք հրապարակագիրները որ այս վարդապետութիւնը ջատագովեցին:

Գարավերջիկ ու սկեպտիկ այս գաղափարը կը բացատրեմեր ուսուցիչներուն լքյալ ու անտեսյալ վիճակը:

Գասատու մը միշտ ուսյալ մարդ մը կը համարվեր բաղդատմամբ արհեստավորի մը, սեղանավորի մը, վաճառականի մը. իր խորհուրդներուն պետքը կզգացունենր. իր գիտութիւնը՝ ոսկիներու փայլին առջև չէր նսեմանար: Պատվելին՝ պատվի տեղը, իր մասնավոր իրավունքները ունենր ու համառութեամբ կը պահպանենր զանոնք:

Նվ պետք է ամստալով խոստովանիլ որ մենք հրապարակագիրներս չպահեցինք զինքն այն պատվի տեղը որ մեր ավանգուստեանց մեջ հատկացված էր՝ իրեն: Ծաղրելով, պարօտելով ու նախատելով, ստորնացուցինք զինքը ամենուն առջև և բերինք այն նկուն ու ողորմուկ վիճակին՝ որ այնքան կը նմանի ծպտյալ սպասավորի մը զգույշ կեցվածքին:



Քիչ մըն ալ իրենք զիրենք պզտիկցուցին. քիչեր կան որ իրենց պաշտունին մեծութիւնը ու սրբութիւնը դիտնալով՝ անոր պատշաճ անհատական կյանք մը ունեցան: Գիտենք որ հրապարակագիրներ կան որ հանրային աշխատավորի մը անճատական կյանքը շին փնտրենր, շին պրպտենր. անթափանց քողով կը պահեն ներքին կյանքը ու շին խառնվիր անոնց. մենք

այդ կարծիքեն շինք ու չպիտի կրնանք ըլլալ. կյանքը բաժանումներ չունի. ներքին կյանք ու արտաքին կյանքը չի տարբերիր պատվավոր մարդուն համար. շինք կրնար ընդունիլ որ ներքին կյանքով անպատիվ մեկը՝ հանրային գործունեության մեջ պատվավոր դառնա. այս երկուերեսությունը չպիտի կրնանք ըմբռնել երբեք:

Ուրեմն մեր ուսուցիչները ստորնացուցին իրենց վիճակը. հետո, իրենց բարոյական նկարագիրը միշտ տեղի տվավ դրժվարությունց առջև:

Հոգաբարձություններուն հնարած ամեն նախատինքներուն առջև իրենց արժանապատվությունը չպահեցին ու իրենց մեջ շունեցան այն արհեստական եզրայրակցության զգացումները որով ինքզինքնին պաշտպանեին թաղականներուն անիրավությունց դեմ:

Ընդհակառակը մրցակից եղան իրարու հացը հափշտակելու ու նվազուրդի դնելու ելան իրենց արգեն կարի շնչին ամսականները:

Սվ եկան հասան այն վիճակին ուր, երեսուն տարի վերջը, իրավամբ պարտավոր եղանք հարցնելու առաջ թե ետ գացինք:

ՏԱՐԵԴԱՐՁ ՄԸ

Հաշիվի ու նյութի դարու մը մեջ կապրինք և Երազի ու Մտքի դարու մը զավակներն ենք:

Իւրիշներ դեպի առաջ կը նային ոգևորվելու նպատակով, մենք դեպի ետ երթալու պարտավոր ենք շատ հեղ, օրինակելի դաս մը փնտրելու համար:

Մեր մեջ, ինչպես ուրիշ տեղեր, Օրագրութունն ալ գերծ մնացած չէ այն նյութապաշտ վարակումեն որ, պատմության մեջ, այս դարուն վերջին կեսին տխուր հատկանիշը պիտի կազմե:

Ամեն բանի մեջ դրականութունը փնտրելու այս ոգին այնքան ծանր ու ընդհանուր մթնոլորտ մը ձևացուցած է որ երբ, այսօրվան պես դիպվածով, ձեռքես կանցնին հիսուն տարի առաջ գրված առաջնորդողներ, որոնց մեջ հրասպարակագիրները ավելի կը քարոզեն քան թե կը խոսին, լեզվիս ծայրը կուզա ըսել իրենց.

— Միամիտնե՛ր...:



Այս խորհրդածութիւնները թելադրեց ինծի «Մասիս»ի առաջին թիվին ընթերցումը որ 1850ի հանրային մարդոց դավանանքը կը պարունակե:

Այսօր ահա ճիշտ քառասունըվեց տարի ետքը, երբ նոր սերունդ մը՝ նոր եռանդով մը կը ձեռնարկե այս օրագիրը հրատարակելու, շեմ կրնար դիմանալ անոր ոգին ճշտող հատվածը հոս արտատպելու փափագիս.

«Օրագրին գլխավոր նպատակը ազգը ուղղել, լուսավորել և անոր օգնել պիտի ըլլա:

Այս ճշմարիտ ու սուրբ գաղափարին ծառայութեանը սահմանված է այս լրագիրը»:

2 փետրվարի 1852 Ա տարի, 1 թիվ

Մասիս

Խոստովանեցեք որ այս հին մարդոց հրապարակագրութեանը մեջ վեհութեան մը շքեղութիւնը կա:

Արդարև ճշմարիտ օրագրութիւնը համոզումի պես անկեղծ, հավատքի պես հաստատ, ու կրոնքի պես սուրբ է, այնքան՝ որ ներելի չէ ամենուն ձեռք երկնցնել անոր:

Պաշտամունք մըն է աս որ իր ծեսերը, արարողութիւնները ունի:

Հոն՝ ուխտի մը ձգողութիւնը ու անուշ անուրջի մը անդիմադրելի հրապույրը շղագողները օտարոտի եկամուտներ են և չպիտի կրնան բնիկ մը դառնալ եթէ նույնիսկ բոլոր կյանքերնին մաշեցուցած ըլլան անոր մեջ:



«Մասիս»ը մեծ օրաթերթի մը վերածելու գործը՝ հանդպցրնելով այս օրագրին հիմնարկութեան տարեդարձին, մեր ժամանակակից պատմութեան մեկ էջը դարձուցած ըլլալու տպավորութիւնը, գրեթէ համոզումը ունինք:

Ամիրաներու վարչութիւնը բարձող սերունդին գործը վերջացած է ա՛լ: Սերվիչեաններու¹, Օտյաններու², Ռուսիսյաննե-

բու՞ պես միտքերուն ներգործումի շրջանը ավարտած ու փակված է:

Մեզի շիջնար անմիջապես դատաստան ընել ու վճիռ արձակել այս մարդոց վրա. դեռ շատ մոտիկն ենք իրենց. տակավին պետք եղած անջրպետը չէ կազմված, արդար ու անաշտ ուսումնասիրություն մը ընելու ասոնց վրա:

Քայց մեր իրավունքն է, մեր պարտքը պիտի ըսեի, վերադառնալ անոնց ժամանակին ամեն անգամ երբ օգուտ մը, դաս մը կա քաղելու այդ անցյալին, ճիշտ ինչպես այսօր ըրինք, «Մասիս»ի հիմնարկութեան տարիդարձը արձանագրելով այստեղ:

Մասիս, 14—2—1898

ԵՐԳԵՆՔ

Ճպուռը բոլոր ամառը երգած ըլլալուն համար...: Մնացածը գիտեք. վերահաս ձմեռը ուր ուտելու փշրանք մը չի կա. Մրջյունը, բանը գործը գիտցող բանթիւ մը, որ իր ստորերկրյա ապարանքին մեջ փորը կուշտ կոնակը տաք, խրատներ կուտա անոթի ճպուռին, փոխանակ փշրանք մը հաց նետելու անոր, տեսակ մը Տիկին տը Մենթընոն՝ որ իր հրավիրյալներուն խոստացած ոստրեն՝ ախորժելի պատմությամբ մը մոռցնել տրված էր:

Լաֆոնթենին այս առակեն ի վեր, երգելը՝ քիչ մը ամենուս աչքեն ելած է: Երգող մեկը տեսնելնուս պես՝ անմիջապես ձմեռը, անոթությունը, անողորմ մրջյունի խրատը քով քովի, կարգով մտքերնուս առջև կուգան, շոգեկառքի մը վակոններուն շարքին պես, որուն «լոքոմոթիվ»ը, ետքը «թենտեր»ը, ետքը «ֆուրկոն»ը անմեկնելի կարգ մթ կը ձևացնեն:

Բայց Լաֆոնթենի առակները ճշմարտությունը չեն քարոզեր միշտ: Եվրոպայի մեջ երգիչները՝ սեղանավորներու շափ, թերևս ավելի, ստակ կը շահին, ու դյուրին չէ ամեն ատեն ճպուռ մը ըլլալ. սակավակյաց Մրջյուններուն համբերատար պարենավորումը ու ինայողությունը կը ներկայացնեն, ան ալ

Շահագիտութեան դիմացը իր առջի նշանակութիւնը բուրոսովին կորսնցուցած է:

Ամեն բան վեր ի վար է ուրեմն, և շատ կը վախնամ որ եթե այս դարը առակախոս մը ունենար, Ճպուռեն օրինակ առնելոս խրատը պիտի տար Մրշյունին:

Այո՛, երգի դարուն մեջն ենք:

Տկարանալու, սայթաքելու չէ կյանքի պատահարներու առջև, այլ զանոնք դիմավորելու է ինչպես անխուսափելի հյուրի մը ընդունելութիւնը կըլլի, զվարթ երեսով:

Մեր հասարակութիւնն ալ ուրեմն, պետք ունի երգելու ու խնդալու՝ կազմելու համար այն մտքի ու սրտի առողջութիւնը, առանց որուն հառաջդիմելու կարող չէ: Լալագին ազգ մը բանի մը օգտակար չէ կրցած ըլլալ աշխարհիս վրա:

Մասիս, 15—2—1898

ԱՎԵԼԸ

Տանտիկին հասարակություն մըն ենք, ավելը, լվացքը, տախտակ սրբելը կը սիրենք:

Մաքրության այս սերը, զոր շատ անգամ երեսնուս զարկած են, ընտանեկան հարկեն անդին անցած չէ սակայն. այնպես որ մեր հանրային ասպարեզները փոշիով գեթ, եթե ոչ ուրիշ աղտեղությամբ, լեցուն են միշտ:

Եվ տարիներ անցնելով այնքան թանձրացած է խավը որ ամենեն տոկուն մարդն իսկ ավելը ձեռքը առնելի առաջ իրավունք ունի վարանելու:

Տախտակամածեն վեր ելլելիք փոշին այնքան հեղձուցիչ բան մը ըլլալ կը խոստանա որ անոր մեջ կուրնալու կամ շընչասպառ մնալու վախը ինքնին կարդարանա: Ընդհանուր վարանումին մեջ, Օրագրության կիյնա նորեն օրինակը տալ, և քաջալերվելով այն համակրություններեն որոնք իր անշահախնդիր ջանքերը կողջունեն, ինքը մատնանիչ պիտի ընե հանրային ուշադրության՝ այն մութ անկյունները ուրկե պետք է սկսիլ, առողջապահիկ կանոնները ի գործ դնելու:

Մեր առաջին մտածումը շի կրնար հարկավ մեր ողորմելի դպրոցական գործունեութենեն զատ բանի մը դառնալ:

Այն կուրացումին մեջ, որ առհասարակ ինքզինքին հավնող ամեն մարդու և հատկապես մերին պատուհասը եղած է, շենք տեսած կամ շենք ուզած տեսնել որ հայրենակից ուրիշ հասարակութուններ որքա՞ն արագաքայլ կը հառաջդիմեն կըրթության մեջ:

Մեր թուրք հայրենակիցներուն այս շավղին մեջ կտրած ճամփան այնքան մեծ է որ հիացումով միայն կրնանք զայն գնահատել:

Նախնական, բարձրագույն կրթության ու մասնագիտական ուսուցման հաստատութիւնները ամեն տարի շարունակ դուրս կը բերեն կարգ մը զարգացած երիտասարդներ, որոնք ամեն ասպարեզներու մեջ իրենց արժանիքը կը հաստատեն:

Թուրք օրագրության վրա պզտիկ ակնարկ մը կը բավե ըմբունելու համար այն հզոր գործունեութիւնը, որ իրենց գրական ասպարեզին մեջ ամեն առթիվ կը տեսնվի:

Ասոր դեմ, մեր մեջ, կիսկատար սերտողութիւններով, կըցկըտուր բառերով, թութակորեն միտք պահված բացատրութիւններով միայն պարծեցող պատանիներու, երիտասարդներու շարք մը, որոնց տգիտության անկզղութիւնը՝ իրոք ասշիցուցիչ է:

Եվ ասոնք իրո՞ք զավակներն են այն աշխատասեր, ուշիմ ու խելացի տոհմին որ Տաճկաստանի մեջ հառաջադիմության տարր մը ըլլալուն այնքան փայլուն ապացույցները տված էր միշտ:

Ապաքեն այս նվաստացումը դժվար չէր գուշակել, ազգին կրթական հաստատութիւնները միառմի շքացած, ուսուցչական մարմինը՝ խոտորած ու պարտականությանցը... ստորտը ինկած պահուն՝ մեր տղոց կրթութենեն ակնկալելիք բան մը մնացած չէր:

Եվ երբ մեր հասարակութիւնը ժողովներու, Խորհուրդներու, Կուսակցութիւններու սին վեճերովը կը հետաքրքրվեր, երբ

դպրոցները թաղականի, հոգաբարձուի, տնօրենի նախանձընդ-
գեմ պայքարներովը կը լեցվեին, անդին ուրիշները, առանց
աղմուկի, ուսանելու կը պարապեին փոխանակ մեզի պես պա-
րապուխամբ ուսանելու:



Հորմե հետե կենտրոնական վարժարանի ուսումնական վի-
ճակը խանգարվեցավ, կրնանք ըսել որ ոչ իսկ նախակրթարան
մը ունինք այսօր. լավ հասկցեք ասիկա, ոչ իսկ ծաղկոց մը:

Ու մի՛ խաբւիք Ուսումնական Խորհրդին երբոր կելլե վար-
ժապետանոց մը հիմնելու պես խոսքեր կընեն, այս այլանդակ
գաղափարին իրավամբ զլացված հանրային հոժարությունը
շարունակ պահանջելով:

Խորհուրդի մը խորհուրդ մը տալը դժվար է միշտ, բայց
չպիտի քաշվիմ՝ թաղական խորհուրդներուն, ասանկ երևակա-
յական վարժապետանոցի մը կամ կրթական տեսուչներու ա-
նունով ուզված դրամը մերժելու խորհուրդը տալիս:

Ի՞նչ պիտի ըսեիք այն մարդուն որ կռնակը շապիկ մը շան-
ցուցած Միոնն կամ Պոթեոնն հագուստ ապսպրելու կելլե:

Ո՛չ, այս հեք հասարակությունը շոայլելու դրամ չունի:

Ուսումնական Խորհուրդը արդեն իր խղճին վրա ունի՝ ամեն
օր մեյ մեկ ուսուցչի վկայականով փողոցները թափած ողոր-
մելիներու երկար շարքը, զորս անգործ թողուլը պաշտոնի մը
դնելի ավելի օգտակար կը համարինք ազգին համար:



Եվ եթե կուզե զմեզ երախտապարտ ձգել ու իրական ծա-
ռայություն մը մատուցանել, թող Ավելը ձեռքը առնե, Ավելը՝
որուն ծայրն ալ, կոթն ալ գործածելու տեղ կա, և մաքրե մեղի
չորս գործողություն չգիտցող թվաբաններե և ուղղագրություն
չտորվող հայկաբաններե, որոնց ճակատը փակցուցած ուսուց-
չի տիտղոսը շատ շանցած ճշմարիտ անարգանքի մը հոմանիշը
պիտի դառնա:

ԱՎԵԼԵՆ ԵՏՔԸ

Թե որ մեկը ելլեր մեր մեջ և բժիշկ ու երկրաչափ հասցնելու համար Պոլսո մեջ Բժշկական ու Երկրաչափական ազգային-վարժարաններ հաստատելու առաջարկութիւնը ըններ, հարկավ՛ ամենքս ալ խնդալի պիտի մարեինք:

Գաղափարը այնքան տարօրինակ պիտի երևար որ շախտի-մտածեինք անգամ որ Պոլսո մեջ, եթե ոչ պահանջելի ամեն պայմաններով օժտված, բայց գոնե պետք եղած դասերը ըստ կարի ավանդելու կարող մասնագետներ ունինք. այդ պզտիկ-օժանդակութիւնը, ասանկ մեծ գաղափարի մը իրականացումին քով, շատ շնչին սատար մը պիտի համարվեր:

Ու երբ որ Վարժապետանոց հիմնելու առաջարկութիւնը կրլլվի, կը տեսնեմ որ շատ մը մարդիկ, զորս մեծապէս կհարգեմ, ահա լրջութեամբ ասոր իրականացումին ետևեն են և ասով ժամավաճառ կրլլան, նիստ ու ժողով կը գումարեն, կարծիք կը փոխանակեն, խորհրդակցութիւններ կընեն, ծրագիր պատրաստելու համաճարակ ախտեն կը բռնվին:

Կը տեսնեմ ու հավատալս չի գար:



Կը կարծե՛ն արդոք որ Ուսուցչութիւնը ավելի՞ պզտիկ մասնագիտութիւն մըն է քան թե Բժշկութիւն կամ Երկրաչափութիւնք:

Ավելի՞ քիչ ատենի, նվա՞զ անգտանելի վարպետներու, և պակա՞ս ծախքի կը կարոտի միթե:

Մեր ըմբռնումովը,— որ կրնա Ուսումնական Խորհրդինը ըլլալ, բայց չի դադրիր բոլոր լուսավորյալ աշխարհին ըմբռնումը մնալի,— ուսուցչութիւնը ունէ մասնագիտութենն ավելի բան մըն է, ինքնիրմեն դուրս ընդհանուր զարգացումի մը կարոտ ասպարեզ է:

Ոչ միայն սորվելու բան մըն է ան, այլ նաև զարգացումի հատուկ մթնոլորտի մը, բարոյական ու իմացական մասնավոր միջավայրի մը անհրաժեշտ ենթական:

Այնպես որ, եթե նույնիսկ իբրև մասնագիտութիւն մը դայն Գոս ձեռք բերել կարելի իսկ ըլլար,— ինչ որ բացարձակ կերպով անհնար է, քանի որ ամեն բանն առաջ Վարժապետանոցի համար կարող ուսուցիչ շունինք— ես դարձյալ պիտի պահանջի որ մեկդի ձգենք այդ գաղափարը վասնզի մեր մեջ պետք եղած իմացական մթնոլորտն ալ կը պակսի կարծեմ:

Եվ ուրկե կը հետևի թե ավելի հեշտ ու հնարավոր է մեզի համար այստեղ Բժշկական կամ Երկրաչափական դպրոց մը հիմնել քան թե Վարժապետանոց մը:



Տեսնե՛նք. արտորնոք տրված որոշումներու, անհաշիվ առուտուրներու վերջ տանք. ուրիշ տեղ մը ըսի որ նոր շրջանի մը սկիզբն ենք ու ջանանք նոր մարդերու պես շարժիլ. մոռնանք, աստուծո՞ սիրուն, առաջուց ի վեր հեղհեղված հանկերգները որոնք այս ժամանակինը չեն. թողունք որ անոնք Պատրիարքարանի արձանագրութեանց մեջ մնան, իբրև իրենց ատենին նշանակները:

Մի՛ ըսեք ինձի որ ձեր ծրագրած Վարժապետանոցը՝ այն չէ ինչ որ ես, և հարկավ դուք ալ, կը փափագինք, այլ նախապատաստական ուսուցիչներ հասցնելիք համեստուկ դպրոց մը. այս սահմանափակումները չեմ հասկնար. վարժապետութիւնը՝

այն միակ բանն է որուն էն ստորին, էն նախնական աստի-
ճաններուն վրա պետք է փնտրել բարձրագույն արժանիքը:

Վարժապետանոց կամ Ոչինչ. մեզտեղը չի կա ասոր:



Ի՞նչ ընելու է ուրեմն:

Պարզապես այն՝ ինչ որ խիստ բնական կը գտնենք երբոր
մեկը բժիշկ կամ երկրաչափ ըլլալու կը պատրաստվի: Ինչ որ
պարզ անհատները այնքան դժուրութեամբ կընեն ու կը հաջո-
ղին, անիկա ընենք մենք ալ՝ երբ ազդին համար ուսուցչի պետք
ունինք և ինչ որ մինչև հիմա երբեք փորձած չենք:

Ի՞նչ ավելի դժուրին բան կա, քան ամեն տարի 4 կամ 5
պատանիներ զատելով արժանավորներեն,—ու երբ արժանա-
վոր կըսեմ, կը հասկնաք որ սրվոր նրվոր պաշտպանութեանը,
հանձնարարութեանը կամ եղբորորդիութեանը վրա չէ խոսքս,
այլ մրցումով ապացուցված արժանիքի,—Գերմանիա կամ ու-
րիշ հարմար տեղ մը խրկել, որպեսզի պետք եղած ուսումը ու
զարգացումը առնեն:

Կը կարծեմ որ շորս տարվան շրջան մը կը բավե ասոր,
և այստեղ փորձվելիք ամուլ ջանքերը այնտեղեն սպասված
ապահով ճշմարիտ օգուտներուն հետ բաղդատութեան անգամ
չեն կրնար դրվիլ:

Ծախքի խնդիրը հոս թե հոն միևնույն պիտի ըլլա, վասնզի
նախակրթարաններ կան մեր մեջ որ 500են 1000 ոսկիի տարե-
կան պլուտճե ունին և կենթադրեմ որ Վարժապետանոցը, որ-
քան ալ համեստ ըլլա, միշտ նախակրթարանի մը ավելի ծախ-
քի կը կարոտի, մինչդեռ Եվրոպա խրկվելիք ուսանողի մը տա-
րեկան ծախքը 60 ոսկիեն անդին շանցնիր:



Երբ որ ասկե շորս տարի վերջը ճիշտ 16 ուսանող ունենանք
հոն, ասոնց ծախքը՝ որ ուսանողներուն թիվին ավելնալուն հա-

մեմատ կրնա ալ պակսիլ, տարեկան 1000 ոսկիով պիտի գոցվի:

Կրնա՞ք խոսք տալ որ այսչափ դրամով միևնույն արդյունքը կարող եք ձեռք բերել հոս, եթե ասոր տասնապատիկն ալ ծախսեք:

Մանավանդ որ, երբ կանոնավոր կազմակերպութիւն մը առնեք, երբ վստահութիւն մը ներշնչեք այս գործը, չի պիտի պակսին հարուստներ որոնք սիրով մեկ կամ ավելի ուսանողի ծախքը պիտի հոգան, ինչպես որ ցարդ հոգացած են անհատական դիմումներու վրա և որոնք, եթե փափագին իսկ այսօր նպաստ մը տալ բարեգործական նպատակով, շեն գիտեր թե ի՞նչ ընելու են կամ որի՞ն հարցնելու են:

Թաղային վարժարաններեն՝ այցելու կամ տանուտեր տնօրեններու համար ստակ պահանջելի բանավոր է կարծեմ ասանկ առաջարկութեան մը օգտին անոնց պշտօններեն մաս մը հատկացնել տալ, օրինակի համար, հարյուրին տասը. և կը հավաստեմ որ Պատրիարքարանեն խրկված տեսուչներու դանկ մը չի տվող թաղականները, սիրով պիտի տան ուզված դրամը երբոր իրենց տղոց ուսուցիչներ պատրաստելու առաջարկութիւնը՝ լուրջ բանի մը, հավատալի ձեռնարկի մը վերածվի:

Հիմա որ այս կրթական գործին ապրելու պայմանները ճշտեցինք, ուրիշ բան մը չի մնար մեզի բայց միայն արտասովել անոր վրա եթե դարձյալ կյանքը զլացվի իրեն, Դուրյանին ըսածին պես.

«Եվ մահամերձն ալ կը խնդրեք երկու բան,

Նախ՝ կյանքը ու հետո լացող մ'իբ վրան»:

ԽՈՐՀՈՂՆԵՐ, ԳՈՐԾՈՂՆԵՐ

Ուշագրութիւն ըրած եք հարկավ որ խուլ անհամաձայնութիւն մը կա այս երկու կարգի մարդոց մեջ, որոնք սակայն իրարու հետ միաբան աշխատելով կրնան օգտակար օտարոյնավոր ըլլալ:

Ընդհանուր կանոն է որ գործող մարդը խորհողը քամահրեւեմ և փոխադարձաբար ընդունված է որ խորհողն ալ գործողին շահվնի բնավ:

Այս ընդդիմամարտ ու անհաշտ ոգին՝ հասարակութեան մը գործունեութեան մեջ անգամ մը մտնելի վերջը, զարմանք չէ որ ամեն ջանք ամուլ դառնա, ամեն ինչ իր պակասավոր ու անբավական վիճակին մեջ հետզհետեւ ավելի ևս ուժովնա, վասնզի մեր մեջ, ամեն մարդ անսխալ ըլլալու հավակնութիւնը ունի և չի կրնար զիջանիլ սա ճշմարտութիւնը ընդունելութեան ուրիշ մը իրմե ավելի ուղիղ տեսնելու կամ գործելու երբեմն կարող կրնա ըլլալ:

Ժողովական մը դրամատեր է, դրամին տարբերութիւնները հաշվելու կամ շահագործելու միջոցները ուրիշն մը աղեկ գիտեմիշտ. ամենքը կը խոնարհին իր այս ձեռնհասութեան առջև, բայց ինքը այս համեստ դրվատիքովը չի կրնար գոհանալ:

պետք է նաև որ կրթական հարցերու վրա իր կարծիքը հարցվի, հոն ալ գերակշիռ ձայնը ունենա ինք:

Ուրիշ մը բժիշկ է, հաստատութեան մը ողջապահիկ կանոնները կրնա ճշտել, բայց իր փառասիրութիւնը այս սահմանը չընդունիր. հորմեհետեւ իր «տոքթոր» տիտղոսը հնչեցուց Փերայի փողոցները, ահա ամենագետ մարդը եղած է մեր հասարակութեան մեջ, և ամեն բանի խելք հասցնելու կը բավի:



Մանավանդ թե ճշմարիտ թշնամանք մը կըլլա իրենց երբոր հրապարակադիր մը, պարզ օրագրող մահկանացու մը, իր գաղափարները, իր առաջարկութիւնները ներկայացնել:

Բողոքը կսկսի Ի՞նչ գիտե՞ս այն գրողը. Ի՞նչ կը հասկնա գործեն. իոտիլը, առաջարկելը դյուրին է. բայց գործադրելն ալ մեկտեղ ցուցնելու է. անոր շափ այդ բաները ո՞վ չի գիտեր և սովորական շարքը այս անմիտ առարկութիւններուն որոնց մեջ Անձնասիրութիւնը և Ունայնամտութիւնը ժամադիր եղածի պես գիրար կը գտնեն:

Ու երբոր դեմը ելլողին այս բացատրութիւնը տալով իր լեցուն սիրտը պարպե—ըստ որում միտքը չի կրնար պարպել—այն ատեն ճակատը բաց կը քալի փողոցէն, ֆեսը վեր նետած, թեթև ժպիտ մը իր հեզնոտ այտերուն վրա, ինքզինքին հավնած երջանիկի մը կամ մեծ գործ մը ըրած մարդու մը երանութեանը մեջ:

Պետք չունի բնավ որ պատիվ ընե ուշի ուշով կարդալու ինչ որ օրագրողը, հարկավ իրմե շատ ու շատ ավելի մտածելի հոքը, իբրև լավագույն խորհուրդը՝ համարձակած է հանրութեան ներկայացնելու:

Զըմբոններ թե օրագրի մեկ կամ երկու սյունակը լեցնող խոսքերը խղճմտանքի ու պատվո կրկին երաշխավորութեան տակ արտասանված խոսքեր են, որոնց կշիռը իր փոքրիկ դատողութիւններեն շատ վեր է միշտ:



Անուշադիր մարդ մը, օրագրի մը համար՝ սա կամ նա առաջարկութիւնը, այս կամ այն քննադատութիւնը ընելեն դյուրին աւ զըռսեցուցիչ բան շերևակայի:

Ու թե որ գիտնա՛ր որ էն շնչին խորհուրդը, էն անկարևոր խոսքը զոր խղճի տեր օրագրող մը կը նետե հասարակութեան մեջ, քանի՛, քանի՛ անգամ մտածվելի, քննվելի, թեր ու դեմի ամեն առարկութիւնները կշռվելի վերջը միայն դուրս կելլի:

Թե որ գիտնար թե օրագրողին համար՝ ճշմարիտ երկունք մըն է իր հեք առաջնորդող հոգովածը, որ ահա այնքան բուռն թշնամութեանց նյութ պիտի դառնա կամ այնքան հարևանցի դատաստաններու կամ կանխակալ վճիռներու պիտի հանդպի:

Թե որ գիտենա՛ր որ օրագրողը ո՛րքան պատրաստ համակրութեան ցույցեր, իրեն ընդառաջ վազող ողջագուրանքներ մեկդի դնելով է որ իր խորհող մարդու կարծիքը կարտահայտե, երբ սակայն այնքան դյուրին էր— ոչ թե իր համոզումին հակառակը ըսելով, այլ լռութիւն պահելով միայն, — պահպանել այն բարեկամութիւնները որոնք իր կռակը շոյելով՝ բերանը բռնելու կը նկրտին:

Ո՛հ, ապահով եղեք, եթե խղճմտանքի գոհացումն դուրս ունէ նկատում ունենա՛ր իր առջևը, երբեք չպիտի մատնանիշ ընել շիվանդանոցին օր օրն վատթարացած վիճակը, կրթական ստորնացումը. ո՛չ, ասոնց և ո՛չ մեկը պիտի ընել. գաղափարներու ետևեն վազելու անխելքութիւնը չպիտի գործել:

ԹԱՏԵՐԱԿԱՆ ՔՐՈՆԻԿ

ՏԻԿԻՆ ՄՈՆԿՈՏԵՆ

Օրիորդ Մարկըրիթ Տարպելիի առաջնորդութեամբ կազմւած ֆրանսացի թատերախումբը, որ այս ձմեռական սկիզբը Փերայի Քաղապետական թատրոնին մեջ կարգ մը ներկայացումներ տալիս ետքը մեկնած էր, քանի մը օրե ի վեր մայրաքաղաքս վերադարձած է և իր նոր շրջանը երեկ գիշեր սկսավ ներկայացնելով Տիկին Մոնկոտենը, զվարճալի վոտրվիլ մը, որուն մեջ բարոյական մըն ալ կա, ինչ որ վոտրվիլի մը միշտ չսպասվիր:

Ահավասիկ այս զավեշտին նյութը համառոտիվ:

Պարոն և տիկին Մոնկոտեն Ալանսոն քաղաքը կը բնակին: Տիկինը բարոյականի մասին խստապահանջ, բայց շփազանց խստապահանջ մեկն է, հայ մամուլին ժանոթ մեկ քանի ներկայացուցիչներուն շփ. իր այս անմատչելի ու անառիկ կնկան համբավը տարածված է ամեն կողմ. իր խիստ թարմ ու համեղ ատենն ալ—հիմա տիկինը հիսունին մոտիկ է—այսպես է եղեր, ու իր տունը հյուր եկողներուն արդար պարծանքով մը ցույց կուտա պզտիկ դաշույն մը զոր գործածեց օր մը իր պատվին ու հրապույրներուն ետեան ինկող ձեռներեց մարդու մը դիմ ինքզինքը պաշտպանելով:

Այս դաշույնը հիմա նվիրական բան մըն է և Ալանսոն ամբողջ անոր առջև կը ծնրադրի:

Տիկինը ամեն բարեպաշտական ու բարոյական ընկերութիւններուն անդամակիցն է և բերնեն վար շի ձգեր—միշտ տարօրինակ կերպով նմանելով մեր մամուլին մեկ մասին—բարոյականը ու կանացի պատիվը, և իր հեք էրիկը նվաճելով իր անցյալ քաջասրտութեանը մեծութեան բռնին տակ: Ողորմելին՝ ամուսին մը չէ այլ ժողկոցի աշակերտ մը. պզտիկ դիմադարձութեան մը կամ անհաճո բանի մը համար տիկին Մոնկոտեն զինքը կը պատժե, քսան էջ գիր գրել կուտա, կը բանտարկե և որ ավելին է, շաբաթ մը, երկու շաբաթ կը զրկե պտուղե, անկե՝ որուն համար մեր նախահայրը Ադամ, կըսեն թե Եվայն ուղելով խաբվեցավ:

Արդ, տիկինը քնոտողի մը ունի օրիորդ կուսիեն, որ Փարիզն եկած Ֆուժրոտ անունով երիտասարդ նկարիչ մը կը սիրե և անկե կը սիրվի, բայց տիկինը ասոնց ամուսնութեան շի հաճիր բնավ: Փարիզն եկող մը, մանավանդ նկարիչ մը իհարկե անբարոյական ու անառակ կըլլա, և պարկեշտասուն տիկին Մոնկոտեն որոշած է կուսիենը ամուսնութեան տալ Սավինյաք անունով մեկու մը որուն ինքը կը հավնի և որուն օրիորդը շի հավնիր բնավ:

Իսկ պարոն Մոնկոտեն թեև կը փափագի կուսիենը սիրած մարդուն հետ ամուսնացնել բայց կնոջմեն այնքան կը վախնա որ շի համարձակիր բերանը բանալ անոր դեմ:

Այս միջոցին է որ Պենկալին, փարիզցի երգչուհի մը, իրեն ձգված մեծ ժառանգութեան մը շնորհիվ, կանոնավոր կյանք մը անցընելու համար Փարիզեն Ալանսոն եկած է բնակելու և դրացի է պ. Մոնկոտենին որ իր հրապույրներուն շի կրնար դիմանալ. Պենկալին ալ Ֆուժրոտը Փարիզն կը ճանչնա ու կը սիրե և Ալանսոնի մեջ հանդպելով անոր նորեն ձեռք ձգելու կաշխատի. բայց նկարիչին սիրտը միշտ կուսիենին հետ է, այնպես որ երբ Պենկալին անոր տունը ետեն կերթա, անիկա կը ձգե կը փախչի. բայց իր տեղը կը ձգե հոն պ. Մոնկոտենը, որ վերջ ի վերջո կը բռնվի իր կնոջմեն ճիշտ այն վայրկյանին երբ փարիզցի երգչուհին իր բոլոր կախարդիչ հրապույրներովը զինքը զգլխած էր:

Իր կնոջ առջև դժբախտ Մոնկոտեն ինքզինքը արդարացնելու համար գլուտ մը կըննե. քնաշրջիկ կը ձևանա և իբրև թե քունին մեջ և անգիտակցաբար երգչուհիին քովը գտնված ըլլալը կը ցուցնե. իր կինը չի հավատար նախ. հետո երբ կը տեսնե որ քնաշրջիկը, միշտ աչքը գոց, պատուհանն դուրս իյնալու պես բաներ մը կըննե, կը համոզվի:

Մոնկոտեն այս առաջին անգամը կը հաջողի կանացի վրեժխնդրութեան կայծակներէն պրծելու, բայց եկու տես որ երգչուհին, իբրև ճշմարիտ փարիզցի կին, վարձանալ կուզե իրեն հետ. և օր մըն ալ կելլե տիկինը բացակա եղած մեկ ժամուն Մոնկոտենին տունը կուգա. իզուր Մոնկոտեն, որուն առջի անգամվան վախը միտքն է դեռ, ճամփու դնել կուզե զինքը. Պենկալին իր ճիտը կը փաթթվի, գիրկը կը նետվի, վերջապես կընե այն ամեն բաները որոնք խնդճ Մոնկոտենին բոլոր խոհեմութեան դասերը մոռցնել կուտան:

Կերգեն, կը պոռան և... բնականաբար դարձյալ կը բռնվին տիկինն որ վերջապես վրա կը հասնի անիրավ պատուհասի մը պես:

Այս անգամ ա՛լ քնաշրջիկի հնարքը չի կրնար բանիլ և Մոնկոտենի տրվելիք պատիժը անագորույն և անողոք բան մը պիտի ըլլա. տիկինը կը խորհի, կը մտածե. պահ մը ամուսնաթողութեան խոսք մը կը դառնա. ամուսնին համար՝ ասիկա պատիժ չէ այլ փրկութիւն. բայց այս խորհուրդը կանցնի. աւոր տեղ տիկին Մոնկոտեն կորոշե ամուսինը տարագրել լեբան մը մեջ կորսված ագարակ մը, և Մոնկոտեն կը մխիթարվի խորհելով թե գեթ առանձին պիտի մնա հոն:

— Ո՛չ, կըսես տիկինը, ես ալ միասին քովը պիտի ըլլամ:

Հիրավի պատիժը անհանդուրժելի է ա՛լ. Մոնկոտեն կնոջը գիտութեանը կը դիմե ու հակառաջարկ կը ներկայացնե ինչպես կըսեն դիվանագետները.

— Հինգ տարի, տասը տարի պտուղեն, սա՛ ծանոթ պտուղեն զրկե զիս, ի՞նչ կըլլա:

Ո՛չ. պտուղե զրկելը շնչին ու անբավական պատիժ մըն է և տիկին Մոնկոտեն, այն պարկեշտասուն կինը որ ահա սա պտուղեն կախված արյունաթաթավ դաշույնով մը իր պատիվը

պահպանած ըլլալու անբասիր անցյալը ունի, պետք է որ օրինակելի դաս մը տա իր անհավատարիմ ամուսնին:

Բայց եկու տես որ, պատեհ զուգադիպութեան մը բերմունքով, երևան կելլեն հանկարծ որ տիկինին այս քաջագործութիւնը սնտոի և հերյուրածո է բոլորովին. իրավ է որ ատենով հրիտասարդ մը իր ետևեն պտըտեր է, իր սենյակը մտեր է, բայց ձեռքը թափուր գուրս չէ ելեր, այլ ընդհակառակը այնպիսի հիշատակներով բեռնավորված որ ահա տասը տարի ետքը նորեն իր բերնին ջուրերը կը վազե: Տիկին Մոնկոտեն կեղծպարկեշտ մըն է ուրեմն, ինչպես կըլլան անոնք որ պարկեշտութիւն ու բարոյական բառեր բերաննուն չեն ձգեր և ուրիշներուն դեմ աններող ու խստապահանջ կըլլան:

Ինքն է անհավատարիմ կինը, և իր էրիկը ա՛լ պետք շունի քնաշրջիկի հնարքներու կամ գլխիկոր մարդու աղիբանքներուն ապավինելու այսուհետև:

Մոնկոտեն բարձրավիզ է, կը կանգնի իր խաբեբա կնկանը դեմ ու միանգամ ընդմիշտ կազատի անոր հրամայողի ծանր ու անտանելի լուծեն. ասկե վերջը ազատ համարձակ ուզած տեղը պիտի երթա, ուզածը պիտի խմե և ուտե, և կինը ունէ կերպով չի պիտի խառնվի իրեն. շունչ կառնե խեղճ մարդը, երկար շունչ մը և, հաստատելու համար այսքան դժվարագնի ձեռք բերած իր նոր իշխանութիւնը, կորոշե որ կուսիեն իր սիրած Տուժրուլին հետ ամուսնանա:

Եվ ասով կը վերջանա խաղը:

Օրիորդ Տարպելի Պենկալի դերին մեջ շատ հաջող է. տիկին Մոնկոտենի դերը վարող դերասանուհին ալ իր կեղծավոր ու հանդիսավոր ձևերուն մեջ ճարտարութիւն ցույց տվավ. նույնպես պ. Մոնկոտենի դերը կատարողը կնկանը լուծին տակ ընկճված ամուսնի վարմունքին մեջ խիստ ծիծաղաշարժ գտնելիցավ:

Բազմութիւն չիկար. բայց բարեկենդանի հոգնութիւնը արգիլած ըլլալու էր շատերը ներկա գտնվելի:

Այս թատերախմբին ներկայացումները Փերայի լավագույն ժամանցը կը կազմեն:

ՍՐԲԱԳՐՈՒԹՅՈՒՆ

Երբոր մեր խմբագրատունեն ներս մտավ, սև վերարկուն պատին քսելով, քամակը ծռած, խոնարհ ու արգահատելի երևալու հայտնի ճիգով մը, համակրելի բան մը շի գտանք վրան:

Գիտեինք արդեն որ այս թափթփած զգեստներուն տակ պահվրտող անձը բավական հարստութեան մը տերն էր և, տոմինո մը վարձելու պես, առժամանակյա կերպով փոխ առած իր ողորմուկ ձևերուն հակառակ՝ այս մարդը ահարկու նշանակութուն մը ուներ իր տեղը:

Ճարպիկ ու սպրդող մարդ էր, աչքի քթթումով մը, խոսվածքին մեջ դրած մասնավոր շեշտովը՝ շատ ավելի բաներ կը հասկցնէր քան ինչ որ իրոք դուրս կելլեր իր բերնեն:

Սխալ մը միայն, այն ալ մեզի դիմելն էր, ողորիչ ձայնով մը որ միտքերնիս է դեռ.

— Վայրկյան մը ձեզի հետ մասնավոր տեսնվիլ կը խընդրեմ....:

Կարծեր էր, որ մասնավոր տեսնվիլը մեր փոթփոթած երծար պիտի ժպտեցնէր և մեծ եղավ զարմանքը երբոր ճամփա

գրինք զինքը շոր ու ցամաք կերպով մը որուն նշանակութեանը վրա չէր կրնար երկմտիլ:

— Զբաղած ենք, ներեցեք:

Մեյ մըն ալ շերեցաւ. մեր խմբագրատունը՝ իր խոստամնա-
ւից ձևերուն ծլումին ու փթթումին նպաստավոր մթնոլորտ մը
շունեք. այն օրեն զգաց ասիկա ու հեռացաւ մենե ալեւի պատ-
շամ միջավայր մը փնտրելով իրեն:

Կրօնական ժողովին առջև՝ միևնույն ես մեղավորսի ձևերո-
վը, հնդիկ ֆաքիրի մը պես կուրծքը ու կոնակը ծեծելով, իր հա-
կառակորդներուն ոտքին տակ փոված զոհի մը հառաշանքնե-
րով, հաջողեցաւ գթութիւն շարժել երբ պատուհասող Արդա-
րութեան մը՝ համար ու հաշիվ տալու եկեր էր հոս:

Իր անխնամ ու մացառուտ մորուքին, իր կապույտ ու ատեն
ատեն արցունքով փալփլոր աչքերուն նայեցան ու խղճացին.
այս մարդը պատմվածին շափ շար մեկը չէր երևար. ցցված քի-
թը պահանջկոտ ու խիստ բնավորութիւն մը ցույց կուտար.
անհանդարտ նայվածքը, որուն մեջ խորամանկութիւնը կը
կարդացվեր, այո՛, քիչ մը շահամոլութիւն ալ կը մատնէր:

Բայց ցարդ այս տեսակ ռամիկ ու հանապազօրյա մեղքերու
համար ոչ ոք դատապարտված էր և այս պոնտոսցի քահանա-
յեն սկսիլն ալ արդար չպիտի ըլլար:

Այս բոլոր խորհրդածութիւնները Կրօնական ժողովը մըտ-
քեն անցուցած ըլլալու է և կենթադրենք որ միջին ու հաշտա-
բար բան մը ընելու դիտավորութեամբ, որոշում տրվեցաւ որ
այս մարդը իր քաղաքը վերադառնա այն պայմանով սակայն
որ այսուհետև թեմական գործերու չի միջամտի բնավ:



Հաշտարար որոշումներու ճակատագիրն է հակասական ըլ-
լալ, և ոչ մեկ կողմին գոհացում տալ:

Հայտնի է որ արգիլել՝ եկեղեցականի մը ազգային գործե-
րու խառնվելն, դատապարտել է զայն. վասնզի ի՞նչ տեսակ
եկեղեցական մըն է այն որուն ազգին գործերը չեն վստահվիր:

Մյուս կողմն արտոնել զինքը որ իր քաղաքը վերադառնա, հոն ուր ամբողջ հասարակություն մը իր կեղեքումներեն կը գանգատեր, արդարացնել է զինքը և այդ գանգատները անհիմն հռչակել է:

Եվ բնական է որ մեկնությունները շի պակսին այս մարդը շքմեղացնելու աշխատողներուն և ակներև այս գայթակղությունը, իբրև շնչին բան մը, պարտկողներուն դեմ:

Հանրային խղճմտանքը, որ ենթադրվածեն շատ ավելի խստապահանջ ու մանրազնին է, ծանրապիս վիրավորված պիտի ելլե դուրս, այս անակնկալ բարեսրտության տեսարանեն:

Այսքան հռչակված շարաշահության մը հանգեպ՝ կրոնական իշխանությունը իր խստությունը կորսնցնելով՝ տարօրինակ կերպով կարդյունավորե անա այս մարդուն ողորիչ ու սպրդուն ձևերը:

Օրտուի քահանային իբր անբիծ տատրակ մը այս դատաստանեն դուրս ելլելովը հոս ոչ ոք կը խաբվի, և այս արծաթափայլ սպիտակությունը զմեզ շի զարմացներ:

Բայց կը խորհինք մեր Օրտուի հեք ազգայիններուն վիճակին և առհասարակ՝ բոլոր գավառացի ազգակիցներու՝ որոնց հրեմն միևնույն բախտը վիճակած է:

Ահավասիկ եկեղեցական պաշտոնյա մը որուն մասին հայտնված գանգատները այնքան հաճախած էին և ամբաստանությունները այնքան միահամուռ և ծանրակշիռ հանգամանք մը առած, որ Տրապիզոնի Առաջն. Փոխանորդը անձամբ Օրտու երթալով, իր կատարած քննությանց երևան բերած արդյունքին վրա, այս քահանան մայրաքաղաքս կանչել և դատաստանի ենթարկել տալու հարկը կը տեսնե:

Ի՞նչ կը պատահի ասկե վերջը, ոչ ոք գիտե. իրո՞ք կը տեսնելի կանոնավոր դատաստան մը և ի՞նչ է պատճառը եթե շի տեսնվիր. ինչո՞ւ այս մշուշը որ այս կարգի խնդիրներուն վրա կը տարածվի միշտ: Կարելի չէ՞ արդյոք որ ս. Պատրիարք Հայրը, որուն բարձր արդարասիրությունը ամենուս ծանոթ է, իր ձայնը ուժով մը լսելի ընել տար Կրոնական ժողովին մեջ:



Փարիզի Վերաքննիչ Ատյանը հռչակավոր նշանաբան մը
ունի որ հետևյալն է.

«Ատյանը արդարութիւն կը բաշխե, շնորհ չի բաշխեր»
Կերևա թե Կրօնական Ժողովը այս նշանաբանը սրբա-
գրած է:

Մասիս, 12—3—1898

ԱՆՄԱՀՈՒԹՅՈՒՆԸ ԱԺԱՆՑԱԾ

Բարոյական աշխարհն ալ՝ սեղանավորական աշխարհին պես, իր բաժնեթուղթերը ունի, ասոնք ալ՝ իրենց գիներուն ելևէջները:

Ատեն կըլլա որ մարդ տասը հազար ոսկի տալով բարերարի բաժնեթուղթ մը չի կրնար գնել. Ամերիկայի և Եվրոպայի մեջ մանավանդ միլիոններ պետք են. կը պատահի երբեմն որ միլիոններն ալ չբավեն. տվողին բարոյական նկարագիրը, տըրված դրամին ուսկից գոյացած ըլլալը հարցնեն, փնտրեն, և եթե աղբյուրը հստակ ու վճիտ չգտնեն, այդ միլիոններն ալ մերժվին:

Մեր բարերարութեան բաժնեթուղթերը այդքան բարձր գին բրած չեն երբեք, բայց չենք հիշեր որ 4—5000 ոսկիէն ալ վար ինկած ըլլան:

Այս օրերս տեսնելով անշուշտ որ ատանկ հազարներով ոսկիի փոխարեն այդ բաժնեթուղթերը գնող չի կրնար գտնել, Հիվանդանոցի վարչական Հանձնաժողովը որոշած է զեղջ մը ընել, ազգային վարչութեան քով դիմում և քիչ քիչ մզլտիլ սկսած բարերարութեան բաժնեթուղթի սթոքը քշելու համար: Մեր երկուշարթի թիվին մեջ կարդացիք հարկավ Հիվանդանոցի մեջ գթութեան անկողիններ հաստատելու ծրագիրը:

Ա՛լ այսուհետև բարերար շրջալը շարժեր, քսանըշորս ոսկիով, դուք, ես, ամենքս ալ բարերար պիտի ըլլանք. այս գումարը մեկ տարի մը տալը կը բավի որպէսզի մեր պատկերը ունենանք—յուզանե՞րկ թե մատիտով, այս մանրամասնութիւնը, որ սակայն իր կարևորութիւնը ունի, դեռ չէ լուծված— Հիվանդանոցին մեջ. ժամանակին Պատրիարքը մեր հոգվոյն պատարագ պիտի մատուցանե և անուննիս պիտի հիշատակե: Եթե ամեն տարի տանք 24 ոսկի, պատկերնիս հիվանդներու անկողիններուն վրա պիտի կախվի, թերևս պահապան հրեշտակի մը փոխաբերական իմաստովը, եթե հաջորդ տարին չվճարենք, պատկերը անկողինն վրայեն պիտի վերցվի հատուկ սրահի մը մեջ դրվելու համար, այս սրահը կերևի թե բարեբարութեան սնանկացալներու հատուկ սրահը պիտի ըլլա:

Բայց ավելին կա. սովորական բաժնեթուղթերը շեն կրնար կիսվիլ, օրինակի համար՝ շեք կրնար կես երկաթուղիի բաժնեթուղթ մը գնել, վարչական Հանձնաժողովը, որուն գործնական ոգին շենք կրնար զգնահատել, այս դժվարութիւնն ալ բարձած է: Երկու հոգի 12ական ոսկի տալով պիտի կրնան բարերարի ամբողջ մը ձեռք գնել. և այս ամեն մեկ կես-բարերարը ամբողջ բարերարն մը տարբերութիւն չպիտի ունենա. կեսը՝ ամբողջին հավասար. ահավասիկ թվաբանութեան խնդիր մը որ Յուսուֆյան Հովսեփի էֆենտիի¹ մաթեմատիքական ձեռնհասութեանը կը պատկանի և որուն լուծումը գալ շարաթվան իր գիտական քրոնիկներն կակնկալենք:

Ու կես-բարերարներն ետքը, քառորդ բարերարներ կուգան, 12նոցներն ետքը 6նոցները. ասոնք անկողին չպիտի կրնան հաստատել, բայց լավագույն բան մը պիտի ընեն, սեղան մը պիտի տան տարին անգամ մը իրենց անունովը. իսկ հոգվոյն պատարագը ու հիշատակը այս քառորդ բարերարներուն համար ալ պիտի ըլլա:



Վարչական Հանձնաժողովին ծրագիրը, ինչպէս կերևի, շատ հրաշալի է. ասանկ անսովոր աժանութիւն մը՝ ամեննն մեծ

տնտեսական տագնապներուն մեջ անգամ տեսնված չէր. ատեն կորսնցնելու չի գար ուրեմն, որովհետև վայրկյանե վայրկյան գիները կրնան բարձրանալ: Վարչութիւնը, որ ստիպողական հարկերու տեղի տված է ընդունելով այս ծրագիրը, կրնա վերադառնալ իր որոշումեն. կրնա ըլլալ որ Հիվանդանոցի մեծ բարերարներուն քով, որպես եղած են Գազազ Ամիրան², Տատյանները³, և ուրիշ սակավաթիվ ազգայիններ, թույլ չի տա որ 24նոցները գան:

Եվ այն ատեն, երբ գիները մեկեն ի մեկ բարձրանան, հիմակուց քառորդ, կես կամ ամբողջ բարերարի անուն ձեռք անցընողները կրնան անակնկալ շահերով, մեկին տասը վաստկելով ձեռքե հանել և ուրիշի փոխանցել իրենց իրավունքները:

Երևակայեցեք որ ես վաղը առտու կը փութամ Հիվանդանոցի գրասենյակը երթալ և, տարեկան 12 ոսկիի վճարումով մը, կը տիրանամ—և իբրև փաստաբան՝ վավերական հյոճեք մըն ալ կը պահանջեմ ու կառնեմ—իմ պատկերս անկողնի մը վրա կախել տալու իրավունքին, ինչպես նաև ասոր հարակից մյուս բոլոր իրավունքներուն, և կսպասեմ:

Եթե այս Վարչութիւնը իր որոշումեն չդառնա, տարակույս շունիմ որ գալիքը գոնե առնվազն պիտի հնգապատկե այս գիները և այն ատեն հաշիվ ըրեք իմ շահս. մեկ տարվան մեջ տվածիս հինգ անգամը պիտի առնեմ, եթե երբեք ուզեմ իմ անմահ բարերարի տիտղոսս, դրամական անձկութեան հաճախադեպ վայրկյանի մը մեջ, ստակի վերածել:

Ասոր համար ուրիշ բանի մը պետք չունիմ, բայց եթե մեկը գտնել, և, այն օրվան գինին վրա պզտիկ տարբերութեամբ, ծախել իմ իրավունքներս նոր կես-բարերարի մը, որ միշտ ամբողջի մը հավասար է:

Կը տեսնե՞ք, որքան շահավետ գործողութեան մը հեռապատկերը կա առջևնիս:



Լրջութեամբ խորհինք այս ամենուն վրա. ունայնամտութիւնը էպես ու գերազանցապես մարդկային տկարութիւն

մըն է որ պզտիկ կամ մեծ չափով միշտ կրնա շահագործվիլ. չեմ մերժեր ասկից օգտվելու սկզբունքը, վասնզի շատ աղքատ հասարակություն մըն ենք, և Հիվանդանոցի մը 8—10000 ոսկին վճարել չկրցող ազգ մը խստապահանջ չի կրնար ըլլալ մուրացկանութեան եղանակներուն վրա:

Բայց... խորհինք նաև թե ի՞նչ կրլլա հետեանքը երբոր վարժեցնենք մեր հասարակությունը այսքան դյուրագնի պատիվներու, 12 ոսկիով Հիվանդանոցին մեջ պատկեր ունենալու իրավունք ու անունի հիշատակություն տալերնեա ետքը, քանի մը հազար ոսկի շնորհողին ի՞նչ պիտի ընենք. բոլորովին հույսներս կտրա՞ծ ենք ասանկ բարերարի մը երևումեն:

Եվ ի՞նչ ծիծաղելի բան է այն կարգ մը պատկերներու շարքը՝ անկողիններու գլուխը. զավեշտային մյուսեոն մը՝ ցավի ու տառապանքի հաստատութեան մը մեջ:

Ի՞նչ պիտի զգան նաև այն մեծ մարդոց ոգիները որոնք Հիվանդանոցին բարերարներն են. իրենց պատկերները, որ կան հոն կախված, չպիտի՞ սարսուտան արդար զայրույթով մը, երբոր այս նոր բարերարներու կոտորակները իրենց քովը գան զետեղվիլ ու խրոխտալ:

Կը հասկնամ Հիվանդանոցի ինամակալութեան տառապանքը երբոր հասույթի աղբյուր ճարելու համար գլուխը ամեն քրի կը զարնե. բոլոր սրտովս կը հասկնամ իր դժնդակ կացութիւնը... բայց ինամակալութիւնը վստա՞հ է գոնե որ այս անսովոր աժանութեան գլուտովը՝ իր հեք պատսպարյալներուն՝ փորը պիտի կրնա կուշտ պահել:

Թե որ նորեն անոթութեան, խեղճութեան ձայները պիտի լսվին, չարժեր որ, արդեն տարօրինակ կերպով ստորնացած մեր հանրային բարքերը ալ ավելի ստորնացնենք:

Ատենով իրարու անուշ անմահութիւն կը մաղթեին ուրախութեան վայրկյաններու մեջ գինիի գավաթները իրարու բախելով. այսուհետև աժան անմահութիւն պիտի առաջարկեն:

ԼՈՒՐ ԶԻ ԿԱ

Չեմ գիտեր թե ընթերցողներուս մեջ հրապարակագրութեան փափագ ունեցող կա՞. օրագիրներու մեջ երևալու փառասիրութեամբ տագնապող մը կը գտնվի՞: Պիտի հրավիրեի զինքը որ գար օր մը Մասիսի խմբագրատունը և ներկա ըլլար օրագրի մը երկունքին. ապահով եմ որ այդ փափագեն հավիտյան պիտի հրաժարեր:

Մտածեցեք անգամ մը ի՞նչ է դիրքը այն սպասավորին՝ որ տեղ մը ղրկված է կարևոր, ամենակարևոր լուր մը բերելու համար և որ ամեն օր ձեռնունայն կը դառնա միշտ: Իր տերը ամենեն անհամբեր, ամենեն նեղսիրտ մարդն է զոր կարելի է երևակայել աշխարհիս վրա. հասարակութունն է ան. դժգոհ ու լալկան երախան է:

Ամեն օր երբ լրագիր մը կը հրատարակվի, խոստում մը ունի իր մեջ՝ լուր մը, աղեկ կամ գեշ լուր մը բերելու իրեն հետ. և խմբագիրը որ գիտակցութունը ունի ասոր, ի՞նչ տառապանքի մեջ է երբոր գիտե թե այդ օրն ալ բան մը չունի հաղորդելիք իր տիրոջը. պարապ, դարձյալ պարապ կը ներկայանա հանրութեան: Ավելի ճարտար ու հնարամիտ խմբագիր մը սյունակներ կը լեցնեն լուրերու հավաքածոներով. և ըն-

թեքցողը շահեկան լուրեր կարգալու տարտամ տպավորութիւնը կունենա պահ մը:

Իրոք շահեկան չէ միթե իմանալ, որ ս. պատրիարք Հայրը այդ օրը Պատրիարքարան իջած է. տ. Գնել Վարդապետը—չեմ ճանչնար այս եկեղեցականը, բայց անունը ամեն օր լրագրի մեջ կը կարդամ—ս. Պատրիարքին ներկայացեր է. տ. Սմբատ Վարդապետը—այս ալ չեմ ճանչնար—Արմաշեն հոս է եկեր. հոսկե ելեր Շապին Գարահիսար գացեր է. անկից ալ չեմ գիտեր ուր պիտի երթա: Անտեսական խորհուրդը¹—ասիկա կը ճանչնամ և աշխարհ արարատ ալ կը ճանչնա—նիստ գումարեր է, բայց որովհետև իր մեծաշուք պաշտոնակիցներեն մին, որ բոլոր պաշտոնավարութեան շրջանին մեջ մեկ անգամ միայն ժողովին ներկա գտնվելու բարեհաճեր է, իր մահկանացուն կնքած է այդ օրը, նիստը վերցվեր է ի նշան սուգի, ճիշտ ինչպես Ֆրանսայի Մերակուլտին կամ Սրեսի. ժողովին մեջ կըլլա՝ երբոր մեռնողը Թիեռ մըն է, Կամպեթթա մըն է: Ես մեր բթամտութեան ստույգ և վավերական ապացոյցները կը գտնեմ անոնց մեջ և կը մխիթարվիմ:



Այո՛, պարապ են օրագիրները զոր կը կարդանք, և, սեցած ու հոծ սյունակներուն հակառակ, ճեփճերմակ են անոնց էջերը, վասնզի ոչինչ ունին հաղորդած լուրջ կամ օգտակար բանի մը վրա:

Ժողովները ժողովներու կը հաշորդեն և դժբախտաբար իրարու կը նմանին. թատերաբեմին վրա երբեմն մարդիկ վազելու պես ոտքերնին կը շարժեն և տեղերնուն շեն երերար, վասնզի հոն կենալու են արդեն. մեր ժողովները անոնց կը նմանին:

Մեր լրագրերը, ամեն օր Պատրիարքարանեն բերելով մեզի կարգ մը անմիտ եղելութեանց փունջ մը, կապշի գմեղ շոհացնելուն. ի՞նչ կուզեք սակայն որ ընե հեք մարդը. եղածը, պատահածը գրելու պաշտոն ունի և չի կրնար ուզածը հնարել: Եվ կոխվը, դժգոհութիւնը կը շարունակվի լրագրին դեմ. ա-

մենքս կը պոռանք երեսն ի վեր թե իր ապիկարութենեն է որ այս կարգի անիմաստ հավաքածոներ միայն ձեռք կանցընե, և Պատրիարքարանը, հարկավ, օգտակար բաներ մը կընեն իր պատկառելի լուծոյցան մեջ:

Կը մտածենք որ միակ կենսական խնդրին վրա, որ է ազգին դաստիարակութեան և կրթական ապագային խնդիրը, ոչինչ կա մտածված. դպրոցները բարեկարգելու ունէ ջանք, ուսուցիչներ հասցնելու ունէ աշխատութիւն, գասագիրքեր պատրաստելու ունէ կանխահոգ միջոց, ազգին գրականութիւնը ծաղկեցնելու ունէ քաջալերութիւն, այլ անընդհատ գնաց եկավի, ըսավ չըսավի գրույցներ, և շինք հավտար որ իրոք Պատրիարքարանի բոլոր գործունեութիւնը այս ըլլա. շինք հավտար և լրաբերները կը քամահրենք:



Հավագույն ու ավելի սփոփիչ է ենթադրելը որ լրաբերներն ու օրագիրները անգետ են ազգային վարչութեան աշխատութեանցը. սպասելու անձուկը տառապանք մըն է, հույս մըն է նաև. որքան ալ երկար տևե սպասումը, հոգ չէ. բոլոր կյանքը սպասում մը չէ՞ միթե. պիտի սպասենք ստոյիկ հանդարտութեամբ մը որ ազգային կրթութեան խնդիրը ձեռք առնվի օր մը, պիտի սպասենք որ ազգային իշխանութիւնը զգա թե ինքը կրթական իշխանութիւնն է և ասոր մեջ է որ իր ձեռնհասութեան ապացույցները կը պահանջվին:

Որովհետև Ուսումնական Խորհուրդ մը կազմված է արդեն, Պատրիարքարանը չի կրնար անփույթ և անտարբեր ըլլալ ազգին դաստիարակութեան հարցերուն. ընդհակառակը, բուն Ուսումն. Խորհուրդը՝ Վարչութիւնը ինքն է. բուն Ուսումնապետը՝ Պատրիարքը ինքն ըլլալու է՝ գոնն այսուհետև ազգային խնդիրներու առաջին կարգին վրա դնելու կրթական խնդիրը. վասնզի հոն է միայն ճշմարիտ օգուտը. և ով որ թերանա կամ հապաղի անոր մեջ, իր պատասխանատւութեան քաժինը պիտի ունենա:

Ըսինք որ Պատրիարքարանը անմիջապես Եվրոպա տղաք

դրկելու է, ուսուցիչներ պատրաստելու համար. առաջին, էական ու ստիպողական բանն է այս. և ասանկ շնչին բանի մը մեջ անկարողութեան ու անկարելիութեան խոսք մտիկ չի կրնար ըլլիլ. ասանկ խոսք մը չկամենալի զատ բան մը չպիտի նշանակի:

Տեսնենք դեռ որքա՛ն ատեն պիտի սպասենք. որչա՛փ ատեն պիտի կրկնենք թե «լուր չի կա». pas de nouvelles, bonnes nouvelles, կըսե ֆրանսական առածը. անանկ պիտի ըսենք մենք ալ:

ԹԱՏԵՐԱԿԱՆ ՔՐՈՆԻԿ

ԴԱՐԲՆՈՑԱՊԵՏԸ

Օրիորդ Մարկրիթ Տարպելիի խումբը կիրակի գիշեր ներկայացուց ժորժ Օնեի թատերախաղը:

Այս ֆրանսացի հեղինակը, իր երկերուն ժողովրդյան մեջ գտած անհավատալի ընդունելության հակառակ, երկրորդական գրող մըն է և Լրմեթո իրավամբ ըսած էր այս հեղինակին համար որ իր հաջողությունը ավելի գրավաճառական քան թե գրականի հաջողություն մըն է:

Դարբնոցապետը իր գործերուն ամենեն համբավավորն է. վեպը հայերենի թարգմանված է և թատերախաղը տաճկերեն ներկայացված հայ դերասանական խումբին միջոցով:

Նյութը հետևյալն է. Ֆիլիփ Տերպլե կամուսնանա օրիորդ Քլեո տը Պոլիեոյի հետ, որ հաճած էր իր կինը ըլլալ՝ միայն պզտիկ ինկած շրջալու համար Տրպլիենի դուքսին դեմ, իր առջի նշանածը, որ Քլեոի օժիտին կորսվիլը լսելուն վրա, գինքը կը ձգե և ուրիշ հարուստի աղջկան մը՝ օրիորդ Մուլիենի հետ կը կարգվի:

Տիկին Տերպլե չի սիրեր իր էրիկը և ամուսնությանը առջի գիշերեն անոր երեսին բացի ի բաց կըսե ասիկա:

Գործարանատերը, որ իր կնիկը կը պաշտե, հանկարծա-

էիի կուգա այս հայտնութենն, բայց իսկույն առնական կորովով իր սերը կը լռեցնեն և կը հայտնեն իր կնկանը որ չպիտի երթա այլևս իրեն քով, և թե ամեն հարաբերություն դադրած է իրենց մեջ. միայն գալթակղության մը տեղի չի տալու համար, միևնույն տանը մեջ պիտի շարունակեն ապրիլ, բայց զատ զատ, օտարականներու պես:

Դարբնոցապետը ազնիվ սիրտ մըն է և իր կինը շուշանար ճանչնալու անոր առավելությունները առջի նշանածին վրա որ, փարիզյան շվայտ կենցաղասեր, խոսքը դրժած էր հարուստ աղջկան մը ետեկն վազելու համար:

Քլեռ զղջացած է հիմա իր էրկան դեմ ցուցուցած ատելությունը համար, բայց անոր արհամարհանքին առջև տեղի տալ չուզեր, անոր ոտքը երթալու, աղաչելու չի զիջանիր, ունայն հպարտություն մը զինքը կարգիլն ամեն ատեն: Էրիկը սակայն միշտ քաղաքավար ու կամակատար կը գտնվի իրեն հանդեպ և ահա Քլեռին եղբայրը, որ Դարբնոցապետին քույրը կը սիրե, անոր հետ ամուսնանալու համար Քլեռն կը խնդրե որ էրկանը հաճությունը ձեռք բերե:

Քլեռ առիթ մը կը համարի ասիկա իր էրկանը սիրտը կակղըցնելու. խոսքը կը բանա. բայց առջի բառն Դարբնոցապետը կը մերժե. ո՛չ, ինքը դժբախտ եղած է տը Պոլիեռ ընտանիքեն աղջիկ մը առնելով, շուգեր որ քույրն ալ անոնցմե տղու մը հետ ամուսնանա և իր մերժումը ամեն աղաչանքի դեմ հաստատ և ամուր կը պահե:

Այս փորձը չի հաջողիր ուրեմն. բայց Քլեռի սերը իր ամուսնին հանդեպ ավելի ևս կարծարժի այս ընդդիմութենն: Միևնույն ատեն կը տեսնեն որ Տըպլինեի դուքսին կինը որ իրենց հյուր եկած է, իր էրկանը ետեկն կը պտրտի, անոր գլուխը ելլելու կը նայի. նախանձը իր սիրտը կը կրժե, ինքզինքը չի կրնար զսպել և դքսուհին կը պահանջե որ իր տունեն հեռանա, դքսուհին կը դիմադրե և Քլեռ ամենուն առջև կը վճռտե զինքը:— Ատենով նշանածս առիւր ձեռքես, հիմա ալ էրիկա առնելու կը ջանաս. ա՛լ շատ է քու ըրածդ, կորսվե՛ ասկից, կը պոռա անոր երեսն ի վեր:

Բայց գուքսը չի կրնար իր կնոջ եղած այս նախատինքը

ընդունիլ. Դարբնոցապետն բացատրություն կուզե և կը պահանջե որ Քլեոի վարմունքին համար ցաւ հայտնե կամ մենամարտով հատուցում մը տա իրեն. վայրկյանը հանդիսավոր է. Դարբնոցապետը իր կնոջ այս հախուռն վարմունքին համար մինչև մենամարտիլը հանձն պիտի առնե՞. այն կնոջ որ իր թշվառութեան բոլոր պատճառն է:

Քլեո իր էրկանը տալիք պատասխանին կսպասե սրտատրոփ, անոր բերնն կախված կը մնա.

— Տիկին Տերպլեի ձեր կնկան դեմ ըրածը ինչ որ ալ ըլլա, աղեկ ըրած է, կըսե Դարբնոցապետը:

Այս վայրկյանն որքա՞ն երախտապարտ է, որքա՞ն ամոթահար է իր էրկանը առջև, որքա՞ն պատրաստ է անոր ոտքը նետովելու և ներում խնդրելու անկե. բայց այն հիմար հպարտութիւնը դեռ սրտին մեջն է և իր զղջման քայլերը կը կապե նորին:

Հաջորդ օրը պիտի մենամարտին. գիշերը իր խղճին տագնապներովը կը տառապի. չի քնանար մինչև լույս, մինչև էրկանը սենյակին դուռը կերթա, բայց չի համարձակիր դուռը բանալ ու ետ կը դառնա:

Առտուն կը տեսնե որ իր էրիկը մենամարտելու կերթա. ա՛լ չի դիմանար, անոր քովը կը վազե, իր բոլոր ըրածին, դառնացուցած կյանքին համար ներում կը հայցե. այս մենամարտին պատճառ ըլլալուն համար ալ կը զղջա և էրիկը արգիլելու կուզե, բայց Դարբնոցապետը տոկուն նկարագրի տեր մարդ է. իր անխելք կինը կը պաշտե միշտ, բայց սիրո բառ մը չըսեր կնոջը ու կը մեկնի. այն ատեն ուրիշ բան չի մնար ասոր բայց եթե վազել ու նետովիլ երկու ոտխներուն մեջ, թերևս հոն մեռնելու համար: Եվ այնպես կընե. մենամարտին տեղը կը հասնի և ատրճանակներուն գնդակները իրեն կը հանդպին. վիրավորված կիյնա իր էրկանը թևերուն մեջ որ կը ներե իրեն ու կը խոստովանի թե միշտ պաշտած է զինքը:

Այս է թատերախաղը:

Օրիորդ Տարպելի Քլեո Տերպլեի ջախջախիչ դերը կը կատարե. զավեշտի, կատակերգութեան մեջ հաջող այս դերասանուհիին տաղանդը՝ իրոք զմայլելի է տառմին մեջ ալ. իր

անուշ ու տաք ձայնը, աննման ու անքննադատելի արտասանութիւնը, կանացի սիրտը ու հպարտութիւնը արտահայտելու կարողութիւնը առաջին կարգի արվեստագետ մը կը հանդիսացնեն գինքը:

Օրիորդ Տարպելի ինքզինքը գերազանցեց մանավանդ այն տեսարանին մեջ, կարծեմ երրորդ արարվածը, երբ իր եղբորը ամուսնութեան խնդրանքը ներկայացուց Դարբնոցապետին. հետո նախանձի կրծումովը՝ դքսուհիին ուղղած հանդիմանութեանցը և անկե ետքը, մենամարտեն առաջ, էրկանը հետ ունեցած տեսակցութեանը մեջ:

Մենամարտեն վիրավորված՝ էրկանը թևերուն մեջ, հայցելով անկե ներումը և սիրո բառը զոր մինչև այն վայրկյանին իրավամբ Դարբնոցապետը զլացեր էր իրեն, իր հատկոյալ աղերսանքովը՝ օրիորդ Տարպելի ամենքը լացուց: Ասկե ավելի մեծ գովեստ չի կրնար իրեն ուղղվիլ:

Օրիորդ Տարպելի երիտասարդ ու դեղին կին մըն է. նուրբ գեղեցկութեամբ մը, խաժ աչքերով. կատարյալ արվեստագետ մը:

Պ. Քրիսթիան մեծ կարողութեամբ կատարեց Դարբնոցապետի դժվարին դերը: Ամուսնութեան գիշերը իր կնոջ հետ ունեցած բացատրութեան ու կռիվի տեսարանին մեջ իր մեծագույն հաջողութիւնը ունեցավ:

Պ. Ֆելիքս՝ Մուլինեի դերին մեջ—Տրպլինեի դուքսին անբըր—բոլոր սրահը զվարճացուց իր շտեպ հարուստի միամիտ պարծենկոտութեամբը:

Տիկ. Մուան, Քլեռի մոր դերին մեջ, պետք եղածն քիչ մը ավելի հանդիսավոր մայր մըն է:

Պ. Տոուլանժ, իբրև Տրպլինեի դուքս, փարիզյան շվայտ կենցաղասերի մը տպավորութիւնը չի ձգեր. իր հագուստը ու ձևերը շատ ավելի պարզ քաղաքացիի մը, վաճառականի մը գրագրի ձևերն են, քան թե վավերական դուքսի մը:

Անըմբռնելի նորութիւն մը՝ Բաֆե շանքանի երգչուհի մը ներկայութիւնն էր այս ներկայացումին մեջ:

Օրիորդ Փանն Տառաս երրորդ արարվածին մեջ, իբրև միջանկյալ մը, բեմին վրա երևցավ, երեք շորս սիրուն ու քիչ մը

մերկապարանոց երգեր երգելու համար, ապաքեն խիստ հա-
ջողութեամբ, այնքան հաջողութեամբ ու այնքան զվարճալի
ձևերով, դիմագործութեամբ որ բոլոր սրահը պահ մը Դարբ-
նոցապետը բոլորովին մոռցավ:

Չենք գիտեր որի՞ն գլուտն է այս գաղափարը. թատերա-
խաղին մեջ երկինքն ինկածի պես ինկող այս մանուկ ու շա-
րաճճի աղջիկը տուամին լուրջ հանգամանքին հետ պատշաճ
չգտանք:

ԼՈՒՍԱՎՈՐԻՉ ՄԸ

Պատմութիւնը կավանդեմ մեզ որ Լուսավորիչ քրիստոնեութիւնը հայոց մեջ տարածելու համար ցուցց տված եռանդին մեջ, հայ հեթանոսական ամեն հիշատակները բառնալու անձուկեն բռնված, մեր մատենադարաններն ալ այրած ու ջրնջած էր:

Ստով կը բացատրվեր հայ երկերու բացարձակ պսակասը այնպիսի ժամանակ մը ուր սակայն մեր գրականութիւնը խիստ ծաղկած պետք էր ըլլալ, դատելով մինչև մեզի հասած իր շնչին բեկորներն:

Այս ավանդութիւնը սակայն բոլորովին հաստատուած չէ եթէ հերքված ալ չէ. ի պատիվ այս հայրապետին, որով կը պարծի մեր եկեղեցին, պետք է ընդունիլ թե ասանկ խժողով արարք մը ու բարբարոս գործ մը վերագրելի չէ իրեն, վասնզի այս վարմունքը, եթէ երբեք ապացուցվեր, այս անունը շրջապատող լույսի ճաճանչները իսպառ պիտի նսեմացներ:

Խավարիչ մը պիտի ըլլար այս հայրապետը պարզապէս. ինչ հեգնութիւն ուրեմն Լուսավորիչ կոչել մեկը որ համարձակեր է ջնջել մեր ազգեն այն բանը որ ամենեն նվիրականն է, իր գրականութիւնը:

Իրավ է որ կրօնամոլութիւնը աշխարհիս ամեն կողմը շատ անգամ այս տեսակ նախճիրներով ինքզինքը ցույց տված է. և բոլորովին նոր բան մը չպիտի ըլլար եթէ մեր մեջ ալ քրիստոնեութիւնը այս տխուր մուտքը ունեցած ըլլար:

Բայց առանց հաստատ ապացույցներու ներելի չէր հայոց սոռաջին հայրապետին սուրբ հիշատակը ու անունը ասանկ ծանր ամբաստանութեան մը տակ ընկճել, և մենք բնականաբար վերջինը պիտի ըլլանք ասոր համոզվողներուն:

Միայն թէ այն բանը որ անարդարանալի էր հին ատենները կենսալիւր մատենագրութիւն մը ջնջելուն համար, հիմա կարծեմ թէ բոլորովին անտեղի չպիտի ըլլար. մեր գրականութեան մեջ, քանդելու ու բառնալու համար որքա՞ն գիրքեր կան և մեր լրագրութենէն որքա՞ն հավաքածոներ. կը վախնամ որ եթէ ասանկ փրկարար հրդեհ մը արծարծվի օդին մեջը, ազատարար ձեռք մը, մեր նախնի մատենագրութեան մնացորդներէն ոչ շատ ավելի թվով բեկորներու պիտի խնայե:

Խարույկին հիմնական կմախքը նախ սա «վավերացեալ յՈսումնական Խորհրդէ» պիտակը կրող դասագիրքերէն պիտի ձևանար, և ասոնց վրա պիտի տեղավորեինք սա մյուս վիժումները, զարտուղած խելապատակներու արձակ կամ ոտանավոր ցնորանքները որոնք փառք աստուծո վերջին մեկ երկու տարիներուն մեջ քիչ մը դադրած են:

Այս խարույկին բոցերովը քիչ մը պիտի մաքրվեր օդն ու ասպարեզը և իրոք Լուսավորիչ մը պիտի ըլլար մեզի այն մարդը որ զայն պիտի բռնկենք:



Անդին Կովկասի հայոց գրականութիւնը միշտ ավելի ևս կը կազդուրի, կը զարգանա, կուռճանա, մատենագրութիւն մը կա հոն, հաստատ ու տևական գործունեութիւն մը, երբ մեր մեջ՝ լավագույն գրվածները հաճախ լրագրի մը թռուցիկ էջին վրա են, հոն՝ մարդերը, կյանքերը ու գործերը կուսումնասիրովին համբերող ու ճշտասիր պրպտումներով և այսպես լույս կը տեսնեն այն հատորները որոնցմով մատենադարան մը կարելի

է կազմել և որոնք դրական ամենեն լուրջ սեռերուն կը վերաբերին և հասարակութեան սերը կը տարածեն ու կը պահպանեն:

Մեր ճակատագիրն է միշտ սին ու փուճ զբաղումներով՝ օգտակարն ու շոշափելին աչքե հեռու պահել. սեթևեթներու և ծեփծեփումներու մեջ համենալ և քայլ մը շառնել դեպի առաջ, և զարմանալի շպիտի ըլլա եթե տարիներե ետքը առջի օրվան երախա ու զեւզեկ հասարակութունը մնանք մենք, մինչդեռ մեր շուրջը ամեն ոք խելահասութեան կը ձգտի:

Մասիս, 9—4—1898

ՍՈՐՍՈՐՈՒՄԸ

Ազգային կրթութեան վրա լուրերը տխուր կը հասնին գաւառներեն: Ծիզվիթներու դպրոցները կը ծաղկին և հայ տղաքներով կը զեղուն ամեն տեղ, իսկ մեր վարժարանները կամայանան, կը փակվին հետզհետե:

Վերջինը Սեբաստիայեն կուգա, երկու հազար հայ տղոց ճիզվիթներու դպրոցը հաճախելուն վիպային, առասպելային լուրը, որուն ստուգութեան վրա ուէ կասկած չէ մնացած դժբախտարար:

Վանա մեջ ֆոեռներն են որ կը շարժին:

Ուրեմն ոչ միայն հեռավոր ու մոռցված անկյուններուն մեջ, այլ Սեբաստիո, Վանա պես կարևոր և հոծ կենտրոններու մեջ կաթոլիկութիւնը կը զարգանա: Օտար վարժարանը, որ օտար եկեղեցւո գավիթն է, հայ տղաքներով պարպատուն է, Սեբաստիո մեջ՝ հաւիւլվածական շինութեանց կը ձեռնարկե, հայ վարժարաններու մեջ մոլորած վերջին մեկ երկու հարյուր տղոց մնացորդն ալ հյուրընկալելու համար:

Այս դժբախտ վիճակը ճշմարիտ աղետքի մը համեմատութիւնը առած է անխոս ու մունջ հառաչխաղացութեամբ մը, զոր կարծես մինք ալ, լռութիւն պահելով, քաջալիրելու երևույթը ունինք:

Պատճառները միևնույն են. հոս ալ ինչպես ամենուրեք, անարժան ուսուցչութիւն մը, տգետ, անկարող, օրվան աղային առջև քամակը ծռելու ստորնութեամբը իր ոչնչութիւնը պարտկող, թաղականներ, հողաբարձուններ, որոնք իրենց անհատական հաշիվներուն, վեճերուն, կիրքերուն կը զոհեն ոչ միայն եկեղեցիվուն, դպրոցին նվիրական շահերը, այլ իրենց զավակներուն ապագան. վաղը, մյուս օր, այդ օտարոտի վարժարաններեն դուրս եկող պատանիները հին լաթերու պես պիտի մերկանան իրենց հայու անունեն սկսելով մինչև իրենց լիզուն, և պիտի ուրանան զիրենք սնուցանող երկրեն սկսելով մինչև զիրենք ծնող հայրն ու մայրը:

Այս ողբալի կացութիւնը, ուրկե դարանակալ օտարութիւն մը կը քաջալերվի, կը շարունակե և կը տարածվի ամեն կողմ, բորին պես որ իր դանդաղ ու աննահանջելի վարակումով ամբողջ մարմինը կապականե ու կը փճացնե:

Այս օտար կրթութեան հետեանքը՝ իր երկրին, իր ընտանիքին անօգուտ ու անտարբեր սերունդ մը հասցնել պիտի ըլլա:

Պակասութիւնը մերն է միայն եթե ազգային դաստիարակութեան կենսական հարցը միշտ բարձիթողի եղած է և կամ, իբրև թե ամենօրյա հոգածութեան առարկա ըլլալու եղանակով, ամուլ ջանքերու ու կատարած գործունեութեան մը մեջ կը թափառի:

Սրբ մայրաքաղաքիս մեջ մեր վարժարանները իրենց ափսոսալի վիճակեն փրկելու ամեն առաջարկութիւն ուշադրութեան շարժանանար, երբ Փերայի մեջ այսքան հայ աշակերտներ հոռմեական և ուրիշ օտար վարժարանները կը լեցնեն, երբ արժանավոր ուսուցչութիւն մը կազմելու միակ բանավոր միջոցը կանտեսվի, զարմանալի չէ, որ օտար վարժարանները իրենց մարդորսութեան մեջ հաջողին: Անոր հակառակը միայն զարմանալի պիտի ըլլար:

Մեր նախնական վարժարաններուն անկարգութեան մեկ ուրիշ տխուր արդյունքն ալ սա է որ՝ կայսերական բարձրագույն վարժարաններեն օգտվելու ընդունակ պատանիներ հասցընելն ալ կը դժվարանա, և տերութեան ու ազգին օգտակար:

բարձրագույն կրթութիւն մը ստացող անհատներու թիվն ալ հետզհետե կը նվազի:

Այսպես, անգիտակից աջակիցներն ենք մեր ազգային եկեղեցիեն օտարանալու շարժումին, որ հիմա ամեն կողմ կը ճշտվի անպատկառ գիծերով և ծածկվելու, պատրվակելու նեղութիւնը հանձն շառներ այսուհետև: Ծակատաբաց կելլե դեմերնիս ամենուրեք, հրավեր կարդալով՝ մեր ողորմուկ վարժարաններուն, մեր ապիկար ուսուցիչներուն և անհոգ հոգաբարձուներուն:

Վանա մեջ՝ օտարութիւնը ուրիշ հրապույրներով ու խոսաւումներով կը գործե ինչպես հրատարակեցինք երեկ մեր ազգային լուրերուն մեջ:

Այն տեղվանեն անգամ, ուրկե ձայն ու ձուն չի գար, պետք չէ կարծել որ իր տխուր գործունեութիւնը ձեռնթափ է:

Եվ այս ամենը ուրիշ բան չէ բայց եթե անհատական վեճերե և ուրիշ ձեռնտու ճեղքվածքներե կաթիլ կաթիլ թափթփումի, նախ աննշմարելի, անձայն սորսորումը, որ տեղ տեղ, լայն բացվածքներե գիրացած հորդահոս կերթա օտարութեան ծոցը թափվելու:

ՀԱՏՈՒԿ ԱՆՈՒՆՆԵՐ

Մեր ընթերցողները չկարծեն թե քերականության վրա է խնդիրը. պարզ խոսակցության մը սովորական կանոններեն անդին քերականություն չունիմ ես: Բայց քերականության կանոններ կան որոնք հրապարակագրական բարոյականի ալ կանոններ են, և կարժե որ ատոնք մեր ընթերցողներուն ներկայացնենք: Անոնք որ Մասիսը հրատարակողները կը ճանչան, գիտեն հարկավ որ ազգին եղած ոչ թե պզտիկ այլ մեծ նվիրատվություններու համար սովորություն չունինք ներբողներ հորինելու ոչ ոքի, և ի մասնավորի անոնց որ այդ ներբողը մտիկ ընելու համար դրամ կուտան:

Գլխավորապես հակառակող ենք ամեն ցույցի որ դրամատերներե քանի մը ոսկի առնելու համար զանոնք անճահ շողորթություններով մեծարելու մեջ կը կայանա:

Իզուր պիտի առարկեն որ ազգը և եկեղեցին՝ մարդոց ունայնասիրութենեն պետք է օգտվին, անոնցմե քիչ՝ շատ դրամ կորզելով և շռայլելով անոնց այն գովասանքները որոնցմով պետք է մտրակել իրենց կարկամած ողորմասիրությունը:

«Նպատակը միջոցը կարգարացնեն» մեր սկզբունքը եղած չէ երբեք. անտեղի միջոցով մը ազգին կամ եկեղեցիին շահը փնտրելու ստորնացումը չենք ընդունիր:

Ասոր համար է որ անցյալները կատակի ձևով քննադատեցինք տարօրինակ ծրագիրը Հիվանդանոցի խնամակալության, որուն մեջ գթության մահիճներ հաստատելու գաղափարը կարգ մը ծիծաղելի պայմաններու լծորդված էր:

Ամեն անգամ որ մեր կարծիքները կուտանք հանրության օգտին համար միայն և բարոյականի անվիճելի սկզբունքներու հենած, այն ամեն խնդիրներուն վրա որոնք ուշադրություն կը հրավիրեն, զանոնք ընդունված տեսնելու միամտությունը չունինք. ձայն բարբառոտ հանապատին ավելի քան երբեք այժմեանություն մըն է:

Հնարամիտներ կարծեցին հակասություն մը նշմարել, մեր Պաղկազարդի թիվին առթիվ Հիվանդանոցին եղած նվիրատվությանց ցանկերը հրատարակելնուս և մեր վերը հիշած սկզբունքին մեջ. ըսին մեզի որ հատուկ անուններ կը հրատարակենք ահա մենք ալ:

Հա՛րկ է միթե հրապարակել թե որքան թշնամի ենք մենք հարուստ մեկու մը կողմն ազգին եղած—սովորաբար չընչին—նվիրատվությունները՝ ծանուցումներով, հողվածներով, ազգային քրոնիկներով, համաքաղաքացիութենն ուռած պարծանքներով հուշակելու, նույնքան կուսակից ենք մեր զավառացի համեստ ժողովուրդին էն պզտիկ նվերը՝ բարձրաձայն հայտարարելու. և ասիկա սա պարզ ու հասկնալի պատճառին համար որ պոլսեցի դրամատերի մեկ կամ երկու տարի 6 կամ 12 կամ 24 ոսկի տալը նշանակության արժանի չէ պանդուխտ իտհարարի մը քսան դրշ. տալուն մեծությանը քով, ինչպես մայրաքաղաքիս մեջ հավաքված հինգ հազար դրուշը աննշան բան է Տեսե Աղաճեն ղրկված և հարյուրական փարաներով ձեվացած 75 դրուշին մոտ:

Այս տեսակ նվիրատվությունները արժանի էին նշանակվելու ճիշտ անոր համար որ մինչև ցարդ այս կարգի համեստությունները՝ հատուկ անուններու խնկարկու հրատարակություններու կողմն սքողված էին և դեռ սքողված ալ կը մնան:

Եվ եթե անոնց քով հրատարակեցինք անուններ ալ, որոնց համար հարյուր և երկու հարյուր դրշ. տալը՝ զոհողություն մը չէր ենթադրի բնավ, պատճառը այն է որ խոսք տված ըլլալով

առհասարակ հրատարակել 10 և 20 դրշ. տվող անձերու անունները, ամենքն ալ անխտիր հրատարակելու պարտքը ւնենինք:

Մեր Սաղկազարդի թիվին առթիվ ավելի հասարակ անուններ հրատարակեցինք ուրեմն քան թե հատուկ անուններ, թողչով այս վերջիններուն գովասանք տալը անոնց որոնք այդ ժալքը շատոնց առած են այնքան՝ որ ճիշտ ինքզինքնին հակառակորդ համարած պահերուն սյունակներ կը լեցնեն ատոնցմով:

Նախ, որ իրենց ազգականներուն հիշատակին հավերժացումը Հիվանդանոցին մեջ՝ լիուլի վճարում մըն էր—եթե ոչ ավելի—տրված ողորմուկ ստակին դեմ:

Երկրորդը, 6 կամ 12 կամ 24 ոսկիով՝ մեռած ազգականի մը անունը անմահացնելու եղանակը միտքս կը ձգե հին ժամանակի, 20 տարի առաջվան մատենագիրները, որոնք գրքի մը տպագրութեան ծախքը հոգալու համար այս կամ այն մարդուն կամ անոր մեռած հոր կամ եղբորորդվուն կը ձոնենին իրենց երկը սա տեսակ վերտառութեամբ մրտտելով իրենց առաջին էջը.

Ի հիշատակ

Մահտեսի Նիկողոս աղա Լոմակյոզյանի

Թալասցի առադասագործ

Հայր Ազն. Հակոբ էֆ. Լոմակյոզյանի

Մեկենաս առատածնուն

և բարեբար ազգիս.

Խնամակալութիւնն ալ իր անկողինները կը ձոնե ահա, աժան աժան, գրեթե պետհավա, ուղված ազգականին, որուն պատկերին առջև ապագային գալիք խնամակալութիւն մըն ալ, հառաջդիմութեան ոգիեն մղված, հավանական է որ կանթեղ մը վառելու ելլե օր մը:

ՈՉ-ԿԱԹՈՒՂԻԿԵ

Ֆրանսացիները Հայր Լորիգյուն ունին:

Այս տարօրինակ մարդը, եռանդուն կրոնավոր մը, հեղինակն է հանդուգն կերպով խեղաթյուրված ֆրանսական պատմութեան դասագրքի մը: Բավական ատեն այս հերյուրված դասագրքին վրայեն կավանդվեր պատմութեան դասը կղերական վարժարաններու մեջ: Մեր մեջ Հայր Լորիգյուները շատվոր են, ամբողջ միաբանութիւն մը կը ձևացնեն և Ադրիականի մեկ կղզյակին մեջ հաստատված՝ մեր եկեղեցական պատմութիւնը անդրալեռնական տոգորումներով սրբագրելու կաշխատին:

Առաջուց ի վեր չէի անգիտեր որ Մխիթարյան միաբանութիւնը իր բանասիրական հետազոտութեանց քով կամ անոնցմէ առաջ փրովականտայի մունչ դիտումներ ունի և լուռ իղձեր կը տածեն:

Միայն գիտութեան սիրով վառված վանականներ չեն ասոնք, այլ ճարպիկ ու հաշվագետ մարդիկ որոնք պապականութիւնը տարածելու համար ազգային գրականութեան մեջ իրենց ստացած հեղինակութիւնը կը շահագործեն, և քիչ շատ հայ եկեղեցականի փակեղին նմանող իրենց գլխու ծածկույթին տակ փաթերայի գլխարկներ կը կրեն:

Գիտեի, բայց մոռցեր էի այս ամենը, երբ որ Բազմավեպի վերջին թիվին մեջ հետաքրքիր նամակագիր մը, որ այդ միաբանութեան անդամներեն դուրս մեկը ըլլալու չէ, պատարագեն վերջը մեր եկեղեցիներուն մեջ մաս բաժնելու սովորութեանը վրա խոսելով, Պեր եկեղեցին՝ ոչ-կաթողիկէ եկեղեցի, և հայ պապական եկեղեցին ոչ-ազգային եկեղեցի անվանելի չի քաշվիր:

Ուրեմն միևնույն մարդիկն են ասոնք, նույն մարդիկը որոնք ատեն մը հերձվածող ու հերետիկոս կը կոչուին զմեզ և մեր եկեղեցին ոտք կոխելու կը վախնային՝ դժոխք շերթալու համար. մարդիկ՝ որ կուսավորչին պապական հայ մը ըլլալու առասպելին պատմական ճշմարտութեան գույն մը տալու համար ջանք չէին խնայած, և որոնք բան գործ ըրած են տարածել ամեն տեղ՝ թե հայ եկեղեցին պապական եկեղեցի մըն էր ատենով և անկե անշատվողները մենք ենք, լուսավորչականներս, զատ ու տարբեր եկեղեցի մը կաղմելով, մինչդեռ իրենք ազգային եկեղեցին անեղծ պահած են միշտ, ու թարթյուֆին պես շեն քաշվիր հրապարակավ մեզի ըսելի.

C'est à vous d'en sortir, vous qui parlez en maître.

Հարկավ ողբալի բան մըն է որ անդրալեռնականութունը մեր ամենեն նվիրական էութեան վրա ալ հարձակի, մեր եկեղեցվուն տիրանալու ճիգեր ընեն, և ամբողջ միաբանութուն մը իր դարևոր աշխատութունը այս ամուլ ու ծիծաղելի ճիգերուն հատկացնեն:

Հոռմեականութունը մեր մեջ առջի անգամ մուտ գտնելուն պատմութունը ժամանակակից բան մըն է, և շատ ետ դառնալու պետք չունինք այս առթիվ եղած բոլոր շփոթութունները մտքի առջև բերելու համար: Շատ կանուխ է դեռ այս նորեկներուն համար մեր ազգային եկեղեցին իրենց սեփականացնելը և Հայր կորիգոյի պատմութուններով չէ որ մեր եկեղեցիին վաղեմի ինքնագլուխ գոյութունը պիտի ուրացվի:

Բայց որքան ալ անզոր են այս ջանքերը ու արգահատելի նայված մը հրավիրելի ավելի բանի մը անարժան, հարկավ կը մնան մեր սիրտերուն մեջ մեր եկեղեցվո համար ոչ-կաթողիկէ եկեղեցի ըսելու պես խոսքերու վիրավորանքը: Իզուր պի-

տի առարկեն որ կրօնական դավանանքնին կարգելի Վենետիկի վարդապետները կաթողիկէ ճանչնալ մեր եկեղեցին. ուղղափառը՝ իրենք են և իրենք պիտի մնան ու մենք՝ հերձվածող ու հերետիկոս: Թող այդպես ըլլա. քսաներորդ դարուն լուսավորութիւնը չենք կրնար անարգել այն աստիճան որ կրօնական վեճի մը բռնվինք ասոր կամ անոր հետ: Հավատաքննութիւնք էապես պապական եկեղեցիին հատուկ առաքինութիւն մըն է և պետք է որ իրը մնա:

Եվ եթէ մեր եկեղեցւոյն համար Բազմավեպի գործածած լեզուն մատնանիշ ըրինք մեր ընթերցողներուն, միայն հիշեցնելու համար է անոնց թե Վենետիկի միաբանութիւնը այն հետամնաց ու կաշկանդյալ միտքերու օրրանն է, որոնց նմաններուն համար իրավամբ ըսած են.

Ils n'ont rien appris, rien oublié.

Արեւիք, 16—8—1898

ՊԱՐԸ

Տղայութեանս օրերուն էր, կը հիշեմ: Ինքզինքը երգելու զվարճանալու տված մեր հասարակութիւնը պարը կը սիրեր. Սամաթիայեն՝ ուր քատրիլը երգելով կը պարեին, մինչև Օրթագլուղ՝ ուր առանց երաժշտութեան չէին ցատկեր, ամենքը ոտքի վրա էին. գիրկընդխառնումի, պարահանդեսի, — «կայթատրոնի» կըսեր Պեշիկթաշլյան — նորույթն էր:

Այնքան որ մեր երգահանները — վասնզի միամիտ՝ բայց երբեմն սրտաբուխ երգեր գրող տրուպատուրներ ալ ունեինք այն ատեն — մտածեցին պարը երգին հետ հաշտեցնել:

Եվ այդ միջոցին ծաղկեցավ հռչակավոր պարերգը զոր իմ տարիքս ունեցող պոլսեցիները ամենքն ալ գոց գիտեն.

Դուք մեզնն, ես քովն,

Անցնինք դիմաց, փոխնք տեղ:

Հանգերը հարուստ չէին, բայց իմաստը պարզ ու հասկնալի էր և Պոլիս գտնվող գավառացիները, որոնք ստակ չվճարելիք նորութիւններու մենե ավելի հետամուտ են, առանց դասատուի պարել սորվելու առավելութիւնը կը գտնեին այս երգին մեջ ուր քատրիլին բոլոր ձևերը ծայրե ծայր բացա-

տրված էին: Միայն galopին տեղ կերևա որ արշավ բառը գտնված ըլլալու շէր, վասնզի այս վերջին ձևին համար պարերգը կը վերջանար սա բառով:

Կլոր մը ճմմենք:



Ուսկե՞ց ուր այս քատրիչլին երգը միտքս ինկավ այս վայրկյանիս և այս տունները վերհիշեցի. մտավորական ի՞նչ անգիտակից աշխատութեամբ է որ այս հեք ոտանավորին տողերը եկան շարվեցան կարգով հիշողութեանս առջև, երբ ցնծութենե՞ս, զվարճութենե՞ս այնքան հեռու նյութով մը, մեր պարզամիտ հայերուն կաթոլիկութեան գիրկը նետվելուն ամենօրյա լուրերովը կը պարապի ու կը տառապի միտքս:

Բոլոր կամքովս կը ջանամ կապ մը գտնել հավատափոխութեան անդու—հիմա գրեթե անվախ ու համարձակ դարձած, սորսորումս հեղեղի վերածված—այս շարժումին և սա ապուշ տողերուն մեջ:

Գուք մեջեն, ես քովեն,

Անցնինք դիմաց փոխենք տեղ:

Կը ջանամ և կը հաջողիմ գաղտնիքը գտնել, որ սա է կարծեմ:

Այն ատենները ուր այս երգը կերգեինք, պապական հայերն էին որ մեզի կու գային փոխանակ մենք անոնց երթալու: Անոնց ջոջերն էին, մտավորական ու եկեղեցական ջոջերը որ մայրենի գիրկը կը վերադառնային—թողութուն կը խնդրեմ վենետիկցիներեն՝ մեր Եկեղեցին «մայրենի գիրկը» անվանելուս համար—և հոն կը գտնեին այն մեծարանքը զոր մենք, ափսո՛ս, դլացած չենք նորեկներուն:

Այսպէս, երբ հիմա ամեն անկյունեն լուրը կը հասնի, այնքան հաճախած որ անտարբեր կը թողու զմեզ, Գուրտպելենն մինչև Վան, պապական անդու մարդորսութեան լուրը, հայերուն ամեն տեղ կաթոլիկութունը գրկելուն լուրը, ակամա բաղդատութունը կու գա աչքիս առջև հին օրերուն և մեր օրերուն»

մեզի դարձողներուն ու մենե հեռացողներուն: Մեզի եկողներուն դուզն մնացորդին փոխարեն՝ ժողովուրդին դիմացի կողմը անցնելու շարժումը, քատրիչլին սա տունովը ճշտիվ չի՞ պատկերանար.

Դուք մեզեն, ես քովեն,
Անցնինք դիմաց փոխենք տեղ:



Չար գուշակ մը ըլլալ չեմ ուզեր. բայց պարզ թվաբան մը ըլլալը չի՞ բավեր արդո՞ք հաշվելու համար թե այս կրոնափոխութիւններով որքա՞ն ատենեն մեր Պատրիարքարանը իր մարդահամարի տումարները պիտի փակե բոլորովին. ասիկա պարզ համեմատութեան խնդիր մըն է որ երեքի կանոնով կը լուծվի, ինչպես կըսեին իմ դպրոցական եղած ատենս:

Եվ, տարօրինակ բան, եկեղեցական հասցնելու աշխատութիւնն ալ ոչ երբեք այնքան ամենօրյա աշխատութիւն մը իղած է, հիվանդութիւն մը պիտի ըսեի, մեր Պատրիարքարանին մեջ, որքան հիմա:

Օր շանցնիր որ դպիր, քահանա, վարդապետ և եպիսկոպոսի ձեռնադրութիւնը չսվի. միշտ գործի վրա ենք. ներելի՞ է հարցնել ո՞ր հոտին համար են այս հովիվները. ժողովրդին կրոնափոխութեամբ պակսելուն դեմ եկեղեցականներու թիվին անընդհատ հավելումը պատրա՞նք մը տալու համար է մեզի և այս խոտոր համեմատութիւնը իբրև ուղիղ ընդունելու համար ո՞րքան միամտութիւն կը պահանջվի մենե:

Չտեսանք դեռ մեր մեծազբաղ ժողովներուն մեջ լուրջ ու քանավոր մտադրութիւն մը այս հոսանքին առաջը առնելու համար, պատճառները որոնելու, ստուգելու և անոնց դարման տանելու հոգածութիւնը. այլ ամեն օր հանդիսատեսներն ենք եկեղեցական և դպրոցական գործերու անկանոն ու ավաղելի վիճակի մը որ ստուգիվ կը բացատրե, եթե շարդարացներ, հավատափոխութեան շարժումը որ մեր շորս դին կը գրավի:

Եթե իրավ է որ դպրոցը եկեղեցվույն զավիթն է, հավաստի

ըլլանք որ մեր եկեղեցին առանց գավիթի եկեղեցի մը ըլլալու
ճամփան բռնած է:

Եթե իրավ է որ Պատրիարքարանը՝ իր տնօրինութիւններուն
արդարութեամբը, իր որոշումներուն հանրային խղճմտանքի
համաձայն ըլլալովն է որ պիտի պահե բարոյական հեղինակութիւնը
իր ժողովուրդին վրա՝ այն ամեն խնդիրներու մեջ
որոնցմով մամուլը առիթ ունեցավ զբաղելու, այս հեղինակութիւնը
անվթար մնացած չենք կարծեր:

Ասոնք և ասոնց նման կարգ մը պատճառներ կը միանան
հրաժշտութիւնը կազմելու այն պարին զոր՝ քիչ շատ ամեն
կողմ ժողովուրդը կսկսի պարել, երգելով մեր Պատրիարքարանին
երեսն ի վեր.

Դուք մեզնե, ես քովնե,

Անցնինք դիմաց փոխենք տեղ:

Արեւիկ, 1—9—1898

«ՆՈՐԱՎԵՊՈՒՆ ՇՈՒՐՋԸ

Պիտի ըսեն ինծի որ ամեն բանի կը խառնվիմ: Չեմ գիտեր թե փաստարան ըլլալուս համար է արդյոք որ ամբաստանյալի մը օգնութեան կը փութամ. տարտամ բան մը կըսես ինծի որ, ուրիշ ունէ մեկե ալեւի, ինծի կիցնա պաշտպանել «նորավեպ»ը աջեն ու ձախեն արձակված կտրուկ վճիռներու գեմ. կը կարծեմ որ իմ ձայնս եթե ոչ բոլորովին պիտի փրկե, գոնե քիչ մը մտածել պիտի տա անոնց որ հեք պզտիկ բառի մը ետեւեն կը հետապնդեն անսովոր խստութեամբ մը: Կը կարծեմ նաև թե այն աղնիվ օտարուհին որ այս բանակովին առիթ տվալ, վեհանձնութեան կանոններուն պատշաճ պիտի նկատե որ մեկ հոգի մըն ալ թե ու թիկունք ըլլա այս բառին, երբոր շատերը երես կը դարձնեն անկե:

Իրավ է որ Տիգրան Արփիարյան ի նպաստ անոր պզտիկ շատագովութուն մը փորձեց, նրբամիտ անմեղութեամբ մը որ անոր դեմ զինված բանասերներուն լրջութեանը ու խրոխտութեանը բոլորովին հակառակն էր: Բայց Մասիսի խմբագրապետը չի կրնալով հորձանքին դեմ ուղղակի ճակատիլ, քովնտի ու վեհերոտ ջանքով մը մեղմացուցիչ պարագաներ մեջտեղ դնելու ձևն առավ:

Այս եղանակը որ իմ խառնվածքիս շի պատշաճիր՝ մեկդի կրնեմ հս. և ուղղակի մեր բանասերներուն կամ հայագետներուն քիչ մը իրենց լեզվովը խոսիլ կուզեմ:

Մին կրսե թե «նորավեպ»ը հայ բառակազմութեան օրենքներուն դեմ ծանր մեղանշում մըն է. մյուսը՝ նոր բառին միայն բայարմատներու հետ զուգավորումը արտոնյալ կը համարի և սակայն ճիշտ այս կանոնը մեջտեղ դրած պահուն է որ անգիտակցաբար կը գործածե նորատի բառը որ ապահովապես իր ըսածին հակառակը կը հաստատե:

Ամեն բանե առաջ, կը հարցնեմ թե ո՞վ հնարեց այն կանոնը որուն համեմատ ածական մը միայն բայարմատի հետ կրնա միանալ եղեր. հայ լեզվին մեջ կը պակսի՞ ածականի մը գոյականի հետ բառակազմութունը, նույնիսկ նախադրութուններու հետ: Եվ ինչո՞ւ զլանալ նոր բառին՝ ուրիշ իր սեռակից բառերուն ընդհանրապես վայելած մեկ իրավունքը:

Սխալ է նաև կարծելը թե նոր բառը միայն բայարմատներու հետ կը զուգվի. շատ մը գոյականներու հետ միացված կը գրտնենք զայն, բացի նորատինն զոր Ությունճյան էֆենտին իր ամբաստանագրին մեջ կը գործածե: Զիկա՞ն միթե նորագոյալ, նորաֆաղաֆ, նորաձև, նորատեսակ, նորաղանդ բառերը: Կը հետևի ուրեմն որ նորավեպի կազմութունն ալ ուղղափառ է ու այդ բառը գործածողները գիտակ կամ անգիտակ հերետիկոսներ չեն:

Բայց ընդունելով իսկ թե նոր ածականը միայն բայարմատի մը վրա կրնա բարդվիլ, նորավեպը այս կանոնին դեմ ալ շի մեղանշեր. քանի որ հոն՝ նոր բառը՝ վիպել բային արմատը եղող վեպին հետ միացված է:

Հիմա որ ցույց տվի որ նորավեպը մեղապարտ ծնունդ մը չունի, կավելցնեմ նաև որ nouvelle բառին պատշաճ թարգմանութունն է ան:

Nouvelle՝ ֆրանսերենի մեջ, և այն առումով որով նորավեպ թարգմանված է մեր մեջ, կը նշանակե պղտիկ պատմութուն մը որ միանգամայն իր ձևովը նորութուն մըն է. աս է իր բուն իմաստը:

Անոնք որ միաբանած էին «նորավեպ»ը դատապարտելու

համար, միաբանած են նաև վեպիկ կամ վիպակ բառերը առաջարկելու մեզի, և զարմանք որ այս հմուտ անձերը չեն խորհած երկու բանի, նախ՝ որ մեր լեզուն վեպիկ կամ վիպակ բառերը չունի և երկրորդ՝ որ չի կրնար ունենալ այս բառերը. այն գերազանց պատճառով որ մեր բառակազմության օրենքներուն գեմ կելլեն անոնք:

Առանց հեղինակություն մը ըլլալուս հայ լեզվագիտութեան մեջ և այն իրավունքով միայն որ ուրիշի մը շափ, եթե ոչ ուրիշն մը ավելի, կրնամ իմ լեզուս գրել և խոսիլ, կը հայտնեմ որ գործածական չէ եղած իկ և ակ մասնիկները բարդել ոչ-թանձրացյալ նյութի բացատրող գոյականներու քով՝ իբրև նվազեցուցիչ. ակ մասնիկը իր գործածութիւնը ունի բայարմատներու կամ ուրիշ ոչ թանձրացյալ նյութերու իմաստը տվող գոյականներու քով, բայց հոգ՝ նվազեցուցիչ հանգամանք և արդունք չունի:

Օրինակի համար, նվազումի գաղափարով տունը կրնա ըլլալ տունիկ կամ տնակ, բայց կամքը չըլլար կամֆիկ, կամֆակ. սերը չըլլար սերիկ, սիրակ. լուրը՝ լուրիկ կամ լրակ և վեպը չըլլար վեպիկ կամ վիպակ, գեթ հայ լեզվի կանոններու համեմատ՝ որոնք բանասերներու գրպաններուն մեջ չեն գտնուվիր միշտ:

Ուրեմն նորավեպ բառը, ինչպես բազմավեպը, ինչպես սիրավեպը, ո՛չ անիմաստ և ո՛չ հերձված մը կը ներկայացնեն մեր լեզվին մեջ. իսկ վեպիկ կամ վիպակ բառերը՝ դպրոցականի մը միայն ներելի համարվելու շափ միամիտ ու սխալ կազմվածքներ են:

Նորայր, — ներելի՞ է արդոք ինծի օգուտ քաղել այս բառեն, իբրև փաստ մը վերը ըսածներուս ի նպաստ, — Նորայր², որ հեղինակություն մը համարվելու իրավունք ունի կարծեմ մեր մեջ, չէ վտարած նորավեպը իր Բառարանն. և հայ գրականութիւնը իրավամբ նվիրագործած է զայն ավելի քան քսան տարվան միօրինակ ընդունելութեամբը:

Մասիս, 5—5—1901

ՀԻՍՈՒՆ ՏԱՐԻ ԱՌԱՋ

Ճիշտ այսօրվան պես շաբաթ օր մըն էր, 1852-ի փետրվար ամսուն անաջին շաբաթը, երբոր Մասիսը, Կ. Պոլսո անաջին կանոնավոր հայ լրագիրը, լույս տեսավ. լույս մը՝ որ մութեն շատ տարբեր ըլլալու չէր այն խանի անկյունին մեջ ուր այս օրաթերթը հրատարակվիլ կսկսեր:

Ձեռնարկը նորօրինակ էր:

Ղազեթանիությունը այն ատեն արհեստ մը չէր և իբրև ապրելու միջոց՝ երկրայելիեն ալ պակաս բան մը կը նշանակեր:

Ի՞նչպես եղավ որ Կարապետ Ությունճյան, խոհեմ ու շրջահայաց մեկը այս բախտախնդրութեան մեջ նետվեցավ:

Հարկավ ազգին ան ատենի երևելիները իր կողմն էին և անոնց դրդամար այս ասպարեզը ընդգրկած էր ան. սովորություն էր այն ատեն—և հիմակ ալ ինչո՞ւ չըլլար—որ երիտասարդները՝ իրենց մեծերուն, տարիքոտներուն խոսքովը ասպարեզ մը որոշեին իրենց, և զարմանալի բան, 1852ի աղաները փափագե՞ր էին որ Կարապետ Ությունճյան ղազեթանի ըլլա:

Պզտիկ գայթակղություն մըն էր ասիկա ոչ միայն հասարակութեան համար՝ այլ Ությունճյանի ընտանիքի մեջ ու անոր շուրջը: Այս մարդեն՝ որ ամեն գիտցածը ու լսածը, ամեն ան-

ցածր ու դարձածը կը պատմեր կիմացներ իսկույն ամենուն իր զագեթայովը, զգուշանալու էր: Ու իր ոտք կոխած տանը մեջ խոսակցութիւնները կընդհատվեին վախցվելով որ հոն ըսվածները մյուս օրվան թերթին մեջ չի հրատարակվին, իրենց անունին հիշատակութեամբը, ինչ որ լրումը պիտի ըլլար ամօթի. միամիտ ու անմեղ խոհեմութիւն՝ հիմակվան սովորութեան քով որ ամեն տեղ խմբագրին ներկայութեան անձուկը ունի, ամենեն մտերմական բաները հրապարակված տեսնելու համար:

Հետաքրքրութիւնը և շարութեան պզտիկ որդը, որ ամեն մարդու հոգվույն մեջն է, այս օրագրին ընթերցումը կապահովեին:

Կարգալ գիտցողները խիստ փոքրիկ թիվ մը կը կազմեն, բայց կարգացողները, ապահովապես, կը հասկնային կարգացածին, հիմա կարգալ գիտցողներուն թիվը շատցած է անտարակույս, բայց կարգացածին հասկնալ գիտցողներուն թիվը նույնքան նվազած կրնանք սեպել, խոտորնակ համեմատութեամբ, որ խորհրդածութեան արժանի նյութ մըն է կարծեմ:

Այն ատեն նորութիւնները կը սիրվեին:

Հասարակութիւններն ալ անհատներու պես են, տարիքի շրջաններ ունին ուր հասնելուն կանգ կառնեն. տեսակ մը կայքեր, բացավայրեր են ասոնք ուրկե աջին կարելի է երթալ ինչպես ձախին, և ուր քիչ մը կը մտածեն, շուրջերնին կը դիտեն կարծես, դեպի այս կամ այն կողմը շտկվելիս առաջ:

Հայ հասարակութիւնը այդ միջոցին քիչ մը վարանելի ետքը հաստատ մտադրութեամբ մը նետվիլ կուզեր Եվրոպայի մտավորական զարգացման ճամփուն մեջ, ասիկա քիչ մը կանխահաս էր մեզի համար, վասնզի հայտնի վտանգ մը կար որ անոր լուրջ աշխատութիւններուն հետևելի ավելի՝ արտաքին կարգ ու սարքովը ու վայելչութիւնովը միայն հրապուրվեինք:

Սիրվիչներ, Օտյաններ, Ռուսինյաններ, Զորայաններ, Ութուճյաններ Եվրոպայի գրականութենէն շլացած կը դառնային հոս, այն ատենվան մեր գրչի արտադրութեանց հան-

դեպ՝ ինքզինքնին գտնելով՝ էլեկտրական լույսով լուսավորված քաղբի մը վարժությունը ստացող մարդոց դիրքին մեջ որոնք հանկարծ ուսման փեքոտիքն կամ նույնիսկ պատրույցով վառված ճրագի մը լույսովը գոհանալու կը պարտավորվին:

Առաջին ըլլելիքը Պոլսո հայ հասարակության համար լրագրություն մը հաստատելն էր: Հին օրեն մնացած ամիրա կամ Փարիզեն նոր վերագարձող երիտասարդ, ծերունի եկեղեցական կամ նոր դասախոսելու կոչված վարժապետ, ամենքը համաձայն գտնվեցան այս կետին վրա, ու Մասիսը երեւցավ:



Ըսի որ Պատրիարքարանի աղաները պաշտպան կեցան իրեն առջի օրեն և Մասիսը անոնց բերանը մնաց մինչև վերջը. ազնւրվականության թելն հով մը փշեց միշտ այս թերթին մեջ. անոր գաղափարները լեզուն ու քաղվածքը գոհհիկեն զգուշացան, բան մը զոր նախատինքի մը պես անոր երեսին նետեցին ատեն մը:

Վերջեն երբոր օրագիրները շատցան մեր մեջ, իր ուրույնությունը եղավ հանրային խնդիրներու առթիվ կամ գրականության մասին ամբոխին մեջ փեշերը վեր ժողված մարդու կեցվածքը առնել: Նեղացան իրեն դեմ և նախանձեցան իր վրա: Ամեն համեմատություն պահելով կրնանք ըսել որ մեր Journal des Débatsն եղավ Մասիսը շատ մը տարիներ:

Տարիքնին առած, լուրջ ու դիրքի տեր մարդիկ կան որոնք յրին մեկը մետաքսե գուլպայի մեջ պարուրված գեղեցիկ սրունք մը կամ հոլանի լանջք մը դիտելու մարմաջեն կը բռնրվին ու, հանրային պարասրահը չի համարձակելով մտնել, բարենպատակ հաստատությանց համար տրված պարահանդես մը կերթան կամացուկ մը, պզտիկ դիմակ մը անցուցած երեսնին, համոզված՝ որ հոն երթալնուն լավիլն յալ չի կրնար իրենց պզտիկություն մը սեպվիլ կամ գայթակղություն մը դառնալ:

Ասոր պես ալ, պատահեցավ որ պետական պաշտոնյաներ կամ ալևոր սրբազաններ հրապարակագրության ախտեն վա-

բակված՝ ատեն ատեն ծածկանունով մը երևային Մասիսին մեջ, հանրային վեճերուն խառնվելու համար:

Ժողովրդական շեղով այս օրագիրը, անջրպետ մը մնաց ամեն ատեն իր և խուժանին մեջ. իր նրբամիտ հեղուկություններեն շէր կրնար համ առնել հասարակություն մը որ մյուս լրագիրներուն լեզվին ու ստորին հայհոյությունները լսելու սովորած էր: Մասնավոր դասակարգի մը թերթը մնաց անիկա. հատուկ առանձնասենյակ ուր կոխվ ու պուշտուք շի կա, ուր էն ծանր խոսքերն անգամ մեղմ ձայնով կը զուրցվին: Շատերը եկան անցան անկե՝ բայց ով որ ալ ըլլար եկողը, քիչ ատենեն տանտիրոջ ձեռուն ծալքը կառնէր, իր բառերուն ընտրությունը բնելու, երանգները ճշտելու արվեստին վարժությունը կունենար, այնպես որ տանտիրոջ քաշվելին ետքն ալ անոր ձգած ավանդությունները անեղծ մնացին հոն մինչև վերջը:

Գրական շաբաթաթերթ ահավասիկ շուրջ տասներու թը տարիներե ի վեր՝ Մասիս նույն ազնվապետական հովը, նույն խղճամիտ ջանադրությունը խմբագրության մեջ ու նույն բարեկրթության մտադրությունը պահած է ամեն առթիվ ու ամեն տեղ:



1878ին ատենները, պատանի մըն էի ու ջերմ հակառակորդ Մասիսին: Լրագիրին մեջ, Նիկողոս Թյուլպենտճյանի¹ թերթը, իմ բոլոր ուժովս կը մաքառեի ամեն անոնց դեմ որոնց հանդիսավոր ու ճանշված ներկայացուցիչն էր Մասիսը: Հոնկե կը պատասխանեին ինձի, զիս հերքելու հատկացված տողերուն վրա Կարապետ Ություճյանի հեղուկ ծիծաղը կը նշմարեի, ծիծաղ որ դիվային բան մը ըլլալու էր:

Ըսի՝ ձեզի որ իմ դրացիս էր անիկա, Պեշիկթաշ, ճիշտ մեր քովի դրացին:

Առջի հեղ որ մեզի այցելության եկավ անիկա, հետաքրքրությունամ դիտեցի այցելուն. ա՛յս էր այն աներևույթ ոգին որ Մասիսը կիրկներ. սովորական մահականացու մըն էր անիկա և ոչինչ կը զանազաներ զինքը ուրիշներեն. ես իմ երևակայու-

թյանս մեջ բոլորովին տարբեր մեկու մը կերպարանքին տակ պատկերացուցեր էի այս մարդը ուրկե թաղական ու քարոզիկը դողային:

Այս տեսակ սթափումներ շատ հեղ տեսած եմ իմ շուրջս ալ, իմ անձիս համար արտահայտված: Զիս՝ պարթև հասակով, գեղեցիկ մորուքով, լուրջ ու խոժոռ մեկը երևակայողներ շատ ունեցեր եմ ու քիչ չեմ զվարճացեր տեսնելով այս մարդիկը ինքզինքս ճանչցնելուս՝ ապշած, գրեթե չի հավտալու պատրաստ:

Իմ առաջին տպավորութիւնս ակնածանքով խառն գոհունակութեան զգացում մը եղավ, Ություճյան մեր դրացին՝ Մասիսի շորս մեծադիր էջերը իմ տրամադրութեանս տակ զգացի ու իսկույն պզտիկ ու վեհերոտ փորձով մը մոտեցա իրեն:

Ո՞վ բանաստեղծ չէ եղած քիչ մը տասնըհինգէն մինչև իր քսան տարիները, երևակայեցեք թե ինչ էի ես այդ միջոցին, երբոր հիմա քառսունիս մոտ—ինչո՞ւ ճիշտ քառսունիս մեջ ըլլալս խոստովանելու արիութիւնը շունիմ արդոյոք—դեռ քերթվածներ կը հրատարակեմ:

Այն զոր մատուցի իրեն, նոր մեռած աղջկան մը մահվան առթիվ գրված էր. այն ատենվան տիրող միակ բանաստեղծական ձևն էր աս:

Մխիթարյանները մտցուցեր էին ասիկա մեր մեջ, Պեշիկ-թաշլյան, Թերղյան, Աճեմյան Վենետիկէն հետերնին իրենց ճամփորդութեան անտուկներուն մեջ բերեր էին զայն: Ոչ ոք կը մեռնէր Պոլսո մեջ առանց կանխապես ապահովելու որ իր ետևէն հասցնեն ոտանավոր մը որ սովորաբար սա վերնագիրը ունէր.

Ի ՍԳԱԼԻ ՄԱՀ

ՅՐ. ՆԵԿՏԱՐ ՍՐԲԱՔԵՇՅԱՆԻ

Այս օրվան պես միտքս է շար ու հեզնող ժպիտը զոր իմ քերթվածիս ընթերցումը պատսցուց Ություճյանի շրթունքին վրա և այն ձեռքի հուսահատեցնող շարժումը որով իմ գեղեցիկ ոտանավորս ինձի վերադարձվեցավ: Այդ վայրկյանին, իմ բոլոր ատելութեանս որ տեղի տալու վրա էր, արթնցավ նորեն

այս ազնվականներու շոշերու թերթին դեմ, այնքան որ բոլոր զայրույթս ու մաղձս Ություճյանեն անցնելով անոնց վրա թափեցավ:

Հողկե՞ արդոք մնաց անոնց դեմ այն բոլոր արհամարհանքը զոր մինչև հիմա կը պահեմ սրտիս խորք. շեմ գիտեր:

Մասիսին հետ հաշտվելու ի դերև ելած այս փորձեն ետքը ո՞վ պիտի գուշակեր որ օրին մեկը շաբաթաթերթ Մասիսին մեջ պիտի հրատարակվեր իմ առաջին վեպս: 1886ին մոտերն էր երբոր Արևելի խմբագրական մարմինը որ Մասիս շաբաթաթերթին ալ խմբագրությունը կը վարեր, կարդաց «Անհետացած սերունդ մը»-ին մեկ երկու գլուխները ու հավնեցավ անոր. հիմա միայն կըմբռնեմ որ զիս քաջալերելու կամքեն զատ ոչինչ կրնար իմ հեք վեպս հյուրընկալել տալ Մասիսին մեջ:

Աղե՞կ եղավ, գե՞շ եղավ ասիկա, լավագույն չէ՞ր ըլլար թե՛ ինծի և թե՛ անոնց համար որոնք իմ գրածներս կը կարդան, որ այդ վայրկյանին նոր մերժումով մը գրական ասպարեզը բոլորովին փակվեր իմ առջևս:

Հիմա, շատ մը տարիներ անցան ատոր վրայն և սակայն այդ ողորմելի նախափորձին հրատարակվիլը թվական մը կը կազմե ինծի և շաբաթաթերթ Մասիսին համար: Չեմ կրնար առանց խորապես հուզվելու մտքովս վերադառնալ այդ տարիներուն: Նորեն երիտասարդանալու պես բաներ մը կզգամ ներսիդիս, նոր կոշում մը, անծանոթ ձայներ կը լսեմ շուրջս:

Ու հետո, իմ խմբագրապետությունս այս շաբաթաթերթին մեջ. տեսեք ուրեմն որ, իմ դիրքս հրապարակագրության մեջ, պարզ զինվորի աստիճանն սկսված բարձրացում մըն էր, եթե նմանությունը ներելի է ինծի:

Ինչ որ կրնամ հավաստել, սա է թե երբեք չի մոռցանք որ այս գրական միակ շաբաթաթերթը վարելու պատիվն անբաժան էր մեծ պատասխանատվություն մը:

Տարիներու ընթացքին մեջ գաղափարները ու մարդերը փոխված էին բոլորովին, ու այս հեղաշրջումին մեջ Մասիս նորեն գլուխը պետք էր մնալ Պոլսո հայ հրապարակագրության մեջ, ճիշտ ինչպես իր հոյակապ հիմնադիրը պահած էր զայն ցորչափ ինքն էր անձամբ զայն հրատարակողը:

Ես ու բարեկամներս թերացանք թե ոչ այս մտադրություններնու մեջ, ասիկա մեզի շիյնար վճռել: Այն ամեն հաջողությունները որոնք աշխատությունով, անձնվիրությամբ կրնան միայն ձևոք բերվիլ, այդ բոլորը Մասիսին բերած ըլլալնու համոզումը ունիմ, իսկ անոնք որոնք բնածին տաղանդով միայն կը բերվին, ատոնք ալ ունեցա՞նք թե ոչ՝ Մասիսին ընթերցողներուն կիյնա ըսել:



Կես դարի անջրպետ մը կը լեցվի Մասիսին առաջին թիվեն մինչև այսօր: Մինչդեռ մարդերը կը ծերանան, իրենց հիմնած գործերը օր օրե ավելի կերիտասարդանան, նոր ուժերով կը շարունակվին: Տարօրինակ ճակատագիր աշխարհային բաներու որ օրագիրի մը մեջ ավելի ուժ, հոգի ու կենդանություն կը գնե քան թե դայն հիմնող մարմնին մեջ:

Պատճառը այն է գուցե որ օրագիր մը, իր ճշմարիտ կոչումին պատասխանելուն, կը դադրի ասոր կամ անորը ըլլալե, հանրության կը պատկանի ա՛լ, ամբողջ հասարակության սեփականությունը կըլլա և պատճառ մը չիկա, որ անոր վիճակակից, չի շարունակվի այդ հասարակության կյանքին բոլոր տևողությամբը՝ իր վրա անեղծ պահելով դրոշմը բոլոր պատմական անցքերուն:

Եվ այսպես երբոր կը տրվի իրեն հիսուն տարիներու շրջան մը բոլորել, իր հիմնադիրեն սկսելով բոլոր աշխատակիցները իրավունք կունենան արդար հպարտությամբ մը ողջունելու զայն:

ՈՒԹԸ ՏԱՐԻ ԵՏՔԸ

Փետր. 1 հոկտեմբեր

Սիրելի բարեկամ,

Ես ալ կզգամ որ Զուլային մահվան առթիվ բան մը գրելու համ: Հայերը շին ճանշնար գինքը և ինչպե՞ս կուզեք որ ճանշընան, քանի որ անոր գործերեն ոչ մեկը հայերենի թարգմանված է: Այդ գործերը իրենց ֆրանսերեն բնագրին վրայեն կարգացող և չկրցող հասկցող մեկ քանի հոգի՝ այս մեծ մատենագրին անբարոյական հեղինակի համբավ շինեցին մեր մեջ և մեր հասարակությունը անկե զգուշացնելու ելան: Տղայության ատենեն միտքս մնացած է սոսկումը զոր Վոլթեռի անունը լսելնուա կզգայինք: 18րդ դարու էն մեծ մատենագիրը պետք էր որ անծանոթ մնար մեր խավարապաշտ ու անմշակ մտքերուն. ահա՛ այս տեսակ բաներով կրնայինք մնալ այն հետամնաց ժողովուրդը զոր ենք:

Այս վերջին մեկ քանի տարիներուն մեջ անաստվածության ամբաստանությունը իր շահեկանությունը կորսնցուցած ըլլալով, անբարոյականության դեմ կովելու պատրվակով գինվեցան անոնք որոնք դատապարտված են կոնակնին դարձուցած մնալու հառաջադիմության. անբարոյականություն որ, ասոնց խոսքին նայելով, հուանի ծիծ մը կամ մերկ սրունք մը ցուց-

Նելուվ կը վրդովեր իրենց ի բնե խարխուլ պարկեշտութիւնը: Հայերուն մեջ իբրև մերկապարանոց բաներ գրող՝ ինծի կիշնար այս մեղադրանքներուն ենթարկվելու պատիվը. և այսպեսով պզտիկ խնամութիւն մը ձևացած է միշտ իմ խոնարհ անձիս և մեծ գրագետին մեջ որուն սուգը կը պահե այսօր Ֆրանսան՝ ամբողջ լուսավորչալ Եվրոպային հետ միասին: Այս ազգականութիւնը որ շարդարանար՝ եթե ի նկատի առնենք արժանիքի տեսակետով երկուքնուս մեջ եղած մեծ անջրպետը, ստույգ ու վավերական պիտի ըլլար՝ եթե ամեն տեղ ստութիւնը ու կեղծիքը խորտակելու փափագը ունենալը միայն՝ բավական ըլլար ասոր:

Զուլայի եղբրական վախճանը խորհրդավոր բան մը ունի իր մեջը. այս այն մահը չէ որ ճակատարաց կուգա առջիդ իր գալուստը առաջուց իմացնելով և միջոց տալով քեզի որ պաշտպանես ինքզինքդ իրեն դեմ. ոչ, այլ լուսթյան ու մութին մեջ հասնող մահն է որ իր ներկայութիւնը զգուշութեամբ կը պահե և քնանալուդ կսպասե վրագ խոյանալու ու զքեզ շքացնելու համար. մեկ բառով, նենգութիւնն է, կեղծիքն է ան, որոնց դեմ Զուլայ այնքան սաստկութեամբ մաքառեցավ: Նենգութիւնը՝ հաղթող վերջ ի վերջո, հարկավ այս վհատեցուցիչ դասը չէ որ կը քաղեմ այս մեծ կորուստեն, բայց այս աղետը խորհրդանշանի մը պես կերևա աչքիս:

Ութը տարի առաջ երբոր պզտիկ հողվածի մը ակամա ամփոփումին մեջ ստիպվեր էի տարտամ գիծերով միայն այս մեծ դեմքը ներկայացնել Մասիսի ընթերցողներուս, Զուլան իր պլուխգործոցը շէր գրած դեռ, այն հոյակապ արձակը որ «Կամբաստանեմ» կը կոչվի: Իր բոլոր հատորներուն մեջ մեծ քաղաքացին կը նշմարվեր միայն. ոչ ոք մտքեն կանցրներ որ ի հարկին երևան պիտի ելլար ան՝ այսքան ապշեցուցիչ արիութեամբ մը և իր գրական «հավատամք»ը—միմիայն ճշմարտութեան «հավատամք» մը—սոսկ արդարութեան ու իրավունքի վերաբերող խնդրո մը մեջ ալ միեւնոյն անվահերութեամբ պիտի պուար ամենուն երեսին:

Երկու տարագրում աչքի առջև կուգան այս վայրկյանիս անկարելի է մերձեցում մը չընել այս երկուքին մեջ. Հյուկոյի և Զոլային հեռացումը իրենց երկրեն. բայց բարոյական ի՛նչ մեծ հեռավորութիւն երկուքին մեջ: Հյուկոն շպարի, ոսկեզօծումի, մեկ բառով ոռմանթիք գրականութեան անմատչելի կատարը, անոր համար կատիպւեր թողուլ Ֆրանսան որովհետև իրեն խոստացված նախարարական պաշտոնը չէր կրցած իրեն տրվիլ և քինախնդիր բանաստեղծը օտար հողի մը վրա կերթար իր մաղձը, որ նորեն էն մաքուր ու նվիրական անուններով պիտի մկրտեր, թափելու իր Chatimentsներուն մեջ:

Զոլան՝ բնապաշտ դպրոցին գլուխը՝ իր հանգիստը, իր մեծ գիրքը, զինքը շրջապատող բոլոր համակրութիւնները առանց վարանելու ձգելու կը հոժարի, հանիրավի դատապարտված հրեայի՝ մը անմեղութիւնը պաշտպանելու համար: Այս է անբարոյական մարդը:

Ռոմանթիք և բնապաշտ դպրոցներուն բոլոր տարբերութիւնը այս երկու եզրերուն բաղդատութեանը մեջն է:

Սիրտս տրտմութեամբ լեցնող բանը սա է որ ճիշտ այն պահուն ուր բոլոր աշխարհ այս մեծ նկարագրին ու այս մեծ գրագետին գերեզմանին առջև կը խոնարհի, մենք կըլլանք միայն բացառութիւնը կազմողը. ոչ միայն այս մեծ քաղաքացիին գերեզմանին առջև կը ծիծաղինք, այլ ժամանակակից այս անվանի գրողը հասարակ թերթոնագիր մը անվանելու կելենք: Իրոք արգահատելի հասարակութիւն մըն ենք:

ԿՅԱՆՔԸ ՓԱՐԻԶԻ ՄԵՋ

Փարիզ, 13/26 մայիս

Ավելի ուղիղ չէ՞ր ըլլար ըսել «Մահը Փարիզի մեջ», քանի որ Ֆրանսայի մեծագույն քերթողին՝ Ֆրանսուա Քոփփեի մահը ծանուցանելով կսկսիմ այս տողերը:

Ատենով իմ «Մասիս»-իս մեջ—ի՛նչ հիշատակներ կը քրքրեմ—իր պատկերը զետեղեր էի, շեմ գիտեր ի՛նչ առիթով, և քանի մը տողն բաղկացած հոգվածի մը մեջ՝ փորձ մը ըրեր էի—շատ պզտիկ հարկավ—ծանոթացնելու զինքը մեր ազգակիցներուն որ ժամանակակից Ֆրանսային շատ բան չի գիտեր:

Կորուստը մեծ է այդ մեծ ազգին և ընդհանուր Գրականության համար: «Խոնարհներ»ուն և «Մտերմություններ»ուն քերթողը նոր դարձվածք մը երկնած էր, նոր լեզու մը իր քերթվածներուն հատուկ՝ որուն բարձրությունը, խոնարհությունը, նրբությունը մտերմությանը մեջն է միշտ: Շնորհ ու վայելչություն էր համակ՝ ամեն սեթևեթե հեռու մնալուն:

Դժվարի՛ն արվեստ:

Քոփփե ամենեն դժվարապահանջ արվեստագետներուն և ամենեն անուս բայց ոչ գոհհիկ դասակարգերուն սիրտերը միե-նույն ավյունով թրթռացուց միշտ: Ճշմարիտ գեղեցկությունը

ո՛չ թյուլերու, ո՛չ բեհեզի մեջ փաթթվելու, ո՛չ իսկ ներկի չպարի կը կարոտի, ամեն աչքերը իսկույն գրավելու համա,

Անոր մահովը համայն Ֆրանսան սուգը կը մտնե, Ակադեմիեն սկսելով մինչև համեստ դարբինը, մեծերն իջնելով մինչև էն պղտիկները, որոնց ամենուն երգիչը եղավ անիկա:

Եվ իմ միտքս կերթա հեք Ադամյանին որ այս Քոփփեին «Դարբինները» կարտասաներ այնքան պերճությամբ, իր անզուգական բերնն թռչող ամեն ներդաշնակությանց պես:

Ու քիչերը գիտցան որ քերթող մըն էր ան ալ՝ որ ուրիշ քերթողի մը գրածին վրա կը զմայլեր, բերնուց սորվելու և անման արտասանությամբը ավելի ևս պանծացնելու համար զայն:

Անոր սուգը չպահեց մեր հասարակությունը: Շատեր շիմացան իսկ անոր մահը, Ժողովները ու Թաղականները իրար շանցան և, կուզե՞ք որ իմ բոլոր գաղափարս հայտնեմ, աղեկ ըրին: Զահերը, ծածկույթները ու փառաբանությունները որոնք ունէ խանութպանի մը դագաղին կը շռայլվին, որովհետև անիկա, չի գիտցվիր ինչ կերպով շահված, դրամ կը թողու իր ժառանգորդներուն, անոնք պետք չէ որ շրջապատեն այն մեծ մեռյալները որոնք բոլոր ցեղի մը մտավորական ու քաղաքակրթական հանճարը կը կրեն իրենց անձին վրա ու անոր տեական փառքը կը կալմեն իրենց մահվըննն վերջը: Այդ փառքը իր մեծավայելչության մեջ պետք է թողուլ և շնսեմացնել սակագնված պատիվներով:

Քոփփեին հիշատակեն չեմ կրնար զատվիլ առանց խորհուրդ մը, շքսելու համար խրատ մը, տալու մեր երիտասարդներուն, խրատ որուն տարիքս՝ իրական և գրական՝ կարծեմ թե կրկնապես կարտոնե գիս:

Ըսեմ ուրեմն մեր երիտասարդներուն, անոնց որ մեր տեղը բռնելու եկած են, թե գրականությունը ու հրապարակագրությունը մեծ պարտականություններ կը դնեն ինքզինքը անոնց տվողին վրա: Անիմաստ ու անշնորհ գրվածքներու կուտակումով չէ որ անոնց դերը կը ճանչցվի:

Իրավունք ունինք ըսելու որ պատվո ավանդ մը ձգեցինք իրենց, արևին շափ պայծառ, բյուրեղի պես ջինջ ու անոր պես

երփներանգ լեզու մը թողլով իրենց, լեզու որ ասկե քառորդ դար առաջ գոյութիւն չունէր գոնե գրականութեան մեջ:

Սովեթաժամ ու խավարչտին բան մը ըրին զայն հիմա, և, ափսո՛ս, նույնիսկ ուղիղ քերականութեան մը կանոններուն հարգանքը վտարեցին անկե: Եվ ոչ թե անոր համար որ այս ստորնացումը գրական դավանութիւն մըն է, այլ պարզապէս՝ որովհետև գաղափարի ու իմաստի շոգոյթենեն, մանվածապատ ձևերու ու վերջակետներու հետ անհաշտ պարբերութիւններու ապավինեցան: Ֆիզիքի մեջ կըսեն թե Բնութիւնը պարապութենե կը զարհուրի. գրականութեան մեջ՝ դատարկութիւնը շատ ավելի զարհուրելի է ընթերցողներուն համար:



Ինձի այնպես կը թվի որ «մեկ երեսը կուլա և մյուս երեսը կը խնդա» զուրցվածքը՝ ամենեն շատ ֆրանսական այս մեծ ուստանին կը պատշաճի:

Երևակայեցեք որ այս պահուս հասարակութիւնը՝ թատրոններուն շփ ու թատրոններեն ավելի Revueներուն կը վազե, հոն ուր այս ցեղին սրամտութիւնը ամեն գիշեր իր գանձերը կը շռայլե:

Զկա եղելութիւն մը, մտավորական, քաղաքական կամ գեղարվեստական, անձնավորութիւն մը որով Փարիզը զբաղած ըլլա վայրկյան մը, որ անմիջապէս օրվան ծիծաղին նյութ շմատակարարե. ոչ այն ծիծաղը սակայն՝ մաղձով ու դառնութեամբ լեցված՝ որ դիվային բան մը ունի, այլ այն որ զվարթութեան վճիտ ակերեն կը բխի, որ զեղուն է ներողամտութեամբ և որ իր մեջը միշտ բարի խրատ մը կը ցայտեցնե:

Եկամուտին վրա տուրքը, նամակատան ու հեռաձայնի մեջ աշխատող աղջիկներու վիճակը, Քասթիլանի կոմսեն արձակված ամերիկացի միլիտատիրուհին, երկաթուղիներու անկառն երթևեկը, Թեաթր-Տրանսսի դերասաններուն իրենց գերբերը արտասանելու հանդիսավոր ձևերը, ու ասոնց բոլորին վրա ժածանող կնոջական անհավատարմութեանց զվարճալիքը, սմեն կերպ պերճութեան, շողացումներու, ադամանդներու, ոս-

կեզօծումներու, բեհեզներու, հոլանի լանջերու ու սրունքներ աշխարհի մը կամ կիսաշխարհի մը մեջ, եթերային երաժշտութեան մը նվագներով ընդելուզված: Ահա՛ Օլիմբիայի, Մառինիի ուրվյունները, ուր գետինները թափված նրբամտութիւններ են, կատակներ են, զվարթութիւններ են կոխելու տեղ շկա:

Եվ ասոնց վրա իշխող տիրող լուրջ Երաժշտութիւնը և Արվեստը, Շալիափին ռուսիացի երգիչը Օփերայի մեջ ուր «Պոռիս Կոտոնով» ռուսական օփերան շեմ գիտեր իր կատարելութիւնն՝ ն թե ֆրանքուտա դաշնակցութեան բերմունքովը ծափեր կը խլի. հոն՝ դուռներուն ու լայն աստիճաններուն վրա մարած, հատած, սպառած դեմքեր, սլավ ուսանողներու և ուսանողուհիներու երեսներ՝ ելեկտրական լույսի ողողումին տակ հանկարծ կը պայծառանան ու իսկույն կը շիջանին, նորեն պայծառանալու ու նորեն շիջանելու համար: Անդին՝ Օփերա Քոմիքին մեջ՝ նորեն ռուսական օփերա մը, «Սնեկուրոշքա», միևնույն խանդը եթե ոչ տաղանդը, միևնույն ծափերը, ողջույնները:

Ու քիչ մը հեռուն՝ ծանրախոհ Թեաթր Ֆրանսէն, ալևոր հավը, թոռած երեսներով քիչ մը, ալիքով ու պատիվով ծածկված, քիչ մը տրտմած, և Միլպոյի «Ֆուայե» ներկայացնելու վճիռին տակ ճզմված: «Ֆուայե»ն՝ որ կեղծիքին դիմակը մարդուն երեսն վար քաշող, գետին նետող ու կոխկոտող շարժումն է, որուն՝ ընկերական պայմանադրութեանց ժամադրավայրը հողդ այս թատրոնին մեջ՝ այսպես բռնի մուտքը՝ այնքան ապշեցուցիչ է որքան պատվաբեր ֆրանսական դատարաններուն համար որ այս վճիռը արձակեցին, ամեն նախապաշարումները մեկդի քնելով:

«ՊԱՏՎԻ ՀԱՄԱՐ»

Վայելքը իր շափը ունի, որոշ սահմանն մը անդին հեշտությունը՝ տվայտանքի, մահացումի մը պես ցավագին բան մը կըլլա, անսովոր ճիշեր, աղաղակներ արծակել կուտա մարդուս:

Արվեստի գերագույն արտահայտությունները այս կարգն են: Այդ վերնագավառներուն մեջ՝ ուղեղային դրության պարտասումի աստիճան գրգռումը, արյան շրջաններու համախուժումը, ջիղերու տարապայման պրկումը կը միանան մղձավանջային, քնաշրջիկի, էսրարի ծուխերով ծանրացած մթնոլորտի մը, իրականեն, ապրվածեն ավելի վեր գոյություն մը— եթե ներելի է ինձի ալ նոր բառ մը կերտել— Գերակյանքը ստեղծելու համար:

Այդ գերակյանքը ապրեցանք մենք ուրբաթ դիշեր երեք ժամ շարունակ Վարիեթեի թատրոնին մեջ Պաքուի Արելյան-Արմենյան տրամաթիք խումբի կողմի տրված ներկայացումին առթիվ:

Երեք չորս օրն ի վեր Թոքաթլյանի սրահին կիսակործան սյուններուն վրա փակցված համեստ ծանուցումներ այս խումբին գալուստը իմացուցեր էին մեզի: Պզտիկ խմբակ մը որուն

մեջ անսովոր դեմքեր, ձևեր կը նշմարվեին, քանիցս նիստ կազմած էր այս սրահին մեջ:

Ուլքե՛ր էին ասոնք, պիտի ըսեր ռուսահայ մը: Պարզապես Պաքուի տրամաթիք խումբն էր ասիկա որ ուրբաթ գիշեր Շիրվանզատեի ամենեն խորունկ և ամենեն դառն մեկ փիեսի՝ Պատվի համարի ներկայացումով սկսավ:

Ամփոփեմ նյութը:

Պ. Անդրեաս էլիզբարյան ջոջ վաճառական է:

Զբավորութենե ճամփա ինկած անձ որ ինքնիրեն դիզած է իր հարստությունը և որ օր մը պիտի պուռա իր զավակներուն երեսին.

— Ես իմ հորից փող ե՛մ ստացել, թուք ու մուքով, զըրկանքներով, քաղցած փորով եմ ես մարդ դարձել:

Դրամապաշտ պուրժուազիի թիփն է ան, մարդկության վախճանը միմիայն դրամի մեջ փնտրող:

Իր գործի մարդու տաղանդը առուտուրի կյանքին սովորական խորամանկություններովը ու նենգություններովը ձևացած է: Սողոսկող ու ամբարտաւան, կտրիճ ու վատասիրտ միանգամայն:

Իր պարտամուրհակները փրոթեսթ եղած շեն. պատվավոր մարդ ուրեմն. իր շահատակությունները հայտնված շին. ուստի հարգելի և ազնիվ անձնավորություն, ալնվաշուք մը, թե որ անպատճառ փափաղիք. ի հարկին կարող իր հափշտակություններեն մաս նվիրել ազգային ուսումնարան մը հիմնելու համար. ազգային բարեբար մը, թե որ կուզեք:

Արդյոք Շիրվանզատե Պոլի՞ս ապրած է: Հարստության հիմնական մասը իր առևտրական ընկերոջը մահվրենն օգտվելով կողոպտած բաժինն է և այս պիտի ըլլա բոլոր փիեսին առանցքը:

Այս ազնվաշուքը իր թա՛լանած ընկերոջը որբերուն ողորմություն տալով մեծցուցած է զանոնք: Զըսի՞ ձեզի թե բարեբար մըն է:

Այս է մարդը: Զգվելի հարկավ, բայց ոչ վճռական շարագործը: Ահավորը՝ անոր կնոջ եղբայրն է. Սաղաթելը՝ իր գործերուն օգնականը ու շար ոգին անոր. այն կը մղե զինքը միշտ

դեպի շարը, դեպի ապիրատությունը. Իսկո՞ն՝ այս դրամապաշտ
Պթեկոյին:

Տեսարանը իսկապես զարհուրելի է երբոր երկու շարագործ-
ները իրենց թալանին փայ ու բաժինին մեջ իրարու դեմ կելլեն:

— Խոստումդ կատարե՛. բաժինս տուր թե ոչ գիտեմ ընե-
լիքս, կը գոչե Սաղաթել:

— Հետո կուտամ:

Այս «հետո կուտամ»ը շեք գիտեք որքան հոգեբանապե-
ուղիղ է: «Հետո կուտամ»ը կը նշանակե որ խոսքեն պրծելու
պատրաստվող անձը դեռ չի համարձակիր դիմակը վար առնել,
կը նշանակե ժամանակ վաստկիլ, որպեսզի վարժվի իր դրժու-
մին ու անոր քաջությունը ունենա:

Անդրեաս էլիզբարյան շորս հասուկ զավկի տեր է: Բայց
անոնք որքա՞ն նկարագրով տարբեր են իրարմե:

Բագրատ էնժենիչոր է. դրամական ու նյութական փիլիսո-
փայությամբ սնած երիտասարդ. մին անոնցմե որոնք սրտի
խղճահարությունները չեն ճանչնար:

Իր աստվածը բանականությունն է, ուրիշ բառով օգուտը
միայն: Այս թիփը պուրժուայի զավակն է, պատրաստ ուրիշի
վրա նետվելու, բայց թույլ չի տալով որ ուրիշ մը համարձակի
իրմե փող կորզել: Այսպես, տեսնելով, որ Սաղաթել ծախսի
հաշիվներու վրա վերադիրներ, խամիներ կընե, Բագրատ կը
գոչե անոր երեսին.

— Իմ գործերու մասին ձեռներդ մաքուր՝ պահե՛:

Իք քույրը Ռոզինա հարուստի շփացած ու փճացած աղջիկն
է. արդուզարդի ունայնությանց և իր պատկանած դասակար-
գին իրավունքները խստությամբ պահպանելու հետամուտ: Չի
եներ որ ծառան Վարդանը՝ ես ու դուն որ խոսի հետը: Ազգա-
յին զոհացումն ալ բացակա է իր սրտեն: Օտարացած աղջիկ:

Մյուս եղբայրը, տանը անառակ որդին, Սուրենն է, մսխող,
խաղամու ու զվարճասեր տղա, որուն սակայն հոգիին մետաղը
ազնիվ ու մաքուր է: Իրենց հարստությանը աղտոտ ժագումին
վերահաս եղածին պես, իսկույն կը պատրաստվի անկե հրա-
ժարելու, մինչդեռ Բագրատ, հորը արժանի զավակ, ամեն նեն-
գության աջակից ըլլալու պատրաստ է այդ հարստությունը

ձեռքե շի հանելու համար: Աստուց աշքին պատիվը դրամն է ու
ամեն բան ընելու կարող են այս պատվին համար:

Իսկ հերոսուհին կրտսեր քույրերնին է. Մարգարիտը սրտի
ու մտքի տեր աղջիկը, մուսյլ խորհուրդներով ծանրաբեռնված
այս տան մեջ միակ լուսավոր դեմքը:

Հետո՝ մայրերնին Երանուհին պարզամիտ ու աստվածա-
վախ կին որ իր աղվորությանը համար, Անդրեասին հետ ա-
մուսնացած էր:

Ահա ընտանիքին բոլոր անդամները. անոնց վրա թե որ
ավելցնենք Արտաշես Օթարյանը, Անդրեասին կողոպտած ըն-
կերոջը որդին որ Մարգարիտը կը սիրե, փիեսին անձինքը կամ-
բողջացվին: Գործողությունը կսկսի անով որ Օթարյանը ձեռք
կանցընե կարգ մը Անդրեասին ստորագիրը կրող հին վավերա-
գիրներ որոնք այս վերջինին հարստությանը՝ Օթարյանին
պատկանիլը կը հաստատեն: Օթարյան կուզե որ իր իրավունքը
ճանչցվի ոչ այնքան դրամի համար, քան թե վերցնելու համար
իր վրայեն Անդրեասի ողորմությամբը ապրած լինելու նախա-
տինքը, որ զինքը Մարգարիտին առջև նվաստացուցիչ դիրքի
մը մեջ կպահե:

Կերևակայվի Անդրեասին սարսափը երբ այս վավերագրե-
րուն գոյությունը կիմանա: Ամեն թուղթ ոչնչացած կը կարծեր:
Կրիտասարդ Օթարյանի քանի մը հազար մանեթ տալով ձեռ-
քեն ստորագրություն մը կորզելու կը ջանա ու շի հաջողիր: Գա-
տի սպառնալիք կա: Իր հարստությունը, 700.000 ռուպլը, երե-
վակայեցեք, կորսվելու վրա է: Այն ատեն երիտասարդին
Մարգարիտին համար ունեցած սերեն օգտվելու գարշելի գա-
ղափարը կը հղանա, բայց Մարգարիտ իրեն գործակից շի կըր-
նար ըլլալ. զայն խաբելի ներիշ հնար չկա: Սուտ զայրույթով մը
իր աղջկանը դեմ կը բարկանա ըսելով որ Օթարյանը զրպար-
տիչ մըն է և իր աղջիկը դատավոր կընե այս մասին ըսելով.
«դո՛ւն ուզե, առ Օթարյանին փաստերը ու վավերագիրները.
պիտի տեսնես որ ոչ իսկ թուղթի կտոր մը ունի»:

Մարգարիտ այս նենգավոր խոսքերեն կը խաբվի: Օթար-
յանեն կը պահանջե այդ թուղթերը տեսնել ու այս վերջինը
առանց վարանելու, թուղթերը իր սիրուհիվոյն կը հանձնե:

Մարգարիտ զանոնք հորը կը ցուցնե որ անոնց ճշտությունն ճանչնալու կը պարտավորի:

Բայց գիշերը Սաղաթելին հետ համախորհուրդ, իր աղջկան սենյակեն թուղթերը կը գողնա ու կը վառե: Այսպեսով կը պահե իր հարստութիւնը ու պատիվը: Իսկ Մարգարիտ այդ թուղթերու փճացումին մասին իր սիրողին դեմ ինքզինքը արդարացնելու անկարող՝ կյանքին վերջ կուտա: Անդրևաս երկու ձեռքը գլխուն կը զարնե, որդեսպան մըն է ինքը այսուհետև:



Այս է նյութը զոր հարկավ շատ թերի, շատ անզոր կերպով ուրվագրեցի այստեղ: Հատոր մը պետք է ամբողջ այս հրաշակերտը վերլուծելու համար: Այս բոլոր դեմքերեն ամեն մին Շիրվանզատի իր սուր ու անողոք գրոցով փորագրած է: Շոփենհաուեր կըսե որ թատերագիրը՝ ճակատագիր ըսել է, որովհետև ինքն է որ իր ստեղծած անձերուն բախտը կորոշե. ճակատագրին պես ալ անողոք ըլլալու պարտավոր է: Շիրվանզատի Պատվի համարին մեջ ժամանակակից պուրժուազիեն բոլոր թիփերը լիաբուն սփռած է: Փիեսին կազմվածք իր պարզութեանը մեջ հոյակապ է և հյուսիսի գրականութեան հոռինվածը կհիշեցնե: Թուսահայ թատերագիրը շատ բարձր է Ծքթավ Միրպոյեն որ սակայն Ֆրանսայի փառքերեն մեկն է, իր տարազն Հանրի Պեքի դաժան՝ բայց անկեղծ նկարագրութիւնն է իրական կյանքի դրվագներն վերցված:

Եթե դասական տեսակետն դատվեր, Շիրվանզատի գործը այն տեղն ալ իր մեծ նշանակութիւնը պիտի ունենար:

Մարգարիտին շվարումը՝ մեկ կողմն ավանդ դրված այս թուղթերը գողցուցած ըլլալու պատասխանատվութենեն, մյուս կողմն իր հայրը մատնելու պարտավորութեանց առջև, զոր իր մահվամբ կը քովե, այնպիսի շքեղ տեսարան մըն է որ հին ողբերգութեանց ցնցումը կուտա:

Իր խոսակցութիւնը dialogueր որ ուէ թատերական փիեսի հաջողութեան առջի պայմանն է, երբեք այսքան ժողովրդական պարզութեամբ և խիզախութեամբ չէր փայլած որչափ այս փիե-

սին մեջ: Մեկ ծայրեն մյուսը սուրբրու բախում մըն է կարծես, լույսեր ու բոցեր արձակելով շարունակ: Ամեն բառ գնդակի հարվածի պես ուժգին ու սաստիկ է:

Պոլսահայ հասարակությունը այս ոռուսահայ բարբառը իմանալու համար դժվարություն չունեցավ, նույնիսկ ամեն մեկ բառին բովանդակ ուժը զգաց ու հասկցավ:



Պաքուի տրամաթիք խումբը որ ներկայացուց Շիրվանզատեի փիեսը, հայտնություն մը եղավ ամենուս համար, ապշեցուցիչ, հիացուցիչ հայտնություն մը:

Այս վերջին մեկ քանի ամիսներու մեջ թե՛ տեղական և թե՛ դուրսեն մեծագործ ծանուցումներով զինված խմբակներ, հայերեն լեզվով կարգ մը ներկայացումներ տվին ու պետք է խոստովանիլ որ հայ լեզվով թատերական ներկայացումներ տեսնելու հռանդնիս ցրտացուցին: Համբակներ ու թերուսներ կամ հինցած ու փճացած ուժեր՝ կյանքի ըմբռնումն ու գրական զարգացումն զուրկ էին: Եվ ի՞նչ եղավ մեր զարմանքը, երբոր ուրբաթ գիշեր Պաքուի տրամաթիք խումբը Շիրվանզատեի հոյակապ գործը նույնքան հոյակապ արվեստագիտական տաղանդով մը ի հանդես բերավ:

Պ. Աբելյան, Անդրեաս էլիզբարյանի ճնշիչ դերին մեջ, անստգյուտ կատարելությամբ մը ցույց տվավ որ լիովին ըմբռնած է Շիրվանզատեի գծած վաճառականի դեմքին բոլոր գիծերը, ամենեն նուրբերեն սկսելով մինչև ամենեն թանձրերը, այդ նկարագրին հոգեկան ազդակները, ընկերական ըմբռնումները, առուտուրի մարդու բարոյականը, խորամանկություններն ու ճարտարությունները: Այս ամենը այնքա՛ն հարազատ կերպով պատկերացած էր իր դեմքին վրա, այնքա՛ն ճշգրիտ կերպով խտացած իր շարժումներն մեջ, որ մտքովս ըսի թե մի՛ գուցե պ. Աբելյան առուտուրի աշխարհեն վտարյալ մը ըլլա և ո՛չ աննման արվեստագետ մը: Հիշեմ այստեղ երկրորդ արարվածին մեկ տեսարանը ուր իր ընտանիքի բոլոր անդամ-

նծրուն վրա իր ցասումը կը թափե, կը վռնտե զանոնք: Ականջիս մեջն է իր ձայնը.

— Դե՛հ, կորե՛ք, հայտա՛... .

Պարզապես հիանալի է այն դիմափոխութիւնը որով նույն վայրկյանին Օթարյանի թուղթերը ձեռք անցընելու համար կը հաշտվի իր աղջկան՝ Մարգարիտի հետ, շոյելով անոր գլուխը.

— Ա՛յ օրհնյալ լինիս, աղջի՛կս, դու բարի սիրտ ունիս:

Ու երբ Մարգարիտ Օթարյանեն առած թուղթերը ցույց կուտա - իրեն, իր անմեղուականը վստահ արարածի մը ամբարտաւանությամբ, ըսելով անոր.

— Քննի՛ր և տես:

Իսկ հոն ուր ինքզինքը գերազանցեց, շորրորդ արարվածին այն տեսարանն է ուր Օթարյանին փաստերը գողությամբ ձեռք անցունելի հետո՝ անոր դեմ լրբությամբ կը կանգնի ու մարդ ճամփա դնելու սովորական բանաձևովը Սաղաթելին դառնալով կըսե.

— Ելիր կլուպ երթանք, փռեֆերանս խաղալու. կլուպ երթանք:

Տիկին Արմենյան Մարգարիտի դերը ունեւր: Միմիայն իր «դուրս գալը» սենային վրա հաջողութիւն մը եղավ, անոր համար որ նախ ամեն շնորհալի կնոջ դեմքը ինքնին հաջողութիւն մըն է արդեն: Տիկին Արմենյանինը հաղթանակ մը դարձավ, երբ իր խաղը տեսանք, երբե՛ք այսքան շնորհ, այսքան նուրբ ու այսքան արտահայտիչ դեմքի մը վրա միացած շէր: Իր ձայնին քաղցրութիւնը ու արտասանության վճիտութիւնը, ճշմարիտ հրապուրանք մըն էր. ամենեն խորունկ տպավորութիւնը թողուց, երբ թուղթերու գողության պահուն քունեն սթափելով, ճերմակներու մեջ փաթթված, վրեժխնդիր ոգիի մը պես հորը ետևեն խոյացավ, ու ավելի առաջ երթալու անկարող, գետինը փռվեցավ:

Իսկ պարզապես հրաշալի էր շորրորդ արարվածին մեջ, երբ իր հորը աղաչեց որպեսզի ետ տա գողցված թուղթերը:

«Հայրի՛կ, հայրի՛կ» աղաղակը բոլոր սրտերը գրդոցելու Ու, թուղթերուն կրակի մեջ նետվելով փճանալու պահուն իր դեմքին զարհուրած արտահայտութիւնը, իր քարացումը, ար-

ձանացումը, կապկպված լեզվին տեղ՝ մեծ-մեծ բացված գեղեցիկ աչքերուն նայվածքը, այն mimiqueի գլուխգործոցներեն է որոնց իրականացումը մեծ տաղանդներու վերապահված է:

Մյուս բոլոր դերակատարներուն առթիվ այ իմ զմայլանքս հայտնելու համար դեռ շատ մը էջեր լեցնելու եմ: Բավականանամ միայն շնորհավորելով պ. Արմենյանը որ Սուրենի դերով ճշտիվ պատկերացուց «Անառակ Որդվուն», բայց անառակությանը հետ՝ հոգեկան ազնվությունը պահող երիտասարդի նրկարագիրը որ կերպով մը Ռյու Պլասի մեջի Տոն Սեզար տը Պազանը կը հիշեցնեն:

Պ. Բիրոյան ոչ նվազ հաջողությամբ երևան բերավ Բագրատի դերին մեջ դրական իմաստասիրությունյամբ ախտավարակ սերունդի մը շոր ու ցամքած սիրտը. տարիքնուն առաջ ծերացած տղաքներ՝ որոնք բանաստեղծություն սփոփանքեն ու վայելքեն իսպառ հրաժարած են. մոռցված մարդիկ որ շարունակ տրտմության քող մը կը նետեն մարդկության երեսին վրա:

Պ. Ազյան՝ Սաղաթելի տարապայման կերպով դժվարին դերին, Ոսկանյան՝ Օթարյանի, տիկին Պուրժալյան՝ mondaine աղջկան, տիկին Զապել՝ ավագակ էրկան մը ձեռք ինկած նրկուն և ջերմեռանդ կնկան մը դերերնուն մեջ ճշմարիտ արվեստագետներ հանդիսացան: Փիեսը այնպիսի մասնավորով մը ներկայացավ որ անպատմելի հմայք մը գործեց բոլոր սրահին վրա: Ադամյանի մահվընեն ի վեր Պոլիս ասանկ արվեստական ներկայացում տեսած չէր. ֆրանսական մեծ tournéeներու ներկայացումներն անգամ այս տպավորությունը չկրցան ձգել, այն պատճառով որ անոնց մեջ մեկ-երկու առաջնակարգ դերասանի շուրջ բոլորված են անհավասար և աններդաշնակ կարողություններ, իսկ հոս բոլորը ներդաշնակապես կցված, հավանականաբար, երկար արվեստակցությամբ մը միևնույն զարգացումը ու ըմբռնումը ստացած են: Այս խումբը, հակառակ պայմանադրական կանոններու, ուղիղներ չըրավ թերթերուն մեջ, իր ծանուցումը այս ներկայացումը եղավ և ասկե ավելի շքեղ ու հզորը շէր կրնար ըլլալ: Առանց վերապահություն կրնամ հայտարարել որ այս տրամաթիք խումբը հայոց գեղար-

վեստական փառքն է: Ցավեցա միայն որ ոռուսահայերը թատե-
րական ասպարեզին վրա ալ գերազանցությունը խլեցին մեր
ձեռքեն, անիրավնե՛րը: Այս խումբին հաջողության մեկ մեծ
բաժինը կը վերաբերի տրված փիեսին ինքնին հոյակապ գրը-
վածք մը ըլլալուն, անոր համար վերջին կեցցեներու մեջ Շիր-
վանզատեի անունը կցեցի իր դերակատարներուն անունին:
Երկուշաբթի գիշեր խումբը Շիլլերի Ավազակները պիտի ներ-
կայացնեն, կերևա թե սեռին ավազակներուն հատկացված է
պուրժուաներու ավազակներն վերջը՝ Շիլլերինները:

Փաճաճակ, 14—12—1908

ՀԱԿՈՏՆՅԱՆԵՐ

Աշխարհագրութեան դասերու մեջ, աղեկ կը հիշեմ, ամե-
նեն էվել միտքս շարշարողը հակոտնյաններն էին:

Ուսուցիչը որ ներշապուհն էր, աչքիս առջևն է. թխաթույր
դեմք մը որուն վրա ճիշտ աչքին ու ընթվիին քովիկը բուսած ուտ
մը իր ստվերը կալելցնէր, առանց բան մը պակսեցնելու անոր
ազդած պատկառանքին:

Նոր սերունդը չի ճանչցավ այս ուսուցիչը որ հին մաթեմա-
թիկոս, վերջին պահուն ոտանավոր գրելու ախտեն բռնված
մեռավ:

Ականջս է իր թավ ու դաշն ձայնը, երբ որ տասներորդ ան-
գամը ըլլալով գուցե կը ջանար վայելուչ և հասկնալի սահման
մը տալու հակոտնյային.

— Մարդ մը որուն կեցվածքը ճիշտ մեր կեցվածքին հա-
կառակը, կըմբռնե՞ք, տղա՛ք...

Ո՛չ, չէինք ըմբռներ. երկրիս կլորութունը պիտի ըսեք.
բայց տասը տարեկան տղաք, և պետք է ավելցնեմ, որ շատ մը
տարիքնին առած մարդիկ իսկ, դժվարութուն կը քաշեն ըն-
դունելու համար այս ենթադրութունը:

Այնպես որ հակոտնյան կերևակայի գլուխը գետնին վրա

դրած և ունքերը վեր տնկած մարդ մը, տեսակ մը clown գոթ
Փերա սիրքին մեջ հաճախ կը տեսնեինք ատեն մը:



Անկեց ի վեր տարիներ անցան. բայց դպրոցականի շրջա-
նիս այս տպավորութիւնը չի կրցա բոլորովին մերկանալ:

Մինչև այսօր գլխու վրա կեցող մարդոց ամեն տեղ կը հան-
դրպիմ. կը բարեւեմ զիրենք, երբեմն կը խոսիմ հետերնին. կան
որ ծանոթներս են:

Պետք է իսկույն ավելցնեմ որ ընդհանրապես պատվավոր
մարդիկ են ասոնք: Պատվավոր՝ այն առումով որ եթե ան-
պատճառ անբասիր վարք ու բարք մը չի նշանակեր, գոնե ուղ-
ղակի դատարան և բանտ առաջնորդող անպարկեշտութիւննե-
րն զգուշութիւն կենթադրէ: Միջակ պատվավորութիւն՝ որ ճոխ
սեղանի մը շուրջը, կանոնավոր մարսողութեան մը պահուն
մաքուր խղճմտանքի մը ցոլացումը կուտա մարդուս երեսին.
հարաբերական պատվավորութիւն՝ զոր Շեմելֆինկ առուտու-
րի մարդոց բարոյականին վրա տեղեկութիւններ ծախող տու-
նը՝ իր շահիւմ, ձեւիւմ, հաշիւիւմ ասացվածքներովը խիստ
լավ կը բացատրէ երբեմն իր նամակներուն մեջ:

Հակոտնյան սովորաբար եկեղեցասեր է, ինչ որ ոչ միայն չի
վնասեր, այլ վարկի բարձրացման ալ կը ծառայէ որոշ շահով
մը. հետո մուտք կուտա ազգային գործերուն որ Պոլսո մեջ
դիրք մը կազմէ:

Տղետ հակոտնյան կա, բայց ուսած զարգացած հակոտ-
նյան ալ չի պակսիր: Սովորաբար լավատես ու զվարթախոհ
է. չեմ պնդեր թե ամեն նուրբ հեզնութիւնները կը ճաշակե,
բայց կատակը կը սիրէ և պզտիկ համեստ խնդուքով մըն ալ
կստորագծե երբեմն, զգուշանալով բարձրաձայն քահաճե
որ «բանը գործը գիտցող» դասին մեջ անվայել կը նկատվի:

Մեր հասարակութեան մեջ հակոտնյան անհրաժեշտ տարր
մը կը ներկայացնէ, պահպանողական ոգին, որ Հետադիմու-
թիւն ալ կը նշանակե. նոր ստեղծված թիփ մը չէ, ի վաղուց
անտի գոյութիւն ունի և ասկէ վերջն ալ պիտի ունենա. բայց

Տարվինի օրենքներուն համաձայն՝ իր ապրած միջավայրի պայմաններուն հարմարած և ըստ այնմ զինված է:

Կոշումով կղերին պաշտպան, Եկեղեցիին ալ անձնվեր զինվորն է ան. քսաներորդ դարու Կոտրֆրուա տը Պուլոնը, Եթե ոչ Քարթլուֆը, վերջապահի՛կ ասպետ՝ որ ի հարկին կարող է փաշակրութիւն մը կազմակերպել նորօրինակ Արշակավանի մը քոլոր բնակիչներեն, պահպանելու համար իր ժամուն մուտքը:

Իր իսկական ու անսեթեթ կերպարանքին մեջ «գործի մարդն» է, նեղութեամբ, շարշարանքով հասած, դիրք մը շինած մարդը. նկարագրի տեր թե որ կուզեք, անսայթաք քալողը՛ ամեն ծուռ ու մուռ ճամփաներեն, առաթուր կոխող անցնողը ամեն պզտիկ ու մեծ, շնչին ու երբեմն ահավոր արգելքները, փոքրիկ ժողիկեն սկսելով մինչև իր խղճմտանքը:

Անպատճառ առուտուրի մարդ չէ ան. գրող, օրագրող հակոտնյան ալ կա, այս վերջերս մանավանդ, շատ տարածված:

Այս նոր սեռը Հեղափոխութիւնը կատե՛ բայց ռամկավարութեան հետ հաշտ է. մտավորական մը ըլլալու շափ պաշար չունի և գաղափարի մարդը ըլլալու պետքը չզգար իր հոգիին մեջ. հավիտենական վարձկան մը ըլլալու պատիւը կը բավե՛ իրեն:

Խնդրանքի և Մատուցումի մեծ օրենքին համաձայն՝ շատ կը փնտրվի ան այս օրերս մանավանդ, իհարկե ոչ շատ մարդ, ոչ շատ ազնիվ պայքարի մը համար: Իտալիո մեջ ատեն մը condottieriներ, braviներ կային, ուրիշի հաշվին կին առևանգողներ, մարդ սպաննողներ. գրչի հակոտնյան այսօր միևնույն արհեստը ի գործ կը դնե մեր հրապարակագրութեան մեջ:



Հակոտնյան մեր մեջ պատմական մեծ դեր մը կատարելուն համոզված է, եկեղեցասեր պահպանողականի դերը, կրօնվելով ժողովուրդին դեմ, մտավորականներուն դեմ, երիտասարդութեան դեմ, ճիշտ այն երեք լուսներուն դեմ՝ օրոնցմով մերինին նման ճակատագրապես դժբախտ ազգերը Եկեղեցեամբ քը հառաջանան իրենց ճանապարհին վրա:

Ֆրանսացի հեղափոխականներուն *la patrie en danger* փոշածին նման, կրոնքը ու բարոյականը վտանգի մեջ է կաղաղակն ան ամեն տեղ, երկու գաղափար՝ որոնց համար իր բարբառովը «կուտ մը» անգամ չի տար, իբրև ճշմարիտ գործի մարդ:

Ուշադրություն ըրեք երբոր փողոցը մեկու մը կը հանդպիք. որ ազգին բոլոր հոգերը շալկած մարդու մը գիտակցութեամբք ծանր ծանր կը քալն. ուսերը կը կքին այս բեռին ծանրութեան տակ, տեսեք սա մարդը որ կը ծիծաղի հագուստ շունեցող ժողովուրդին վրա, որ նրբամտութիւններ կը թափն Ռուսիայանի պես ըսելով.

Ո՛վ է սա հովկու հուղկահարն

Որ աչքն ի դուրան և քիթն ի քամի

Մաքիստրիկ քայլով կուգա ի հանդես:

Տեսեք զինքը երբոր մտավորականը՝ անաստված, հեղափոխականը՝ ազգավնաս կը կոչն. տեսեք երբոր մաղձով, թույնով, ժահրով լեցուն իր լեզվին ծայրովը աղտոտել կուզն ինչ որ կա մնացած դեռ մեր մեջ բարձր և ազնիվ. տեսեք, ուշադրություն ըրեք իր դեմքին,

— Հակոտնյան է անս:

«ԶՈՂՐԱՊԻՆ ԶԱՌԸ»

«Հայրենակիցնե՛ր,

«Ամեն ազգ, ամեն ժողովուրդ իր տոները ունի, ո՛րը Թագավորության մը ծնունդը, ո՛րը ազատության մը ձեռք բերվիլը, ո՛րը պատերազմի դաշտին վրա շահված հաղթանակ մը կը տոնե: Ասոնք քաղաքական նշանակություն ունին: Մենք այստեղ ժողովներ ենք մեր ազգային լեզուն տոնելու. անիկա քաղաքական չէ, այլ քաղաքակրթական հանգամանք մը ունի: Քաղաքական տոները հաճախ արյան բիծեր կունենան իրենց վրա, մեր տոնածը զերծ է այդ տեսակ ցավե: Թագավորությունները կիյնան, ազատությունները կը ջնջվին, հաղթանակները հաճախ պարտություններու կը փոխվին, բայց լեզուն կը մնա, ազգի մը ճակատագրին պես անջնջելի:

«Հայ տառերուն գյուտովը Հայ լեզուն ևս ազատելով իր արկածալից կյանքեն, հաստատուն ձև մը ստացավ. ահա՛ ասոր համար է որ Հայ լեզվի տոնը կը միանա Հայ տառերու տոնին հետ: Ես պատմականը չպիտի ընեմ Հայ տառերու գյուտին, այլ անոր երկու հանգամանքներուն վրա պիտի ծանրահամ.— Առաջին՝ անոր կատարելությունն է:

«1500 տարի հտքը այսօր մեր այբուբենը ունէ պակասու-

թյուն չկրեր: Եթե բոլոր օտար լեզուները արտասանելու մեջ հեշտություն ունինք, ատիկա մեր այբուբենին ճոխության կը պարտինք: Ասոնք շնչին առավելություններ չեն, այո՛, որովհետեւ չկա մարդկային գյուտ մը՝ որոշ ժամանակե մը վերջ իր այժմեությունն ու գործածականությունը կորսնցուցած չլլաւ: Երկու աստվածներ՝ մեկը ժամանակը, մյուսը պետքը՝ որոնցմով քաղաքակրթությունը շինված է, ձեռք ձեռքի տված շարունակ կաշխատին նորությունները փճացնելու: Նորությունները նորություններով կը փոխանակվին:

«Ճշմարիտ հանճարը ահա՛ այս հատկություններով է որ կը զանազանվի սովորական հանճարներէն: Այս պատճառով մեր նախնիքը այդ գյուտին մեջ հրաշք մը տեսած են. ատիկան կատած են ընծա մը, միակ ընծան այն ազգին, որուն ա՛յնքան աղետներ տված է:

«Երկրորդ հանգամանք.—

«Թե՛ Հայ լեզվի և թե՛ Հայ տառի մասին աշխատողները լայնախոհ ազատականությամբ մը կատարած են իրենց գործը, նեղմիտ չեն եղած և մեր դրացի ազգերէն փոխառություններ ըրած են: Ահա՛ այդ փոխառություններուն է որ կը պարտինք մեր գրական ճոխությունը: Եկեղեցականության համար պատիվ մըն է որ այդ գյուտը ընողները եկեղեցականներ են: Եկեղեցականին պարտականությունը միայն աղոթել չէ. տեսե՛ք Ղևոնդները: Նախկին եկեղեցականները խաղաղության ատեն գրականությամբ զբաղել են և պատերազմի ատեն ալ ռազմադաշտ գացած: Այս մասին շատ անուններ կրնամ հիշել. բայց նախ կողջունեմ այն աճյունները, որոնք Աշտիշատի և Օշականի մեջ կը հանգչին (բուն ծափեր):

«Մեր Եկեղեցին տառերու գյուտը ընողները սուրբերու կարգը տնցուց: Ի՞նչ է սրբությունը: Միթե եկեղեցիներու և վանքերու մեջ առանձնանալ, ծոմ պահել, ոչ ոքի շարություն չընել կը բավե՞ն սրբության համար: Ո՛չ: Սրբությունը ա՛ն է որ մարդ ուրիշներուն ցավերը կամոքե և իր անձը մոռնալով անոնց համար կաշխատի: Այսօր 20րդ դարու սուրբեր են Մարքոսի, էտիսըն, Փասթեռո, ևլն: Երբ մարդ իր հայրենակիցներուն համար իր կյանքն ու դիրքը վտանգի կը դնե, անիկա ալ ազգի՛ն

սուրբն է: Երբ ուշադրութեամբ հետևինք հայ պատմութեան, կը տեսնենք որ գիրի գյուտը հայուն գոյութեան ամենամեծ ազգակը եղած է:

«Վերջին 100 տարւան գրեթէ ժամանակակից պատմութեան վրա աչք մը նետենք: Անցյալ դարուն սկիզբը գրականութեան շարքը գրաբարը կորսված էր, իսկ աշխարհաբարը դեռ չէր կազմված: 1850ին Մամուլը սկսավ հրատարակվիլ, հետո Մխիթարյանները սկսան: Օտյանի¹ պես հոյակապ անձ մը պզտիկութեան շեշտը իրեն գրականութեամբ զբաղելու և անոյ պատմութեան: 1870ին թե՛ Թուրքիո և թե՛ Կովկասի մեջ գրականութեանը զարթնում մը ունեցավ: Այնտեղ ծագում առին Աբովյան, Բաֆֆի, Միք. Նալպանտյան ևլն: 1880ին հայ գրականութեանը արդեն բոլոր գրականութեաններուն մեջն իր գլուխը վեր բարձրացուցած էր:

«Եվ կը վիճակվի որ 15 դար վերջ Աշխարհաբարի Ոսկեգարը իրմե առաջ պանծացող Գրաբարի Ոսկեգարը ողջունի: Ազգ. կյանքը ևս վերջին 100 տարւան մեջ մեծ զարթնում մը ունեցավ, մանավանդ 1860ին, երբ Ազգ. Սահմանադրութեանը հրատարակվեցավ: Անկէ 20 տարի վերջ կրթական և ազգային ընկերութեաններ կազմվեցան:

«Եթե քննենք ազգի մը ինչպիսի պատճառները, պիտի տեսնենք թե՛ ա՛յն ազգը որ եսականութեամբ օժտված է, ո՛րքան հույս և կենսունակութեան ալ որ ունենա իր մեջ, նորեն կիյնա այդ ազգը: Իսկ երբ եսականութեան տեղ այլասիրութեան և ազգասիրութեան տիրե, ո՛րքան ալ հուսահատ ըլլա այդ ազգը, նորեն շմեռնիր (ծափեր):

«Մեր ազգին ճակատագրին մեջ գոյութեան ունեցող հակասութեան պատճառը ա՛յն է որ, Հայը կազմված է երեք զըլխավոր ցեղերե. 1. Ասիացի Արարատցիները, որ իրենց խաղաղ հոգին և ժայռի պես տոկուն նկարագիրը ձգած են մեզի: 2. Խայերը կամ Խաթերը, որ իբր Փյունիկյան ազգ իրենց առևտուրի հնարիմաց միտքը ժառանգ թողուցած են, և 3. Արմենները, որոնք Եվրոպային գալով իրենց միտքի նրբութեանն առճաշակը տված են մեզ: Այս երեք ցեղերու միացումին ատեն հաջող շրջան մը չէ եղած, ա՛յս է պատճառը մեր անմիաբար-

...րը պետք է միշտ գործակցին և ասոր հա-
ւելագուն ամեննն մեծ ազդակն է:

«Ո՞վ ենք մենք ազգերու ժողովին մեջ. պապուկ մը, աղքատ
մը: Տրանսացի բանաստեղծ մը կըսես. «Պապուկները, հա՛-
րայց անոնք ալ իրենց գանձերը, իրենց երազները ունին»:

«Մենք ալ իբր ազգ, մեր հույսերը, մեր հիշատակները և
մեր երազները ունինք, և այդ հիշատակը անշեջ պահելու հա-
մար է որ մեծ տոնը կը տոնենք: Եվրոպացի գիտնական մը
ըսած է. «Մեծ կայսրութիւններու անկման պատճառները ի-
րենց մեջն են»: Ես պիտի ըսեմ.

«Մեզի պես պզտիկ ազգերը իրենց վերականգնումի հույսե-
րը իրենց հոգիին, իրենց սիրտին և այսօրվան պես իրենց հի-
շատակներուն մեջ կը կրեն» (ծափեր):

Փամածակ, 27—10—1913

ՏԱՆՈՒԹԱԳՐՈՒԽՅՈՅՆՆԵՐ

Այս հատորի մեջ մտած նյութերը առնված են մամուլից և զբօսաշրջի, Հողվածների մի մասի մեջ, որոնք արտատպվում են՝ Գրիգոր Զոհրապ, Մեր կյանքն... Ժողովածուից (Գահիրե, 1945 թ.), կան լեզվական և կետադրական աննշան փոփոխություններ՝ առավելապես գրաբարյան կամ հնացած ձևերին վերաբերող, որոնք, հավանաբար, կատարել է ժողովածուն կազմողը։ Օրինակ. խնդրաց դարձված է խնդիրներու, չի պիտի ուզեն—պիտի չուզեն (սենոր լրագրությունը), առնչություննիս—մեր առնչությունը, նմանություննիս—մեր նմանությունը, փորձերը կրնա փորձել—փորձերը կրնա կատարել (Քատրոն)։ Մի շարք հողվածներում եւր դարձված է որոնք և այլն։ Այդօրինակ ուղղումներ կան վերոհիշյալ ժողովածուից առնված գրքից բոլոր հողվածներում, որոնց ցանկը բերում ենք այստեղ՝ Անբարոյական գրականություն, Հայ բատրոնի նավարկությունը, Աջ և ձախ, Համալսարանական կրթության պակասությունը մեր մեջ, Լեզվական խնդիր, Նոր լրագրությունը, Ուսուցչական ժողով, Երգը, Քատրոն։ Լեզվական ուղղումներ կան նաև նույն ժողովածուից առնված Չինական նամակների մեջ։

Օտար բառերի, տեղանունների, օտար անձանց անունների մեջ, ինչպես առաջին, նույնպես և այս հատորում, բ, գ, դ տառերը՝ ընթերցանության դյուրություն համար, մեծ մասամբ, դարձրել ենք փ. զ. թ. Օրինակ. բալթոփալթո (վերարկու), բառդի—փառթի (խաղաղչան), բեշ—փեշ (քղանցք), բայ ու բաժին—փայ ու բաժին, բիես—փիես (Քատրերկ), Շորենհաուներ—Շոփենհաուներ, բոսթա—փոսթա (փոստ), բորուրի—փոփուրի (երաժշտական եղանակ), Բերա—Փերա, Գատրգյուղ—Քատրգյուղ, Գոմետի Ֆրանսեզ—Քոմետի Ֆրանսեզ և այլն։ Որոշ բառեր և տեղանուններ հեղինակը գրել է երկու կերպ, մանավանդ իր սկզբնական երկերի մեջ։ Օրինակ, ջոնսոլիտ և զոնսոլիտ, Փարիզ և Բարիզ, Քամելիազարգ տիկին և Գամելիազարգ տիկին.

Փաշ-Վերտիվեն և Դաշ-Վերտիվեն: Թողել ենք առաջին ձևերը: Այսօրինակ բուժյունը և վերը նշված փոփոխությունները, ամենևին չխանգարելով բառի արևմտահայ արտասանությանը, կոչուրացնեն ընթերցումը մեզ մոտ, առանց որևէ շահով դժվարացնելու ընթերցումը սփյուռքում:

Ավելացնենք նաև, որ հիմա էլ գաղթաշխարհի մամուլում և գրականության մեջ կարելի է հանդիպել օտար բառերի այսպիսի երկկերպ գրությունն

Ջոհրապի՝ 1892, 1893 և 1898 թթ. հոդվածները մեծ մասամբ տպված են իբրև խմբագրական առաջնորդողներ:

Յանոթագրությունների մեջ տեղ գտած որոշ անձանց կենսագրական տեղեկությունները կազմելիս օգտվել ենք Գ. Ստեփանյանի Կենսագրական բառարան անտիպ աշխատությունից, որի համար հայտնում ենք մեր շնորհակալությունը:

ԱՆՉԵՏԱՑԱՄ ՍԵՐՈՒՆԻ ՄԸ

Այս վեպը սկսել էր հրատարակել հեղինակը 1885ի մայիսից, Երկրագունտի մեջ, սակայն հանդեսի խմբագրությունը չի շարունակում տպագրությունը: 1886ին ամբողջ վեպը տպում է Մասիսը, իսկ 1887ին լույս է տեսնում առանձին գրքով, որից և արտատպում ենք: Տարակույս վերջնող մի քանի բառ ստուգել և ուղղել ենք մամուլում լույս տեսածի հիման վրա: Վեպը երկրորդ անգամ հրատարակվել է Կ. Պոլսում, 1924ին:

ՆԱՐԴԻԿ

Տպված է Հայրենիք օրաթերթում, Կ. Պոլիս, 1891 թ., իբրև թերթոն, թիվ 7ից մինչև 27ը: Վեպը տպելուց երկու օր առաջ թերթի խմբագրությունը հայտնելով, որ պիտի լույս տեսնի Գ. Ջոհրապի վերոհիշյալ վեպը, ասում է. «Հա՛րկ է այս անունը [հեղինակի անունը] տալի հետո ըսել թե ազգային կյանքի այս վեպը որքան հրապուրիչ պիտի ըլլա»:

ԲԱՆԱՍՏԵՂԾՈՒԹՅՈՒՆՆԵՐ

Արտատպվում են Գրիգոր Ջոհրապ, Մանոթ դեմքեր և պատմվածքներ (Փարիզ, 1932) ժողովածուից: Առաջին անգամ լույս են տեսել՝

Նախանձ, Երկրագունտ, Կ. Պոլիս, 1883, էջ 26—28

Ի սրտակտուր մամ մտերմիս Միսաֆ Մանուկյանի, Եռլի տեղ, էջ 85—88

Հրածեղա, Եռլի տեղ, 1884, էջ 187—188

Նարկիլեն, Մասիս, Կ. Պոլիս, 1899, թիվ 12

Լուսնալու դեմ... Մասիս, Կ. Պոլիս, 1899, թիվ 12

Անձամորք, Մասիս, Կ. Պոլիս, 1900, թիվ 7

Ջյուներ, Մասիս, Կ. Պոլիս, 1900, թիվ 7
 Վառարանը, Մասիս, Կ. Պոլիս, 1901, թիվ 3
 Հարցում, Մասիս, Կ. Պոլիս, 1901, թիվ 10
 Համակերպություն, Մասիս, Կ. Պոլիս, 1901, թիվ 27
 Ոչ ոք » » » թիվ 45
 Զատիկի առթիվ » » 1902, թիվ 15
 Հսկում, Լույս, 1908, թիվ 6
 Հպարտություն, Լույս, 1908, թիվ 13
 Տարակույս, Լույս, 1908, թիվ 22
 Եկուր, Լույս, 1908, թիվ 26

ԱՐՁԱԿ Էջեր եվ ՏՐԱՄԱԽՈՍՈՒԹՅՈՒՆՆԵՐ

Արտատպվում են՝ Չինական նամակների և Փոփեր՝ Գրիգոր Զոհրապ, Մեր կյանքին... ժողովածուից: Ուղևորություն մը հիշատակներու մեջ *ակնարկներ* ըրից *երկուսը*, Մարգար ախպուր տերտը, էտլվայս, Բարեբարը, Կոստված խոսքեր, Շիշլիի ազգային գերեզմանատունը մեռելացի կիրակին, Քիթենեիկներ՝ Գրիգոր Զոհրապ, Մանոթ դեմքեր ու պատմվածքներ *ժողովածուից*, Կոտրեկեն ետքը, Մեղրագետից, Զ. գիրք, Կ. Պոլիս, 1914, մեացածը՝ մամուլից

Առաջին անգամ տպագրվել են՝

Չինական նամակների, Երկրագունտ, Կ. Պոլիս, 1884, օգոստոս

Ուղևորություն մը հիշատակներու մեջ, Մասիս, Կ. Պոլիս, 1889, թիվ 3925, 3926 և Մասիս, 1893, թիվ 3978

Քոփեմաֆի, Հայրենիք, Կ. Պոլիս, 1891, թիվ 3

Փոփեր, » » 1892, թիվ 202

Մարգար ախպուր տերտը, » » թիվ 327

էտլվայս, Մասիս, Կ. Պոլիս, 1898, թիվ 3

Բարեբարը, » » » թիվ 4

Բարեկենդանը » » » թիվ 9

Վերջին արևագալը, Մասիս, Կ. Պոլիս, 1898, թիվ 47

Քիթենեիկներ » » » ապրիլի 10

Շիշլիի ազգային գերեզմանատունը... » » » թիվ 55

Քեռին տակ, Արևելք, Կ. Պոլիս, 1898, թիվ 3777

Կոստված խոսքեր » » » թիվ 3821

Ապրիլ-մեռնիմ, Մասիս, Կ. Պոլիս, 1900, թիվ 3

Գիրեր պատերազմի դաշտեն, Ազատամարտ, Կ. Պոլիս, 1915, թիվ 1630. 1636, 1643, 1651

Հատվածներ, Արևելք, Կ. Պոլիս, 1898, թիվ 3794

Հատվածներ » » » թիվ 3796

1. Հայր Արսեն—խոսքը Արսեն Բագրատունու մասին է:
2. Թերզյան—խոսքը Թովմաս Թերզյանի մասին է: Տես Ա. Հատորի ծանոթագրությունը:
3. Քլլյան Սրայիոն (1838—1919)—թատերագիր, թարգմանիչ: Մեվիլ է Կ. Պոլիս: Երկար տարիներ եղել է ուսուցիչ: Գրել է մի շարք թատերերկեր, որոնք, մեծ մասամբ, մնացել են անտիպ («Էլիոնորա», «Տիգրանուհի», «Գնել և Փառանձեմ», «Կայեն և Արել», «Կարինե», «Կույրն Տիրան», «Արա Գեղեցիկ», «Մեծն Տրդատ», «Արշակ Բ.», «Գարեգին Ուտունի» և այլն): Թարգմանել է մի շարք թատերերկեր («Արյան բիծ», «Արքայն զրոսնու», «Երկու հիսնապետք», «Լիոնի սուհանդակը» և այլն):
4. Սեթյան Հովհաննես (1853—1930)—բանաստեղծ, Հրատարակել է բանաստեղծությունների մի քանի ժողովածուներ՝ Հուլման ժամեր, Արշալույսն Վերջալույս և այլն:
5. Պերպերյան Ավետիս—հայտնի հայկարան, ուսուցիչ, երկար տարիներ պաշտոնավարել է Պոլսի հայկական դպրոցներում: Գրել է Հալոց պատմություն աշխատությունը, որը փաստորեն շարունակություն է Չամչյանի Պատմություն հայոց եռահատոր աշխատության:
6. Արփիարյան Տիգրան (1854—1914)—հրապարակագիր: Արփ. Արփիարյանի եղբայրը: Աշխատակցել է Մասիս և Արևելք պարբերականներին, որոնք խմբագրել է հետագայում:
7. Ատրունի Պետրոս (1862—1922)—ուսուցիչ, խմբագիր, թարգմանիչ:
8. Ներշապուհ Գարբիել—Կ. Պոլսի Օրթոդոքսի թարգմանչաց վարժարանի ուսուցիչ, Գրել է բանաստեղծություններ, որոնք տպագրվել են 1893 թ., Գառնան շողեր, աշնան ցողեր խորագրով:
9. Միքայելյան Սիմոն (1826—1878)—հայտնի մաթեմատիկոս, ուսուցիչ, կազմել է դասագրքեր:
10. Անդինբրուն—խոսքը Միխիթարյանների մասին է:

ԱՆԵՐԱՐԸ

Այս ակնարկի հերոսը հավանաբար ունեցել է որոշակի նախատիպ, թերևս գրված է որոշակի անձի մասին: Լույս է տեսել 1898ին, երբ հայ մամուլում Տ. Գարակյոզյանի կտակի հարցը և ժառանգորդների խարդախությունները, կտակի գումարը իջեցնելու փորձերի խնդիրը դարձել էր բանավեճի առարկա: Զոհրապը, որ այդ ժամանակ Մասիսի խմբագիրներից մեկն էր, գրում է Ետ տվեմ օրհնությունները խմբագրականը («Մասիս», թիվ 99), որը, ինչպես ասում է ժամանակակիցներից մեկը, «ումարի մը տպավորություն կը թողու»: Մի քանի շարքով հետո Զոհրապը գրում է երկրորդ խմբագրականը՝ Պատասխանատուն վերնագրով (թիվ 122), որի մեջ մեղադրում է Գարակյոզյանների

փեսա ոմն փաստարան Հակոբոֆին: Սա Տ. Գարակյոզյանի կտակը կազմել էր այնպես, որ խարդախութիւնների դուռ մնա ժառանգորդների համար: Հակոբոֆը պատասխանում է մի նամակով: Մասիւր հրատարակում է այդ նամակը (թիվ 125): Հաշորդ օրը Զոհրապը գրում է դրա պատասխանը՝ Համոզումիս պատճառները վերնագրով (թիվ 126), որի մեջ Հակոբոֆի նամակը համարում է «ժփփփուն խոսքեր», «մշուշի մեջ ծալլված պատասխան մը»: Զոհրապի գրած այդ հողվածները այնպիսի ուժեղ տպավորություն են թողնում, որ գրաքննությունը հարկադրում է վեճը դադարեցնել: Զոհրապը տարբեր ժամանակներ գրած մի քանի հողվածներում առհասարակ դատապարտում էր կյանքի վերջին վայրկյանին «բարեբարություն» անելու սովորությունը, և այդ միտքը արտահայտված է Բաբեբաբը ակնարկի մեջ:

ՔՆՆԱԴԱՏԱԿԱՆ ԵՎ ՀՐԱՊԱՐԱԿԱՆՈՍԱԿԱՆ ՀՈԴՎԱԾՆԵՐ

1 8 8 7

ՔՂՔԱԿՑՈՒԹՅՈՒՆ

Զոհրապը լավ գիտեր Իզմիրը (Զմյուռնիա) և մի քանի անգամ, տարբեկ առիթներով անդրադարձել է այդ՝ անցյալում հայաշատ ժողովրդյա քաղաքի հայ կյանքին, որը շափից ավելի ենթակա էր ֆրանսական մշակույթի, ինչպես և աշխարհակալական շահեր հետապնդող այլ ազդեցությունների և զգալի չափով կանգնած էր խորթացման, ձուլման թեք զառիվայրին (տես՝ «Իզմիր» հողվածը), և պատահական չէ, որ Ոսկանների, Մամուրյանների, Կոստանդյանների, Զիլինկիրյանների, Նուպարյանների սերունդից հետո, հայ մշակույթով զբաղվող այդպիսի սերունդ շատաչացավ: Իզմիրը ուներ բավական զարգացած արդյունաբերություն և, ինչպես գրել է Զոհրապը 1913 թվականին Հայկական հարցը վավերագրերի լույսի տակ խորագրով ֆրանսերեն աշխատության մեջ, նրա մեծագույն մասը հայերի ձեռքին էր, ուստի իզմիրցի հայերը կարող էին նյութապես օգտակար լինել քնաշխարհի հայության կրթական գործին, որով խիստ շահագրգռված էր Զոհրապը նաև իբրև Միացյալ Ընկերության (որի նպատակն էր գավառում դպրոցներ բանալ) գործուն ղեկավարներից մեկը:

1 8 9 2

ՄԵՐ ՄԱՍԻՍԸ

Մասիս գրական հանդեսի հրատարակման առթիվ խմբագրության ժրգրային հայտարարությունն է, որ գրել է Զոհրապը, թեև ստորագրված է «Խմբագրություն» (տես՝ Հրանտ Ասատուր «Դիմաստվերներ», էջ 217):

ԱՆՔԱՐՈՅԱԿԱՆ ԳՐԱԿԱՆՈՒԹՅՈՒՆ

Այս հոգվածով, ինչպես նշում է Հր. Ասատուրը, հեղինակը «ուղղակի՝ հայանին (խոսքը Բյուզանդ Քեչյանի մասին է) կրնդդիմախոսեր առանց յնունը տալու» («Դիմաստվերներ», էջ 224)։

1. Ություճյան Կարապետ (1823—1904)—հայտնի հրապարակախոս, երկար տարիներ (1852—1884) խմբագրել է Մասիս պարբերականը։ Ավարտել է Փարիզի «Առևտրական բարձրագույն վարժարանը», ապա հետևել է «Գուլեժտը Ֆրանսի և Սոսպոնի դասախոսություններուն» (Հ. Ասատուր, «Դիմաստվերներ», էջ 47)։ Ն. Ռուսինյանի Ուղղախոսության գլխավոր հակառակորդներից մեկը։ Պայքարել է նաև Տերոյնցի «հակասահմանադրական, ավանդամուլ և կղերամիտ» ուղղութիւն դեմ։ Ություճյանը կատարել է բազմաթիվ թարգմանություններ, շուրջ հիսուն անուն գիրք, որոնց մեջ է Ձոհրապի հիշատակած Տյու Փերյալի Գաղտնիք հավատախնայանքը։

ՀԱՅ ԹԱՏՐՈՆԻ ՆԱՎԱՐԵԿՈՒԹՅՈՒՆԸ

Ռիսունական թվականների ռեալիստներից գլխավորապես Ձոհրապը լըրօշորեն զբաղվեց արևմտահայ թատրոնի վերականգնման հարցով, նրա ընկած վիճակով, որ հետևանք էր համիդյան կառավարության ընդհանուր հայաժանքների՝ 1878ի Բեռլինի վճհժողովից հետո։ Արևմտահայ թատրոնը շափազանց տուժեց այդ հայաժանքներից։ Թատրոնը տուժում էր նաև այն պատճառով, որ շկային ինքնուրույն բարձրաժժեք թատրերկեր։ Ռեալիստական գրական շարժման տեսադաշտից գրեթե դուրս էր մնացել թատերագրությունը, իսկ առանց ինքնուրույն թատերագրության ազգային թատրոնի զարգացումը անհնար էր։ Սա թատրոնի մասին Ձոհրապի առաջին հոգվածն է։

2. Վ. Հյուզոյի Ռյու Պլասի թարգմանությունը կատարել է Նահապետ Քուսինյանը, լույս է տեսել 1873ին (Պոլսում)։ Ի պատասխան Ն. Ռուսինյանի գիմումին, Վ. Հյուզոն մի նամակով արտոնում է երկի հրատարակումը՝ պայմանով, որ իր՝ հեղինակի իրավունքը աղքատներին տրվի։ Թարգմանիչը հեղինակին հայտնում է, որ հրատարակության ամբողջ եկամուտը պիտի հատկացնի նրա մատնանշած նպատակին։

3. Հակոբ Պալյան—հայտնի Պալյան ճարտարապետների ընտանիքից, թատերական գործիչ և մեկենաս։ Իր նյութական միջոցներով կառուցել է Պուրի Օրթագուլուի հայկական թատրոնը։ Մեռ. 1875 թ.։

4. Երկու ճիսնապետը (Ռոթայի) և Փարիզի ազգաունեք (Պրիսպար և էսժեն Սյու) մեկուղղամաներ են, թարգմանված ֆրանսերենից, շեն տպագրվել

(Քրոնիկ)

Այս հողվածի մեջ Ձոհրապը՝ դիմելով եղովպոսյան լեզվին՝ քննադատում է ժամանակի ճահճացած իրականությունը, ուր շար շարժում, չկար առաջադիմություն: Կյանքի առօրյան բաղկացած էր «սոսամիկ ու հասարակ» դեպքերից: Հասարակական կյանքի «հարթաշափը» ոչինչ կարող էր արձանագրել քառփակութենե գատ»:

1. Մաղաքիա Օրմանյան, Տիրայր (1841—1918)—ականավոր պատմաբան, եկեղեցական գործիչ, Կ. Պոլսի պատրիարք: Երեք դիտություն (փիլիսոփայության, եկեղեցական օրենսդրության և աստվածաբանության) դոկտոր: Գլխավոր երկերն են Ազգապատում, երեք հատոր (հրատ. 1911—1927 թթ.) և Հայոց եկեղեցին, որ թարգմանված է լատիներենի և ֆրանսերենի:

2. Մրապիոն Հեքիմյան (1832—1892)—բանաստեղծ և թատերագիր Արևմտահայ թատրոնի հիմնադիրներից մեկը: Գրել է գրաբժիռ: Թատերկերը բեմադրվել են աշխարհաբարի փոխադրված: Երկերը ամփոփված են Տաղ՝ Բերվածք և թատերգությունք խորագրով հատորի մեջ, լույս է տեսել 185 թվին:

3. Գրքի ճիշտ խորագիրը այնպես է, ինչպես նշված է վերը (ժանոթագր. 2):

4. Հովհաննես Հյուսիսայրպեյենտյան (1818—1894)—լեզվաբան, կազմել է հայերեն ստուգաբանական բառարան, որ լույս է տեսել 1894 թ., Պոլսում:

<Լեզվական Խնդիր>

Գրված է իբրև խմբագրության կարծիք («Մասիս»ի նույն համարում տպված) Կ. Ություճյանի Աշխարհաբառոյան քե գրաբառոյան հողվածի առթիվ: Կ. Ություճյանը, որ երեսուներկու տարի խմբագրել էր Մասիսը և գրանով, ինչպես և իր բազմաթիվ թարգմանություններով, մեծ զարկ էր տվել աշխարհաբարի զարգացմանը, 1892 թ. հանդես է գալիս գրաբարի պաշտպանությանը, աշխարհաբարը համարելով սոսկ անցման կամուրջ դեպի դրաբարը և գտնելով, որ դրաբարով կարելի է նպաստել աշխարհաբարի մշակմանը: Այս տեսակետներն է քննադատում Ձոհրապը՝ իբրև «այինչ գլուխ աշխարհաբարյան», ինչպես ասել է ինքն իր մասին: Ձոհրապը իրավացի էր իր այն կարծիքով, որ չէր կարելի աշխարհաբարի զարգացումը ենթարկել գրաբարին, սակայն նա սխալվում էր աշխարհաբարը համարելով «ուրույն և անչառ լեզու», քանի որ երկուսն էլ նույն ժողովրդի տարբեր ժամանակների լեզուներն են և նրանց կապը անժխտելի է, բավական է ասել, որ աշխարհաբարի բառապաշարի մեծ մասը գրաբարից է:

Զոհրապը շատ մեծ նշանակութիւն է տվել դպրոցին և իր գործունեութիւնն առաջին օրերից մինչև մահը մտահոգվել է հայ դպրոցի վիճակով, միշտ եր օգնութիւնն է բերել նրա զարգացման գործին: Այս թերթին-հոգովածում ծաղրելով «տիեզերական տղուն» համար ենթադրվող «ընդհանուր և միօրինակ նախակրթութիւնն պետքը», Զոհրապը պահանջում է, որ նախակրթութիւնը պատշաճի յուրաքանչյուր վայրի «տնտեսական ու իմացական վիճակին», բարոյական պետքերին, օգտակար դառնա տեղական արհեստների և գյուղատնտեսութիւնն «կիրառումին», մայրենի լեզու սովորեցնելի ալն վայրերում, որ հայախոս չէին:

1. Ռեթեոս Պերպերյան—տես Ա. հատորի ծանոթագրութիւնը:

ՏԻԿԻՆ ՍԻՐԱՆՈՒՅՇ

1. Առնվազ է Պ. Գուրյանի ներսա նետ բանաստեղծութիւննից:

1 8 9 3

ՏԱՐԻ ՄԸ

1892 թ. Մասիսը հրատարակում էին Գր. Զոհրապը և Հր. Ասատուրը իրրև երեքշաբթիան հանդես: Տարվա վերջին Զոհրապը առաջարկում է հրատարակել շաբաթը մեկ: Հր. Ասատուրը շահամաձայնելով հեռանում է խմբագրութիւննից, և Զոհրապը մենակ է հրատարակում իրրև տնօրեն և խմբագիր, մինչև 1893 թվի օգոստոսը: Տարի մը հոգովածով հեղինակը նախորդ տարվա գործունեութիւնն հակիրճ հաշվետվութիւնն է կատարում և հրավիրում է աշխատակցել նոր տարեշրջանին:

ՃԱՄՓԵՆ ՇԵՂԱՍ

Մինչև 1893 թ. սկիզբները Մասիսի և Հայրենիքի միջև, իրրև 80ական թվականների ռեալիստական շարժման օրգանների, գոյութիւն ունեւր ամենասերտ կապ, երկու թերթերի աշխատակիցները փոխադարձաբար աշխատակցում էին իրար: Այդ կապը շուտով խզվում է: Հունվար 23ին Զոհրապը գրում է Ճամփեն շեղած հոգովածը, որով խիստ հարձակվում է Հայրենիքի վրա, մեղադրելով, որ նա շեղվել է իր դավանած և պաշտպանած ուղղութիւննից և հակառակ իր մի ժամանակ դավանած սկզբունքներին մեծ տեղ է տալիս իր էջերում հարուստների ամուսնութիւնն և մահվան նկարագրութիւններին:

Ջոհրապի ճամփեն շեղած հողվածին Հայրենիքը պատասխանում է Ուղ-
ղամտութենն շեղած հողվածով (1893, թիվ 369): Հողվածը անստորագիր
է, գրել է հավանաբար Հովհ. Շահնազարը: Հայրենիքի քննադատության կո-
պիտ ձևը առաջ է բերում այս, ավելի խիստ պատասխանը:

1. Հողվածի լրիվ խորագիրն է Մեծերը և պտիկները մեր հասարակու-
թյան մեջ: (Հայրենիք, 9—1—1892):

ԻԶՄԻՐ

1. Ստեփան Ոսկանը իր գիտակցական կյանքի ուղին սկսեց ինչպես
վայել է հայրենասեր և առաջադեմ մարդու, մեծ մտածողի և ճշմարիտ հե-
ղափոխականի: Նրա առաջին շրջանի գործունեությունը միշտ բարձր է գնա-
հատվել մեր գրականության, մեր հասարակական մտքի պատմության մեջ, և
Ջոհրապը այդպես էլ ասում է («Այդ հրապարակագրին անցյալ գրական
վաստակը կեցած է ու իր անունը մոռացումն փրկելու պիտի բավե»), սակայն
հայրենասերի, քաղաքացու, հեղափոխականի ուղին կանգ է առնում այն-
տեղ, երբ մարդ կտրվում է իր ժողովրդից: Այդպես եղավ Ստ. Ոսկանի ուղին:
Հանդիպելով հալածանքների, դժվարությունների, ճիշտ է շատ մեծ և հու-
սահատեցնող դժվարությունների, նա հրաժարվեց իր ժողովրդի մշակույթի
զարգացմանը նպաստելուց և երեսունհինգ տարի հրատարակեց Իզմիրում La
réforme ֆրանսերեն թերթը: Ահա սա է, որ դատապարտում է Ջոհրապը, որի
համար անհասկանալի է, թե ինչպես լուրջ մարդը կարող է իր լեզվին ու
գրականութենին երես դարձնել: Ստ. Ոսկանը իր այդ վարքագիծը խոստո-
վանել է, նշելով նաև իր բարդարացումը: 1898ին Արևելի մեջ հրատարակ-
ված է բանաստեղծ Ռուբեն Որբերյանի նամակը Իզմիրից, որի մեջ վերջինս
եկարագրում է իր հանդիպումը Ոսկանին և մեջ է բերում նրա հետևյալ խոս-
քերը. «Նրեսունը հինգ տարի է բնավ հայերեն բառ մը գրած չեմ, կարգ մը
ոտանամոր տապանագիրներն զատ: Ամենքը ինձի ապերախտ գտնվեցան,
ու ես զզված ամենեն՝ ուխտեցի առել ինչ որ սիրած էի անցյալին մեջ: Իմ
ցեղակիցներս զիս անոթի թողուցին. ես ալ սկսա միայն ֆրանսերեն գրել,
հացս օտարներեն շահիլ»: «Արդարացումը», ինչպես տեսնում ենք, իսկական
ինքնադատապարտում է:

2. Մամուրյան Մատթեոս (1830—1901)—ականավոր հրապարակախոս,
գրող, խմբագիր և թարգմանիչ: Հեղինակ Սև լեռին մարդը և Անգլիական եւ-
մականի վեպերի: 1872 թվին առանձին հատորով հրատարակեց Հայկական եւ-
մականի, նամակների շարք, որ տպել էր 1864—1867 թթ. Մեղու, Կիլիկիա և
Իզմիրի Փաղիկ պարբերականներում, Վրույր ծածկանունով: Հայկական եւ-
մականիի մեջ զանազան ծածկանունների տակ Մամուրյանը գեղարվեստական
վարպետությամբ ներկայացրել է ժամանակի հայ նշանավոր դեմքերը:

1871ից մինչև մահը խմբագրել է իր հիմնադրած Զմյուռնիայի Արևելյան մամուլ պարբերականը: Գրել է թղթակցություններ Շահնուր ծածկանունով: Կատարել է բազմաթիվ թարգմանություններ, «մեծ մասը բազմահատոր», Վոլթերից, Գյոթեից, էոմեն Սյուլից, Ալեքսանդր Դյումայից, Ժյուլ Վեռնից և շատ այլ հեղինակներից: Մեծապես նպաստել է աշխարհաբարի մշակմանն ու տարածմանը: Մամուրյանը եղել է նաև հարգված ուսուցիչ և դպրոցի տնօրեն, մեծ դեր կատարելով Զմյուռնիայում: Կաղմել է մի շարք դասագրքեր, որոնք, ինչպես Հր. Ասատուրն է ասում, «լավ աշխատված են»: 1899 թվին տոնվել է Մամուրյանի հիսնամյա հորելյանը:

3. Կոստանդյան Գալուստ (1840—1898)—ականավոր հրապարակախոս. փրիխոփա: Գլխավոր գործը Մեքոդին վրա փրիխոփայական աշխատությունն է (1878): Հրատարակել է նաև գիտական զանազան հարցերի նվիրված զբոթույկների շար՝ Հասարակաց քանգարան ընդհանուր խորագրով: Իր բավական հարուստ գրադարանը նվիրեց Զմյուռնիայի հույն հասարակության:

4. Նուպար, Մեսրոպ Նուպարյան (1842—1929)—հայտնի բանասեր և թարգմանիչ: 1856ին հրատարակել է Զմյուռնիայի Արփի Աբաբատյան հանգեսը: Գրել է բանասիրական և քննադատական հոդվածներ: Լեզվաբանական մեծ արժեք ունի Նուպարյանի Ֆրանսերենն հայ աշխարհիկ բառարանը: Կատարել է բազմաթիվ թարգմանություններ. Գյոթեի Ֆաուստը, Հյուգոյի Բարիգի նօթռ տամը, Բուալոյի Գրակալը (չափածո), Ռասինի Նսքերը, Առակի Լաֆոնթենի (չափածո), որ հրատարակվել է Քիֆլիսում 1900 թ., Շեքսպիրի, Ռասինի, Վոլթերի, Ռենեսանսի, Մոլիերի թատրերկերը, Սենիսպոսի Քալալալիրքության պատմությունը, Նանսենի Դեպի բենո ուղևորությունը և այլ երկեր: Մոլիերի կատակերգությունների թարգմանությունների մի մասը 1905 թվին հրատարակեց երկու հատորով: Թարգմանած թատրերկերի մի մասը մնացել է անտիպ: Զանազան պարբերականների մեջ հրատարակել է ուսումնասիրություններ, գրել է նաև իր Մանկությանն իշատակները:

5. Մսերյան Գրիգոր (1846—1893)—թարգմանիչ, լրագրող, գրաղվել է նաև փրիխոփայական հարցերով: Հրատարակել է Զմյուռնիայի Մետեոք հանդեսը (1880—1882):

6. Մեքոպի հեղինակը—խոսքը Գալուստ Կոստանդյանի մասին է:

ՄԱՆԱՆԱ

Այս խմբագրականով հեղինակը մամուլի և հրապարակախոսության դերի իր ըմբռնումն է պարզում, հավանաբար, մասամբ նաև շարունակելով Հայրենիքի թերթի քննադատությունը, որ տեսանք ճամփեն շեղած և Պարպրված օդապարիկ հողվածներում:

ՀԱՄԵՍ ՊՈՐՄԵՐ

«Մենք որ հանրության դեմ ունե պարտավորություն չունենալու գաղափարը անիմ, անոնք օղորմելի համուլներ են, աննշան և անօգուտ մար-

գիւ...», — ասում է Զոհրապը իր առաջնորդողներից մեկում («Տարի մը»)։ Այս սողերի մեջ արտահայտված է՝ պատանեկան տարիներից մինչև մահ իր ժողովրդին նվիրված հանրային գործչի ազնիվ մտորումը, որ ծրագրային սկզբունք էր նրա համար և որով նա ցանկանում էր դաստիարակել՝ իր հանրային պարտականությունը գիտակցող, իր սեփական ուժերի վրա հենվող հասարակության անդամներ, որոնք գործեին համահավաք ուժերով ու միջոցներով։ Ահա այս միտքն է զարգացնում Զոհրապը սույն հոդվածի մեջ։

Ադրիանապոլիսի Աղքատախնամ ընկերությունը կազմակերպված էր 1856 թվին։

ՆՐԱՆՍՈՒՒԱ ՔՈՓՓՅ

1. Ժերսեյի տարագիրը—ակնարկում է Վ. Հյուգոյին, որ մի ժամանակ աքսորական ապրեց Լամանշի՝ անգլիական ժերսեյ կղզում։

2. Սեն-Փուանի մենակյացը—ակնարկում է Լամարթինին, որ ապրել է Թաղվել է Սեն-Պուանում։

3. Փանոսյան Աղեքսանդր (1858—1919)—բանաստեղծ, գրել է շատ պերճ հանգերով, հատուկ նշանակություն տալով ձևին, ոչ-միշտ հօգուտ բովանդակության։ Ունի նաև մանկական բանաստեղծություններ։ Բանաստեղծությունների մի մասը ամփոփված է Այգեկուրթ ժողովածուի մեջ։ Կատարել է շատ թարգմանություններ։ Գրել է նաև Ալիասլան ծածկանունով։

ՄՈՌՅՎԱՄՆԵՐ

1. Զորայան Նիկողոս (1821—1859)—հայտնի տնտեսագետ, հրապարակախոս, մանկավարժ, հեղինակ նկարագիր ազգային դաստիարակության Տեղեկությունն տնտեսագիտության վրա, Վարժությունն ընթերցանության և այլ աշխատությունների։

2. Արմենակ Հայկունի, Ժիզմենյան (1835—1866)—գրող և հրապարակախոս։ 1857 թ. հրատարակում է Մուսայի Մասեաց թատերական հանդեսը։ Գրել է երկու երաժշտական ողբերգություն՝ Արա զեղեցիկ և Վառ սիրտ (օտար կյանքից)։ Սրանք գրված են չափածո, իրրև օպերա ներկայացվելու համար։ Գրել է նաև մի արձակ ողբերգություն Ողիմպիադա խորագրով, որի նյութը առնված է հայոց պատմությունից, ինչպես և մի ռոմանտիկ վեպ՝ Էլիզա (1861), որ արևմտահայ առաջին վեպերից մեկն է։ Զբաղվել է նաև ուսուցչությամբ։

3. Քրիստոսատուր Ղազարոսյան (1816—1891)—հանրային գործիչ, ուսուցիչ, եղել է Ազգային ժողովի անդամ։ Գլխավորապես նրա ջանքերով է հիմնադրվել «Անձնվեր ընկերությունը» Պոլսում, որի նպատակն էր կիրականորյա դասախոսություններ կազմակերպել պանդուխտների համար։ Ը. Պատոնյանը գրել է Ղազարոսյանի Նրզիժական դիմանկարը Ազգային ջաջերում։

4. Խաչատուր Մխաթյան—տես՝ Ա. Հատորի ժանոթագրութիւնները:

5. Ստեփան Փափազյան, Պերճ (1839—1888)—նշանավոր հրապարակախոս և հանրային գործիչ: Ազգային ժողովի ազդեցիկ անդամներից: Խըմբագրել է ժամանակ կիսամսյա հանդեսը 1863—1868 թթ.: Զբաղվել է նաև ուսուցչութեամբ: Զ. Պարոնյանի ազգային ջոշերից:

6. Սրվանձտյանց Գարեգին (1840—1892)—ականավոր գրող, բանահավաք, Սասունցի Դավիթ դուցազնավեպի հայտնաբերողն ու առաջին գրի առնողը: Գրել է Գրոց բրոց (1874), Հնոց նորոց (1874), Մանանա (1876), Քորոս ախպար (Ա. հտ. 1879, Բ. հտ. 1885), Համով հոտով (1889) և այլ երկեր շատ ինքնատիպ և հայադրոշմ ոճով, ճկուն և արտահայտիչ լեզվով:

7. Մնակյան Մարտիրոս (1837, ըստ այլ աղբյուրի՝ 1840—1920)—ականավոր դերասան և ռեժիսոր:

ՄՈՏԱՆ

1. Մոտան—Պոլսո Քաղքեղոնի (Քատրգյուղ) ժովափի անունը:

2. Խոսքը Եղիա Տեմիրճիպաշյանի մասին է:

3. Պետո (Պետրոս)—պոլսահայ նավավար, որ փրկեց խեղդվելու փորձ անող Եղիա Տեմիրճիպաշյանին:

ԲԱՐՈՅԱԿԱՆԻ ԿՌԻՎՐ

Ուղղված է ութսունականների ռեալիստական շարժման, առհասարակ ռեալիզմի հակառակորդների՝ մամուլում արած խժրժանքների դեմ:

1. Ֆանի անուն է, որով խորագրված է երգիծաբան Զ. Ալիխարի սիրային մի նորավեպը («Մասիս», 1893, թիվ 3995):

2. Ֆրանսական գրական պարբերաթերթ:

ԱՆԳԻՐ ԴՊՐՈՒԹՅՈՒՆ ԵՎ ԱՌԱԿՔ

Վերոհիշյալ գիրքը առականների բավական սովոր ժողովածու է (ինք շարք), ընդարձակ առաջաբանով, որի մեջ Վ. Տեր-Մինասյանը խոսում է բանահյուսութեան և գուսանական ստեղծագործութեան մասին, ինչպես և առականների մասին: Գրքի Ա. Հատորը լույս է տեսել 1893 թվին Պոլսում, որը և գրախոսել է Զորապլը, իսկ Բ. Հատորը՝ Անգիր դպրութիւն և հին սովորութիւններ խորագրով, լույս է տեսել 1894 թվին:

1. Իվմիրյանց մրցանակ—տես՝ Ա. Հատորի ժանոթագրութիւնները:

ՏԵՏՐԱԿԵՍ ԷՋ ՄՐ

Այս երգիծական թերթները գրված է ութսունականների երկերը «անբարոյական» համարողների դեմ:

ՏԱՐԵԳԱՐՁ ՄԸ

Մասին օրաթերթի առաջին խմբագրականն է, որ ունի ծրագրային բնույթ։

1. Սերվիչեն, Սերովչե Վիչենյան (1815—1887)—բժիշկ, հանրային ականավոր գործիչ, երկու անգամ ընտրվել է Ազգային ժողովի ատենապետ՝ Սահմանադրության առաջին տարիներին, իսկ դրանից առաջ 1854 թ. Ուսումնական նորհրդի ատենապետ։ Գր. Օտյանը նրան համարել է իր շրջանի ամենից կարող հայ մտավորականը, «փայլուն իմացականություն»։ Մատթեոս Մամուրյանը իր Հայկական նամակների մեջ Արբուն ծածկանունով է ներկայացնում Սերվիչենին, որակելով նրան իբրև «հայ քաղաքագետ, օրենսդիր, ատենաբան, մեծ մարդ»։

2. Օտյան Գրիգոր (1834—1888)—վաթսունական թթ. ականավոր գործիչներից մեկը, մեծ հետոք, օսմանյան առաջին սահմանադրության հեղինակներից մեկը, որի պատճառով էլ հայաժվեց և ստիպված եղավ ապրել Փարիզում՝ երկարամյա տարագրության մեջ, ուր և մեռավ։ Գ. Օտյանը մեծ դեր է կատարել նաև Ազգային Սահմանադրության մշակման գործում։ Օտյանը սիրելի եղավ հատկապես իբրև մարդ իր վեհաշուք էությամբ, իր մեծ հայրենասիրությամբ, իր քնարական հուզաթաթավ հոգով։ Հր. Ասատուրը, որ լավ գիտեր Գ. Օտյանին անձնական ծանոթությամբ, գրում է, որ «Օտյան այն մարդերեն էր, որոնք անհուն մեծարանքի հետ, կազգեն նաև անհուն համակրանք» («Դիմաստվերներ», էջ 78)։

Գր. Օտյանի մասին հիացմունքով է խոսում նաև Մատթեոս Մամուրյանը իր Հայկական նամակների մեջ, ներկայացնելով Օտյանին Նուրհան ծածկանունով. «Տես սա թիկնավետ պատանին... քաջ դիտե գլուխն որ Միրապոյի գլխեն վար շմուր. նկատե սև աչերն՝ որ անդադար փայլակներ կարձակեն, որ իր վառ հոգվուն ցուցցմունքն են. եթե սուր են ականջներդ, մտիկ ըրե անոր քաջահնչյուն ձայնն՝ որուն մեն մի շեշտը լուսատու նոր գաղափար մը կարտահայտե և ոչ միայն ունկնդիրը կը դյուրե՞յալ և կը համոզե, և այն ատեն պիտի խոստովանիս ինձի հետ որ Նուրհան արդարև հասարակ մարդ չէ»։

3. Նահապետ Ռուսինյան (1819—1878)—բժիշկ, հանրային ականավոր գործիչ, Ազգային Սահմանադրության հեղինակներից մեկը։ Պաշտպանել է բժշկությունը հեղաշրջող նոր տեսությունները Ցանկանում էր հիմնական փոփոխության ենթարկել հայերենի քերականությունը (տես՝ նրա «Ուղղախոսությունը») և հայ տոմարը (տես՝ 1864ի Տարեցույցը)։ Բարեբախտաբար Ռուսինյանի լեզվի «քմահաճ օրենքները» շրջանվեցին։ Չեն ընդունվել նաև նրա տոմարական նորոգումները։ Մասնակցել է այն մասնաժողովներին, որոնք պատրաստեցին 1857ի Ազգային Կանոնադրությունը և հետո Ազգային Սահմանադրությունը։ 1874ին ամբողջովին ինքն է խմբագրել Ազգային ժողովի ներքին Կանոնագիրը, որը «հարյուրի ավելի հողվածներե բաղկացած

բարդ Կանոնագիր մը ըլլալով շէր համապատասխաներ մեր Խորհրդարանին համեստ պետքերուն: Ռուսինյան մեր Ազգ. Ժողովը շփոթեր էր Եվրոպական Խորհրդարանի [պառլամենտ] մը հետ» (Վրիժամաստվերներ, 67—68): Տեսականի և գործնականի խզումը նրա որոշ շահերը գարձրել է ապարդյուն:

Ռուսինյանը կերտել է մի շարք բառեր, ինչպես՝ քերտն (Ֆելիտոն, որի հետևողութեամբ Կ. Ությունյանը կերտել է կտրոն բառը), ասյակենտրոնացում, կեղծամ, տոնմիկ, բազկաթոռ, քախտոց, սպասիկ, զինանիշ, նովկուլ, քմույշ (Ֆանտազիա), կողիկ (կոտլետ), ճաշացուցակ, տարփիկ, տիար և այլն, որոնց զգալի մասը մտել է գործածութեան մեջ (Վրիժամաստվերներ, 69—70):

Տիար բառը, որ պետք է փոխարիներ անգլերեն պարոն բառին, ունի իր պատմութիւնը: Ռուսինյանի լեզվական հայացքների և նորարանութիւնների շերտ համախոհ էր Հակոբ Պալյանը, որը, ինչպես նշել է ղերասանուհի Տիկին Հրայրյան իր հիշողութիւնների մեջ, ներկայացումների ժամանակ պարոն բառի փոխարեն ասված ամեն տիար բառի համար մեկ ոսկի էր վճարում, երբեմն մի ներկայացման մինչև 50 ոսկի տալով իրեն, նույնքան և Պետրոս Աղամյանին:

Ռուսինյանը դասախոսել է Օսմ. բժշկական վարժարանում: Իր դասախոսութիւնները ամփոփել է Փիլիսոփայութեան խորագրով Ֆրանսերեն դասագրքի մեջ, որի հայերեն թարգմանութիւնը լույս է տեսել 1879ին, Գր. Օսյանի առաջարանով:

ԵՐԳՆԵՔ

Մասին օրաթերթի երկրորդ խմբագրականն է, որի մեջ մեծ հայրենասերը՝ եզովպոսյան լեզվին դիմելով՝ հորդորում է լընկճվել, շայթաքել, հոսալքման և հոռետեսութեան գիրկը լընկնել, իսկ այգպիսի տրամադրութիւնների համար պարարտ հող կար 1895—96 թթ. կոտորածներից հետո:

ԱՆՄԱՀՈՒԹՅՈՒՆԸ ԱԺԱՆՑԱՄ

1. Յուսուֆյան Հովսեփ—տես՝ Ա. հատորի ծանոթագրութիւնները (ՎՍՊ դեմքերէից մեկը):

2. Գազազ ամիրա (Հարութիւն Պեղճյան—1771—1834)—հայտնի ամիրա, գործել է Կ. Պոլսում, 19րդ դարի առաջին քառորդում, գործուն մասնակցութիւն է ունեցել հայ հասարակական-մշակութային կյանքին: Նրա միջոցներով կառուցվել է Պոլսի Ազգային հիվանդանոցը, որը գոյութիւն ունի մինչև այսօր:

3. Տասյանները—ամիրայական հայտնի տոհմ, որը շուրջ մի հարյուր-

ամյակ նկատելի մասնակցութիւն է ունեցել Քուրքիայի տնտեսական կյանքին: Եղել են պետական պաշտոնյաներ: Տատյաններից ոմանք մասնակի են նաև հայ հասարակական կյանքին:

ԼՈՒՐ ԶԻ ԿԱ

1. Իր մի հողվածում («Տառասխալ մըք, «Մասիս», 25—2—1898) Զուրապը մեղադրելով Ազգային Ժողովի Տնտեսական Խորհուրդը՝ անվանել է Անտեսական Խորհուրդ:

1901

ՆՈՐԱՎԵՊԻՆ ՇՈՒՐՁԸ

1901 թվին, մի հայագետ ամերիկուհի (օր. Վիվիեն Նորքինս) Քյուրակնին ուղղած հարցումով խնդրում է ստուգաբանել «Նորավեպ» բառը և ցույց տալ թե որքանով նա ճիշտ է հայերենի բառակազմության օրենքների տեսակետից: Քյուրակնի հրավերով մի հողված է գրում Կարապետ Ությունճյանը և գտնում (ինչպես և Հովհ. Գազանճյանը), որ այդ բառը հայոց լեզվի բառակազմության սկզբունքներին և կանոններին համաձայն չէ: Մասիսի խմբագիր Տիգրան Արփիարյանը, ընդունելով Կ. Ությունճյանի և Լ. Գազանճյանի հեղինակությունը լեզվի հարցերում, այլևս «ներելի» չի համարում տարակուսել, որ այդ բառը մեղանշում է մեր քերականական կանոնների գեթ, բայց շեշտում է բառի արդեն ընդունված և հանրացված (մասսայականացված) լինելու փաստը և կոչ է անում, որ որևէ մեկը ստանձնի այդ բառի պաշտպանությունը: Զոհրապի սույն հողվածը այդ կոչի արձագանքն է:

1. Նորայր—խոսքը ականավոր բանասեր-հայագետ Նորայր Բյուզանցացու (1845—1916) մասին է:

1902

ՆԻՍՈՒՆ ՏԱՐԻ ԱՌԱՋ

Դ. Նիկողոս Քյուրակնեանյանը (1841—1886) խմբագրել է Լուզիր օրաթերթը 1875—1880 թթ.: Հակոբ Պարոնյանը ծաղրել է, ինչպես շատերի, նույնպես և այս թերթի ֆրանսամոլությունը, անտեղի ֆրանսերեն բառեր գործածելու սերը, որ անում էին հաճախ օտար, ժողովրդին անմատչելի բառերի սիրահարները ավելի խորամիտ երևալու համար: Հանճարեղ երգի-ծաբանը իր Քաառունի մեջ հրատարակել է այդ բառերի ցանկը՝ «Բառարան ի պետս Լուզրի» խորագրով, ընդգծելու համար այդ թեթևամտությունը:

Մասիսի խմբագրութեան կողմից սույն հոդվածին իրրև նախարան ասված է. «Զոչույի մահվան առթիվ արտասպելի ետքը այն գեղեցիկ հոդվածը գոր Գ. Զոչրապ նվիրած էր քնապաշտ դպրոցի պետին, 1893 տարեշրջանի Մասիսին մեջ (տես՝ այս գրքում),—որուն Տնօրեն-Խմբագրապետութիւնը կը վարեր այդ թվականին,—խնդրեցինք իրմե՝ նոր հոդվածի մը մեջ ամփոփել ինչ որ կը մտածե անկե ի վեր Աստուտոի հեղինակին վրա: Գրագեոփաստարանը Խմբագրութեանս հրավերին կը պատասխանե նամակով մը որ իր հակիրճութեանը մեջ այնքան ցայտուն ու կենդանի կերպով կը պատկերացնե Զոչան, իրրև վիպասան և իրրև հանրային մարդ:»

1. Հանիրավի դատապարտված հրեան Գրեյֆուսն է, որի դատը պաշտպանեց Զոչրապը թե խոսքով, թե գործնական միջոցներով, գրելով մի ընդարձակ պաշտպանողական և ուղարկելով Գրեյֆուսի պաշտպանութեան համար կազմված «Հրեական սենտիքային», որը շնորհակալութիւն է հայտնում Զոչրապին և ուղարկում մի ոսկեկոճակ Գրեյֆուսի մանրանկարով: Այդ նամակը և կոճակը Զոչրապին է մատուցում Կ. Պոլսի հրեա գաղութից մի պատվիրակութիւն: Այս մասին ավելի մանրամասն տես՝ Գրիգոր Զոչրապ, Նովելներ (Երևան, 1941) գրքի վերջաբանը (էջ 293—294):

1 9 0 8

ԿՅԱՆՔԸ ՓԱՐԻՉԻ ՄԵՋ

Հոգեհարազատութեան զգացումը թելադրել է Զոչրապին մեկից ավելի անգամ անդրադառնալ Յրանստա Կոպպիին և գնահատել նրա բանաստեղծութիւնների «ենթողաշնակութիւնն ու գորովը», նրա նորավիպերի հատորների «խանդաղատանքի գանձերը», սովորական կյանքը սիրելու միտումը: Այս ամենի մասին Զոչրապը գրել էր 1893ին, իսկ 1908ին Փարիզից նա նորից անդրադառնում է իր սիրած հեղինակին, վերջինիս մահվան առթիվ: Մինչև Փարիզ մեկնելը Զոչրապը աշխատակցում էր Արամ Անտոնյանի Լույս հանդեսին և, ինչպես երևում է նույն հանդեսի թիվ 20ի (1908) հայտարարութիւնից, «նշանավոր վարպետը» խոստացել էր Փարիզից (ուր նա մեկնել էր՝ արտասահմանում մշտական բնակութիւն հաստատելու մտադրութեամբ, փաստաբանութեամբ զբաղվելու արգելքի պատճառով) շարունակել իր աշխատակցութիւնը:

ՊԱՏՎԻ ՀԱՄԱՐ

Երվանդազեի Պատվի Եամար դրամայի Պոլսում՝ Արեւիյան-Արմենյան թատերախմբի կողմից (1908 թ.) ներկայացվելու առթիվ գրված այս քննախոսականը տպված է «Երեսփոխանութիւն և գրականութիւն» ընդհանուր խորագրի տակ: Քննախոսականին իրրև նախարան կցված է Ժամանակ օրաթերթի խմբագրութեան հետևյալ ծանոթագրութիւնը, որ մեջ ենք քերում սմբողջովին.

«Ուրբաթ գիշեր, այն ժամուն ուր Օսմ. խորհրդարանին Կ. Պոլսո տա
երեսփոխաններուն ընտրութեան քվեահամարը կը կատարվեր Քաղաքաց
տական պաշտոնատան մեջ, ամեննն ավելի հետաքրքրութեան առարկա եղ
հայ ընտրելին՝ Գ. Զոհրայ էֆենտի՝ հանդարտիկ կերպով նստած Վառիեթ
Քատրոնին մեկ օթյակին մեջ, հիացումով կունկեղրեր ու կծափահարէ,
Արեւլան-Արմենլան Քատերախումբին ներկայացմանը: Եվ շարաթ առտու,
արշալույսին, երբ ընտրութեան արդուները իմացված էր արդեն ու շնորհավո
րական այցելութեանց տարափը սկսած էր Զոհրայ էֆենտի բնակարանը,
զրագետ-երեսփոխանը՝ իր սովորական անայլայլութեամբ՝ ընդունեց ժամա
նակի խմբագրութեան հրավերը ու զրասեղանին առջև անցնելով իր գեղեցկա
զույն հողվածներին մեկը արտադրեց՝ Եիրվանդատի Պատվի ճամբար փինսին
վրա, իր խորհրդարանական մարդու անդրանիկ ժամերը նվիրելով զրակա
նութեան ու գեղարվեստի:

Մասնավոր հաճույքով մըն է որ կը փութանք հրատարակել այդ հողվածը
որուն առթելիք հետաքրքրութեանն ու ակործը սովորականն տարբեր պիտի
ըլլան՝ կյանքի պատմական վայրկյանի մը մեջ գրված ըլլալուն համարք:

Այս քննախոսականի սրտարուխ և անկեղծ գնահատականները շատ խոր
տպավորութեանն են թողնում Եիրվանդադեի վրա և ժամանակ թերթի խմբա
գրութեանը զրկած մի նամակի մեջ նա գրում է. «Միանգամայն ոգևորու
թեամբ կարդացի հայտնի վիպասան Գրիգոր Զոհրայի նորը, խոր հոգե
բանական հողվածք» (1908, թիվ 54): Մի այլ նամակի մեջ, Տիգրան Կամ
սարականին գրած, Եիրվանդադեն ասում է. «Այն ի՞նչ ոգևորութեան էր, որ
օտարութեան մեջ պաշարեց ինձ, երբ բաց արի այդ նվիրական կապոցը (Պոլ
սի հայերին թերթերը) և կարդացի Զոհրայի, Պարթևլանի, Քեքեջանի, Հրան
դի, Օտյանի, Երուխանի, Ալիխարի, Արամ Անտոնյանի, Զիֆթե-Սարաֆի և
այլ թրքահայ խոշոր գեմքերի հուղիչ հողվածները իմ բնական երկերի
մասին» 1:

ԶՈՂՐԱՊԻՆ ԾԱՌԸ

Տպված է, հավանաբար, իբրև Զոհրայի ճառի համառոտ շարադրանք,
օգտագործելով նրա ուղղակի խոսքը: Ճառը խոսել է Քատրգյուղի մեջ 13/26
հոկտ. 1913 թ.: Հայ տառերի գյուտի 1500ամյա և տպագրութեան 400ամյա
տոնակատարութեանը մասնակցել են բազմաթիվ օտարազգիներ, զեսպա
նատների ներկայացուցիչներ, հույների, բուլղարների և ասորիների պատ
րիարքների փոխանորդներ, ինչպես և ներքին գործոց նախարար, հայ ժողո
վրդի դահիճ Քալիաթը, որը ասել է. «Այսօր հայերին տառերու 1500ամյակի
և հայ տպագրութեան 400ամյակի հանդեսները կատարելպպես տոնելու հա
մար հավաքված եք հոս, հանուն կառավարութեան կը մասնակցեմ ձեր ուրա
խութեան» («Ժամանակ», 1913, թիվ 1603): Այդպես էին իթթիհատականնե
րը բթացնում հայ ժողովրդի զգաստութեանը՝ նրան կոտորելուց առաջ:

1. Օտյան—խոսքը Գրիգոր Օտյանի մասին է:

1 Եիրվանդատե և իր գործը, Կ. Պոլիս, 1911:

Ա

Album—Ֆ. ալբոմ
 Ամեռ—Ֆրանսական խմիչքի տեսակ
 Անագան—ուշ
 Անկապան — անկարգել (պարտաշուտ)
 Անհաճ—անպատշաճ
 Անցախոս—կարգախոս (պարույա)
 Առարուր—ստեակոխ
 «Առաջնօր...» — ակնարկություն՝
 պատարագի ժամանակ սարկա-
 վազի մի աղոթասացության
 Ասկը—Ֆ. ձգանակ՝ տափատը պահելու համար
 Ավաեսեն—Ֆ. նախաբեմ
 Արևազալ—եկեղեցական արարողության տեսակ
 Արլ—այրիք

Բ

Բանկալ—եկեղեցում մոմ վաճառելու վայր
 Biague—Ֆ. սուտ, սնտրիապաշտություն
 Brevi—Ի. վարձկան շարագործներ
 Բարակ—լարային գործիքի շարելու ականջը

Գ

Գամ (քան) զգամ—ազելի ու ազելի
 Gazometre—Ֆ. գազաչափ
 Good-by—անգլ. մեքք բարո՛ւ (ցտեսություն)
 Գրգլյակ—ցնցոտի

Դ

Դանանակ—թանկագին քարի տեսակ
 Դանկ—դահեկան, մանր գրամ
 Դաշն կռած—դաշինք կեքած
 Dialogue—Ֆ. դիալոգ
 Dicton—Ֆ. ասացվածք, առած
 Դժվարագնի—գժվարութեամբ ձեռք բերված

Ե

Եպիբեյի—ժպրհելի, այպանելի

Զ

Զարբ—ա. արդեն
 Զառիկ—թուլնի տեսակ

Ձեհլիճն—ա. դեկտեմբեր
Ձևզեկ—բ. շատխոս
Ձելլաան—ա. նոյեմբեր

է

Ingénieur—ֆ. ճարտարագետ
Էսրար—ա. թմրեցուցիչի մի տեսակ

ը

Ընկերային—սոցիալական
Ընկերվարական—սոցիալիստական

թ

Թախիմ—արևելյան երաժշտության տեսակ
Թելիլյան պատգամ—Հունաստանում Դելփիսի հեթանոսական տաճարի քուրմերի պատգամ-գուշակություն
Թեհլիճն—ա. փորձանք, վտանգ
Թեյզե—բ. մորաքույր
Թերեֆե—ա. ծառանգություն

ժ

Journal des Débats—ֆրանսական օրաթերթ
J'y suis, J'y reste—ֆ. ես այնտեղ եմ, այնտեղ էլ կմնամ
Il faut vivre pour manger et non pas manger pour vivre—ֆ. պիտի ապրել ուտելու համար և ոչ ուտել՝ ապրելու համար
Ils n'ont rien appris, rien oublié—ֆ. երանք ոչինչ չեն սովորել և ոչինչ չեն մոռացել

Ի դեպս ու հանդեպս—տեղի և անտեղի
Ի սլետս և հուճպեա—անհրաժեշտ և ոչ անհրաժեշտ

լ

Լաթոնա—նվագարանի տեսակ
Լամրակ—կոճակի օղակ
La patrie en danger—ֆ. հայրենիքը վտանգի մեջ
Le galeux, d'ou venait tout le mal—ֆ. քոստոր, այլանդակը, որից գալիս էր ամբողջ շարիքը
Le plus apte à vivre—ֆ. կապրի ամենից ընդունակը
Les grands esprits se rencontrent—ֆ. մեծ մտքերը իրար հանդիպում են
L'habit ne fait pas le moins—ֆ. տարազը չէ, որ վանական է դարձնում
Լրվանքեն—ֆ. արևելքի
Լնուլ—լեցնել

և

Խակակուրթ—խակ քաղված
Խատեմ-լի—ա. բախտ-արեր
Խովուշ—թ. գորանոց
Խուշս—թ. թուշակս
Խայիկ—բ. ուրվական, քամահրելի կերպար

Ս

Մայրան—շարժում 1
Մե՛ե՛ե՛—ծո

1 Բառի բացատրությունը վերցրել ենք Ղ. Աղայանի, Հ. Քումանյանի և Վրթ. Փափազյանի կազմած «Հայ գրողներ»-ի Բ. հատորից (Քրթահայ գրողներ)։

Կագ (Gaze) — ֆ. քող
 Կագերածի — ք. ժուռնալիստ, թերթի հրատարակիչ, խմբագիր
 Կամակ — կամավոր, ցանկալի
 Կարի — հույժ, շատ
 Կյոզիենի սևոյիմի — ք. իմ սիրած աչքդ
 Կերկերան — կերկերացող ձայն
 Clown — անզլ. ծաղրածու, խեղկատակ
 Condottieri — ի. վարձկան զինվոր
 Կորնատին — ֆ. մետաքսյա պաստան
 Կոռն — ֆ. կերպասի տեսակ
 Էլուտ մր» անգամ շեմ տա — ոչ մեկ արժեք չեմ տա

Զ

Հաջ և հահյակ — աջ ու ձախ
 Հափրացած — հսկացած
 Հեշտախտիկ — հեշտագրգիտ
 Հերկոտիֆ — ակոսված, հերկված հող
 Հյոնեք — ա. օրինակ, պատճեն
 Հուսկ ուրեմն — վերջապես
 Հովարտա — ք. շեն, զվարճասեր, առատաձեռն
 Հովկուլ — դատարկապորտ
 Հորում — երբ որ

Մ

Մագերթա — ֆ. փոխարերարար՝ համրակ, սկսնակ
 Մանրլե — ֆ. կանացի թեթև կարճ վերարկու
 Մանտարին — շին ազնվական, պաշտոնատար

Մեհիտ (մեհիտիե) — քրքական արծաթ փող (20 դահեկաննոց)
 Մեհեյեր — անզլ. դեկավար, պետ
 Մրնյու — անզլ. ճաշացուցակ
 Միա — հ. մեկ, մեկ հատ
 Միանադոյն — միաժամանակ
 Միգեո — ֆ. թշվառութիւն
 Մյուրեմայիզ — ք. քրքական պաշտոնատարի աստիճան
 Մյուսեոն — հ. թանգարան
 Մյուսյու — ֆ. աղ. պարոն, տիար
 Մրափեկ — կես քուն, կես արթուն
 Մուեզիկ — ա. մահմետական աղոթասաց
 Mondaine — ֆ. աշխարհիկ կին
 Մոն բու. — ֆ. իմ ամբողջը
 Modus vivendi — լատ. համակեցութիւն, կենցաղի ձև, ապրելակերպ
 Moralischer sieg — գ. բարոյական հաղթանակ

Յ

Յափու — ք. շինարարութիւն, կառուցում

Ն

Նամի — պ. անվանի
 Նե դարիֆ պասմալարմրզ վար — ա. ինչ նուրբ տպածոներ (չթեր) ունենք
 Նեղ ընեն — բ. տեղ բաց անեն
 Նենի — ա. ինչացու
 Նվոր — նրան

Շ

Շալե — ֆ. շվեյցարական հյուղակ
 Շարիման — ֆ. պատիժ, պատուհաս
 Շեվվալ — ա. հոկտեմբեր
 Շոափենլ — ֆ. թնդանոթի տեսակ

Չախ—թ. հանդիմանութիւն
 Չամ—թ. եղևի
 Չզարեթեմ—լցածեթեմ
 Չփակ—կարճ վերնագրեստ
 Չովեա—մեկնակետ
 Չփաշել—թ. նախանձիլ

Պ

Pas de nouvelles, bonne nouvelles—ֆ. ոչ մի լուր, ոչ մի լավ լուր
 Պալալոգ—ֆ. կանացի զգեստները ուսուցիկ դարձնող ձողիկներ
 Պաղտաշ—թ. ժալապատիկ
 Պապա (ձևերը)—թ. հայրական (ձևեր)
 Պարմանունի—պատանկուհի
 Պարպատուն—լիբը, շատ գեր
 Պախարա—թղթախաղի տեսակ
 Պենեմ—անգլ. դրամատուն
 Պերգուս—ա. լու
 Պենեուառ—ֆ. օթյակ թատրոնի առաջին հարկում
 Պետաճավա—թ. ձրի, անվճար
 Պերեխաթ վերսին—թ. և ա. շահատու և հաշող լինի
 Պիլեզիկ—թ. ապարանջան
 Պլեֆ—անգլ. կելծ ու պատիր խոսք, գործ
 Պլեֆոտ—ֆ. խաբերա, ձևացնող
 Պոշ պողազ—թ. ճոռմարան, շաղակրատ
 Պոկան—ֆ. ավազակ, հելուդակ
 Պրոս—անգլ. աղ. բողոքական (ավետարանական)

Ջ

Ջուրը ինկած—ձախոցած

Refrain—ֆ. և անգլ. կրկներգ
 Ռելանս—ֆ. խոյանք, թափ
 Ռըմիզ—ֆ. դրամական փոխանցում, առաքում
 Revue—ֆ. թեթև որակի թատերական ներկայացում
 Ռուլեթ—ֆ. բախտախաղի տեսակ

Ս

Սարաֆութիւն—թ. աղ. սեղանաժողովութիւն, լումայափոխութիւն
 C'est à vous d'en sortir vous qui parlez en maître—ֆ. դուք որ խոսում եք այդպէս տիրաբար, պետք է դուրս գաք այդ դրութիւնից
 Սերբ—թ. կարծր, կոշտ, խիստ
 Սեռի—ֆ. խաղաշար, մատենաշար, սերիա
 Սենեթ—ա. պարտամուրհակ
 Սիսարիթ—ֆ. հեշտամուլ, մեղկ
 Սիրտը ընել—սիրաշահել
 Սրոն—անգլ. պահեստ
 Սիրֆ—ֆ. կրկես
 Սպաթի սեֆիզ—թ. խաղաթղթի շորս տեսակներից մեկի 8 համարը
 Սպանիոլ—ֆ. իսպանացի
 Սըվոր—սրան
 Ստոիկ—Ջենոն հույն փիլիսոփայի հետևորդ
 Ստոր—գրքում՝ ստորակետի համար պաշտած ձևը
 Սուզիանկ—արևելատիպ երաժըշտութիւն մի տեսակ
 Սլիւած—կծկված, կուշ եկած

Վ

Վազվազակի—խոկուն

Վարդան-առաւել—հին ախպի մանկապարտեզ
 Վարուն—հերկված
 Veilleuse—Ֆ. ցայգականթեզ
 Վերեմ—ա. թոքախա, թոքախա-վոր

Յ

Տարապարեակ—պարտադիր
 Տեքնի—թ. ուղտապան
 Տերե—պ. ձոր, կիրճ
 Տիրլումարնա—թ. դիվանագիտորեն
 Տիլեթանթ—Ֆ. սիրող
 Տիւ—հ. երկու
 Տոպիո—Ֆ. աղ. կրկնակի
 Tournee—Ֆ. շրջագայութիւն
 Տոփի—կիրթ

Բ

Բանքին—Ֆ. ռանտին, իր հասույթ-թով ապրող կալվածատեր

ՈՒ

Ուղուր—թ. բախտ, հաջողութիւն
 Ուշաք—արեւելյան երաժշտութիւն
 մի տեսակ
 Ույց—որոնց

Վ

Վաքերա—հ. հայր
 Վարլամիշ—թ. ճաքել, տրաքվել
 Վասրիյ—Ֆ. դեղահատ
 Վասսո—Ֆ. աղ. խաղից անմասն մնալու արտահայտութիւն
 Վիք սեփիզ—խաղաթղթի շքոթ անտակներէց մեկի Յ համաքք

Փռնֆ—թղթախաղի տեսակ
 Փողած—շեփորած
 Փրթիլ—պոկվել
 Փրոքեքթ—Ֆ. բողոքարկված (մուրհակ, պարտավորագիր)
 Փուրնիլ—Ֆ. փայտակոճ երկաթ-գիծը ամրացնելու համար

Ք

Քափող—կանացի գլխարկի տեսակ
 Քալիաֆնի—թ. խույր, փափախ սարքող
 Քամեզոլիւն—Ֆ. կանացի ներքնազգեստ
 Քամելեոն—Ֆ. գետնաոյուծ (փոխարերարար՝ հեղեղուկ)
 Քանափե—Ֆ. բազմոց
 Քանե—Ֆ. փոխ. միատեսակ խաղաթղթերի մեկտեղում
 Քելեփիր—թ. ձեռնառու, շատ էժան
 Քերց—քույրերի
 Քիւլիւր—ա. հայրաւ
 Քրիթիլ—Ֆ. քննադատ, -ութիւն
 Քույումնի—թ. ոսկերիչ, արծաթագործ

Օ

Օտա-ուշաղի—թ. սպասարկու տղա (փոքրիկ սենեկապան)
 Օտապաշի—թ. և ա. սենեկապան

Յ

Final victory—անզլ. վերջնական հաղթանակ
 Յասսեն—Ֆ. նորոյթի, նորաձեւութիւն համաձայն (մոզայիկ)

Յյոյե—Ֆ. ճեմարահ

Յիզիբ—Ֆ. բնագիտութիւն, բնագիտական

Յիլի մու, Պետրասաֆի—Ն. Պետրոսաքի, բարեկամս

Յլոշ—Ֆ. պոքեթ թղթախաղում մի տերմին

Յրանչիսկյան—կաթուիկ միաբանութիւններից մեկի անդամ

Յրեր—Ֆ. կաթուիկ կղերական

Յուլ ալ'աս—պոքեթ թղթախաղում մի ձև

ՕՏԱՐ ԱՆՁԵԱՆՈՒՆԵՆԵՐԻ, ՏԵՂԱՆՈՒՆԵՆԵՐԻ ԵՎ ԱՅԼ ՀԱՏՈՒԿ ԱՆՈՒՆԵՆԵՐԻ
ԲԱՌԱՐԱՆ

(Ա Է Ք Ետառներ)

Ալանտոն—քաղաք Ֆրանսիայում
Ալեմտադի—բլուր, գրոսավայր Պոլսում

Ալզաս—նահանգ Ֆրանսիայում

Ալիե—գետ Ֆրանսիայում

Անաբարսիս—սլյուբացի իմաստասեր Աթենքում (մ. թ. ա. 6-րդ դար)

Անակրեոն — հույն բանաստեղծ (560—472 մ. թ. ա.)

Առվեռին երգը—Առվեռ, Ալեքսիս Ֆելիքս—ֆրանսացի բանաստեղծ (1806—1850)

Աուստերլից—քաղաք Չեխոսլովակիայում (Մորավիա), որտեղ տեղի է ունեցել Նապոլեոնի հայտնի ճակատամարտը Պրուսիո դեմ, 1807 թ.

Արմաշ—գյուղաքաղաք Քուրքիայում, հայտնի՝ իր երբեմնի հակական դպրեանքով

Ռաբբի Կաստոն—ֆրանսացի բեմադրիչ (1885—1952)

Ռիզա—քաղաք Իտալիայում

Ռոմբինյան ժակ տը Յուանկ—ֆրանսացի բանաստեղծ (1709—1784)

Ռանիել—հրեա շորս մեծ մարգարեներից մեկը (մ. թ. ա. 7-րդ դար)

Ռաշտեյեն — տեղանուն Պոլսում, ծանոթ իր շրոճ

Ռավիթ—Իսրայելի թագավոր (1010—970 մ. թ. ա.)

Dinant sur Meuse—Մյուզ գետի ափին Դինան քաղաքը Ֆրանսիայում

Ռիոգինես—հելլեն իմաստասեր (413—323 մ. թ. ա.)

Եզկելիլ—հրեա շորս մարգարեներից մեկը (մ. թ. ա. 6-րդ դար)

Ենիմահալլե—թաղամաս Պոլսում
Ետի—Քուլե— » »

Ecole normal, école normal supérieure—բարձրագույն ուսումնական հաստատությունների Փարիզում

Էլմալը — Պոլսի մերձակայքում գտնվող վայր

Էտմոն Տանթես—Ալեքսանդր Դյումայի «Կոմս Մոնթե Քրիստո» վեպի գլխավոր հերոսը

Etoile—հրապարակ Փարիզում

Քարավլա—հունական թաղամաս Պոլսում

«Քան» (Temps) — Փարիզյան օրա-
թերթ
Քաշ Վերտիվեն — տեղանուն Պոլսում
Քարասոֆն — Ալֆոնս Դոդերի վիպա-
կում հիշատակված տեղանուն
Յրանսիայում
Քարբարեն — ակնարկվում է Ալֆոնս
Դոդերի «Տարասկոնցի Տարտա-
րենը» վիպակի հերոսը
Քարապիա — ամառանոց-զրոսա-
վայր Վոսփորի ափին
Քարլա-Պաշը — զրոսայդի Պոլսում
Théâtre contemporains — «ժամա-
նակակից թատրոն», ֆրանսիա-
կան թատերական հանդես
Քիեռ-Ատոլֆ — ֆրանսացի պատմա-
բան և պետական գործիչ
(1797—1877)
«Քոլիբրյոզ» — գործվածքեղենի
պիտակ (ֆրանսական)
Փեքսեյ (Ջրսի) — Անգլո-նորման-
դական կղզի Մանչուս
Փյուլի — Ռուսոյի «Նոր էլոիզ» վե-
պի հերոսուհին
Փյուվենայ — լատին բանաստեղծ
(65—128)
Իգուլթ (Իգուլտ) — գերմանական
դիցաբանության հերոսուհինե-
րից
Իթակե — կղզի Հունաստանում
Լամրեն Ֆելիսիթե — ֆրանսացի ի-
մաստասեր (1782—1854)
Լաֆեռ — քաղաք Բելգիայում
Լըմեթո Փյուլ — ֆրանսացի քննա-
դատ (1853—1914)
Լը Վեռիե ժան ժոզեֆ — ֆրանսացի
աստղագետ (1811—1877)
Լիեժ — քաղաք Բելգիայում
Լյուֆոնս (Լուրեցիոս) — լատին
բանաստեղծ (98—55 մ. թ. ա.)
Լոնենկոիե — Վազների օպերաներից
Լոսեն — եգիպտացի արքայի անուն

Loven Braen — հանրածանոթ դա-
բեջրատուն Մյունխենում
Կալաբա-Սերայ — հայտնի թաղա-
մաս Պոլսում
Կամպեթթա Լեոն — ֆրանսացի իրա-
վաբան, պետական գործիչ (1838
—1882)
Կատոն «Բենիչ» — հին Հռոմում պե-
տական գործիչ (224—149 մ.
թ. ա.)
Կաստայի — հունական դիցաբանու-
թյան հերոսուհի
Կեսիկ Փաշա — թաղամաս Պոլսում
Կյուլբանե — տեղանուն Պոլսում
Կոքիե Թեոֆիլ — ֆրանսացի բա-
նաստեղծ, քննադատ (1811—
1872)
Կոնֆուս Եղբայրներ — ֆրանսացի
գրողներ էդմոնդ (1822—1896)
և ժյուլ (1830—1870) Կոնքու-
նեկը
Կուրֆրուա տը Պուլոն — խաչակիր-
ների առաջին արշավանքի առաջ-
նորդը (1061—1100)
Հալֆ — Պոլսո իշխանաց կղզիներից
մեկը
Հեռալ — առևտրական տան անուն
Հիպոկրատ — հույն մեծանուն բժիշկ
(460—375 մ. թ. ա.)
Հիսար — Վոսփորի ափին արվար-
ձան
Հոսաս Ֆլաուս (Հոսացիոս) — լա-
տին բանաստեղծ (65 մ. թ. ա.
—8)
Ղալաթիա — առևտրական կենտրոն
Պոլսում
Մանոնվիլ — քաղաք Բելգիայում
Մարկա-ա-ռո (Մարկառո) — հունա-
կան կանացի անուն
Մերթ ժոզեֆ տը — ֆրանսացի գը-
րող, իմաստասեր (1753—1821)
Մեստրաի (Մեստրոի Մադրիս)

—Ֆրանսական շոգենազային ընկերության անուն

Մեսլեր Ֆոանց Անտոն—գերմանացի բժիշկ (1734—1815)

Միշլե Ժյուլ—ֆրանսացի պատմաբան (1798—1874)

Միռապո Օնորե Գարբիել—ֆրանսացի հոնտոր, քաղաքական գործիչ (1747—1791)

Միռեն—առևտրական հիմնարկի անուն

Միրպո Օկտավ—ֆրանսացի գրող (1848—1917)

Մյուլլեր Մախ—գերմանական ժազումով անգլիացի լեզվաբան (1823—1900)

Մոնյուլ—տեղանուն Բելգիայում, արտեղ կատարվել է Ֆերբրի զրնդակահարման առաջին տարեկիցը

Մոպեոմ—քաղաք Ֆրանսիայում

Մարմոն—ամերիկյան կրոնական աղանդի անդամ (հիմնված 1830 թ.)

Տոնկ-Տրոյ—Ալպյան գագաթներից մին

Նարուզոզոնուր—Բարեչոնի արքա (6-րդ դար մ. թ. ա.)

Նամյոտ—քաղաք Բելգիայում

Նեյսըն Հոբսյս—անգլիացի ժողովուրդ (1758—1805)

Նեյ Միշել—ֆրանսացի մարշալ (1769—1815)

Նեշընըլ կալըոի—ազգային պատկերասրահը Լոնդոնում

Նեստոր—Տրովադայի ավագների խորհրդի երիցագույն անդամը

Նևտոն Իսահակ—(Նյուտոն) անգլիացի աստղագետ, մաթեմատիկոս, իմաստասեր (1643—1727)

Նալլուու—քաղաք Բելգիայում

Նաոն ժան Պալտիստ—ֆրանսա-

ցի բժիշկ, երկրախույզ (1867—1936)

Պարբուլմե Փոլ Ալպեր—ֆրանսացի քանդակագործ (1843—1928)

Պարբելմե արքա Ժաֆ—ֆրանսացի գիտնական (1716—1795)

Պարտիզակ—երբմեմի հայաշատ գյուղաքաղաք Պոլսի մոտ

Պեյնոզ—պոլսական արվարձան, Վոսիորի ափին, հայտնի իր շրով

Պեֆ Հենրի—ֆրանսացի թատերադաս (1837—1899)

Պիզանս—ֆրանսերեն՝ Բյուզանդիոն (Պոլիս)

Pêcheur d'Islande—ֆրանսացի գրող Պիեռ Լոթիի երկը

Պյուռկյու—առևտրական տան անուն

Պոյաճը Քյոյ—պոլսական արվարձան Վոսիորի ափին

Պրեռեն—առևտրական հիմնարկի անուն

Պոն մարչե—առևտրական տան անուն Պոլսում

Պոսլեո Շառլ—ֆրանսացի գրող (1821—1867)

Պոլոմե Փոլ—ֆրանսացի գրող (1852—1935)

Ռասփայլ - Ֆրանսուա—ֆրանսացի քիմիկոս և քաղաքագետ (1794—1878)

«Ռեյու տե տյո մոնտ»—«Revue de deux mondes»—ֆրանսիացի հեղինակավոր պարբերաթերթ XIX դարից

Ռընան Էոնեստ—ֆրանսացի գրող (1823—1897)

Ռիկի—Ալպյան գագաթներից մեկը

Rue de la paix—*փողոց Փարիզում*
 Rue de 4 septembre— **» »**
 Ռյու Պլաս—*Հյուզոյի թատերախաղերից մեկը*
 Ռյուպենս Փիեռ—*(Ռուբենս)—Ֆրւմանդացի նկարիչ, դիւանագետ (1577—1640)*
 Ռոնսառ Փիեռ—*Ֆրանսացի բանաստեղծ (1524—1585)*
 Ռոսեն Օկյուտ—*Ֆրանսացի քանդակագործ (1840—1917)*
 Ռուկոն Մազան—*Ղուլայի երկերից*
 Սեն Փոնտ—*Ռուսոյի «Նոր էլիզ» վեպի հերոսներից*
 Սեկնի Մառի տը Տեպուրեն Եանթալ—*Ֆրանսացի-նամակագրուհի (1626—1696)*
 Սեվո—*արվարձան Փարիզում*
 Սերայովա—*քաղաք Հարավսլաւիայում*
 Սիլվեսթր Արման—*Ֆրանսացի գրող (1837—1901)*
 Սիլֆրիտ (Ձիգֆրիդ)—*գերմանական դիցարանության հերոսներից*
 Սյու էոժեն—*Ֆրանսացի վիպասան (1804—1857)*
 Սյուլիի Բրյուտոմ Արման—*Ֆրանսացի բանաստեղծ (1838—1907)*
 Սփենսըր Հեւլըրթ—*անգլիացի իմաստասեր (1820—1903)*
 Վալանսիեն—*նահանգ Ֆրանսիայում*
 Վալոն ու Յլաման—*բելգիական ժողովրդի երկու գլխավոր հատվածների անունները*
 Վալիլիոյի—*Վազների օպերաներից*
 Ville d'Evêque—*փողոց Փարիզում*
 Tartoufisme—*Ֆ. թարթոֆականութիւն*

Տելեմաք—*Յենեւոնի համանուն երկի հերոսը*
 Տեպա («Debats») —*փարիզյան օրաթերթ*
 Տեմոյեն էդմոնդ—*Ֆրանսացի պատմաբան, ընկերաբան (սոցիոլոգ)*
 Տոն Սեզար տը Պազան—*Հյուզոյի հերոսներից*
 Տրեյֆուս Ալֆրեստ—*ծնունդով հրեա, ֆրանսական սպա (1859—1935)*
 Ուսլյուտար (Իսլյուտար)—*հայաշատ թաղամաս Վոսփորի ափին*
 Փալե Ռոյալ—*ֆրանսական արքայական պալատը*
 Փեթոնեն Քաթյուլ—*լատին բանաստեղծ (7—65 մ. թ. ա.)*
 Փենտիլ—*Պոլսի մոտակա երկաթուղային հանգույց*
 Փեստալոժծի Ժան Լանրի—*շվեյցարացի մանկավարժ (1746—1827)*
 Փլաս տը լեթուալ—*հրապարակ Փարիզում*
 Փրինցիփո—*Պոլսի Իշխանաց կղզիներից մեկը*
 Քաթյուլ Մենտես—*Ֆրանսացի գրող (1841—1909)*
 Քանլրան—*արվարձան Վոսփորի ափին*
 Քանտիլի—*արվարձան Վոսփորի ափին*
 Քեպանե—Սուլո—*տեղանուն Պոլսում*
 Քառքիե Լաթեն—*թաղամաս Փարիզում*
 Քլոտ—*Ղուլայի հերոսուհիներից*
 Քյոսթենեն—*ռումինական նավահանգիստ*
 Քոլս Ռոպերտ—*գերմանացի բժիշկ (1843—1910)*

Քոփիէն Ֆրանսուա—Ֆրանսացի գրող (1842—1908)
Քոնտի լիոնէ—Ֆրանսական դրամատան անուն
Քուզկունճուֆ—պոլսական արվարձան Վոսփորի ափին
Քուֆ Քափու—հայաշատ թաղամաս Պոլսում
Քուշ Տիլի—պոլսական արվարձան Վոսփորի ափին
Քուֆ—ճամփորդական գրասենյակի անուն
Օխլամուր—տեղանուն Պոլսում
Օնն ժուրժ—Ֆրանսացի թատերագիր-վիպասան (1848—1918)
Ֆաժրո՛լ—Ղուլայի հերոսներէջ
Ֆակն էմիլ—Ֆրանսացի պրոֆեսոր, ընկաղատ (1847—1916)

Ֆարիա արբա—Դյումայի «Կոմս Մոնտե Քրիստո» վեպի հերոսներէջ
Ֆենրլոն Ֆրանսուա — Ֆրանսացի գրող, կղերական (1651—1715)
Ֆերեր Գվարտիա Ֆրանչիսկո—իսպանացի տաղադիմական գործիչ (1859—1909)
Ֆլեշիէ էսփոի—Ֆրանսացի կղերական (1632—1710)
Ֆոլի Պերժեո—փարիզյան զրոսավայր
Ֆոմոն Ռիլլեր—Ալֆոնս Դոդնի համանուն երկի հերոսը
Ֆոսպել Ֆրիտերիկ — գերմանացի մանկավարժ (1782—1852)։

ԲՈՎԱՆԻԱԿՈՒԹՅՈՒՆ

ՎԵՊԵՐ

Անհետացած սերունդ մը	7
Նարդիկ	112

ԲԱՆԱՍՅԵՂՄՈՒԹՅՈՒՆՆԵՐ

Նախանձ	181
Ի սրտակտուր մահ՝ մտերմիս Միսաք Մանուկյանի	183
Հրածեշտ	185
Նարկիլենն	187
Հուանալու դեմ	188
Ունծանոթը	189
Զյունը	190
Վառարանը	191
Հարցում	192
Համակերպություն	193
Ոչ ոք	194
Զատկի առթիվ	195
Հսկում	196
Հպարտություն	197
Տարակույս	198
Եկուր	199

Չինական նաժականի	203
Ուղևորութիւն մը հիշանակներու մէջ	210
Քոքինաքի (Իզմիրի կյանքի)	227
Փոքեր	233
Մարգար ախպոր տերտը	235
Հալվայս	238
Բարերարը	241
Բարեկենդանը	243
Վերջին արևագալը	245
Քիթեռնիկներ	247
Շիշլիի ազգային գերեզմանատունը մեռելոցի կիրակին	251
Բեռն տակ	255
Կորսված խոսքեր	257
«Ապրիմ-Մեռնիմ»	261
Կոտրելեն ետքը	265
Գիրեր պատերազմի դաշտեն	268
Հատվածներ	279
Հատվածներ	284

ՔՆՆԱԴԱՏԱԿԱՆ ԵՎ ՀՐԱՊԱՐԱԿԱՆՈՍԱԿԱՆ ՀՈԴՎԱԾՆԵՐ

1887

Քղթակցութիւն	291
------------------------	-----

1892

Մեր Մասիսը	294
Անբարոյական գրականութիւն	296
Հայ թատրոնի նաժարեկութիւնը	302
Աչ և ձախ (քրոնիկ)	307
Համալսարանական կրթութիւնի պակասութիւնը մեր մէջ	310
<Լեզվական խնդիր>	314
Նոր լրագրութիւնը	316
Ուսուցչական ժողով	321
Փրգը	326
Տիկին Սիրանուշ	329
Քատրգուղի թատերական ներկայացումը	332
Քաարոն	338

1898

Տարի մը	341
Ճամփին շեղած	344
Պարպված օդապարիկ	347
Կենդանի մեռյալներ	351
Էմիլ Զոլա (Մեր պատկերը)	354
Իզմիր	359
Մանանա	362
Համեստ գործեր	366
Ֆրանսուա Քոփին (Մեր պատկերը)	369
Վարժարանաց շուրջը	373
Մոռցվածներ	376
Մոտան	379
Բարոյականի կոիվը	382
Անգիր գպրութիւն և առակք	385
Տետրակես էջ մը	389
Առաջ թե ետ	392

1898

Տարեդարձ մը	395
Երգենք	398
Ավելը	400
Ավելին ետքը	403
Խորհողներ, գործողներ	407
Քատերական քրոնիկ (Տիկին Մոնկոտեն)	410
Սրբագրութիւն	414
Անմահութիւնը աժանդած	418
Լուր շի կա	422
Քատերական քրոնիկ (Ղարբեոցապետը)	426
Լուսավորիչ մը	431
Սորսորումը	434
Հատուկ անուններ	437
Ոչ-կաթուղիկ	440
Պաբը	443

1901

Յնորավեպձին շուրջը	447
------------------------------	-----

1902

Հիսուն տարի առաջ
Ութր տարի հտքը

450

457

1908

Կյանքը Փարիզի մեջ
«Պատվի համար»

460

464

1910

Հակոտնյաններ

173

1913

<Զոհրային ճառը>
Պանդրագրություններ
Ետոտաններ (Կազմեց՝ Շահնուր Շահրիկյան)

477

482

505

ԳՐԻԳՈՐ ԶՈՂՐԱՊ
ԵՐԿԵՐԻ ԺՈՂՈՎԱԾՈՒ
ԵՐԿՈՒ ՀԱՏՈՐՈՎ
Բ. ՀԱՏՈՐ

Խմբագիր՝ Մ. Ս. Քերզյան
Գեղ. խմբագիր՝ Ա. Գասպարյան
Տեխ. խմբագիր՝ ՕՅ. Փանիկյան
Վերստուգող սրբագրիչ՝ Լ. Դշխոյան

ՎՅ 06030

Գաղվեր 2676

Տիրում 20000

Հանձնված է արտատրության 10/XI 1961 թ.:

Ստորագրված է ապագրության 15/III 1962 թ.:

Քուղթ՝ $84 \times 108^{1/2}$: Տպագր. 32,25 մամ. = 26,44 պայմ. մամ.:

Հրատ. 20,5 մամ. + 1 ներդիր:

Գինը՝ 82 կ.:

Հայկական ՍՍՌ Կուլտուրայի մինիստրության Հրատարակչության ներքին
և արտերկրյա արդյունաբերության Գլխավոր վարչության
N 6 ապարան, Երևան, Քումանյանի փողոց N 81: